

**NATIONAL ASSEMBLY OF
SEYCHELLES**

Wednesday 1st December, 2021

The Assembly met at 9.07am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou manm *staff* dan lasal, e nou piblik a lekout, bonn zournen e mersi pou zwenn nou.

Pou konmanse an komemorasyon Lazournen Mondyal *VIH/SIDA*. *Chairperson* Komite *VIH/SIDA* dan Lasanble Onorab Rosie Bistoquet pou prezant en mesaz lo lapar Lasanble e son Komite an komemorasyon sa lazournen. Onorab Bistoquet.

HON ROSIE BISTOQUET

Mersi Mr Speaker. Bonzour Mr Speaker. Bonzour tou Onorab. Bonzour tou piblik. En gro bonzour spesyal pou tou dimoun ki pe viv avek *HIV* ouswa *SIDA* avek zot fanmir.

Depi lannen 2019 limanite in vin vilnerab akoz pou premye fwa lemond i fer fas avek en doub lepidemi. Zonm, fanm, zanfan pe fer fas avek *SIDA* ki pe fer kolizyon avek lepidemi *COVID-19*. Son lefe i fatal. Akoz lemond in vin pli danzere pou viv. Lemond pa'n ganny prepare. Lemond in perdi resours. Lemond pe viv mwen fortinen.

Sa set akoz lemond pe konfront sa de lepidemi an menm tan ozordi, demen e petet byento lemond ava kapab respire.

Mr Speaker, anba term met en lafen avek inegalite, met en lafen avek *SIDA*, met en lafen avek pandemi, ozordi le 01 Desanm parey tou le lannen Sesel partikilyerman Lasanble Nasyonal i zwenn avek tou Lorganizasyon Nasyonal Lasante sirtou, Lorganizasyon Non-Gouvernmental, lorganizasyon rezyonal sirtou Kominote *SADC* e osi enternasyonal ; tou bann Nasyon Ini bann tim Nasyon Ini sirtou *UNAIDS* pou komemor sa zour.

Sa moman i en moman spesyal pou nou tou pran en poz, reflexir lo realite e lenpak ki *HIV* ek *SIDA* i anmennen lo kominote imen.

I lemoman pou nou tou mazine e priy pou tou sa anviron 30 milyon dimoun sirtou nou bann frer ek ser ki pe viv avek *HIV* ou *SIDA*. Zot fanmir osi ek zot zanmi.

Nou osi pri pou anviron 1.2milyon dimoun ki'n perdi zot lavi avek *SIDA*. Seselwa pa'n ganny eparnyen avek lepidemi *SIDA* e osi *COVID-19*. Malgre en bon pe progre in ganny fer nou annan en kantite defi.

Mr Speaker statistik sorti kot Minister Lasante in penn en portre *HIV* avek *SIDA* dan nou pei. I annan an tou 939 nou frer ek ser ki pe viv avek *HIV* pozitiv. Ladan 819 i lo tretman. Ti annan 165 ki'n *drop out* lo tretman 123 zonm 42 fanm. I osi annan 29 prizonyen osi ki lo tretman parmi 43 ki pozitiv.

Nou bann zenn fiy ek zenn garson 15an an montan pa'n ganny osi eparnye.

Mr Speaker lafason ki *HIV* i ganny transmet isi Sesel dapre Minister Lasante, i pli zou mwen atraver eteroseksyel par droger e sirtou bann droger ki servi zegwir ki sal par bann zonm *gay* ouswa zonm ki fer *sex* ek zonm, bann biseksyel. E larestan i partaze ant bann manman pozitiv ki donn nesans baba pozitiv ou bann travayer *sex*.

Menm si *prévalence HIV* Nasyonal parmi popilasyon zeneral i tre ba. Me *prévalence* parmi popilasyon kle i enkyetan sirtou parmi nou frer ek ser droger ki servi sereng, e osi parmi nou bann zonm ki annan zot lasante alternativ ouswa zot *sexual different sexual orientation*.

Laplipar ditan sanmenm sa group dimoun ki pa ganny akse avek servis ou swen lasante, akoz zot ganny diskriminen akoz zot oriyantasyon seksyel.

Mr Speaker dapre rapor bibliye an 2021 par *UNAIDS* en analiz lo sityasyon ek *COVID* anba tit '*Unequal unprepared under threat*' ou pa egal pa'n prepare anba menas.

Sa rapor ti osi anvoy en *warning* ki pandan sa pandemik *COVID-19*, progre dan repons *HIV off-track* akoz tou sistenm servis, swen, tretman, program in ganny enteronpe o menm moman dan letan *COVID-19*. Nasyon Ini in demann tou pei pou pran bann desizyon brav, odasye kont egalite ki tre esansyel pou aret *SIDA*, aret *COVID*, prepar pou lefitir si an ka nou ganny okenn lepidemi.

Mr Speaker alors sa term pou 2021 '*End equalities end AIDS*' met en lafen avek *SIDA*

mon krwar i en term ki ganny deklare.

Par sa deklarasyon tou pei i ganny demande pou bravman pran tou desizyon radikal, avek aksyon pou delivre servis swen pou fer sir ki bezwen protez drwa imen e soutenir egalite dan distribisyon finans pou redwir lenfeksyon *HIV*, e anpes lanmor sirtou parmi bann popilasyon ki kle.

Nou ser ek frer ki annan diferan oriyantasyon seksyel e osi nou bann zenn, pou fer ki zot asire ki zot ganny ase avek lasante reproduktiv, sirtou *test* e kontraseptiv, *test HIV*.

Pou Sesel sa term i tre relevan e aplikab, aköz nou ton bann manm Lasante nou'n toultan pare pou proteze e donn sipor nou frer ek ser ki pli an risk pou ganny *SIDA*.

Ou lezot maladi ki transmet par sex, ou menm *hépatite-c* Komite Lasanble pour Maladi Kominikab *HIV/SIDA* e Lasante Reprodiktiv in met an plas en programm gouvènan anba *SADC-PF*, ki pou dire ziska lannen 2022 e ki nou kapab renouvle apre.

Sa set aköz lamazorite sikse ki'n anmenn progre dan lepidemi *HIV* ou *SIDA* i montre ler i annan en bon lanvironnman legal ek tou

dimoun i satisfè avek servis ou programm.

En bon lanvironnman legal i asire ki dimoun i ganny proteze san diskriminasyon, pou ki fer ki zot viv en lavi normal e en lavi ere.

Mr Speaker sa proze ki Komite Lasanble pou Maladi Kominikab in met an plas, pou ganny enplimante i annan pou bi donn valè azoute bann programm ki pe ganny enplimante par diferan lorganizasyon ou Lazans, pou ki tou nou frer ek ser i ganny akse avek servis *HIV/SIDA*, lasante, e sirtou lasante reproduktiv e zot drwa i ganny respektè.

Pou nou kapab fer sa nou pe met an plas bann prosedir metod konsiltasyon avek tou group, tou lorganizasyon, lazans respektif dan sosyete, pou Sesel kapab pran en pozisyon lo meyer fason pou tou popilasyon ganny akse avek servis lasante dan nou pei e osi fer sir ki nou osi akonpli devlopman soutenab pou nou pei.

Alors mon pou tou demann tou bann group, tou bann lorganizasyon, *NGOs*, *stakeholders*, pou reponn nou lapel pou donn nou sa kontribisyon ler lemoman in arive.

Nou bann Parلمانter nou tre angaze e toultan parey pou donn nou sipor dan okenn size relye avek *HIV* ouswa *SIDA*, maladi kominikab, lasante reprodiktiv, drwa imen e Lalwa. Kont lo nou sipor. Mersi Mr Speaker.

(APPLAUSE)

MR SPEAKER

Lo lapar Lasanble mon remersye Onorab Bistoquet pou son mesaz. Mon osi aport nou solidarite pou travay sa Komite dan Lasanble avek son bann *partner* lokal e etranze, sirtou *SADC-PF*.

Mersi Onorab pou apel nou sa lot en lot defi mazer pou lasante. E avek sa, mon ava kapab remersye nou travayer Lasante Nasyonal ki angaze dan sa lalit e demann sipor tou popilasyon. Mon a eksprim osi respe pou bann ki'n perdi zot lavi e senpati pou bann fanmir, bann dimoun e bann dimoun ki pe viv avek *VIH/SIDA*. Mersi bokou.

Bon nou ava pas dan Staz Komite pou nou kontinyen avek nou travay lo *Appropriation Bill*. Mon a demann madanm raporter pou apel nou delegasyon.

**DEPARTMENT OF
EMPLOYMENT**

MR SPEAKER

Bonzour e byenveni Minis Patricia Francourt Minis pou Lanplwa e Zafer Sosyal e son delegasyon Mr Jules Baker, Sekreter Prensipal pou Lanplwa e Ms Chantal Jules *Senior Accountant*. Nou swet labyenveni osi ankor enn fwa Mr Patrick Payet Sekreter Deta lo kote Minister Finans e Ms Noella Vinda dan son *Acting Director Public Budget Management*. Mersi pou zot prezans e zot partisipasyon.

Nou lo Bidze Minister Lanplwa e Zafer Sosyal ki lo paz 531 ziska 543 dan liv Bidze, e sa i pou en total R87milyon 934 mil. Nou ava konmans konsider sa Bidze avek lentrodiksyon Minis. Minis laparol.

**MINISTER PATRICIA
FRANCOURT**

Mersi Mr Chairman. Bonzour Mr Chairman. Bonzour tou Manm Onorab. Bonzour tou manm piblik a lekout.

Mr Chairman lannen 2021 i enn ki pa'n fasil ditou pou lemonn travay fas a *pandemic COVID-19*.

Espesyalman pou premye lanmwatye lannen kot bokou biznes ti vwar zot dan en sityasyon difisil, ki an rezilta travayer ti pe ganny fer aret travay a en to ki zanmen nou ti'n deza eksperyanse.

Pou donn en legzanp zis pou mwan Mars, 186 travayer ti perdi zot louvraz konpare avek menm peryod an 2019 ki ti 27. Pou fer lapel nou ti konmans dezyenm kar lannen avek 1098 dimoun lo nou rezis ki ti pe rod en lanplwa.

Sa osi ti en rikord san presedans pou nou Departman. Set egzakteman pou sa rezon ki Departman Lanplwa ti ganny Bidze ekstra pou 2021 pou kapab fer *recruitment* travayer adisyonnèl, an rekonesan sa defi ki ti devan nou pou asire ki nou gard en marse lanplwa ki stab an fas lensertitid ki lemond antye i ankor pe eksperyanse ziska prezan.

Avek sa sipor Bidze e dedikasyon *staff* sa Departman par Oktob 2021 nou annan selman 322 dimoun ki ankor lo nou rezis pe rod en lanplwa, e zot dan demars pe fer *interview* pou lemoman.

Pou nou reisi dan sa demars e fer nou par pou ki lekonomi Sesel i kapab releve, nou ti bezwen ranforsi serten nou stratezi. Par egzanp annan

sirveyans total lo *recruitment* travayer etranze, e osi pouse pou ki sa ki bezwen ganny *reskill* e *upskill* i ganny sa loportinite pou fer li.

Mr Chairman an 2020 Departman Lanplwa ti ganny en Bidze R38.491milyon. Dan milye lannen Minister Finans ti koup R1.5milyon lefe ki ti annan retar dan *recruitment*.

Alor *revised* Bidze 2021 ti desann pou vin R36.991 milyon. La ki Departman Lanplwa in fini konplet bann prosedir *recruitment*, nou Bidze pou lannen 2022 i R37.786milyon. Sa i fer ki R24.417milyon pou *wages and salaries* e R13.369milyon pou *goods and services*.

In annan en logmantasyon R2.859milyon anba *wages and salaries*, e en rediksyon R2.064milyon anba *goods and services* ki fer ki Bidze Departman Lanplwa in ogmant selman par R795mil.

Sa R2.589milyon i konpri *comme* swivan: 1.5milyon ti ganny koupe lannen pase an vi ki nou pa ti ankor fini fer *recruitment*.

457mil pou transfer 2 *account staff* sorti kot Minister Finans. 752mil pou pran kont saler Zanvyè ek Fevriye pou 18 pos.

R120mil pou *responsibility allowance* pou 4 *staff*, en konfirmasyon dan post, en *upgrading of post e graduate allowance* pou en *staff* ki pe konplet son letid aletranze.

Dan konteks *good and services*, i annan R2.064milyon ki pa ti ganny servi dan sa total R4.1milyon Lazans *SETS* ki ti ganny *transfer* avek Departman Lanplwa pou *reskilling of jobseekers*.

Mr Chairman parey in ganny endike, dan nou prezantasyon Bidze, nou annan nou bann *strategy priorities* pou lannen 2022, tel ki travay kontinyel pou annan en sistenm lenformasyon ki *reliable*, pou ki nou kapab vitman adres okenn defi ki marse Lanplwa i prezante.

Osi asire ki nou zwenn o plis ki posib demann marse, an menm tan ki nou touzour gard kominikasyon ouver avek nou bann *partenaire e stakeholders*.

Malgre nou annan en logmantasyon nou Bidze sa pa zanmen sifi me nou rekonnèt ki nou bezwen zer li dapre nou mwayen e esey fer plis avek sa ki nou gannyen. Se sa lespwar lapros ki nou pe pran pou lannen 2022. Alor mon pe demann Lasanble pou zot konsiderasyon Bidze

Departman Lanplwa. Mersi Mr Chairman.

MR SPEAKER

Mersi Minis pou lentrodiksyon. Nou annan Bidze Departman Lanplwa apre nou annan Bidze Departman *Social Affairs*. Mon sipoze i ava pli rezonnab pou nou pran Departman Lanplwa avan. So bann Manm annou konsantre lo Departman Lanplwa premye la, e apre nou ava pas lo *Social Affairs*. Mersi, en pti moman Onorab Lemiel i kapab met pare pou konmanse, me les mon en pti letan, i delika sa bann zafer pran non la apre mon bliy enn.

Bon Onorab Lemiel ou kapab konmanse. Ou'n lev lanmen premye.

HON SYLVANNE LEMIEL

Mersi Mr Chair. Bonzour Minis avek ou delegasyon tou mon bann koleg Manm Onorab e tou dimoun a lekout. Minis ou'n eksplik en pti pe lo kote ou priyorite stratezik pou lannen 2022 a 2024. E mwan mon pou konsantre mon kestasyon lo *bullet point number 2*, kot ou pe mazin en pou zot "*enhance employability o the unemployed*" sirtou zenn ki zot pe mazin targete.

E an menm tan zot pe mazin nouvo target bann

employment programmes ki zot pe mazin fer pou bann zenn e osi zot pe mazin fer sa an *partnership* avek prive?

Lo kote ou Bidze pou lannen 2022 ou pe osi dir dan menm priyorite ki oule fer, zot oule entrodwir en nouvo *Reskilling Programmes*. E apre zot oule *extend* sa *scope Skills Development Programme* osi pou zot kapab *cater* pou plis zenn, petet pou fer li ariv *from* 15an ziska 30an.

Dan ou Bidze ki konponan larzan ou'n mete pou ou kapab *achieve* sa plan stratezi? E si ou annan en nide osi dan menm laliny, konbyen dimoun ou pe mazin touse pou lannen 2022? Mersi.

MR SPEAKER

Mersi. Minis ou a reponn silvouple.

MINISTER PATRICIA FRANCOURT

Mersi Mr Chairman. Mersi Onorab pou ou kestyon. Ou annan parfetman rezon poudir nou konsantrasyon i devret lo bann zenn. Kantmenm nou to lanplwa i zis 3.3poursan an zeneral i montre ki nou bann zenn i vreman o. E sa nou'n bezwen fer bokou resers me osi bokou koze pou konpran aköz.

E letan nou regarde bokou bann zenn ki tonm dan sa *bracket*, i plito bann zenn petet ki'n sorti *drop outs of school*. E sa i *targeted group* ki nou'n *focus* en kantite lo la. E i annan en kantite louvraz ki nou'n fer e nou ankor pe fer avek Minister Ledikasyon, pou nou kapab ankadre sa bann zenn.

Sa louvraz i *continuous* ki nou pe fer *in terms of targeting them*. Nou annan en kantite program ki nou met an plas e i annan bann Minister ki nou pou antre ladan, ki *already* -. Par egzanp nou pou pran *Blue Economy* i deza annan Bidze ki nou kontan poudir letan ki nou rantre zot *target* serten group zanfan, Kot lazan mon konnen poudir pou *short* avek pou nou i annan bann landrwa kot nou pou rantre ladan pou nou kapab entegre e *run* bann program.

E enn nou gran *partner* osi se *TGMI* ki fer bokou avek nou. E mon tir mon *chapeau* avek zot aköz sa ki nou annan zot travay avek. E sa mon salye zot. E zot kontinyelman fer bann program pou nou, '*Prepared to work programme*' ki *continuous*.

Mon ti ava kontan demann *PS Baker* pou azoute lo la epi mon ava *come back to you* Onorab. Mersi.

MR SPEAKER

Wi *PS* ou kapab adrese. *Panel* annou sey fer li osi kourt akoz nou annan en kantite kestyon. *PS Baker*.

PS JULES BAKER

Thank you Mr Chair. Bonzour Mr Chair. Bonzour tou Manm Onorab. Bonzour tou manm piblik ki a lekout. Vitman Mr Chair, pou reponn kestyon Onorab konsernan Bidze, pou sa lannen nou'n ganny nou R3.1milyon anba Program *Skills Development*, R5milyon pou *My First Job Scheme*, e R2milyon pou *Reskilling Programme*.

Sanmenm sa ki letan nou eksplike nou dir nou *strategy priorities* nou pe fer, nou annan sa *Skills Development Programme* ki deza target bann zenn, ki swa *in drop out from school*, ouswa in pa'n ganny loportinite pou li antre dan post segonder nou pe target zot.

At the same time nou pe *extend the scope reskilling*, pou nou donn plis sans bann dimoun ki bezwen ganny *reskill*, e sa ankor Departman Finans in donn nou *an additional* R2 milyon.

Parey *Minister* in dir o firanmezir ki nou devlope nou annan nou bann *target group*, nou pou reisi lannen prosenn

kontinyelman *reskill* nou bann manrmay ki sorti dan lekol segonder e osi *reskilling programme* pou bann lezot.

Nou annan bokou detay la. Me parey Mr Chair in dir, nou pa pou kapab al eksplik tou sa bann detay. Me solman nou kapab fer Lasanble ganny sa tou detay konsernan depans *reskilling*. Mersi Mr Speaker.

MR SPEAKER

Mersi. Onorab Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour Minis ek ou delegasyon. Minis ler mon ti pe get dan zot manda pou Lanplwa, i site la ki tou Seselwa i *deserve* en bon travay dan son pei.

Me dan zot bann *major achievement*, Minis Lanplwa in fer bokou pou met Seselwa dan travay. E bokou *vacancies* i ankor pe *advertise* dan medya e dan bann zournal.

Me nou pli gro *challenge* i reste ki bokou bann lanplwa, bann landrwa travay i fer li difisil, pou zot anploy Seselwa. Atraver ki zot bann kriter ki zot demande parfwa i en pti pe egzazere.

E sa par ler ou gete i vin en fason malisyè pou zot *get away* avek pou zot ganny *GOP*.

Ler nou get *strategy priorities* i annan *flexibilities*, i annan *training*, i annan bokou keksoz ki nou pe sey fer pou nou met nou bann Seselwa dan travay.

Eski dan zot Bidze zot pe fer provizyon pou annan enn de zofisye dan Departman Lanplwa pou al fer parey nou dir bann *snap check*? *Either* bann landrwa travay dan bann landrwa travay e osi dan bann laboutik kot nou pe vwar *Indien*, nou pe vwar bann *expat*.

Kantmenm i annan *expat* ki travay kot *IOT* zot pran travay aswar, akoz lizour zot pe travay dan serten magazen *Indien*. E sa, sa bann plas nou ti kapab kit pou en Seselwa.

E pou nou i sagrinan ler en Seselwa i dir ou, ou demann li si in al travay i dir ou mon'n al 5 fwa Biro Lanplwa ;- “Mon'n *apply*, mon'n fer *interview*.”

Be 5 fwa napa en travay pou sa Seselwa pandan sa 5 fwa? E alor mon pe demande si zot pe fer provizyon dan sa Bidze la ki nou pou al vote, pou zot met en pe zofisye lo semen, pou li sey al fer en pe *check* dan sa bann landrwa travay, pou nou kapab ed nou bann Seselwa la deor ki ankor pe pas matir pou ganny en travay? Mersi.

MR SPEAKER

Mersi Onorab. Minis.

MINISTER PATRICIA FRANCOURT

Mersi Mr Chair. Mersi Onorab pou ou kestyon. Onorab sa i enn bann gran defi ki nou'n rankontre letan sirtou mwan mon'n rantre dan sa louvraz kot Departman Lanplwa.

Me solman *that is* ki annan difikilte pou *GOP versus* nou bann *locals in the job*.

Me solman mon kapab dir ou sa louvraz ki mon tim kot Departman Lanplwa in fer pou nou *overcome*, e nou ankor pe kontinyen fer i pa zanmen fini sa. Akoz nou'n vwar tou sa bann *ploys* parey nou dir ki bann landrwa i kapab servi pou fer sir i annan de fwa ki zot pa pran en Seselwa.

Nou annan en *labour relations team* avek en *in compliance team*, ki fer sa louvraz, i pa en gran tim. *And you are right*, nou pe travay avek sa ki nou annan. Nou ti a oze annan plis dimoun, me solman nou pe travay ek sa ki nou annan.

Letan mon ti pe get *statistics during the week*, si mon pa tronpe, mon mazin 500 vizit - letan *COVID* sa - 500 vizit. E mon demande 500

vizit i bokou? Dir mwan wi i bokou pou letan COVID avek sa bann restriksyon. Pou ou al kot sa bann landrwa pou ou fer bann *checks* zis pou regarde.

Nou ti pran sa *strategy view* avan ler nou donn en *GOP*, nou bezwen fer sir ki nou konnen napa en Seselwa. Se sa ki ou vwar sa louvraz i bezwen ganny *advertise*. Se nou ti konnen poudir i annan louvraz i bezwen ganny *advertise*.

E nou ti konnen poudir i annan louvraz i ganny *advertise* i annan dimoun i pa donn *the right number*, oubyen i zis fer krwar i met lo Nasyon *and so on*. Nou konnen tousala.

Me selman *as much* ki nou kapab nou rod laprev. E nou avan ler nou donn en *GOP* nou bezwen vwar tou sa kriter, verifikasyon in ganny fer pou nou kapab deside, poudir la wi nou satisfè ki napa dimoun pou nou kapab met dan sa louvraz.

E kot sa seksyon ki *actually* anrezistre dimoun, zot bezwen *cross-check* sa *manually*. E la mon kontan dir poudir nou sistenm elektronik apre en pe retar ki nou'n gannyen, nou *launch* lot semenn i kapab pli efikas ladan.

So nou, nou pe fer tou sa ki nou kapab e mye pou nou

kapab met nou dimoun dan louvraz.

Bear in mind ki nou pe dir nou annan 322 dimoun ki'n anrezistre san en louvraz. 322 dimoun kantite *GOP* aplikasyon ki annan ki antre, savedir i montre nou, nou dimoun i pa sifi.

So nou, nou bezwen get bann louvraz ki stratezi ki nou konnen poudir dimoun pa pou kapab fer.

Nou servi bann stratezi parey. Si en dimoun i vini i dir nou i bezwen 6 *waitress*. Nou pa kapab pa donn li 6 *waitress* pou *run* sa lotel. Petet nou pou kapab donn li 3, nou ava dir 3 lokal oubyen 4 oubyen 2 lokal.

So la kot nou vini nou fer li en balans. Akoz nou pa kapab fer sa biznes osi son lanmen anmare.

Tou sa bann *plys* ki *out there*, nou pe fer fason pou nou antre, antre, antre. E mon krwar bann *employers* in konpran sa. Se sa ki ou vwar osi annan en *outcry* ki kantite *GOP* ki nou aprouve nou annan en bon balans.

San sa nou pou vwar poudir petet zis nou sinyen nou dir wi, nou dir wi, nou pa'n fer verifikasyon. Be nou fer verifikasyon. E nou *go all the way* pou nou kapab fer sa.

Me solman *at the same time* parey en Onorab dan lasal in deza dir mon 322 dimoun letan nou dir lo nou *register* ki pe rod louvraz, zot bezwen fer sir zot rod louvraz osi reste dan louvraz. Al en *interview* pa al 2 erdtan an retar. Pa mal koz ek dimoun letan ou al *interview*.

So 322 dimoun. I annan en dimoun in deza dir mon dan sa lasal i bann dimoun ki kekfwa ki pa anvi travay.

So *therefore* mwan mon pou dir e zot, zot in fer en bann louvraz konman bann Onorab. Zot in met en kantite zot bann dimoun dan louvraz atraver bann *post* ki nou'n anvoy zot. E felisitasyon e nou kontan zot korperasyon lo la. Nou ti pe regard bann distrik an mezir e nou vwar bann distrik ki *unemployment* ti en pti pe o e i annan en gran progre ki'n arive.

So nou kontinyen fer avek sa ki nou annan. Me solman mon pran kont tou sa ki ou pe dir, sa bann *ploys* ki arive *out there we are on the case*. Mersi Onorab.

MR SPEAKER

Mersi Minis. Onorab Aglae.

HON EGBERT AGLAE

Mersi Mr Speaker. Minis mon oule tous sa size *GOP*. Vi

ki laport *GOP* i pas kot ou avan. E nou konnen poudir dan lepase in annan en pti pe labi.

So premyerman mon ti ava kontan petet demann ou, an vi ki ankor annan bann sekter, ki ankor pe fer bann *request* pou *GOP*. Sirtou bann sekter prodiktiv. Me selman nou konnen poudir i annan bann lezot sekter osi, ki pa neserman poudir pa enportan me selman ki kapab pran Seselwa pou travay.

So ki mannyer zot pe mazine poudir avek sa Bidze lannen prosen premyerman, pou zot annan en pti pe *scrutiny* en pti pe pli profon pou fer ki napa okenn form labi ouswa bann *misinformation* ki pe ganny donner parey ou'n dir ki sa bann dimoun i *get away*?

Dezyenmman mon ti ava kontan koz lo bann zenn sirtou. Ou'n tous en ptigin. Bann ki sirtou ki fek kit lekol ki pa neserman zot ganny en letid avanse *ok*.

Petet ki mannyer ou pe mazine vi ki nou annan en pti pe sityasyon kot lanplwa pe *pick up*, me selman nou konnen poudir sa bann zenn napa leksperyans, *ok* e ou sa *Scheme Reskilling* i pa kapab pran zot tou.

Ki ou pe mazin fer pou anmas zot ki mannyer zot pa

tonm dan sa semen *at an early age?* Mersi.

MR SPEAKER

Mersi Onorab. Minis.

MINISTER **PATRICIA**
FRANCOURT

Mersi Mr Chair. Mersi Onorab pou ou kestyon. E ankor mon pou dir, kantite lenformasyon ki nou gannnen avek piblik deor la, e mon felisit zot akoz nou en *open door* nou. Tou lenformasyon ki vin kot nou ki nou konnen poudir en dimoun pe fer labi lo kote *GOP*, oubyen pe donn nou fo lenformasyon nou fer sir. E sa i en keksoz ki mon fer vreman byen avek mon tim. Met devan nou, si in vin par *emails*, si in vin par *WhatsApp* si in vin par *messenger* si zis en let anonim, fer sir nou tyek tousala.

E mwan mon ankouraze e mon dir dimoun ankor, si zot, zot konnen fer nou konnen. Akoz ler zot fer nou konnen, nou bezwen *investigate*, nou bezwen regarde.

Kot Departman Lanplwa nou *revoke GOP*, nou *revoke* si fodre nou vwar poudir i annan ase levidans.

Kot Departman nou fer sir *again* parey mon dir avan ler donn zot en *GOP*, nou'n bezwen fer sir kot departman ki pe *refer*

dimoun son *database* i montre pou dir napa sa i premye.

Ou'n fer ou *advertising* i premye. Nou'n *place and match* napa nou pa'n gannnen. Menm nou bezwen al fer verifikasyon *visual* pou garde, par egzantp ou dir dan sa laboutik eski i bezwen 4 dimoun, sa dimoun ki pe fer *Manager* i kapab osi pe fer ou *financial controller role*.

Konmsi ou konnen akoz i bann *ploys*, ki'n arive dan lepase ki dimoun i kapab dir poudir mon bezwen 4 *post* kan en dimoun i kapab fer sa *post*.

So nou, nou met en regar byen for pou nou fer sir. Si nou pa konnen dimoun i fer nou konnen. E sa mon kontan akoz sak keksoz ki vin kot nou, dimoun i fer nou konnen nou *have a right investigate*. E toultan in reste nou premye pou met nou dimoun.

Se sa ki ou vwar nou to *unemployment* pou lemoman lo nou *register* i sitan ba kantite ki nou ti konmans avek ti'n ariv 2400 en letan. Prezan la nou'n desann lo 322, savedir nou pe fer en bon louvraz pou met dimoun dan lanplwa.

Mon ava dir *PS Baker* koz lo nou bann program zenn. Mersi Mr Chair.

MR SPEAKER

PS Baker.

PS JULES BAKER

Thank you Mr Chair. Thank you Minister. Mon ava *être* bref ankor. Parey mon'n dir *Reskilling Programme* i ankor relevan. I ankor relevan akòz nou ankor pe pran bann zenn ki pe tonm lo semen an kitan lekol a en tre zenn az. E sa nou pe koz ant laz 15 a 17an e ki nou deza aktyelman la nou annan 195 plasman ki nou'n fer anba *subsidy* e 150 i *already* aktiv on *the programme*.

Sa ki nou'n vwar konstate se sa lannen nou pa'n vwar bokou zenn ki'n anrezistre anba *Reskilling Programme*, mon krwar sa i annan *Reskilling Programme* i annan pou fer avek sityasyon *COVID*, ki zot pa'n kapab desann pou zot kapab pran bann loportinite *training* ki annan.

Me solman pou lannen prosenn nou annan en legzersis ki nou fek fini fer avek Minister Ledikasyon. Enn, kantite marmay ki pou ganny abzorb dan pos-segonder pou lannen prosenn i anba legzersis i vremen en progre ki nou'n ganny en pe statistik. E lekel bann ki pa pou kapab.

Malgre tou zefor ki Minister Ledikasyon i fer ek bann *pieces* pou pran zot pou met dan lanplwa, lekel bann ki

Departman Lanplwa pou atrape e pou met zot lo sa bann *training*.

This is why ki Minister Finans avek gran plezir pou mwan dir ki in donn nou ankor R3.1milyon, pou nou kapab anmas sa bann manrmay. Malgre ou vwar i kapab annan en pe *challenge* dan milye lannen, lannen prosenn, me solman Bidze i la, pou nou kapab met plis nou dimoun dan zot plis sa *training* e met zot plis dan lanplwa.

My First Job ankor i parey, e *My First Job* li i fer bokou plis sikse, akòz manrmay i annan en pli nivo ledikasyon en pe pli o e statistik i montre ki plis ki 90poursan bann marmay apard bann ki'n al fer *further studies* zot in rantre dan en form lanplwa.

So i bokou pli fasil pou zot akòz nou kapab *match* zot avek zot bann *area of studies*, ek bann *GOP* ki annan.

Sanmenm sa ki parey Minis in dir, nou annan kontrol total lo *GOP* sorti kot Imigrasyon vin kot Lanplwa, pou nou vwar tou son bann *GOP* ki ganny *advertised* anba *Certificate of Entitlement* e osi bann normal *GOPs*.

This is where nou fer nou bann Seselwa zenn konman en pe pli aze antre dan lanplwa. So

pou reponn ou kestyon, Bidze i la e tou le de program i ankor relevan. Mersi Mr Speaker.

MR SPEAKER

Mersi. Wi Minis silvouple.

MINISTER PATRICIA FRANCOURT

Mersi Mr Chair. *Very quickly.* Zis pou fer Onorab konnen sa louvraz ki nou'n fer ek Minister Ledikasyon lannen pase, apepre zis anba 400 zanfan an plis ti reste dan en *professional centre*. E nou pe fer sa travay ankor.

Savedir zot pa pou zis ganny *drop out* lo *labour market*. Plis nou ankouraze pou zot reste dan en *professional centre*. Mersi.

MR SPEAKER

Mersi Minis. Onorab Zialor.

HON NADDY ZIALOR

Mersi Mr Chair. *Minister* avek ou *panel* bonzour. Pou konmanse mon ti ava kontan montre mon lapresyasyon an ver ou Departman, parske depi letan *COVID* ou'n vin dan nou Lasanble a plizyer repriz pou donn nou sityasyon lanplwa.

E mon krwar konman bann Manm Lasanble nou bezwen avoue, ki annan bann

travay enorm ki'n ganny fer, pou fer sir ki Seselwa i kapab kontinyen met dipen lo zot latab.

Having said that i annan bokou mon bann kestyon ki'n fini ganny reponn. Me solman an term *man in* pou bann dimoun an term dimoun ki travay dan Departman Lanplwa ,eski ou santi ki lannen 2022 ou pou annan ase dimoun pou ki ou kapab kontinyen delivre sa servis ki ou pe delivre?

Epi dan *reskilling* nou koz bokou lo zenn, mon osi pe mazin bann lezot dimoun ki pli matir, sirtou bann ki pe ganny ki lo *redundancy* bann dimoun ki *40 plus 50 plus*, parfwa zot osi zot ganny serten difikilte pou *replacement*. Petet ki stratezi ki zot pou pe servi pou ki vremen sa bann dimoun zot petet zot fason *training* zot *training method* pa pou neserman parey sa bann ki nou konsider konman zenn ?

Apré mon dernyen kestyon i lo zot *localisation plan* annan bokou fwa nou tann koze lo *GOP* etranze, ki sinerzi i annan avek sa bann *training* ki pe ganny fer *plus* sa seksyon dan *localisation*, pou fer sir ki i annan sa *proper job match*, ki ler en dimoun pe ganny *training* i pe *meet* sa *labour market* pou vremen ranplas sa bann

etranze ki pou nou kapab zwenn nou target? Mersi Minis. Mersi Mr Chair.

MR SPEAKER

Wi Minis, *PS* pou reponn.

PS JULES BAKER

Thank you Mr Chair. Premye keston wi Onorab parey ou Minister i ava dir ou pa neserman ki tou zofisye ki nou bezwen dan Minister Lanplwa nou gannyen. Me solman nou kapab konfirman ki lannen pase avek sityasyon ki nou'n fer fas avek, nou'n ganny 18 *post* e sanmenm sa ki en Minis in eksplike taler ki nou ti pe ganny en pe retar pou nou kapab *recruit* 18 dimoun apre bann prosedir *interview advertise* ki nou annan pou fer.

Me solman nou kapab satisfere sa Bidze ki nou'n gannyen bann dimoun, sa bann travayer ki nou'n gannyen ki nou'n fini *recruit* pou lannen prosenn, nou satisfere ki nou kapab zwenn nou bann target e menm fer *above* nou bann target pou lannen 2022.

Lo kote *reskilling* parey nou'n eksplike i annan *Skill Development Programme* li ki pran bann manrmay en pti pe pli zenn. *Reskilling* i pou target sa bann dimoun en pti pe pli aze ki'n perdi zot louvraz ki'n

ganny fer *redundant*. E si zot anvi nou fer sa fodre ler dimoun zot bezwen realize ki nou *market* sa lo radyo, lo televizyon, dan zournal nou dir bann dimoun nou fer menm demann bann servis *providers* pou vini.

Me la ankor kot letan nou'n fini fer tou bann prosedir neser parfwa ou vwar ki *drop-outs* bann dimoun ki al lo *reskilling* i pa ankourazan.

Me parkont i annan bann sektè kot manrmay par egzamp *IT* kot bann dimoun i vremen enteresan zot reste e zot konplet zot *training*.

Parey ou pou konnen Onorab zis lefe ou'n eksplik sa size *reskilling*, nou pe al fer osi en seremoni an Vandredi pou bann zenn ki annan dezabilite ki zot pe al *graduate* la Vandredi. Ankor nou pa pe kit person a ter nou pe sey nou mye pou nou pran tou.

Lo kote *localisation plan* wi sinerzi i ankor reste, kot nou kontinyelman met lanfaz lo bann post ki ganny *advertise*, pou nou fer sir ki bann Seselwa ki annan potansyel ki annan anvi travay e ki annan abilite pou zot kapab sa bann pozisyon ki zot ganny fer.

E pou lannen prosenn anba nou *Immigration Policy* nou pe *review the quota system*.

Nou'n vwar ki i annan en pe *issues* avek *demand and supply of labour* anba *quota system*, i enportan ki Departman Lanplwa i regete e *go back* kot Gouvernman pou demann Gouvernman *blessing* pou nou kapab rekonmans avek *quota system*, avek bi kot *succession plan*. E *localisation plan* i vin en priyorite kot Seselwa i la ki *available* ki kapab travay, i ganny sa priyorite dabor. Mersi Mr Chair.

MR SPEAKER

Mersi PS. Bann nou'n pas en kantite letan lo loportinite Lanplwa, *reskilling*. So reviz zot kestyon e annou sey pa repet kestyon bann Minis in eksplik en kantite lo son *Policy* en sityasyon. Fotespere nou kapab al en pe pli vites. Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. Bonzour tou Manm e tou dimoun ki pe ekoute. Mon pou atir zot latansyon lo *current challenges - risk bullet four*. Kot zot pe fer sorti ki i annan "*delays in policy intervention and statistic analysis as the labour market information system is not fully operational.*"

Parey nou konnen statistik *analysis* i tre enportan pou zot, pou kapab pran desizyon. E ki bann defi oubyen bann difikilte ki sa i koze, vi ki ou pa kapab fer sa lentervansyon Polisi ek statistik?

Apré sa *information system* dan konbyen letan ankor ki zot pe espekte ki sa i ava vin an mars pou fasilite travay Minister? Mersi.

MR SPEAKER

Mersi. PS i reponn wi.

PS JULES BAKER

Ok pou premye kestyon Onorab wi nou'n vin an Lasanble a plizyer repriz. Minis in prezant bann diferan *statistic*, nou pran *statistic* konman en size vreman en eleman enportan pou nou pran bann desizyon. E nou pe travay tre pros avek Departman Statistik NBS e osi avek DICT e nou kapab konfirman ki *training is ongoing*.

Nou sipoze lans li annefe sa semenn, me avek bi ki nou'n dan Bidze or sa semenn la, nou pe anvizaze ki ankor dan *next week or the week also*, nou pe lans sa LMIS *first module* ki annan pou fer avek *jobseekers* avek *demand and supply for*

GOPs. So sa nou pou kapab *synergise* e met li ansanm.

Lo ou mon krwar mon'n fini reponn tou ou kestyon *at the same time*.

MR SPEAKER

I annan ki pa'n reponn Onorab? Yes fer li vit silvouple.

HON CHURCHILL GILL

Wi sa lot mon ti demande, ler sa pa marse ou pa kapab fer sa lentervansyon ki bann difikilte sa i koze pou Minister?

MR SPEAKER

Byen. PS.

PS JULES BAKER

Of course letan ou annan difikilte pou fer *matching* nou apel *matching in real time*, pou ou ganny bann difikilte kot i annan retar. Akoz i annan retar? Se ki letan ou fer sa *jobseekers physically* kot sa anplwayer i osi i pran son letan *and there's a volume of* dokimantasyon ki ou bezwen manipile, pou ou kapab anvoy kot anplwayer.

Me sistenm ki nou pe al fer la, se ki letan ou fer *matching* sa anplwayer i fini otomatikman ganny enformen poudir i annan en *referral* ki'n ganny fer kot li, e i annan en dele letan konbyen ki i pou

donn nou pou li dir nou koumsa *what is the feedback the outcome* ki pou'n fer e nou kapab bouz pli vit posibil.

Parey ki'n ganny dir, i annan difikilte kekfwa i annan en pe retar ale vini. I annan dimoun ou refer li dan en plas travay i dir ou pa sa ki mon ti anvi, mon ti anvi en lot e i *go back to square one* e i reganny anrezistre ankor. Mersi Mr Speaker.

MR SPEAKER

Mersi. Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair baze lo grander nou popilasyon, i ti pou enpresyonnn mwan si par egzanp *and* target Minister Lanplwa sete pou akonpli sa ki zot apel en to lanplwa optimal. Savedir *almost 100% employment*. Me tout an prenon kont ki i annan en kous ou popilasyon toultan ki pa pou travay, dimoun aze, dimoun ki malad, *disable*, madanm anvwadfanmir bann keksoz koumsa.

So mon ti ava kontan konnen dan sa Bidze ki nou pe donn zot, mon'n tande zot bann plan. Solman pou mwan i reflekte touzour i annan en zistans avek kominote. Akoz

par egzanp mon ti ava apresye vwar poudir i annan en zefor ankor ki ganny fer, pou nou kapab *map out* dimoun ki pa pe travay.

Dan mon distrik mon konnen i annan dimoun ki mon demann mon ki mannyer zot viv. Akoz mwan konnen zot pa pe travay. Mon pa konnen si zot pa pe rode.

Be solman ki mannyer konman en pti pei, *we reach out* ankor *at least one final effort* ki nou vreman ankouraz zot?

Akoz par egzanp letan mon pe get to enformel *16 point something* ki *very high*. *How do we encourage our people to work?* Sa i mon premye pwen.

Dezyenm pwen i en pe lye, akoz mon krwar i annan en nesosite pou Sesel fer en resansman ouswa en *survey* son popilasyon travay akoz pou nou kapab konpran bann *areas* kot i annan mankman. Akoz ki toultan etranze pe antre dan serten *field* travay?

Par egzanp semenn pase mon'n al dan 5 farmasi, e dan 5 farmasi mon'n kont 9 etranze. E pou mwan sa i bokou.

So ankor ki mannyer nou kapab Lanplwa vin avek en plan atraver sa Bidze, ki nou ava annan vreman *capture the real picture of* nou *employment*

landscape dan pei? Mersi Mr Chair.

MR SPEAKER

Mersi. Minis i ava adrese.

MINISTER PATRICIA FRANCOURT

Mersi Mr Chair. Mersi Onorab pou ou kestyon. Sa ki ou'n dir la nou dezir osi. Mon ti ava kontan vin devan mon dir *zero unemployment* ti pou fantastik pou sa pti popilasyon ki nou annan.

Me ou kapab *imagine* avek bann defi ki'n annan *for 3.3* nou pe desann nou pe desann par en poursan ti *4.3 when I came in*. Nou pe desann, nou pe desann, nou pe desann.

I annan bann *targeted groups* ki vreman difisil. La mon'n tann nou nonm lo *informal workers*. E sa i en size ki nou koz lo la toulezour.

Ler mon ti fer sa vizit lo laferm Onorab 13 vizit lo laferm ti en bi pou mon konpran en sekter ki mannyer i deroule dan en sekter, ki si nou pa donn travayer i pou *collapse*.

And I want to do that more so pou mwan kapab ganny en konpran. Ki nou ti realize poudir bokou sa bann dimoun ki vin travay lo laferm ki Seselwa, *they are informal workers for example*. Me zot osi

lo *methadone*. So zot pou pran zot *methadone* bomaten, e zot pou vini zot pou travay zot *few hours* zot pou ale.

Nou pe koze kontinyelman ki manner nou target en gran group sa. *It's a big group of bann informal workers*. Ki manner nou target sa group? E bann koze ki nou'n konmans fer avek *ILO is especially around that*. Zot annan *expertise*, zot annan gidans ki zot kapab donn nou *and the a onboard* pou kapab ed nou pou target en group parey.

So konversasyon in konmanse e sa i enn ki mon bi pou mon kapab reget sa *informal sector* e fer sir poudir- Ki nou kapab fer pou zot, parski si zot *informal*, zot pa pou zanmen ganny en pansyon, zot pa pou kapab ganny *sickness leave*. I annan en ta dezavantaz. So i enn bann keksoz.

E i annan bann *targeted group teenage pregnancies* bann ki annan bann lezot difikilte. Mon krwar nou annan apepre 8 diferan sekter. Nou kapab anvoye pou ou vwar ki nou'n koz avek *ILO* poudir ed nou. Donn nou enn pti pe bezwen ki nou pou nou kapab fer sa marse.

Sa *mapping out* nou'n en pti pe defayans aköz *National*

Bureau of Statistic pa'n donn nou *the accurate figure because of COVID*, zot pa'n fer *statistics*.

So nou pe *hope when the true figure* ki zot kapab donn nou i ava donn nou en *landscape* pli *accurate* pou nou kapab vwar. I kapab i mwens ki sa *or* i kapab i plis. *I don't know. But I am hoping it's less*. Aköz menm yer swar mon'n ganny en dimoun ki *call* mwan, i dir mon Minis ou pa pou le krwar dimoun pe travay *compare to before*.

Aköz stratezi Gouvernman in sanze. Pa pe mete dimoun al asize lo *welfare* premye. Pe dir dimoun al rod louvraz. En dimoun pe koz zis lo Erport kantite dimoun ki pe travay. *The youth* ki pe travay. Taler nou pou get en pti pe bann statistik *ASP* en group 36 a 45an ki pa ti travay ditou, ti zis asize. *This is the prime of work*.

Zot pa ti travay. Be la zot pe travay. So nou vwar i annan en gran sanzman. Me solman *like you* mon ti ava kontan *map it out accurately just to have a big over view of it all and then coming* avek nou bann *informed strategies* e pou nou regarde ki manner nou kapab balans sa. *My dream is to have 0% unemployment too*. Mersi, mon pa konnen si *PS* i oule azout en pti bout. Mersi Mr Chair.

MR SPEAKER

Mersi. Bon mon krwar Minis in reponn. Mon a pran kestyon Onorab Uranie.

HON ROCKY URANIE

Mersi Mr Speaker. Bonzour Minis avek ou delegasyon, tou koleg Onorab, tou zabitan Zil Pros a lekout.

Mr Chair mon annan plito en konsern avek en kestyon. Mon konsern i baze lo *labour protection*. Dan en Bidze apepre 38milyon nou vwar zis apepre 7.5milyon ki mete ver *labour protection*.

E pou mwan sa i en konsern akoz mon krwar si ou met plis resours lo *labour protection*, pou fer sir ki bann anplwayer zot *comply* plis zot donn bann pli bon servis, pli bon kondisyon travay, nou pou ganny plis Seselwa ki reste dan travay.

E alor nou pou ganny mwens demann pou *GOP*. Vi ki mon vwar enn zot *current challenge bullet 2* zot pe ganny difikilte avek sa. Zot pe ganny demann pou *non-Seychellois*. Selman i annan bokou *jobseekers* Seselwa ki pe rod travay.

E apre nou vwar katriyenm *bullet* parey Mr Gill ki li in dir zot bann Lalwa zot

ankor pe travay. Onorab Gill in dir zot ankor pe travay lo zot bann Lalwa.

So pou mwan sa i en konsern petet plis larzan i devret ganny mete, *their labour protection* pou fer sir...

MR SPEAKER

Ale Onorab nou'n konpran. *Move on please*.

HON ROCKY URANIE

Ok mersi Mr Chair. Prezan mon vwar zot in prosekit plizyer zot in fer enn de prosekisyon. So mon ti ava kontan konnen ki kantite larzan petet zot pe mazin depanse oubyen depanse sa lannen oubyen mazin depanse lannen prosenn ver prosekisyon sa bann *non-compliant employers*? Mersi.

MR SPEAKER

Mersi Onorab. *PS* i ava reponn.

PS JULES BAKER

Thank you Onorab pou ou kestyon. Mersi Mr Chair. Wi *labour protection* i enn nou manda kler anba nou Lalwa e en keksoz ki nou'n remarke se ki nou bann pinisyon ki anba *the Current Employment Act* i ankor en pti pe tro ba e alor nou pe *review the Employment Act*,

pou nou *increase* bann *penalties*, bann *finés* ki letan nou prosekite bann *case*.

Pou reponn ou dezyenm kestyon, se ki mon kapab donn nou *statistics* la ki mannyer nou reste relevan avek sityasyon ki annan lo lanplwa vizavi *non-compliant*.

Nou deza annan nou 12 *active cases* ki deza devan *Employment Tribunal*. Nou'n fini siny sarz pou 13 anplwayer ki an defo avek Lalwa ki pou al ganny met devan Tribinal. E apre nou annan *conviction* ki vreman enterese.

Nou annan 8 sa lannen biznes ki'n ganny *convicted* pou defayans avek Lalwa. So i demontre ou ki malgre nou ptipti konman en Departman me travay i la nou kontinyelman met lanfaz lo *enforcement*, e nou pou kontinyelman met plis lanfaz lo *enforcement* atraver nou bann *inspection*.

E osi kree plis loportinite bann dimoun ki annan bann *grievance* pou zot kapab vin kot Minister Lanplwa. Parey mon'n dir nou'n ganny plis pozisyon. E la nou kapab met plis nou target ankor. Mersi Onorab.

MR SPEAKER

Mersi. Onorab Adelaide.

HON FRANCOIS ADELAIDE

Mersi Mr Chair. Bonzour Minis avek ou delegasyon. Bonzour tou dimoun ki a lekout.

Minis mwan mon kestyon pou ou se ler mon pe get lo ou priyorite stratezik, *bullet point 4* ou annan sa zafer ranforsman avek *monitoring*.

E tou kou mon'n koze e la mon oule en *way forward* avek ou. Akoz sa i en konsern dimoun Baie Lazare tou kou i eksprimen.

Atraver bann lakonpannyen mon krwar enn zot kriter se ki zot fer sir ki zot annan manze pou donn zot dimoun, ler en dimoun i vin travay.

E nou Baie Lazare nou ganny problem. Akoz nou vwar apepre 25, 30 dimoun lo brizan preski toulezour, e mon krwar aswar zot pa ganny manze. Ouswa mon pa konnen.

So donn nou *the way forward* akoz mon pou vote pou ou sa Bidze. Me solman nou anvi vwar keksoz i ganny fer e dimoun aret telefonn mwan pou sa bann nwizans pou sa ki arive. Mersi.

MR SPEAKER

Mersi Onorab. Minis ou annan en repons wi.

MINISTER **PATRICIA**
FRANCOURT

Mersi Mr Chair. Onorab mon'n en pti pe konfize egzaktaman ki ou pe demande, bann dimoun ki pa travay?

MR SPEAKER

Non, non bann travayer etranze ki fer deboury lo brizan *right* Onorab? Pou manze.

MINISTER **PATRICIA**
FRANCOURT

PS i ava reponn sa silvouple.

MR SPEAKER

PS wi.

PS JULES BAKER

Well mersi Mr Chair. I pa tonm dan manda Minister Lanplwa pou al sofgard bann lans. Me solman mon krwar sa i en on pwen Onorab akoz ti'n arete en pe letan e mon vwar i konmans rekonmans ankore e nou ava pran ou not lo sa pwen ki ou'n mete nou ava diskite avek Minister pour Lanvironnman e osi bann lezot Minister relevan pou nou *bring to attention*.

Kekfwa si ou ti kapab donn nou en pti pe plis lenformasyon apre, nou ava kapab *take it up* bann sityasyon Baie Lazare. Mersi.

MR SPEAKER

Mersi PS. Mon ava pran kestyon Onorab Pillay.

HON SEBASTIEN PILLAY

Mersi Mr Chairman. Bonzour Minis e bonzour tou dimoun ki a lekout.

Mon premye kestyon i an relasyon avek ou kapasite *enforcement*. E mon pe get Bidze *regarding labour relations* e mon oule met en kestyon devan ou.

I annan bann fason konpleks ki bann anplwayer pe servi pou sirtou dan serten domenn pou *when it comes to* serten benefis ki travayer sipoze gannyen. Par egzanp *service charge*.

E i annan bokou konsern parmi travayer *regarding* sa size *service charge*. Eski ou Departman in fer en provizyon bidzeter pou ki zot kapab annan dimoun konpetan pou analiz. *Well* mon pa dir zot napa ozordi. Me i vin plis konpetans sa Minister pou analiz sa size *service charge* akoz zis parey Minis Zialor ti konfirman dan Lasanble, i annan biznes ki pa'n ganny afekte. Sa kantite avek COVID, kot travayer in kontinyen travay sirtou dan domenn tourizm e ki

i annan sa konsern *regarding* travayer.

Dezyenmman i annan en size lo sa size *labour relations*. E i ankor annan konsern ki Departman Lanplwa letan i apros son travay avek sa bann anplwayer, i annan en *attempt* ki pou fer ki Departman bann *competent officer* ki vini, i vwar keksoz dan en lot fason ki larealite.

So anba Bidze, eski ou pe fer provizyon pou donn plis *training* zot bann *competent officers*, pou ki ler zot antre dan en landrwa travay pou zot kapab get bann *signs* e konnen ki bann siny kot travayer pe ganny met anba *duress* ler i annan bann sityasyon ki pe ganny prezante devan zot. Me ki travayer pa kapab vreman koze.

E sityasyon devan sa bann anplwayer i ale e keksoz i kontinyen gate. Mersi Mr Chairman.

MR SPEAKER

Mersi. Minis wi.

MINISTER **PATRICIA**
FRANCOURT

Mersi Mr Chair. Mersi Onorab pou ou kestyon. Onorab mon pran kont sa ki ou pe dir, akoz i enn bann keksoz ki mon koz lo la *on a regular*

basis dan Minister, *PS* i kapab konfirman preski tou le semenn letan mon ganny sa bann rapor parey. Mon *hold everybody to task*.

E fer mon sir mon dir ek zot poudir *confidentialities is another issue* ki dimoun i vini i dir ou keksoz. Petet annandler zofisy e i ale ek zot devwale *without realising* poudir i *sensitive* sa lenformasyon e travayer i kapab per *reprisals*.

So i enn bann keksoz ki mon koz lo la souvan. E pou nou Direkter Zeneral pou *Labour Relations* i fantastik, i *take onboard everything* e i *hold* son tim *to task*. Me solman parey ou dir i annan *room for improvement*.

E sa i en kestyon ki lo *Executive Management Team* Lanplwa nou met lo nou azanda pou nou kapab koz lo la e regarde ki *training*.

Akoz zanmen ou pou kapab fini *train* dan sa domenn *in terms of sensitivity, but also* ki mannyer ou 'rekonnet.' Sa mon kontan sa mo i ou'n servi ou rekonnet bann siny, bann siny ki dimoun i *feel under duress*.

So sa i en keksoz ki mon krwar nou osi nou pou bezwen devlop plis ladan e regarde ki kalite *training* spesifik nou

kapab mete pou nou *overcome* sa.

Me solman bann *competent officers* mon realize poudir zot pa al zis enn. Me solman sa ki nou dir letan zot al fer zot bann *visits*, en dimoun i ava vwar en keksoz dan en fason. Me si i annan 3 zot 4 zot i bezwen 4 diferan fasin ki nou vwar keksoz. E sa i vreman enportan.

Be *rest assured* ki sa i en keksoz ki mon kouven tou le semenn konman mon note. E sa i bezwen fer byen, akoz san sa travayer pa pou annan sa konfidans *to come forward to report*. E i enportan *they come forward to report*. Mersi.

MR SPEAKER

Mersi Minis. *PS* pou azout keksoz *please*.

PS JULES BAKER

Mersi Mr Chair. Zis pou Minis in fini koz lo sa dezyenm pwen *regarding enforcement*. Mon pa pou koz lo la. Mon pou koz zis en pti pe lo sa bout *benefits service charge* parey Onorab in demande.

Me solman malerezman se ki *service charge* i pa ganny *regulate* anba lanplwa ozordi *as we stand*.

I annan plizyer lezot benefis ki anplwayer i egzize

pou li peye tel ki bann *allowances*, konpansasyon *and whatnot*, me selman pa *service charge*.

E i pou en pe difisil pou Departman Lanplwa pou al obliz en biznes pey *service charge*, sirtou *service charge* i annan en bann konplikasyon ki vin avek lekel ki peye si *front office* si *back office*, lekel bann diferan sekter Departman *Tourism* ki veye. Mon krwar sa i en pwen enportan. I kontinyelman leve in vin dan nou latansyon.

Me solman mo mazine ki la ki nou pe al fer en rev *Employment Act*, nou ava get en kou si nou kapab konmans en konversasyon avek sekter prive pou vwar modalite *service charge*. Mersi Mr Speaker.

MR SPEAKER

Mersi. Wi pa fer li long silvouple Onorab wi.

HON SEBASTIEN PILLAY

Non mon pa pou fer li long Mr Chairman akoz sa i en size ase *straight forward*. Mon oule zis met a ou latansyon Minis i annan plizyer ka ki nou'n rankontre, kot bann travayer i *reluctant* pou vin devan kot Lanplwa akoz zisteman anplwayer/anplwaye pe *threaten* zot. Ki si zot al kot

Lanplwa nanryen pa pou arive. Me gran risk zot pou perdi zot louvraz. *This is happening out there.* Mon ti ava kontan si ou kapab met lanfaz lo la. Mersi Mr Chairman.

MR SPEAKER

Mersi. Minis ou annan en mo pou adrese lo la?

MINISTER PATRICIA FRANCOURT

Wi mersi Onorab. E sa mon konnen poudir i arive. E si zot konnen fer nou konnen. E parey mon dir ziska *anonymous* dimoun i anvoy let kot nou. Oubyen i ekrir mon direk se *whatever comes in terms of* bann *issues* parey, mwan mon annan en lobligasyon pou fer sir mon *investigate* e kantmenm napa en non, mon annan en lobligasyon.

So si i annan okenn keksoz mon kontan Onorab ki zot tou zot travay vreman byen avek nou, zot anmenn keksoz dan nou latansyon. So mersi pou sa e annou kontinyen. Mersi.

MR SPEAKER

Mersi. Onorab Bistoquet.

HON ROSIE BISTOQUET

Mersi Mr Speaker. Bonzour Minis avek ou

delegasyon. Minis mon tre apresye ki ou pe met kontrol en pti pe dan sa zafer lanplwa. E sa mon krwar i en gran zefor ki ou'n fer ou avek ou tim.

Mon pa pou demann ou bokou kestyon. Vi ki sa sityasyon ki'n monte kot *GOP* zis donn nou en pa en revi, me selman konbyen etranze ki pe travay anba *GOP* konpare avek menm letan pou lannen pase?

Apre mon remarke poudir anba ou *current challenges* ou annan sa *high informal employers rate* ki 16.9. Ti lannen pase sa.

Prezan ki *rate* tantativ ki ou annan pou sa lannen pou menm peryod osi? Mon krwar mon ava aret la. Mersi.

MR SPEAKER

Mersi Onorab. *PS* ou annan en pe sif?

PS JULES BAKER

Yes mon annan en pe sif. Ok mersi Onorab pou ou kestyon. Pou sa lannen depi le 1 Zanvye ziska Oktob le 31 Oktob nou ti ganny aplikasyon *both renewal* avek nouvo *post* pou *GOP* 12,677. E nou ti aprouv 9,816 e nou pa ti aprouv 322 pozisyon, dan diferan sekter lekonomi.

I annan bann *statistics* ki nou ankor pe *update*, ki a en

moman donnen letan tou zafer i fini ganny *update* nou kapab *share* avek zot.

E pou lannen 20 pou *GOP* ki *stand* la pou lemoman sa ki nou'n gannyen sorti kot Minister Departman Imigrasyon, nou annan nou an total 24,020 *GOP* ki'n ganny *issued*.

E ladan 14,611 i Sesel e en pe ladan i ankor *overseas* e bann prosedir i *ongoing* pou bann ki pe *expire* ou swa ki dan prosesis Departman Lanplwa pou fer *renewal*. Mersi Mr Speaker.

MR SPEAKER

Mersi *PS*. Onorab Vidot.

HON AUDREY VIDOT

Mersi Mr Chair. Bonzour Mr Chair, tou Manm Onorab, Minis ek ou delegasyon tou manm piblik en bonzour spesyal zabitan Roche Caiman.

Minis malgre zefor Minister Ledikasyon spesyalman nou bann lekol, kot zot in pas dan en moman difisil dan ledikasyon nou bann zanfan, *throughout* sa problem pandemik, bann azisteman ki'n bezwen fer 2020 ek 2021. E nou konnen bann *drop-outs* rezilta ki nou'n gannyen 2020 pou 2021.

So mon konsern i an referans avek Bidze pou *Youth Employment Scheme*. Prenon kont i pa'n sanze i parey.

Wi zot annan bann program ki zot mansyonnen zot pou fer. Me la ankor nou pe vwar i annan bann restriksyon bann mezir ki pe ganny pran e nou pou konsernen pou sa peryod letan festivite ek boner lannen prosenn. I kapab annan ankor plis *drop-out*.

So sa Bidze mon konsern se ki si pou fer zistis an term zot plan, ki zot annan pou ankadre nou bann zenn, pou ki zot antre zot dan lemond travay, antretan bann ki pa'n ganny loportinite pou kontiny zot letid? Sa i enn.

Dezyenman mon koleg Onorab Uranie in tous kote sansibilizasyon, mwan mon pou ranforsi lo responsabilite avek drwa travayer e anlwayer.

Dan sa Bidze ki zot annan petet donn nou en poursantaz sif konbyen zot mete dan sa bout seksyon? Kot i konsern sansibilizasyon parey mon dir.

Pou ki osi zot bann metod ki zot servi, servi en pti pe lo nivo teknolozi annan bann pti lenformasyon lo bann *issues* ki zot konnen pli *common* pe arive dan bann lorganizasyon travay, ki swa atraver responsabilite

travayer oubyen anplwayer pou ki nou bann dimoun i konpran nou bann travayer i ganny lenformasyon.

E byensir pou adres en pe osi annan bann pti kart ki fasil ki bann lorganizasyon gouvènmantal oubyen bann volonter, letan zot dan kominote zot kapab ed lanplwa pou sansibiliz bann zenn.

Akoz dan mon distrik i annan ki ou demande, parey Onorab Henrie pe dir, lazournen zot la dan semen zot pa pe travay. E zot pa konn konplikasyon ki ou pa travay ozordi ki lenpak i annan pou ou demen e osi lo nivo pei.

So i enportan ki nou ganny sa sipor. Mersi.

MR SPEAKER

Mersi. Minis ou kapab adres sa *please*.

MINISTER PATRICIA FRANCOURT

Mersi Mr Chair. Mersi Onorab pou ou keston. Onorab zis pou reasir ou sa bout *drop-outs* la i en keksoz ki nou'n vreman konsernen *right from the beginning*.

E mon kontan ki Minister Ledikasyon avek Lanplwa nou travay vreman for sa semenn nou'n *have a whole almost a*

whole day meeting pou nou kapab *predict* ki pou arive.

Nou ti fer sa lannen pase osi. Alor ki nou'n fer vreman byen ansanm pou *avoid* sa. Mwan mon pa dakor mon *drop out*. en zanfàn pa devret *drop out from school*. Nou bezwen fer nou mye pou nou kapab regarde ki nou fer pou sa zanfàn pou kapab tenir li. Alor eski nou get *Alternative Education Programmes* ki mon konnen poudir nou pe fer?

Dan kote sosyal osi nou pe fer parey ti annan bann *Alternative Education Programmes* ki zot pa lo *street* zot pa pe marse, e *they don't become vulnerable*.

E *Minister* avek mwan nou avek son tim avek mon tim nou'n asize pou fer en prediksyon pou *January for example*. Letan nou pe regarde sa travay ki nou fer *last year* kot nou ti fer sir nou ti met plis zanfàn dan en *professional centre*, ti marse. Parey mon dir ou ti *just under 400* nou pe *anticipate* ki *this year it's even better*.

E nou konnen *roughly*, konbyen zanfàn *will not perhaps make it*. Be *even not make it* pou mwan i en keksoz ki nou pe koz lo la poudir non, *if they want to* i en *survey* ki nou bezwen fer ou anvi al dan

pos-segonder ki nou pou fer pou met ou dan pos-segonder. E sa nou pe travay vreman for avek Minister.

So si nou pou regarde *realistically* i pou apepre anba 300. E nou ki nou'n fer nou lo kote Lanplwa nou'n fini *predict* sa *figure* poudir menm lo kote *GOP let's put it back. Let's sit on that. Because* nou bezwen prevwar konbyen zanfan i kapab pa pou gannyen *professional centre* oubyen pou *choose not to go in a professional centre*. Alors zis zot pou la.

So nou'n fini konmans prevwar sa louvraz pou regarde ki stratezi nou met an plas, e ki bout ki nou tenir e si sa zanfan sirtou napa *skill* lo nou *Reskilling Programme* ki manner nou pou kapab donn li sa loportinite.

So sa i en louvraz ki nou'n fini prevwar. Akoz *last year we did really good, this year we are going to do even better*, akoz mon konnen *Minister is onboard with us on that*.

PS i ava azout en pti bout lo ou lot kestyon. Mersi.

MR SPEAKER

PS wi silvouple.

PS JULES BAKER

Thank you. Mersi Onorab pou ou kestyon. Zis pou mwan fer remarke Lasanble remarke ki zot menm zot kapab konstate ki Departman Lanplwa depi lannen Zanvye, depi ler Zanvye in konmanse i enn bann Departman ki'n al plis lo televizyon an term pas ledikasyon travayer, pas bann lenformasyon tou sa bann lenformasyon ki annan pou fer avek *redundancy; whatever* ki annan pou fer avek *jobseekers*.

Nou'n fer tou sa ki nou kapab sa lannen pou nou kontinyen pas lenformasyon e mon kapab garanti ou ki ou annan R238,000 ki nou'n vote ankor pou lannen prosenn pou kontinyelman avek nou bann *public sensitization programme* pou lannen prosenn. Mersi.

MR SPEAKER

Mersi. Terminen silvouple Onorab, nou *way overtime*.

HON AUDREY VIDOT

Zis pou mwan dir avek *PS*, petet sa group dimoun, zenn i servi plis telefonn, so ti ava byen parey mon pe dir met sa bann *advert* lo la.

E pou terminen Mr Speaker, mon ti oule zis demann Minis si i annan posibilite pou fasilite travay distrik osi, nou bann dirizan se

ki, les nou konnen lekel bann dimoun dan nou bann distrik ki zot in nobou plas dan lanplwa. E petet nou ava annan sa travay swivi pou fer sir ki zot kontinyelman dan lanplwa e nou konnen poudir lanplwa in ed zot.

MR SPEAKER

Mersi Onorab. Minis ou krwar ou kapab fer sa.

MINISTER **PATRICIA**
FRANCOURT

Mersi wi Onorab i annan bann leres Onorab ki'n demann nou, nou kapab fer sa. *Thank you.*

MR SPEAKER

Mersi. Mon annan 3 Manm ki reste lo lalis. Eski mon kapab termin la? Bon mon ava demann zot konprenezon, nou pou bezwen pas lo Bidze *Social Affairs*. Ou ensiste pou demann ou kestyon Onorab Cosgrow ou krwar i esansyel? *Sorry* i diferan i spesifik lo Bidze? Silvouple *ok* fer li kourt silvouple. Annou zis poz kestyon.

Onorab Andre mon napa ou non lo lalis. Non ale annou Onorab Cosgrow poz ou kestyon vitman silvouple. Wi be mon pou bezwen kontinyen si mon ganny en leksepsyon si i

annan lezot ki santi poudir zot kestyon i esansyel, mon pa kapab fer lotreman. Ale Onorab Cosgrow. Mon pou fer li ziska 10.30.

HON WALLACE COSGROW

Mersi Mr Chairman. Mersi pou donn mwan sa loportinite. Mon kestyon i en pti pe diferan. Lo *strategic priorities* dernyen *bullet* i koz lo konsiltasyon tripartit. Mon ti ava kontan demann Minis ki resours zot annan dan Bidze, dan sa Bidze ki la pou revwar *Industrial Relations Act*, sa *Act* ki regle bann diferan parti prenan dan zafer *labour*?

E eski zot annan en *forum* ozordi aköz si zot realize ozordi i annan en kantite bann linyon ouswa bann reprezantan travayer ouswa anplwayer ki pe *pop up* partou enkli pou nou.

E eski zot annan en *forum* ozordi eski zot annan finansman pou kapab finans bann *forum* kot Linyon Travayer, Linyon Anplwayer i kapab zwenn ansanm e diskite pou benefis pei?

MR SPEAKER

Mersi Onorab annou al vit.

HON WALLACE COSGROW

Wi, dezyenm kestyon eski zot annan plan dan nouvo *Employment Act* ki pe vini pou met en seksyon ouswa annan en Polisi reminerasyon?

Akoz mon dir sa, aköz i annan dimoun souvandfwa i konplent poudir ki dimoun i rod etranze pa oule pran Seselwa, e zot rod etranze. Par egzanp en post dan lotel zot pare pou pey en R40,000 parey ou pou donn en loto en lakaz.

Me solman sa Seselwa i pa pare pou donn sa menm reminerasyon sa etranze, so eski zot krwar zot kapab *legislate* sa silvouple? Mersi.

MR SPEAKER

Mersi. Silvouple annou al vit Minis ou byen *PS*. Sa kestyon Seselwa etranze nou'n pas en kantite letan lo la deza. *PS*.

PS JULES BAKER

Vreman bref zis pou mon enform Onorab ki *Industrial Relations Act* i *actually under review fully paid by the ILO* konsiltan.

NCCE nou annan en *National Consultative Committee on Employment* ki pou lemoman i pa aktiv, aköz nou bezwen *reconstitute the members*. E *issue* ki nou pe gannyen se ki i annan plizyer

linyon. Prezan nou bezwen etabli lekel *the most representative*. Onorab ou konn sa tre byen sa bann prosedir *ILO* mannyer i marse. Mersi Mr Speaker.

MR SPEAKER

Mersi. Lo sa kote lekel ki santi ki son kestyon i esansyel? Onorab Andre? Wi silvouple. Mon ava pran sa konman dernyen kestyon.

HON CLIFFORD ANDRE

Mr Speaker mon ti ava kontan briyevman demann Minis avek *PS* lo paz 536 i annan bann konplent ki zot resevwar, e pou 2021 resevwar 180 konplent, me selman zis 22 ki'n ganny prosekite. E 2022 i sipoze annan 150 e 25 pou prosekite.

Ki arive avek bann lezot konplent? Aköz bann dimoun i demande zot vwar zot konplent i al laba i pa ganny nanryen, napa rezilta plito. E letan nou pe gete *Board Members fee* anefe prensip sete pou redwir *Board Members fee*.

Permet mwan mon ava get en pti kou *Board Members fee* se pou redwir, me la nou vwar ki in ogmante sorti -

MR SPEAKER

Be ou ti ava al fer ou kalkilasyon avan Onorab.

(laughter)

HON CLIFFORD ANDRE

Non-non mon'n fer mwan i lo mon telefonn.

MR SPEAKER

Ale, ale.

HON CLIFFORD ANDRE

In sorti R296mil in mont R336mil. Konmsi mon ti ava kontan konnen akoz sa in arive? Mersi.

MR SPEAKER

Mersi lekel ki pou pran Minis oubyen PS? PS.

PS JULES BAKER

Mersi Mr Speaker. Pou ou kestyon lo kote *target*, i annan en keksoz ki ou bezwen konpran, mon krwar ou en Avoka ou konn tre byen bann prosedir, ou konn tre byen bann prosedir. Par egzanp letan en dimoun i an defo avek Lalwa ou bezwen donn li en *first notice*, en *second notice* en *third notice*. Apre ou bezwen fer bann prosedir ki nou bezwen fer.

So natirelman letan nou ti fer sa papye, sa papye ti fer anba bann program ki nou apel sa *M test* boner sa lannen.

So evidaman sa *figures* ki ou pe vwar la *figures* ki pe montre an term prosekisyon, *obviously* nou bezwen fini fer lannen fini, pou nou kapab ganny *the exact target* ki mannyer nou ete avek bann konplent ki nou annan.

Si nou kapab donn nou statistik lo bann konplent, mon kapab *share* avek ou Onorab nou annan nou tou sa statistik lo kote konplent ki nou'n fer lenspeksyon ki nou'n fer aksyon ki'n ganny pran. Mersi Mr Speaker. Me solman lo kote ogmantasyon dan Bidze nou annan plizyer *Board* ki *legally established* anba Lalwa nou.

Nou annan *Occupational and Safety Board*, nou annan *Employment Advisory Board* li ki li ki sit plizyer fwa pou ekout bann *appeal* ki vin kot *Minister*. I annan *appeal* ki vin bokou plis konmela baz avek sa bann *appeal* ki nou ti annan avan. Nou annan osi *NCCE* ki Onorab Cosgrow in demann mwan *regarding* bann manm *NCCE*.

Nou annan *Productivity Working Group* ki a en moman sa bann *Board*, pa ti pe zwenn akoz zot pa ti kapab zwenn so zot pa ti pe ganny peye.

Be so i enportan ki nou fer sir ki i annan sa Bidze ki an plas pou nou kapab pey sa bann manm, pou lannen

prosenn ki pe vini. Mersi Mr Speaker.

MR SPEAKER

Mersi. Bon nou pou termin la. Nou pou pran en sel vot lo sa Minister. Alor mon bezwen sanz delegasyon, so nou a dir Onorab PS Baker e osi Ms Jules. Nou ava fer en pti poz teknik pou *sanitising*.

(technical break)

DEPARTMENT OF SOCIAL AFFAIRS/ SOCIAL WORKERS COUNCIL

MR SPEAKER

Bon mersi pou bann Manm ki'n sakrifye zot kestyon. E les mon dir mon annan enn sak kote e tou le de Manm ki'n lev zot lanmen en pe tar dernyen.

So mersi pou zot konprenezon. Non mon pa pe koz ou. Mersi. Nou ava pas lo Bidze *Social Affairs*, e mon annan plezir pou *welcome* Mrs William-Melanie Sekreter Prensipal pou sa Departman e osi Ms Nicole Pool son *accountant*.

Nou osi annan avek nou e nou annan Bidze *Social Workers Council*. E nou annan

son *Chairperson* Mrs Shella Mohideen. Avek pou Sekreter Deta – Sekreter Payet nou pou pran tou le de sa de ansanm apre nou ava pran son de Bidze separe.

So pou kestyon nou pe al lo tou le de la. Mersi. Minis mon ava envit ou pou koz lo Bidze *Social Affairs* e osi lo *Social Workers Council*.

MINISTER PATRICIA FRANCA

Mersi Mr Chairman. Pou lannen finansyel 2022 Bidze Departman Zafer Sosyal i an montan R50.848milyon. Nou ava remarke ki sa i reprezant en logmantasyon R18.241 konpare avek lannen 2021.

Sa logmantasyon i senpleman en poursantaz Bidze pou Sant *Youth Hope* anba *PSIP* ki R16.025milyon. E larestan i dan *wages and salaries and goods and services*.

Mr Chairman Bidze i osi montre en pti logmantasyon dan *wages and salaries*, ki'n sorti R31.307milyon 2021 pou mont R34.123 milyon an 2022.

Departman Zafer Sosyal i aprezan annan 90 *staff*. En logmantasyon 10 konpare avek 80 ler nou ti prezant Bidze 2021.

Pandan lannen 2021, nou'n kree en nouvo seksyon

monitoring and compliance e provizyon saler bann *staff* ti zis pou 6 mwan, alor nou'n bezwen fer provizyon pou zot saler pou lannen antye pou lannen 2022.

Logmantasyon dan *good and services* i senpleman larzan konplet pou *rent* pou lannen 2022.

Parey Lasanble i konnen, Bidze pou *rent* ti redwir par 25poursan pou 2021 akoz *pandemic COVID-19*.

Mr Chairman anba *PSIP*, nou sant pou nou bann zenn adolesan ki annan bann konportman difisil e ki bezwen led pou reziste zot lavi i reste en priyorite pou Departman Zafer Sosyal.

Nou dir mersi ki Bidze 2022 in fer provizyon pou sa R16.025 milyon, ki a ede pou serten travay konmanse osito ki tou diskisyon lo sa sit ki nou'n idantifye, i ganny finalize.

Mon Minister pe travay tre pros avek Minister *Housing* ek Later e lezot *partenaire* konsernan, ki plan batiman e lezot lenfrastruktir nesese av ganny finalize ase boner lannen prosen.

Si tou keksoz i al byen, nou anvizaze ki dan trwazyenm kar 2022 travay av kapab konmanse.

Avek sa de pti lentrodiksyon, mon prezant

Bidze Departman Zafer Sosyal pou laprouvasyon Lasanble. E mon ti av demann Mr Chair si *Chairperson Board Social Workers Council* i kapab fer en pti lentrodiksyon. Mersi Mr Chairman.

MR SPEAKER

Mersi. Wi nou av pas laparol Mrs Mohideen pou son lentrodiksyon.

CHAIRPERSON SOCIAL WORKERS COUNCIL SHELLA MOHIDEEN

Mersi Mr Chairman. Mr Chairman tou Manm Onorab e tou dimoun a lekout, bonzour. Mon la dan mon kapasite konman *Chairperson Board Social Workers Council*. E mersi pou donn mon loportinite pou vin prezant son Bidze 2022.

Manda *Social Workers Council*, se pou asire ki tou dimoun i pratik *social work* vedir travay sosyal, dan kapasite konman en travayer sosyal i annan kalifikasyon e konpetans pou delivre sa servis e apre ganny anrezistre.

Fodre en dimoun i annan *minimum Diploma in Social Work* pou li kapab anrezistre e apre servis a tit *social worker*. *Council* i osi la pou protez bann kliyan ki ganny servis ek travayer sosyal e si i annan

okenn alegasyon *malpractice* la *Council* i annan pouvwar pou fer lenvestigasyon e pran aksyon si i neser.

Mr Chairman pli gran defi e risk ki *Council* pe eksperyans e *comme* swivan ;- bokou dimoun pa tro konpran sa lasyans ki nou apel travay sosyal. Zot pa apresye ki i annan en kantite konesans ki ou bezwen aprann avan ou kapab vin delivre travay sosyal efektivman.

Akoz sa mank konprezon, i annan en krwayans ki travay sosyal i fasil e ki san *training* apropiye en dimoun i kapab fer sa travay.

Souvandfwa, sa i ganny fer par bokou dimoun ki annan bann bon lentansyon me san konesans travay sosyal. I annan gran posibilite ki sa kalite lentervansyon par dimoun san konpetans i kapab anmenn plis ditor ki dibyen.

La *Council* napa manda pou protez kliyan kot sa bann entervansyon, aköz son Lalwa i permet li protez bann kliyan ki ganny servis avek travayer sosyal selman, ouswa avek travayer ki'n anrezistre avek *Council*.

En lot defi *Council* se son Lalwa *the Social Workers Act 2017* i fer provizyon pou *Council* anrezistre selman travayer

sosyal e pa lezot profesyon ki pratik travay sosyal, menm si sa bann dimoun kek lantrennman.

Council napa pouvwar pou asire ki sa bann lezot profesyon i pratik *social work*, si zot annan ase klarifikasyon i konpetans pou zot delivre sa servis e si i annan okenn ka mal *malpractice Council* pou napa okenn manda pou li fer *investigation* dan sa bann ka.

En lot defi i avek *Social Workers Council Act, 2017* se ki lanrezistremman parey nou dir *is for life*. Enn fwa ki ou anrezistre ou kapab kontinyen pratike.

E sa provizyon i pa en pratik ki modern. Pratik ki modern se travayer sosyal e lezot travayer ki pratik travay sosyal i bezwen ganny re anrezistre. E par egzanp tou le 3an e avan ki zot ganny re anrezistre, zot bezwen demontre ki zot in fer serten lantrennman serten *training* pou zot *keep up-to-date* avek sa lasyans dan zot *field* travay sosyal.

E osi zot bezwen demontre ki zot ti pe pratik travay sosyal pandan sa 3an. Alor la i vizyon *Council* ki Lalwa i ganny modernize pou nou fer provizyon ki bann travayer ki fer *social work* zot kapab ganny

re anrezistre apre en peryod letan. Par egzanj 3an.

Mr Chairman Bidze *Council* i an de parti. Premye parti i pe siport son loperasyon, *rent, salary and so on*. E son dezyenm parti se nou pe demann en Bidze pou nou kapab moderniz Lalwa *Social Workers Council*, pou nou kapab adres bann defi ki mon'n mansyonnen pli boner.

E osi nou oule devlop en lankadremman ki pou ankouraz tou bann travayer ki pratik *social work*, pou zot kapab fer bann *ongoing professional development* kit zot azour avek bann devlopman ki pe arive dan zot *field* e ki ava fer ki servis ki zot delivre i ava lo en pli o nivo. Mersi Mr Chairperson.

MR SPEAKER

Mersi madanm. Mon annan 9 Manm ki'n lev lanmen. Mon pou fer posibilite pou tou kapab demann zot kestyon. Me solman mon pa kapab elarzi sa lalis, akoz mon krwar kestyon letan.

Mon pou sey al dan lord ki zot in lev lanmen. Premye Onorab Woodcock.

HON WAVEL WOODCOCK

Mersi Mr Speaker. Bonzour Minis, ou delegasyon e tou dimoun a lekout.

Minis nou'n siny Konvansyon *The Right of a Child* e i en lobligasyon, i en nesesite ki nou annan nou en *Youth Residential Centre*.

Mon vwar anba *strategy priorities 2022 ek 2024* ki zot anvizaze etabli en *Youth Residential Centre* isi. E anba *PSIP* mon vwar en *Youth Hope Residential Centre* ki en *foreign Grant* ki sorti kot *UAE* R54.5milyon. E pou sa lannen, lannen 2022 alokasyon pou 16 milyon. Pou 2023 i annan alokasyon 19milyon.

Mon kestyon eski zot in fini resevwar sa larzan, kan ki zot pe anvizaze sa proze i konmanse kote ki pe ganny fer kan ki i pou konplete?

E finalman mon dernyen kestyon i kot i konsern sa *Children Special Fund*, mon vwar dan *table 1* anba '*of appropriation*' en sonm R7milyon *for Children's Special Fund*.

Zis en kestyon, en lenformasyon ti pou piblik deor, lekel bann dimoun group ki kapab ganny akse avek sa fon? Konmsi ki bann kriter ki ganny servi pou donn finansman anba sa fon?

E i annan en mank sansibilizasyon akoz bokou dimoun pa konnen ki mannyer zot pou ganny akse avek sa fon,

e kot zot pou ale pou ganny akse avek sa? Petet zot kapab donn en pti pe lenformasyon lo sa fon. Mersi.

MR SPEAKER

Mersi Onorab. SS ki pou adrese wi.

SS PATRICK PAYET

Mersi Mr Chair. Mersi Onorab. Bonzour tou Manm Onorab e tou dimon ki a lekout. Mr Chair mon pou adres premye kestyon konsernan sa lokasyon pou sa *Youth Hope Residential Centre*.

Lokasyon ki pe diskite la se Bonne Espoir e aktyelman la sa proze i anba *environmental impact assessment*. E nou anvizaze sa proze pou konmanse ver milye lannen prosenn.

Wi nou'n idantifye sa don. Me selman nou pa ankor ganny sa finansman direk Sesel, i pa ankor arive. Me selman *once* ki nou konplet sa bann *phases of proze*, nou anvizaze *by* milye lannen prosenn sa proze i konmanse. Mersi.

MR SPEAKER

Mersi. Son dezyenm pwen lekel ki pou adrese? Lo ki manner zot *access Children's Fund* korek Onorab? *Children's Fund* ki prosedir pou *access*

kondisyon? Lev lanmen silvouple *panel* pou endik. Yes Mrs Melanie.

PS LINDA WILLIAM-MELANIE

Mersi Mr Chair. Bonzour Mr Chair ek tou Manm Onorab. Mersi Onorab pou ou kestyon. *Children Special Fund* li i ganny servi si oule pou bann proze ki en pe pli pti. Bann diferan antite par egzanp Ledikasyon bann *NGO* bann lezot lasosyasyon, apre i annan bann *individual project* i tou bann keksoz ki benefisye zanfan.

Me par lefe *Children's Fund* li son Bidze ki i ganny *allocate* i ganny *allocate* i 7 milyon par lannen. So i ganny partaze atraver bann diferan aktivite oubyen bann pti proze ki bann aplikan i fer, zisteman ki i benefisye bann zanfan.

Me pou sa sant li akoz lefe son Bidze i en pe pli gro, i pa pou kapab benefisye anba *Children Special Fund*. Mersi Mr Chair.

MR SPEAKER

Yes terminen silvouple Onorab.

HON WAVEL WOODCOCK

En klarifikasyon Mr Speaker. Kestyon ki bokou bann dimoun deor pe demande se ki kote zot pou ale pou ganny

akse avek sa larzan? Ki bann prosedir sa bann lenformasyon ki manke deor. Mersi.

MR SPEAKER

Mersi wi Minis.

**MINISTER PATRICIA
FRANCOURT**

Mersi Mr Chair. Mersi Onorab. Onorab ti annan en konpanyy aköz ti annan en *review of the Board*, mon pa konnen si ou'n vwar lo televizyon, lo bann medya ki ti pe met zot *website*, limero telefonn, bann dimoun ti mon krwar ti annan en *deadline* osi; mon krwar fek pase le premye Desanm bann aplikan ti kapab-*Right now* mon kapab dir nou'n *oversubscribed*. Kantite aplikasyon ki'n vini e *the Board and the panel will sit down and go through*.

Me sa ti lo televizyon, nou ti lo Bonzour Sesel, ti annan en kantite konpanyy ki ti fer lo la *with the new Board* pou regarde *how applicants can actually can come forward*. So nou'n fini fer sa. Mersi.

MR SPEAKER

Mersi. Onorab Porice.

HON DOYACE PORICE

Mersi Chair. Bonzour avek ou delegasyon. Bonzour

tou bann Manm Onorab e tou dimoun ki a lekout.

Avan mon al direkteman lo mon kestyon, permet mon pou mon dir en gro mersi PS Melanie, pou sa pti konmansman travay ki zot in vin fer lo Praslin. E mon ti ganny sans zwenn avek zot. Mon santi ki avek sa i pou anmenn sa bon korperasyon travay ant distrik e osi Lazans Sosyal.

E Minis, eski dan ou Bidze ou'n fer provizyon pou fer sa kontinyasyon travay lo Praslin? Aköz mon dir sa? Mon santi ki i ti en pti pe tro vit kot pa tou Lazans ki zwenn ansanm. Nou'n zwenn zis endividuelman. Petet mon santi ki si nou tou Lazans i zwenn ansanm e nou kapab annan en pli bon diskisyon e osi anmenn sa pli bon travay sosyal dan nou distrik.

Mon dezyenm kestyon vi ki zot biro i sitye dan en batiman en parti politik, eski zot annan plan pou bouz dan en nouvo lofis? Mersi.

MR SPEAKER

Mersi. Minis wi ou ava adrese.

**MINISTER PATRICIA
FRANCOURT**

Mersi Mr Chair. Mersi Onorab. Onorab sa louvraz vizit Praslin, menm La Digue, i en louvraz ki nou kontinyen fer. Sa lannen *despite COVID* mon krwar nou ti fer enn gran premye konmansman lannen apre, akoz *COVID restriction* nou'n bezwen *pull back* en pti pe.

Mon konnen poudir lo nou plan pou fer regilye e parey ou'n dir ti en vizit vreman byen, in donn bann bon rezilta. E mon konnen PS avek son tim ti'n angaze bokou. E sa pou kontinyen. Akoz i annan en *action plan out of it*.

E mon konnen poudir PS ek son tim zot *follow through* bann keksoz ki'n ganny *agree* avek tou dimoun, e zot fer sa vreman byen.

So sa mon promet ou ki en louvraz pou kontinyen. Mon pa kapab donn ou en larepons ou dezyenm kestyon pou lemoman *we can always get back* si fodre. Mersi.

MR SPEAKER

Lo kestyon biro ou pou reponn Minis oubyen- ?

MINISTER PATRICIA FRANCOURT

Mon pa kapab donn en larepons pou lemoman Mr Chair. Mersi.

MR SPEAKER

Ou pa kapab, *ok* tre byen *sorry* mon'n mank sa. Onorab Roucou.

HON MICHEL ROUCOU

Mersi Mr Chair. Bonzour Minis avek ou lekip. En bonzour spesyal pou tou zabitan Mont Fleuri. Minis mon vwar poudir anba *night shelter*, i annan 1.4milyon. Si ou kapab dir nou konbyen dimoun ki pe deservi sa fasilite laba? E kantite travayer ki annan?

Apre mon vwar kot *residential service* ti annan zot ti ganny 150,000 oparavan e la zot annan 16.6milyon, si ou kapab dir nou en pti pe lo la.

Apre lo kote bann *social worker* dan lepase nou'n vwar poudir bokou *social worker* in kite, in kite sa profesyon zot in ale, e ki zot pe fer pou zot kapab ankouraz bokou bann zenn e osi ankouraz bann ki'n ale pou zot tourn dan sa profesyon? Mersi.

MR SPEAKER

Mersi. *Panel. Yes PS.*

PS LINDA WILLIAM-MELANIE

Mersi Mr Chair. Mersi Onorab pou ou kestyon. Kot i konsern *night shelter*, parey nou konnen *night shelter* i en

landrwa ki donn serten soutyen. Serten dimoun ki pou de rezon ki zot ganny serten problemn aköz zot konportman zot pa pe viv kot zot. E zot petet vwar zot lo semen, e si zot apros kot nou Departman zot ganny sa servis. Me *the figure* kantite dimoun ki vin kot *night shelter* i *fluctuate*.

I annan dimoun ki ou kapab travay avek ki i kapab reste pou en semenn, de semenn, trwa semenn me apre i kapab reganny entegre avek fanmir e i annan lezot ki apre en zour zot vwar poudir zot pa kontan sa landrwa, zot decide ale E kot *night shelter* nou annan 5 *staff* ki travay. E nou fer otan ki nou kapab pou nou avek sa Bidze ki nou gannyen, pou donn sa servis e mentenir landrwa e pey bann saler.

Kot i konsern *residential services programme*, si nou rapel byen nou ti annan sa program ki nou ti deza konmanse kot SDA, pou bann manrmay avek problemn anti-sosyal. Lefe ki sa Bidze ti la e nou ti bezwen fer serten aret nou program dan milye semen, i annan serten *staff* ki'n arete e Bidze in ganny transfer dan lezot bezwen *within internal* dan Departman.

E sa bann *staff* ki reste par lefe ki nou antisipe pou nou

rekonmans nou program ler nou'n ganny nou sant. Nou pa'n nou'n servi sa resours pou ede avek bann lezot *Children's Home* ki nou annan pou lemoman.

Nou annan 2 *staff* ki pe travay avek Fwaye La Providence nou annan enn ki pe travay avek Fwaye Nazaret e nou annan en post la ki *vacant* ki nou pe al rekrite pou nou kapab ed ankor bann fwaye ki dan bezwen. E alor se sa ki ou vwar nou Bidze in *decrease* en kantite. Sirtou sa bann i zis pou saler pou *residential*. Mersi Mr Chair.

MR SPEAKER

Mersi. I annan en lot pwen ki pa'n adrese Onorab? *Remind* vitman silvouple.

HON MICHEL ROUCOU

Lo kote bann *social worker* Mr Chair.

MR SPEAKER

Social workers ki'n kite, oubyen zenn likou anvi ankouraze. PS wi adrese.

PS LINDA WILLIAM-MELANIE

Mersi Mr Chair. Sa ki konsern *social worker* ki kite. I paret dan lezot ki lezot profesyon, kot dimoun i santi poudir zot anvi bouz dan en lot

area. me zot servi zot konpetans konman ki zot in gannyen konman en *training* dan *social work*.

E sa nou pa kapab anpese, me nou annan bann *student* ki kontinyen ganny *train* kot *NIHSS*. E ler bann *student* i fini zot *training* i toultan annan plas ki nou kapab *recruit*. E la nou annan bann etidyan ki pe fini sa lannen zot *training*, e nou annan plas pou nou kapab *recruit* ankor apepre en 5 *social worker*.

So avek Minister Ledikasyon i toultan annan bann kozri ki nou fer pou ankouraz sa bann manrmay bann etidyan pou zot kapab pran pran *training* dan *social work*.

Akoz parey nou'n tann *Chairperson Social Workers Council* fek fer son lentrodiksyon *social work* i en travay ki *vast*. E i annan diferan *area practice* so o firanmezir ki nou ganny bann dimoun ki *train* ladan nou kapab agrandi servis ki nou donnen dan *social work*. Mersi Mr Chair.

MR SPEAKER

Mersi *PS*. Onorab Pillay.

HON SEBASTIEN PILLAY

Mersi Mr Chairman. Bonzour Minis ek ou delegasyon ankor enn fwa. Bonzour Ms Mohideen e bonzour *PS* Melanie.

Mon ti ava kontan klarifye en keksoz. an relasyon avek *social worker*, eski i annan *social worker* ki'n ganny forse aret travay? E prenon kont *training* ki *social worker* i sipoze gannyen, ki arive ler en *social worker* i dan en sityasyon kot in mon pa konnen mwan in fatigue.

Mon pe get Bidze pou Konsey. I vremen, napa vremen nanryen ki zot kapab fer pou donn en sipor bann *social workers*.

Eski Minis pe prevwar ki Bidze pou Konsey pou ganny revwar dan lefitir oubyen *Mid-year Review* pou donn konsey serten resours adisyonnèl pou menm fer *counselling* avek *the counsellors*. Si sa i en posibilite? Sa i mon premye kestyon.

Mon dezyenm kestyon Mr Chairman ler nou regard sa apard sa logmantasyon, ki al ver sa *construction of Youth Hope Centre* ki en *Grant*, realistikman Bidze pou Departman pour Zafer Sosyal pa'n annan gran sanzman ladan.

Mon ti ava kontan demann Minister Finans ki

stratezi ki'n ganny servi an preparasyon sa Bidze? Ki *ceiling* ki'n ganny donnen avek Departman Zafer Sosyal?

E eski i annan bann *new spending proposal* apart ki sa *Grant financing* ki Departman Zafer Sosyal in met devan Minister Finans ki pa'n ganny aksepte?

E mon dernyen keston Mr Chairman vreman senp, an relasyon avek bann dimoun ki pe travay dan sa Departman, e sa ki pe ede. *Chairperson* Konsey in dir ek nou koumsa poudir i annan dimoun ki annan bon lentansyon, me ki parfwa zot bon lentansyon i pa vin avek en kalifikasyon oubyen avek en leksperyans dan sa domenn.

Ki Minister pe fer pou asire ki tou bann dimoun ki pe travay swa dan en fason volonter, swa dan en fason ofisyel zot annan sa konpetans pou zot kapab delivre lo sa bann louvraz ki zot pe fer? E zot pa pe koz plis problem dan bann sironstans kot i annan bann nesosite pou zot fet bann lentervansyon? Mersi Mr Chairman.

MR SPEAKER

Mersi. *Panel* lekel ki pou konmanse? Nou ava konmans avek *Workers Council*.

CHAIRPERSON SOCIAL WORKERS COUNCIL SHELLA MOHIDEEN

Mersi Mr Chair. Mersi Onorab mon ava reponn bann bout ki relevan avek *Social Workers Council*. Pou konmanse mon krwar i enportan pou nou konpran *Social Workers Council* i *regulatory body*. E i annan serten travay ki li i fer ki wi i kapab donn sipor servis, me solman i pa kapab tro antre dan servis, akoz si i tro antre dan servis, apre sa i pa pou kapab *regulate* sa ki servis i fer.

So i annan bokou sipor ki i donnen. Par egzanp lo kote preparasyon pou- nou pe swete ki nou Bidze i aprouve pou nou kapab amann Lalwa. Dan preparasyon pou Lalwa ganny amande par egzanp. Nou pe travay avek bann *social workers* pou zot konpran ki sa *ongoing professional development* i enportan, ki mannyer zot pou kit zot *folio* pou zot kapab ganny anrezistre apre.

Kot i konsern sa bout kot mon'n dir ki i annan bokou dimoun ki fer sa travay lo en nivo volonter, e zot napa konpetans pou zot fer sa, sa i en keksoz ki nou pe diskite pou nou regarde ki mannyer nou fer sa antre dan Lalwa ki –

Ou konnen *social work* si ou byen konpran li i annan diferan nivo *social work* ki ou kapab donnen. E i annan serten nivo k isi ou pe fer li lo en labaz volonter ou kapab fer, me solman ki ou bezwen konnen ou bezwen konnen kan ki ou pou bezwen fer sa *referral* avek enn ki annan plis konpetans pou delivre pou ou.

E si ou pa'n en dimoun ki'n fer *training*, pou ou konpran kan ou pou ou pou fer *referral*, se la ki ou sot *boundaries* i annan serten lentervansyon ki ou donnen. E se la ki sa bann lentervansyon parey mon'n dir i kapab mor *bad than good*. Ou kapab fer plis ditor ki dibyen.

So wi letan nou'n demann Bidze pou nou reviz Lalwa, i bann keksoz Onorab ki nou pe mazin lo la pou nou regarde ki mannyer nou kapab ankadre bann diferan nivo *social work*, e avek sipor *expert* ki p ou vin donn nou pou nou kapab devlop sa Lalwa nou ava kapab regarde ki mannyer nou met sa dan Lalwa pou nou kapab donn *training* bann diferan nivo. Mersi.

MR SPEAKER

Mersi. Wi Minis ou ava kontinyen.

MINISTER PATRICIA FRANCCOURT

Mersi Mr Chair. Onorab pou ou kestyon ki ou'n demande premye, eski nou konnen si nou konnen i annan dimoun ki'n ganny forse? Mon pa konnen si i annan dimoun ki'n ganny forse pou kite.

Mon annan en *Open Door Policy*, dan tou mon bann *entities*. So si i annan dimoun ki *feel* sa in arive avek zot, *please come and see me and talk to me about that*. So sa mon ankouraze.

So definitely that would be en keksoz ki mon pou regard ladan si i annan levidans. Mon ti ava kontan SS Payet i koz lo sa bout Bidze *review*. Mersi.

MR SPEAKER

SS Payet wi.

SS PATRICK PAYET

Mersi Mr Chair. Mersi Onorab pou sa kestyon. Mr Chair kekfwa mon ti ava kontan kekfwa lo paz 540 zis pou eksplik en pe letan kekfwa Onorab in mansyonnen ki napa *significant increase* wi. Nou pou vwar mazorite *increase* dan *capital expenditure* ki 16milyon.

Me sepandan letan ou regard dan *wages and salaries* letan ou get Bidze revize 2021, ti 18.6milyon. Bidze 2022 i

21.1milyon, *goods and services* Bidze revize 2021 ti 11.9 e Bidze 2022 ti 12.97 milyon.

So i annan en ogmantasyon ki nou'n mete dan Bidze. Nou konpran kefwawa nou ti kapab fer plis. I parey bann lezot sekter.

E sa parey nou'n mansyonnen dan ladres ki Minis in dir ki i anvi ki sityasyon ekonomik, nou'n osi nou'n fer sir ki provizyon Bidze, nou pa'n met sa kantite Bidze aköz nou reveni. menm si nou'n *forecast* baze lo lensertitud ki ankor egziste. Baze lo pandemik COVID-19, so nou bezwen fer sir letan nou pe fer alokasyon Bidze bann Minister.

Me sepandan parey zot konnen nou pe travay lo sa *Result-Based Management Framework*, ki nou pou travay avek tou sekter dan premye kar lannen prosenn pou nou fer sir ki nou donn zot bann *ceiling* baze lo zot bann stratezi ki nou pou travay avek zot. So nou espekte pou annan amelyorasyon dan Bidze 2023. Mersi.

MR SPEAKER

Mersi. Yes Onorab Pillay.

HON SEBASTIEN PILLAY

Mersi Mr Chairman. Mon konsyan letan mon pa oule pran letan pou anpes lezot Manm pou kapab demann zot kestyon.

En senp pti pwen Mr Chairman, prenon kont ki dan bann *cohort NIHSS* i annan plis ki 5 bann etidyan ki swiv sa program.

Eski Minister i pe koz avek *NIHSS* pou annan en *intake* ki *match* sa kantite dimoun ki dan sa *cohort*? Aköz si ou pe dir mon ou pe pran zis 5 manrmay *NIHSS* nou ti annan bokou plis manrmay ki 5.

So kote sa bann etidyan ki fini avek sa kalifikasyon spesifik pou kapab al travay? Mersi Mr Chairman. E aköz i pou tonm dan ou domenn osi, ou Minister Departman Lanplwa i avek ou, e *social worker* i pe *train NIHSS*? Mersi.

MR SPEAKER

Mersi. *PS yes.*

PS LINDA WILLIAM-MELANIE

Mersi Mr Chair. Mersi Onorab pou ou kestyon. Onorab mon krwar letan nou pe koz *training social work*, parey mon'n dir taler dan larepons ki mon'n donn Onorab Roucou, konpetans ki en dimoun i gannyen letan i fer *training*

social work, i kapab servi dan en varyete profesyon.

Parey nou'n vwar ler ti konmans *training social work* Minister Ledikasyon pa ti ankore anmenn *school counsellor*, annan bann pozisyon pou *school counsellor*.

So o firanmezir ki i annan bann demann dan lasosyete dan sa *social related field, training* dan *social work*, konpetans dan *social work* i pou vwar son plas dan pei.

taler mon ti ganny demann kestyon lo dimoun ki'n kite par egzansp ler APDAR ti ganny kree konman en Lazans i annan bokou *social worker* ki ti bouze pou al travay avek APDAR, akoz sa bagaz e sa konpetans ki zot gannnen dan sa *training* i kapab ganny servi dan bann lezot *area social related*.

Parey dan bann *homes* dan bann fwaye, si ou get aletranze dan bann lezot ziridiksyon pou ou kapab travay dan en fwaye ek zanfan ou bezwen en *training* dan *social work*. Akoz ou kapab servi diferan baz pou ou kapab anploy en dimoun ki'n *train* dan *social work*.

So mon krwar i annan lespas e NIHSS i fer sir ki letan i kapab met *training social work* lo son *curriculum* tou le 3an ki

pran bann nouvo group zanfan. So mon krwar i annan lespas ki ler zot fini zot letid i annan travay pou zot fer dan pei. Mersi Mr Chair.

MR SPEAKER

Mersi PS. Onorab Hoareau.

HON JOHN HOAREAU

Mersi Mr Chair. Mr Chair mon kestyon i baze lo *programme 2 table 4*, ki nou pe get bann *performance measures*. Ler nou get *number of active cases of children and families receiving assistance*. Pou lannen 2021 sorry 2020 aktyel ti 4607 e ler nou pe get 2021 in monte in vin 5000 e target pou 2022 i 5125.

Me sa i en pti pe apepre 5poursan popilasyon Sesel li menm. ler nou pe get aprezan lakantite *number of cases* ki ganny *completed*, nou vwar i sorti 157, 200 e 150 pou lannen 2022.

Alor mon pe demann mon lekor ler ou tir dizon 150 *from* 5125 i fer ou 4975, ki arive avek sa 4975 *cases* ki pa ganny *completed*?

So ki mannyer zot kapab dir dan zot Bidze, ki mannyer zot kapab demann sa vot ki ler nou pe get zot *performance* i way, way, way low? Mersi.

MR SPEAKER

Mersi. *PS* i adrese.

PS LINDA WILLIAM-MELANIE

Mersi Mr Chair. Mersi Onorab pou ou kestyon. Onorab letan ou pe get sa *figure* wi i paret gro, e ler ou pe get lakantite *case* ki nou pe dir *sort of* konplete, par egzansp dan en lannen.

Akoz dan en *case* ler par egzansp nou pe travay avek en fanmir, avek en zanfan, ou pa get zis sa enn zanfan ki'n prezant avek serten problem.

So ou pou vwar ki nou *case*, ler nou pe fer *case management* ou bezwen kontinyen avek en pe letan, aköz si ou pe travay avek en zanfan 10an dan en fanmir ou vwar i annan de trwa lezot zanfan ki apre sa zanfan 10an, nou kit sa *case* aktiv dan lesans kot pou vwar bann risk ki kapab annan.

Akoz annandler ou pou vwar dan en *household* ou pou vwar i annan tou le trwa zanfan si en fanmir ki annan 3 zanfan ki ou bezwen pe kontinyelman pe donn sa swivi travay avek.

So dan en lannen sa pa fini kekfwa ou fini avek *issue* ki konsern sa zanfan, me i annan lezot *issues* dan sa *case* ki ler ou pe travay avek i vin en

cumulative total. Aköz tou le mwan ou pe rikord nouvo *case*.

So i azoute. So ler nou satisfè ki en *case* nou kapab *close* li net. La lanmenm ler ki nou dir be nou'n kapab tir sa kantite.

Akoz letan ou pe mazinen sa *figure* i pou Mahe, Praslin ek La Digue. *So is a total* ki antre dan nou sistenm, ki *cumulatively* avek sa ki nouvo ki antre, i kontinyen azoute konpare ek letan lakantite ki ou kapab *close* li dan en lannen. So sa ki ou vwar i annan en pti pe sa bann diferans.

E pou bann dimoun parey Ms Sheila i dir ki an deor *social work* i pa tro konpran nou *figure*. Me nou, nou konpran li aköz nou pa travay avek zis en zanfan dan sa *household*. Ou kapab ou pe travay ek manman ek papa tou.

So i pran en pe letan pou ou kapab fer sa swivi. So vwala ki ou vwar nou *figure* ki mannyer i ete. Ler nou satisfè ki nou *close* en *case* net ki napa lentervansyon. Oubyen ler nou dir be nou'n fermen la nou, nou pe *refer* avek en lot Lazans, la nou kapab dir i *close*. Napa travay ankor ki pe fer avek.

I pou en pti pe difisil pou zot konpran. Be nou *within* nou sistenm, nou konpran li aköz i annan bann lezot eleman dan

sa *case*, ki ou pa kapab ferm li zis akoz dizon ou pe travay ek en zanfan ki pe *play truant*, apre en serten 6 mwan i n al byen lekòl. Me i annan lezot faktè. Ou pa fermen sa *case* zis akoz li prezan i pe al lekòl byen. Ou bezwen swivre li ankòr en pe letan.

So ou kapab swivre en *case* pou 2an pou 3an me an-tan-dan i annan lezot ki vini. So vwala en pti pe nou *figure* ki mannyer nou kalkile. Mersi Mr Chair.

MR SPEAKER

Mersi *PS*. kot mon ete la Onorab Gill.

HON CHURCHILL GILL

Mersi Mr Chair. Bonzour ankòr Minis ek ou *panel*. Mon annan zis en kestasyon. *ASP* in ganny en Bidze R27milyon, me solman an menm tan zot in fer sorti ki i annan labsans *Oversight Unit* pou kapab enplimant *standard procedures*.

MR SPEAKER

Eskiz mwan nou lo Bidze *ASP* la Onorab?

HON CHURCHILL GILL

ASP apre? *Sorry*.

MR SPEAKER

Ok mersi wi. Nou ava al apre. Mon ava pran Onorab Esparon.

HON REGINA ESPARON

Mersi Mr Chairman. Bonzour Minis ek ou delegasyon. Mr Chairman mon annan zis de klarifikasyon. Anba *current challenges* pou *Social Workers Council* i dir ki I annan "*inadequate budget in the consultancy vote*." Me selman mon pe vwar ki lo latay detay i annan en 68,000 pou *local consultancy* e osi en 75,000 pou *foreign consultancy*.

Mon panse Ms Mohideen sa i pou sa *revision of the Social Workers Council Act* sa.

E dezyenmman nou'n koz bokou lo bann *social worker* ki kite e *PS* in dir poudir zot kite parey dan nenport ki louvraz. Me ki kalite program ki zot pe met an plas, pou *retain* sa bann ki deza dan sistenm?

Parske lo dan louvraz *social worker*, parfwa i en pe delika letan sa bann *social worker* i vin dan distrik in etabli sa relasyon avek bann kliyan dan distrik, i fasil pou zot kapab ed sa kliyan. Me si sa pe ganny sanze toultan, i fer sa mank konfyans dan bann *social worker* kot *social worker* i vini i ale i vini i ale napa kontinite. I mank sa kontinite. Ki kalite

program *retention* ki zot pe met an plas? Mersi.

MR SPEAKER

Mersi. Yes Mr Mohideen.

CHAIRPERSON SOCIAL WORKERS COUNCIL SHELLA MOHIDEEN

Ok mersi Onorab. Nou ti'n met li anba *challenges* akoz revizyon Lalwa i en travay ki en pe letan nou ti pe swete ki nou kapab fer.

Actually i apepre 3an ki mon ti *engage* ek *Council* e en keksoz ki mon'n vwar parey mon ti pe dir, i sa *lack of* konprenezon travayer travay *social work, lack of* konprenezon *social work*.

E petet parey PS fek eksplike la, ou annan de ka ki ou annan bann *case* ki pou reste ouver ki plis ki 1an plis ki 2an plis ki 3an.

E en dimoun ki pa konpran sa lasyans. Petet annan ler ou krwar ou en dimoun ni vin kot ou, ou fer lekout ou donn li en pe *advice* e ou krwar ou'n fini fer dibyen sa dimoun.

So fodre ou konpran sa lasyans. So nou ti oule reviz Lalwa pou en pe letan me selman letan *COVID* ti *happen* ki ti annan en pe restriksyon Bidze nou'n konsider li konman

en *challenge* be la nou'n met li dan Bidze e nou pe swete ki nou ava aprezan ganny sa *funding* pou nou fer sa modernizasyon Lalwa.

Rezon ki nou'n met tou le de *local* ek *international*. Mwan mon krwar dan *local capacity*. Nou pou seye pou nou ganny *expertise locally* pou nou fer. Me selman si nou pa kapab gannyen *local expertise* nou pou bezwen al aletranze, pou nou fer sir ki letan nou moderniz nou Lalwa, nou annan en Lalwa ki vreman ed nou pou kapab fer *social work* vin *as effective as possible*. Mersi.

MR SPEAKER

Mersi Mr Mohideen. Onorab Aglae. PS pou azout keksoz avan? Wi PS.

PS LINDA WILLIAM-MELANIE

Mersi Mr Chair. Mersi Onorab pou ou kestyon. Onorab kot i konsern program *retention* apepre 2an pase, nou ti *revised* nou *Scheme of Service* pou fer nou *package* saler nou bann *social worker* en pti pe pli *attractive*. E mon rapel mon ti ganny demande bann kondisyon nou ti anvoy dokiman kot Lasanble.

And nou annan en *Open Door Policy*. Mwan a sak fwa ki nou santi ki i annan *staff* ki

annan *issue*, e sak fwa ki en nouvo *staff* i antre dan travay, mon fer sir ki mon zwenn ek sa *staff* ler i pe ganny in pas son 6 mwan probasyon, mon zwenn avek sa *staff* ankor, nou koze nou vwar ki *manner* i pe *settle*.

E toultan i annan bann sistenm sipor ki an plas ki si en *staff* i santi li dan serten difikilte, oubyen i pa pe i pe ganny difikilte avek travay avek kliyan, swa avek koleg travay nou zwenn avek *staff* pou nou vwar ki *manner* nou kapab adres bann konsern ki zot annan.

Me si vreman i annan en *staff* ki santi i anvi ale menm pou serten rezon personnel ki annan de fwa, zot pa devwale oubyen in ganny en lot travay kot i santi lapey i pli byen.

So nou esey konpran li nou koz avek li. Me toultan nou dir zot laport i ouver si en dimoun pa'n ale aköz en rezon disiplinier. Mersi Mr Speaker.

MR SPEAKER

Mersi pou sa. Onorab Aglae wi ou kestyon prezan.

HON EGBERT AGLAE

Mersi Mr Chair. Minis pou sa kestyon pou Chairman bokou lanfaz pe ganny mete lo sa travay pou aksepté. Me selman en eleman ki mon krwar

ki enportan se *package itself*, petet pou atrakte sa bann travay. Eski zot pe travay lo en *new Scheme of Service* pou sa bann *social work* pou fer li vin pli atraktif?

Mon konnen poudir petet SS pou lo kote finans pou dir nou pou annan *increment 2022 or 23* pa sa ki mon oule vwar mwan.

Se en *package* ki pou atrakte plis sa bann *social worker* e *retain them in their job* ki sa travay i bokou. Me selman reminerasyon i pa ale avek sa travay ki annan. Sa nou bezwen dakor ek sa. Mersi.

MR SPEAKER

Mersi. lekel Minis wi.

MINISTER PATRICIA FRANCOURT

Mersi Mr Chair. Mon ava pran en bout aköz mon konnen PS Melanie ava koz lo *review of package*.

Onorab sa louvraz konman en *social worker as we all know it's a very demanding job*. E i en louvraz ki ler ou koz avek en *social worker it comes from the heart*.

Si ou vwar ou pe fer sa louvraz aköz i dan ou sa. *it's the same for nurses it's the same for teachers*. Letan konmsi nou pe dir *review* enn

ler ou regarde tou i ekivalan pou *review*.

Mwan mon'n zwenn bann zenn *social worker* letan mon fer mon *rounds*, kot *beyond their work of duties* zot out there still pe fer sir ki zot pe protez zanfan *vulnerable adults and so on*.

So *it's a very, very demanding job*. E *quite rightly*. So zanmen larzan i *equate what they are in terms of their true value*.

Me solman nou konpran sa sityasyon. E mon konnen poudir *when the time is right* i enn nou, nou pou met en lanfaz si fodre pou garde si i annan en *review*.

Me solman mon tir mon *chapeau to them*. *Because the work that they do is continuous e i hard but at the end of the day* i annan bokou zot ki pa *equate* sa avek larzan. *They do it from the bottom of their heart*.

E zot konnen zot pe fer en diferans sirtou kot i konsern *child protection*. E zot fer sa de *in de out*. E zot fer en bon loubraz. E sirtou kote lo distrik.

So mwan mon pou toultan *advocate for better working conditions, for better package and everything*. *but we have to be realistik* avek sa ki nou annan. Mersi.

MR SPEAKER

Mersi Minis. Nou ava pran kestyon Onorab Vidot.

HON AUDREY VIDOT

Mersi Mr Chair. Mon kestyon avek zot Bidze eski zot pe fer provizyon ki 2022 i annan plis sa relasyon *networking* ansanm avek Konsey avek kominote an term nou bann *leaders*, vwar petet, nou konnen wi sa size bann *issue* sosyal dan bann kominote i sansib.

Me vwar ki mannyer i kapab ranforsi relasyon travay ant bann diferan *patenaire* lo nivo kominote, pou ki nou kapab vwar ki mannyer nou kapab sipor kanmarad pou nou elev en pti sa bann adres en pe sa bann *issue* sosyal dan nou bann kominote? Petet lo baz rezyonal eski zot pe fer provizyon? Petet *how frequent* ki zot pe mazine anvizaze petet fer li, ki swa Konsey?

Ler mon pe dir konsey i enkli mon pe mazine zot osi annan bann *social workers* ki lo nivo lekol. Ki anrezistre vwar ki mannyer nou kapab met lespri ansanm. *Thank you*.

MR SPEAKER

Mersi Onorab. *Panel PS* pou adrese wi.

PS LINDA WILLIAM- MELANIE

Mersi Mr Chair. Mersi Onorab pou ou kestyon. Mon mazine petet *Chairperson* i ava reponn lo sa bout lo Konsey si i vwar sa relevans ladan ek sa kestyon.

Me sa ki mon anvi dir avek Lasanble nou *social worker* ki baze dan distrik i deza annan en bon relasyon travay avek tou bann *partners* dan distrik.

I annan bann moman kot i annan bann rankont, par egzanz letan *district team social worker* i *involve*. So sa *networking* parey ou pe dir mon krwar wi i devret ranforsi. E parey Onorab Porice in dir i lo menm lelan menm lanpler ki nou anvi pran, kot nou pe fer sir ki bann ka sosyal i ganny atrape.

E kot nou, nou kapab antre pou donn sa servis pou donn sa sipor nou fer li. E nou refer bann ka avek bann lezot Lazans osi ki bezwen donn en koudmen. Akoz ler nou koz problemm sosyal dan lakominote i annan keksoz ki nou dir problemm sosyal ki plito relye avek en lofans kriminel.

So nou bezwen fer sa distenksyon, a ki moman ki si Lapolis i bezwen antre, si travayer sosyal ki bezwen antre oubyen en lot Lazans. So pou nou kapab donn sa servis e sa

sipor kordinen. Wi nou pou annan bann rankont dan bann distrik avek nou bann *partners*, pou nou ranforsi menm stratezi ki nou pe servi avek *Inners Islands* ki nou'n diskit avek bann *partners Inner Island*. Mersi Mr Chair.

MR SPEAKER

Mersi. Wi Mrs Mohideen oule azout keksoz?

CHAIRPERSON SOCIAL WORKERS COUNCIL SHELLA MOHIDEEN

Ok Onorab zis pou dir ki mon krwar pwen ki ou'n fer sorti i tre relevan. Problem sosyal, i toultan bann problem ki *cross-cutting* parey nou dir. E si problem i *cross-cutting* nou bezwen an Kreol nou dir sa lager antoure. Nou bezwen rode ki mannyer nou travay ansanm pou nou kapab redres bann problem e byensir *Council* i ava regarde ki mannyer nou kapab travay ek bann lezot partner pou fer sa arive. Mersi.

MR SPEAKER

Mersi. Prezan nou ava pran vot lo sa bann antite. Premye lo *Ministry of Employment and Social Affairs* son Bidze i lo paz 531 ziska 543 pou en total R87milyon 934mil. Manm ki an faver lev lanmen

silvouple? Mersi. Mon vwar tou Manm in vote.

Vot lo Bidze pou *Ministry of Employment and Social Affairs* lo paz 531 ziska 543 pou R87milyon 934mil, 31 Manm in vot pour, 0 kont e 0 abstansyon. Bidze in aprouve par Lasanble.

Vot lo Bidze *Social Workers Council* lo paz 550 ziska 552 pou en total R654mil Manm ki an faver lev lanmen silvouple?

Mersi. Okenn Manm ki vot kont? *Vot Bidze Social Workers Council* lo paz 550 ziska 552 pou R654mil, 31 Manm in vot pour, 0 kont, 0 abstansyon. Mersi. Sa de Bidze in aprouve par Lasanble.

Mon pou remersye bann zofisyè *Social Affairs* avek *Social Workers Council* ki la avek nou PS Melanie, Mr Mohideen e osi Ms Pool *for accountant*.

Nou pe kontinyen avek Bidze pou *Agency for Social Protection*. Nou a zwenn - nou a bezwen sey gete ki nou kapab fer avek larestan bomaten. Nou ava zwenn 11.45. Mersi. E bon kontinyasyon, bonn apre midi bann zofisyè.

(BREAK)

AGENCY FOR SOCIAL PROTECTION/

BENEFITS AND APPROVED PROGRAMME OF ASP

MR SPEAKER

Alor nou swet labyenveni zofisyè *Agency for Social Protection*, Ms Brenda Morin son *Chief Executive Officer*. Mrs Debbie Celtel son *Operation Director* e Ms Chiara Culteri *Financial Controller*. E Minis i ankor avek nou. Bidze pou *Agency for Social Protection* i lo paz 544 ziska 549 pou en total R27milyon 475mil.

SS diriz mon eski nou pran diskisyon lo tou le de ansanm e apre nou ava pran vot separe i ava korek sa? Tre byen.

Ok nou pou osi kouver *Benefits and Approved Programme of ASP* ki dan seksyon 2 paz 40 ziska 41, e sa i pou en total en R1bilyon 444milyon 865mil. Tre byen Minis avek sa ou ava entrodwir sa 2 Bidze apre nou ava pran kestyon.

MINISTER PATRICIA FRANCOURT

Mersi Mr Chairman. Mr Chairman mon koz lo Bidze *recurrent budget* premye. Bidze *recurrent* pou lannen 2022 ki pe ganny propoze devan Lasanble i R27.4 milyon.

Sa i 30poursan rediksyon konpare avek Bidze lannen 2021. sa rediksyon i aköz R10.2milyon in ganny transfer anba Gouvernman Lokal pou *burial services*.

R984mil 555 i *savings* ki ASP in fer aköz in anmenn lefikasite dan peyman ki ganny fer dan distrik. Sa *saving* i vin atraver rekomandasyon *World Bank* pou fer ki nou bann kliyan i resevwar zot benefis pa zot kont labank.

ASP in fini akonpli 95poursan sa *target* e tou servis relye avek peyman dan distrik in ganny aboli.

Bokou risk in ganny eliminen par met en pratik sa nouvo fason fer peyman benefis, spesyalman ti napa levidans ki kliyan ti pe kolekte zot lanvlop larzan dan distrik.

Lezot risk ki'n ganny eliminen se koleksyon, milyon Roupie an *cash* kot Labank Santral apre pey *staff duty allowance* pou kont tou sa larzan e met dan lanvlop e apre pey gard sekirite ek transportasyon lasirans e lwe en *printing machine* pou *print* bann lanvlop.

Lot laliny Bidze ki anmenn rediksyon dan Bidze *recurrent* se *Home Care Training*. An lannen 2021 ti annan R500,000 pou *train* bann *carers*. *Training*

pa'n ganny fer aköz i annan diskisyon reform ki pe ganny fer pou anmenn *training* pli apropiye ki pou benefisye bann resipyan.

Mr Chairman si ou permet mwan mon ava lir en pti bout lo Bidze benefis. Ankor Mr Chairman, pandan sa 1an ASP in pas dan en transformasyon, ki'n anmenn latransparans e rann kont dan fason ki i zer son Bidze benefis ek ladministrasyon.

Prosedir n ganny met an plas, pou fer sir ki sa Lazans i rebran son plas tre enportan dan lasosyete an ver bann ki vilnerab, e zer sa pli gro Bidze pei dan en lankadreman byen striktire e avek *professionalism*.

Bidze ki pe ganny prezante ozordi pou Lazans Proteksyon Sosyal pou lannen 2022 i pou ed li kontinyen anmenn en standar eleve dan sa servis e loperasyon ki pou an retour asire ki servis targete pou nou sitwayen ki vwar zot dan bezwen.

Bidze pou bann benefis i environ R1.44bilyon sa i en logmantasyon 5milyon konpare avek Bidze 2021.

Sa logmantasyon i dan sa 3 laliny Bidze, benefis pansyon retret, benefis dezabilite e Skim Swen Domisil.

Sa se akòz demografi nou pei pe montre ki dimoun pe viv pli lontan e lenpak *COVID* pe anmenn bokou problem lasante. An plis konplikasyon relye avèk drog, lalkol e *autism* pe kontinyen annan en lenpak signifikan lo Bidze.

Pou lenformasyon Lasanble, i osi annan 4 laliny Bidze ki pe nepli kot *ASP* an 2022. E sa in napa okenn lenpak lo Bidze benefis 2022.

Premye *Emergency Housing Assistance Scheme* pe bouz kot Minister Later ek Lakaz.

Dezyenm *SPTC Travel Concession* pe bouz kot *SPTC*.

Trwazyenm *Inter Island transpor Scheme medical referral* pe al kot Minister Lasante.

Katriyenm *Daycare Scheme* pe al kot *IECD*. Sa i form parti bann reform entern ki pe arive kot *ASP* vi ki sa bann *Scheme* i pa an lir avèk manda Lazans. Mersi Mr Chairman.

MR SPEAKER

Mersi Minis. Nou ava pran kestyon bann Manm. Mon ava konmans avèk Onorab mon'n pran tou bann non ansanm mon pa konnen ki lord zot in lev lanmen. Mon ava pran Onorab Letourdie. Akòz i

pa'n demann bokou kestyon ziska konmela.

HON JANY LETOURDIE

Mersi Mr Speaker. Bonzour tou dimoun. Mr Chair mon pe baz mon kestyon par rapor avèk konponan Bidze ki vote pou lasistans pou ganny lasistans *carer*.

Mon ti a kontan demann Minis petet ki bann anpes mon pa pou dir sa bann kriter, selman bann lanpesman ki kapab fer en dimoun ki aze me solman ki'n ganny sertifye ki i bezwen son lasistans *carer* par *Board Medikal*, me i pa pe kalifye pou gannyen sa lasistans ki i peye par Lazans Proteksyon. Mersi.

MR SPEAKER

Mersi. Wi Ms Morin i ava adrese *please*.

CEO BRENDA MORIN

Bonzour Chairman. Bonzour tou Onorab. Mersi pou ou kestyon Onorab. Pou en dimoun ki i bezwen *home care* e ki'n ganny son *bartel* ki i demontre ki i bezwen en *carer*.

Lot staz ki bezwen pas ladan se sa *means testing*. Se sel rezon ki si i pa gannyen savedir i annan mwayen ki kapab peye li menm akòz si i napa mwayen pou li peye se la

kot Gouvernman kot ASP ki antre pou pey son *carer*. Mersi.

MR SPEAKER

Mersi. Wi ale klarifye Onorab Letourdie.

HON JANY LETOURDIE

Vitman Mr Morin, ler ou pe dir son mwayen konmsi sak dimoun li menm li si i annan ase larzan pou li pey en *carer* oubyen ki mannyer si ou ti kapab eksplik sa silvouple.

MR SPEAKER

Yes ou ava klarifye *means testing CEO*.

CEO BRENDA MORIN

Mersi Chairman. Mersi Onorab pou ou kestyon. Wi nou pou get li menm li, si i kapab peye, e apre osi i konsider sa *household*. Me sa avek i pa toutafe parey avek *welfare*. I annan lo *case-by-case basis*, definitivman i personnelman li si i annan ase mwayen pou li pey son prop *carer*, oubyen dan sa lakour tou sa dimoun ki reste la son bann zanfan ki osi annan responsabilite ver zot paran sirtou e tousala i pran konsiderasyon ler nou reviz sa bann *case*. Mersi.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonzour ankor enn fwa Minis avek ou delegasyon, *CEO*, enn zot bann *current challenges* ki zot pe fer resorti se ki i konsern zot *social welfare information system application* avek zot *payroll system*. E sa zot pe vwar ki i kapab *increase* bann lerer e ki i annan potansyel pou fer frod.

Sa Bidze 2022 ki ou pe gannyen *ASP*, petet eski zot pe annan en konponan ladan, ki zot pe mazin pou travay lo sa *challenge current challenge* la ki zot annan, pou ki zot kapab met en *stop* petet nou kapab dir avek sa problemm sa sistenm *application* ki zot annan e an menm tan zot sistenm *payroll*?

Dezyenmman en lot zot pwen stratezi ki zot in mete, zot pwen stratezik nimerò (1) se ki zot in dir zot oule osi adres *in adequacies* dan *ASP processes and system*. Pa konnen si i *link* sa de ansanm so petet dan en sel larepons ki ou pe fer atraver sa Bidze pou ou rezourd sa problemm?

En lot keksoz mon ti ava kontan met devan *CEO*. I annan en konsern la par bann zenn, sirtou bann etidyan konnen poudir zot in fini transfer bann lasistans larzan

bann lekol pos-segonder avek bann diferan lekol.

Me konsern la ki'n leve, i se ki bann zenn sirtou letan pe antre dan premye lannen, zot in vwar ki pran lekol *Tourism* la ok zot annan en kantite bann lekipman bann zafer pou al aste. E i annan lezot lekol osi ki demann zot pou vin avek parey *SIT*. Nou demann zot pou vin avek bann diferan *boots whatever*. Bann zenn ti pe regarde si i annan posibilite ki sa *allowance* sirtou ler ou premye lannen or premye term mon pa konnen i ganny ogmante?

Or apre an menm tan letan nou lo menm size Mr Chair petet ti ava mon pe regarde *ASP*, eski a lavenir ekonomik nou dir keksoz i aranze. Nou konnen pri lavi in monte keksoz i ser. *Stationaries* i ser eski zot pe mazin osi ogmant sa *allowance* ki sa bann etidyan i gannyen baze lo premye lannen, dezyenm lannen trwazyenm lannen ki zot pe etidye? Mersi.

MR SPEAKER

Mersi. Minis nou ava pas lo *CEO*. *CEO* wi.

CEO BRENDA MORIN

Chairman Mersi. Mersi, Onorab pou ou kestyon. Lo nou

challenge ki ou'n nonmen e apre nou priyorite stratezi ki osi ou nonmen definitivman i *link* ansanm. E deza nou'n fini fer demars lo la. Nou annan en konsiltan ki deza in konmanse depi le premye Oktob, pe reviz nou sistenm nou fer li ki nou kapab en sistenm ki annan mwens enterferans ladan, olye annan 3 sistenm depi laplikasyon ziska peyman ki en fwa tou ou lenformasyon i antre lo sa *first point of input* ziska peyman.

Akoz se la in anmenn bokou frod, bokou labi dan sistenm, akoz i annan 3 fwa ki lenformasyon i antre dan sa sistenm.

So nou espekte sa konplete a pli tar ki Zen lannen prosenn *hopefully* nou lo *phase 2* avek konsiltan. In fini donn son rapor akoz i form par reform *World Bank* nou bezwen montre ki nou pe fer akoz sa i en gran demann ki'n zot in fer. Lo lot pwen mon ava les mon ava pas *Minister*, *thank you*.

MR SPEAKER

Wi Minis.

MINISTER PATRICIA FRANCOURT

Mersi Mr Chairman. Onorab lo bout *allowances increase the fact* ki pou nou

transfer bann Bidze *appropriately* kot i ale, in annan bokou diskisyon lo la pou vwar akoz i *suitable* e i apropiye.

Akoz kot ASP la zis nou ti pe peye. Nou napa *oversight* kisisa ki ou pe peye. Par egzant kot Ledikasyon, par egzant SPTC, *we just paid, right?* So pou annan sa *proper oversight* i son *respective Ministry or agency* ki pou annan lo la.

So mon konnen poudir sa bann konversasyon ki *Minister* i bezwen konsidere. Ledikasyon *for example* i bezwen konsidere lo la. *is it appropriate, is it suitable?* Sa i en konversasyon ki zot, zot pou bezwen fer. Mersi.

MR SPEAKER

Mersi. Onorab. Wi klarifikasyon Onorab Lemiel.

HON SYLVANNE LEMIEL

Mersi Mr Chair. Minis ler ou pe dir sa i byen wi. Me eski Minister Ledikasyon menm ki pou mazin *or* desid lo sa *increase* ki nou pe - akoz mon ti pe demande si pou kapab revwar pou gete si i annan en *increase* dan sa bann *allowance?* Mersi.

MR SPEAKER

Wi SS i ava reponn. Wi?

SS PATRICK PAYET

Mersi Mr Chair. Mersi Onorab kekfwa nou pou bezwen regard li dan son totalite Bidze letan preparasyon Bidze li menm. Akoz par egzant tou bann benefis osi menm si i annan *increase* pou arive nou bezwen regard li dan striktir prosedir Bidze.

Me nou ava note Onorab e nou ava fer en pe diskisyon letan nou pe prepar Bidze 2023.

E an menm tan zis pou note parey Minister ti adrese dan son ladres Bidze, nou pe fer en revi *the weight system*, e sa nou pe travay konzwentman avek Lazans Proteksyon Sosyal Departman Sosyal, NBS avek tou bann parti prenan ki pou nou fer sir ki *by mid-year* nou annan en propozisyon pou nou met devan. Mersi Mr Chair.

MR SPEAKER

Mersi SS. Onorab Mondon.

HON TERENCE MONDON

Mersi Mr Chair. Mr Chair mon kestyon i baze lo bann program sosyal aprouve. Benefis envalidite, mon vwar ki in redwir par 1.5milyon.

E ki sa rediksyon i reprezante. Eski an term bann dimoun ki'n sipoze sorti lo nou lalis? Parey nou ti vwar ti annan

en gran logmantasyon lo lalis dimoun i tonm anba sa kategori?

E dezyenmman lo *home carers* mon vwar ki Bidze in ogmante par 21.7milyon. Konbyen dimoun mon anvi konnen aprezan konbyen dimoun ki'n kalifye pou *carer* me i pa'n ganny asiste, e alor akoz sa logmantasyon 8poursan dan Bidze? Mersi Mr Chairman.

MR SPEAKER

Mersi. Nou ava pas lo *panel*. Minis. Yes madanm.

OPERATION DIRECTOR DEBBIE CELTEL

Mersi Mr Chair. Mersi Onorab. *Invalidity budget* in *decrease* akoz senpleman ler nou ti pe fer Bidze ti annan en *decrease in trend*. Par egzanp ler nou pe dir Zanvye ti annan 1512 dimoun resipyan lo *payroll*.

E ler nou get Septanm in *drop* to 1442 e Oktob in *further more drop*.

So ler nou'n fer Bidze nou'n *cater* pou sa realite sa *trend*, sanmenm sa, sa *decrease*. Mersi.

MR SPEAKER

Mersi. I annan-?

HON TERENCE MONDON

Home carers.

MR SPEAKER

Lo *home carer panel*? Wi Mrs Celtel apros plis ek *mic silvouple* e lev lavwa.

OPERATION DIRECTOR DEBBIE CELTEL

Ok. Onorab si mon'n byen konpran ou kestyon ou ti pe demande akoz sa logmantasyon dan *home carer* dan Bidze?

MR SPEAKER

Onorab klarifye *please*.

HON TERENCE MONDON

Wi akoz sa logmantasyon 8poursan an menm tan mon anvi konnen kantite dimoun ki'n kalifye pou *carer*, me selman ti ganny rezete pou bann rezon parey zot dir zot annan *income* kot lakour si oule. Mersi.

MR SPEAKER

Mersi. Wi.

OPERATION DIRECTOR DEBBIE CELTEL

Ok mersi Onorab. Ok *increase* dan *home carer* nou'n bezwen *inflate budget* akoz i annan en *increase in disability cases* ki nou'n vwar Bidze dezabilite ou vwar i annan en

gran logmantasyon. So nou bezwen *forecast* pou *provide carers* pou bann dimoun dezabilite e osi nou'n vwar poudir *drug related problems* i fer ki dimoun i *request* pou *carers*. E *COVID related complications on the increase*. Nou bezwen asiste zit avek *carers*.

Apre i annan en logmantasyon dan *autistic children* ki nou bezwen *cater for* en *carer*. Mersi.

MR SPEAKER

Mersi. Dan sa kote la dan sa kwen i annan plizyer Manm ki'n lev lanmen. Si mon rapel byen ou pa'n lev ou lanmen ou napa kestyon *by all means* zis dimoun. Onorab Arrisol ou ti annan kestyon ou? Non alors *next* i Onorab Roucou.

HON MICHEL ROUCOU

Mersi Mr Chair. Bonzour ankor. Bonzour *panel*. Bonzour tou dimoun ki pe ekout nou. Minis si zot kapab dir nou lo kote *carer* si zot kapab dir nou kantite zonm avek madanm ki pe travay konman *carer*?

Apre lo kote *foster care*, mon vwar zot in sorti 3milyon pou vin 4milyon. Si zot kapab donn sa lenformasyon. Mersi.

MR SPEAKER

Mersi. *Panel* ler zot pare. Wi *CEO*.

CEO BRENDA MORIN

Chairman mersi. Onorab mersi pou ou kestyon. Lo mwan Septanm nou ti annan apepre 3900 *carers* an total.

Mazorite i bann madanm. Nou ti annan apepre 171 msye ki pe travay konman *carers*. E i plis bann garson ki pe travay avek zot manman. E se sa ki prezan nou pe fer bann rev, pou gete akoz ki mannyer ti vini. E osi pou gete ki travay.

Akoz souvan nou pe vwar bann ki pe fer menm pou tou le de kote, i madanm i msye ki pe fer *carer*, i annan en gran travay ki nou pe fer la zot pe deza fer de louvraz an menm tan. Zot pe fer *carer*. E an menm tan zot pe ganny peye pou *carer*, me an menm tan zot dan en *full-time job*. Mersi.

MR SPEAKER

Mersi. Wi i annan lot pwen?

HON MICHEL ROUCOU

Lo kote *foster care*, mon vwar poudir in sorti 3milyon pou vin 4milyon.

MR SPEAKER

Yes tre byen. *Panel* lekel ki kapab adrese? Madanm *Director* yes.

OPERATION DIRECTOR
DEBBIE CELTEL

Mersi Mr Chair. Mersi Onorab. *Foster care usually ok* nou'n fer en *increase* aköz nou'n *notice* poudir i annan bann paran ki lo sibstans, e bann zanfan i bezwen ganny *fostered by Social Affairs*.

So with regards ler nou get *trend* i annan logmantasyon so nou bezwen *provide* pou sa *increase*. So nou bezwen met li dan Bidze. Mersi.

MR SPEAKER

Mersi. Wi Onorab Vidot.

HON AUDREY VIDOT

Mersi Mr Chair. Mr Chair mon premye kestyon, eski dan sa Bidze pou Lazans proteksyon Sosyal i annan provizyon ki Lazans pe fer pou annan en pe plis sansibilizasyon avek piblik an term kominote, aköz i annan dimoun pe demande lo bann detay en pti pe plis bann reform ki zot pe fer.

E lo sa not zis pou tous en bout sa pwen Onorab Roucou in fer sorti.

Lenformasyon i enportan pou piblik, aköz i annan dimoun ki'n met a mon

latansyon *sorry*. Ki letan zot pe fer sa revizyon an term *gender* lekel ki vin en *carer*, i annan dimoun ki pe demann lasistans ki kekfwa enn sa manm fanmir li i pare aköz i vwar pope ganny difikilte pou gannyen madanm pou okip li.

Sa paran ki i bezwen irzans en *carer*, i pe son garson ki swa pa neserman en zenn garson byen matir i pe rod i anvi okip son manman lazournen i pa pe ganny repons pe dir li i pa pe kapab. I annan konsern so i enportan ki zot donn lenformasyon.

Aprè lo sa laliny nou ti oule konnen ki lo kote revizyon ki pe ganny fer an term pou *carer* saler, eski osi zot ti pe konsider pou ganny enplimante 2023 letan Gouvernman pou refer revizyon saler? Aköz i annan dimoun ki pe vwar li difisil menm si pe travay ler i fini son *carer* 3er, in met konsern k ii pe ganny dir i napa drwa fer en lot louvraz.

Me si i apre son ler 3er mon krwar i son diskresyon anba Konstitisyon ki i annan drwa, pou li kapab leve debourye, otan ki i respekte ler ki li i sipoze travay konman en *carer*. Met sa kler *please*. *Thank you*.

MR SPEAKER

Mersi Onorab. Wi *CEO*.

CEO BRENDA MORIN

Chairman mersi. Mon ava pran kestyon lo *sensitisation, Home Care gender, revizyon saler and time of carers*. SS i ava pran petet kestyon lo reform en?

Bon lo sansibilizasyon *either* pou *welfare* avek *Home Care*, zot kapab konnen ki nou'n deza fer de trwa program lo televizyon spesyalman *Bonzour Sesel*. Nou'n al lo *L'Age D'Or* osi nou'n fer pou fer en *Press Conference* osi tousala nou'n fer, pou fer dimoun konpran byen prosedir ki pe marse kot *ASP*.

E zot pare. Ankor i annan parey nou bann *job description* dan distrik tou nou bann zofisye i la pou donn zot sa lesplikasyon ki zot manke e zot pare pou kapab koste kot nou lofis demann ankor, si zot pa bezwen ankor lesplikasyon.

Lo zafer *gender* i annan diferan kriter ki en dimoun i bezwen en *carer*. Sa i pou baze lo ou *bartel*. Nou pou reviz sa ki sa *bartel* i dir. E sertennman i annan kalite travay ki en msye i kapab fer. E apre i annan ki dan serten fason ou bezwen mazin dinyite sa dimoun.

So definitivman mon konnen i annan louvraz parey

ou dir dan *Lopital*, ou annan en *nurse male nurse who does everything ok*.

Sa osi nou bezwen regard dan sa lankadremman *Home Care* ki deza. Ou ki swazir ou *carer*. *ASP* napa en se ler ou, ou swazir. Me selman i bezwen otan ki li i pe peye, e otan ki li ki pe *ASP* ki pe *monitor*, alor li osi i bezwen fer sir ki i pe get dan bezwen sa dimoun pou fer sir ki an sekirite pou fer sir ki i byen. Akoz nou osi nou pe vwar en kantite labi menm avek manm fanmir ki zot menm zot in swazir zot *carer*.

E i annan ki dir nou kantmenm nou vwar i pe ganny abize, i dan mal. Kantmenm nou dir nou pe tire li i dir ou non re-mete.

E se sa apre nou ganny lezot dimoun pou dir e menm en bann zot ki pou vini dir nou pa pe gete nou pa pe *monitor*. Me osi nou napa sa pouvwar si ou ou'n swazir pou sa dimoun ki abiz ou la, nou osi i vreman difisil pou nou tire.

Se sa ki sa bann reform pou anmennen kot pou annan sa *professionalism* ki en dimoun ki pran louvraz *carer* i en profesyonnel parey ou, ou louvraz, mon louvraz oubyen en lot ki ganny nou'n dedye pou nou annan sa konpasyon pou nou dedye fer sa louvraz.

Nou pa'n pran sarpantye nou pa'n pran en *fisherman* oubyen en nenport dimoun en *teacher* e menm *you know anybody* ki pa kalifye dan sa louvraz pou vin en *carer*. Akoz konmela nenport dimoun i vin en *carer*.

E i annan son dezavantaz ki vin avek menm ki i annan bokou osi ki son *advantages* ki vin avek. So sa ki nou bezwen gete. I pa kestyon diskriminen ki akoz i en zonm i pa kapab travay ek en madanm oubyen en madanm pa kapab travay avek en msye. Non i pa sa.

Nou bezwen realize sa lankadremman, i pa efikas pou konmela ki sa reform ki pou bezwen regard ladan.

Lo travay *carer*. Ankor nou'n fer sansibilizasyon. Nou'n al lo televizyon *press conference*, Bonzour Sesel, *L'Age D'Or*, Nou'n fer kler nou annan lo nou *job guidelines* ki nou'n fer sorti i kler keler ou travay.

E i annan *half day* ek *full day*. I parey nou tou dan nou *job* si mon *full-time* ou bezwen pe fer sa louvraz. Savedir ler ou pe pran sa louvraz *carer* ou konnen depi sa ler, pou sa ler ou letan la i dedye pou sa resipyan, ki en dimoun vilnerab ki bezwen ou *full* latansyon i bezwen ou *full care*. Pa pou fer

ou biznes personnel, pa pou *lock* li anndan al travay kot en lotel.

So si ou pe travay *half day* definitivman ler ou ler in fini ou'n fini fer tou sa ki ou annan pou fer ek sa dimoun ou ler travay in fini, e la mon fer kler ankor ki wi ou kapab al fer ou lot louvraz ki ou annan parey nou'n ganny dir leve debourye.

Me dan ler ki ou'n ganny dedye pou ganny peye pou *care* avek en dimoun, ou devret la san leskiz pou ou vwar kot en lotel kot en laboutik okenn landrwa pe travay. Mersi.

MR SPEAKER

Mersi. Ou ti'n dir SS Payet pou adres kestyon lo revizyon? SS.

SS PATRICK PAYET

Mersi Mr Chair. Mersi Onorab. Definitivman Onorab mon krwar i annan en *number of reform*, ki nou anvizaze pe fer akoz i pa zis Lazans Proteksyon Sosyal i en bann lezot antite. Par egzanp lo Komite ki pe travay lo reform Proteksyon Sosyal, ou annan Ledikasyon, Lanplwa, *Local Government*, Lasante, Finans avek *Economic Planing* e Departman *Family Affairs* osi.

So definitivman a sak bout nou pou bezwen fer sa

sanbilizasyon *awareness* avek tou bann groupman dan lasosyete.

Par egzanp reform ki nou pe travay lo la apard ki revizyon dan sa *socioeconomic assessment*, nou pou bezwen diskite avek bann partiprenan. E menm avek Lasanble Nasyonal *once* ki nou pe vin avek Lalwa provizyon.

Nou annan *social registry* ki definitivman nou bezwen travay konzwentman avek Departman *Local Government*. *Home Care reform* parey CEO in mansyonnen *professionalism*, *actually* la nou ankor dan diskisyon. Me letan nou travay avek sa lankadreman nou bezwen ale al diskite avek bann diferan group lasosyete, *civil society* osi pou zwe sa gran rol.

Nou annan en lot bout se sa *National Functional Capacity Assessment Board*. Ozordi nou annan de antite ki pe fer sa *assessment* pou regarde si bann dimoun i envalid ou annan *ASP* avek *SPF*.

Me nou anvizaze met li zis en antite. E sa i ankor dan diskisyon. *Cabinet* in aprouv *in principle*, me i annan diskisyon pou nou revwar Lalwa e *once* ki nou konplete definitivman nou pou bezwen diskite avek bann diferan group lasosyete. Mersi.

MR SPEAKER

Mersi SS. *Yes please* vitman.

HON AUDREY VIDOT

En leklersisman avek CEO. CEO mwan mon konpran an term ou bann medya ki ou'n fer sansibilizasyon. Me konsern ki annan se ki i annan bann *single parent* ki li i pe travay 24/24 li. 24 lo 7. I pa neserman ki in ganny sans ou swiv tou bann lenformasyon ki Lazans in donner. Se pou sa rezon i annan pe demande ki lo nivo kominote, annan sa dyalog parey reform 2008, dimoun ti annan en dyalog avek bann diferan Lazans pou vwar e konnen ki zot kapab demann kestyon. *Thank you*.

MR SPEAKER

Mersi. CEO oule azout en mo? Wi CEO.

CEO BRENDA MORIN

Mersi Chairman. Mersi Onorab pou ou kestyon. Onorab mon pran kont sa pwen ki ou'n mete, ki i en lot fason pou nou kapab kominik avek zot definitivman nou ava met an *Board* pou dan lannen, sa nouvo lannen nou ava fer sa bann *case*. Mersi.

MR SPEAKER

Mersi *CEO*. Onorab Bistoquet.

HON ROSIE BISTOQUET

Mersi Mr Speaker. Mon premye kestyon petet i ava dirize ver *SS*, konsernan dan *special programmes*. I annan sa ki met *PMC and HFC housing loan for repayment*. Mon vwar sa ti dan 2021 akoz konmsi ki *housing loan* ti ganny peye anba *ASP* kan i annan *HFC* avek *PMC*?

Aprè mon lot kestyon i pou diriz kot madanm *CEO*. Ki mon pou demande, ki prosedir ki en resipyan ki kalifye e son *case* in ganny aprouve pou li ganny asiste, ki bann prosedir ki egziste? Enn.

Konbyen letan i pran pou en resipyan ki kalifye ganny asiste, aprè ki son *case* in ganny aprouve par *ASP*?

Aprè mon pou retourn en pti pe lo sa ki Onorab Vidot in dir, eski konsernan *gender* en *carer*, eski i annan okenn *Policy - internal Policy*, ouswa okenn regilasyon ouswa Lalwa dan *ASP* ki anpes en dimoun *opposite sex carer* pou en lot dimoun? Parey en madanm pou en msye, ouswa en msye pou en madanm.

Si non *then* kan sa reform pou vini si pa ankor vini, e si wi si non akoz bann dimoun pe

ganny difikilte pou *access carer* sirtou kot nou konnen la kot tou dimoun pe leve pe al debourye? Mersi.

MR SPEAKER

Mersi. *Panel* lekel ki-? Wi mon'n ganny met okouran ki se madanm *financial controller* ki dan sa kote. Madanm?

FINANCIAL CONTROLLER CHIARA CULTERI

Mersi Mr Chair. Mersi Onorab. Bann *deductions* ki bann resipyan nou fer lo zot parey *HFC* se zot ki *request*. Par egzantp si en dimoun i benefisyè ek *retirement pension*, i annan en *loan* avek *HFC* or any other *entities* nou, nou fer *deduction* tou le mwan nou pey direk. So nou pey li *net*. Nou pa pey li sa *gross 5750* nou pey zis *net*. Aprè nou pey *HFC* *directly* avek *PMC*. Mersi.

MR SPEAKER

Klarifikasyon lo sa pwen.

HON ROSIE BISTOQUET

En klarifikasyon lo la M Speaker. Be akoz mon pa vwar okenn fon okenn finans pou 2022.

MR SPEAKER

Byen. Yes madanm.

FINANCIAL CONTROLLER
CHIARA CULTERI

Sa i akoz sa *deduction* i ganny fer direk parey anba *retirement pension* akoz sa son vot. I annan dimoun i klarifye pou *retirement pension*.

So nou bezwen tir sa *deduction* anba *retirement pension* son *Code respective*. Mersi.

MR SPEAKER

Mersi. Lezot pwen. Yes *CEO*.

CEO BRENDA MORIN

Mersi Chairman. Mersi Onorab pou ou kestyon. Onorab mon krwar pou resipyan ki ou pe *refer* avek *Home Care* oubyen *welfare* silvouple?

HON ROSIE BISTOQUET

Non mon pe *refer* avek *carer* mwan.

CEO BRENDA MORIN

Onorab mersi pou ou kestyon. *Regarding Home Care* parey nouvo *SOP* ki nou met an plas, ler pou konmanse premyerman avek *bartel*. *Bartel* ler i pou vini i pou bezwen ganny revize sa i kapab pran 24er de zour pou revize depan lo la.

Si sa *bartel* i annan keksoz ki pa byen lo la, i pou ganny retournen kot Lopital pou fer rektifikasyon. E ler sa *bartel* in al retourn kot Lopital sa i *up to them* kan *how soon they return it back to us*.

Me si *bartel* i ok e sa dimoun prezan ler nou'n fini enform li i kapab al fer son laplikasyon e *as soon* ki i fer laplikasyon ki prosedir kapab konmanse. Si ou pa fer ou laplikasyon *on time* oubyen ou pran leta ou pa fer ditou, ou *bartel* i pou reste lanmenm i pa bouze.

So the sooner ki tou sa lenformasyon ki ganny demande avek laplikasyon i ganny fer, *so no more than a week* ki ou pou ganny en repons *or so*. E i depan osi bann lezot kalite dokiman ki manke lezot kalite petet i annan vizit. *So is within a week or so*.

So once sa in arive la en let en *phone call* osi pou *follow* pou dir ou si wi ou'n ganny aprouve oubyen si non. Si apre sa oule fer ou *appeal* e sa i ava al kot *Appeal* baze lo zot bann prosedir ki zot annan pou *follow*. Mersi.

MR SPEAKER

Minis wi.

MINISTER **PATRICIA**
FRANCOURT

Mersi Mr Chairman. Onorab zis pou azout en pti bout, letan nou pe fer sa *final agreement* pou donn en *carer although we don't* pa nou ki swazir sa dimoun. Nou annan en obligasyon e en responsabilite pou fer sir ki sa dimoun ki pe al travay avek sa dimoun i *well suited*.

So parey kot Sosyal i fer nou bezwen fer en pti pe *suitability checks* parey nou fer letan pou al travay ek zanfan. Akoz nou pe koz proteksyon.

So i annan *child protection* me i annan *adult protection*. A *lot of the times* ki arive *bartel* pe dir en keksoz apre letan larealite i arive *after interviews* ki ou pou'n fer avek diferan dimoun, relye avek sa aplikasyon zistwar pa parey pa *add up*.

Se sa ki ou vwar annan de fwa ou bezwen *very careful*. Akoz bomaten nou'n tande ti annan en Onorab ti koz kekfwa dimoun i dir keksoz anba *duress* kekfwa dimoun i dir keksoz zis zot dir.

Be nou, nou annan en lobligasyon pou fer sir ki sa ki pe ganny dir i *accurate* e i *factual* e i byen. Annan de fwa nou vwar bann *cases* ki vini akoz sirtou si i annan enn de pti

konplikasyon oubyen keksoz pa pe *add up*, mon kontan i vin dan mon latansyon.

Prezan ou dir be sa kote ti dir sa versyon, sa lot kote in dir sa versyon. Alor i pa *add up*. Alor nou bezwen fer sir ki nou tyek sa byen menm.

Suitability for the male napa Lalwa ki dir en msye pa kapab travay avek en madanm. Me solman nou bezwen get *suitability*. *Suitability is the person safe, is the person committed, is the person going to carry this job right through?*

E alors sa *match* premyerman i bezwen *match* avek sa ki *bartel* pe dir.

Savedir i montre nou, si en desizyon in ganny pran i pa *match* ek sa *bartel* i annan en bout ki mal. *So most of the time i bartel is wrong. Why is the bartel wrong?*

E se sa ki nou pe fer sa *review*, nou pe *move* en pti pe lo sa **WH age** pou nou regarde *is that another system* ki *World Bank* ti'n propoze ki pou kapab *tighten* sa en pe.

So i annan en bann kriter. Mon konnen ou konpran sa vremen byen. Akoz ou'n dan *nursing* i ou domenn. I annan bann bout avek *bartel* ki pa'n marse. E se sa ki nou pe sey regarde, *well it is on the plan to*

switch ki Minister Lasante pou *switch*.

E alor sa i pou en *tool* ki pou kapab pli *accurate* letan nou servi pou nou fer *suitability*.

E verifikasyon i enportan, akoz letan nou pou don sa *approval* nou pou bezwen fer vizit. Nou bezwen koz ek plizyer *partners, stakeholders involve*.

E verifikasyon letan pa *add up, sometime that causes delay as well*, me solman pou lemoman parey ou demande si i annan Lalwa si i annan sa tousala i *part of the review* ki nou'n ganny demande *under World Bank reforms to be able to do*. Mersi Onorab.

MR SPEAKER

Mersi. SS wi oule azoute?

SS PATRICK PAYET

Mr Chair kekfwa zis pou en pti klarite anba sa *Emergency Housing Assistance Scheme*, ki ti annan an 2020 avek 2021, sa parey Minis osi ti anonse ki in ganny transfer anba *Local Government*.

Akoz parey avan ki nou ti vwar ki mazorite *case* dan *emergency housing* i al kot *Local Government* avan, apre ki zis i vin en *paying* ki *ASP* i zis peye.

Me la nou'n dir be *Local Government* i kapab fer tou sa

bann prosedir. I konn byen lekel sa bann dimoun dan distrik ki lo sa demann *for emergency housing*.

So nou'n met sa alokasyon Bidze dan *Local Government* e Vandredi mon krwar letan Minis i vini *for Local Government* nou kapab diskite en pe plis lo la. Mersi.

MR SPEAKER

Mersi SS. Onorab Bastienne.

HON DESHEILA BASTIENNE

Mersi Mr Speaker. Bonzour ankor enn fwa a tous. Minis vi ki nou pe al vot sa Bidze pou Departman *ASP* ki son fonksyon i enplik osi sipor kontinyel pou bann fanmir vilnerab e osi bann fanmir ki tonm dan bann sityasyon en sel kou.

Mwan mon dakor ki Gouvernman in met en bon lord dan sistenm *welfare*.

Me nou *MNA* nou vizit nou distrik nou. Nou al dan bann lakour e nou vwar larealite. Parfwa ki i annan ka ki vreman kritik e ki *genuine*.

Be ler solman nou demann en sipor pou sa fanmir, biro *ASP* i trenn i tant pou trenn en pe lo la akoz i annan ka kot zot demann sa dimoun ki dan sa sityasyon bann dokiman enn

par enn. Ler sa dimoun in arive zot dir al sers en lot. Son ka pe kontinyen agrave.

Eski zot pe mazine *setup* en nouvo fason *attend* lo tou sa bann sityasyon kot en dimoun i vremen in tonm dan en sityasyon detres. In apel nou, nou'n ale nou'n *witness* avek nou de lizye, nou konnen i bezwen.

Eski dan sa Bidze zot pe mazin annan en nouvo fason *attend* sa e kot osi nen *one-off* lasistans i ganny donner, kot sa fanmir ava kapab met sa fanmir lo so de lipye.

Akoz wi in annan labi, me i annan sityasyon eski dan sa Bidze zot in met sa preparasyon pou zot kapab *attend* sa dimoun en pti pe pli vit e *emergency?* Mersi.

MR SPEAKER

Ok mersi Onorab. CEO i ava adrese.

CEO BRENDA MORIN

Chairman mersi. Onorab mersi pou ou kestyon. *Regarding welfare assistance* laplikasyon e demann en dokiman alafwa nou'n fer en kantite osi sansibilizasyon i annan en lalis kestyon konmsi bann dokiman e nou'n koz avek piblik pou konnen e i deza an

deor. Nou annan nou *website* osi pou lo la.

Dan distrik osi sa bann lalis i laba. *So I am surprised* ou pe dir nou pou dir ou al sers enn ozordi, demen al sers lot.

Nou annan kliyan osi ki fer sa. Kantmenm li i pou anmenn enn par enn akoz i pa oule anmennen. E se sa ki fer *delay* zot laplikasyon, se parey si ou annan *case* ki irzan ki parey detrwa Onorab i fer i anvoye pou dir demande akoz sa dimoun pa pe gannyen dan detres parey ou dir. E la nou donn zot rezon akoz pou vwar ki se sa.

Akoz nou donn ou sa lalis tou dokiman ki nou bezwen. So la nou pou al met li lo nou *website* osi ki tou dimoun i ava vwar. E sa lalis osi ou annan drwa al dan distrik *anybody at anytime* pou ganny enn sa lalis dokiman ki bezwen. E byento pou kapab *print* li *from the website* li menm.

So sa i pa pou vin okenn rezon poudir ki zofisye dan distrik pe dir ou al sers enn par enn.

E akoz i annan kliyan osi ki fer sa i pa anmenn tou, alor i *deal* ek lezot laplikasyon e apre definitivman i vin konplent par diferan direksyon.

So definitivman nou kot Lazans si i annan okenn fanmir

ki dan detres tou dokiman i ganny anmennen e nou osi nou asiste si ou pa kapab ganny dokiman. *Ok so definitivman i annan case-by-case basis, nou ede.*

Nou annan fason nou'n pran kontak avek diferan lazans ki nou bezwen pou ganny bann dokiman. So nou kapab ed pou fer sir ki tousala i bouz bokou me solman nou bezwen ou korporasyon avek nou.

So dan sa, definitivman i annan solisyon pou bann dokiman pou *go back and forth* e pou ede.

So en fwa ki nou ganny tou sa enn fwa ki nou ganny remarke e sirtou ler zot ganny dimoun i ganny sipor zot Onorab ki byen. E zot osi zot form par pou nou ede e ennler parfwa menm zot osi zot ed nou pou ganny sa bann dokiman, pou nou asiste sa bann dimoun o pli vit posibil.

Lo *supplementary* bann letan ki annan parey dife sa i pas par *Local Government* en fwa dokiman in pare e peyman e nou pa kapab. O pli vit posibil ki nou kapab amwen i annan serten keksoz ki dokiman ankor ki manke dan sa bann prosedir ki ganny fer, me sa i annan pou bann *emergency* parey ka dife ki R25,000 ki pe ganny donnen.

So definitivman avek nou prosedir ki fodre met an plas sertenman sa ki nou pe met o pli vit posibil ki nou kapab ed dimoun ki dan detres. Ed dimoun ki dan bezwen e menm si i annan ki annan sitan *emergency* ziska ler nou kapab menm ganny sa larzan, kot zot lyez avek bann lezot *partners* parey *Red Cross*, ennler sosyal ki ed nou dan lezot fason pou nou dan sa bann letan difisil.

So if i annan *case* deor ki i pa pe ganny lasistans byen ki pa pe konpran ki pe arive, oubyen ki'n *slip through* sertenman nou apresye pou tande, e pou nou gete.

Akoz parey bann detrwa Onorab ki'n vin kot nou, zot pou vwar *how fast* nou reakte en fwa si i annan en dimoun pe tonm dan sa oubyen ki pa'n fini son aplikasyon nou fer tou posibil pou nou ed tou ki dan detres. Mersi

MR SPEAKER

Mersi *CEO*. Onorab Pillay.

HON SEBASTIEN PILLAY

Mersi Mr Chairman. Bonn apre midi delegasyon *ASP*. Premyerman mon premye kestyon mon oule dir ki mon kontan, mon reasire ki mon pe tann sa kalite konversasyon ki pe ganny fer dan Lasanble

ozordi. E mon vwar bann latet pe sakouye lo lot kote latab ler Onorab i poz kestyon *regarding* bann dokiman. Mon kontan pou vwar ki ler nou, nou ti dir nou pa ti mal ler nou ti pe dir, me ti annan rezon ki nou pe dir sa bann keksoz.

(laughter)

(Interruption)

HON SEBASTIEN PILLAY

So i enportan ki sa al lo rikord. I enportan ki sa i al lo rikord.

(Interruption)

MR SPEAKER

Order! Order! Order!

HON SEBASTIEN PILLAY

Pa ankoler, pa ankoler, pa ankoler! Kalme, kalme.

MR SPEAKER

Wi Onorab Pillay wi. Pa devret ankoler.

HON SEBASTIEN PILLAY

Mersi Mr Chair.

MR SPEAKER

Me solman *proceed* ou kestyon pa antre largiman. Ale.

HON SEBASTIEN PILLAY

Mersi Mr Chairman. Mon kestyon i an de parti mon pou

annan en kestyon lo Lazans li menm. E byensir mon pou annan en kestyon lo bann benefis.

Mon vwar sa rediksyon anba *social safety net* kot i sorti 77milyon *end of year* 2021 e i vin 40milyon 2022. Mon prezimen ki rezondet i bezwen zot pe regard endikater ekonomik dimoun pe antre dan lanplwa eksetera lo bann aplikan.

Me kestyon ki mwan mon annan se sa rediksyon i reprezant 37milyon *from* larzan ki ti dan *social safety net* avan.

Eksplik nou en pti pe modalite ki mannyer zot in ariv lo sa rediksyon?

Dezyenmman mon annan en kestyon pou Minister Finans. Ler ou'n bouz sa bann diferan *Scheme*, avek sa bann antite sipoze pe *manage* sa bann *Scheme*.

Mon kapab konpran aköz ASP i pe fer sa aköz i ler ou kalkil ou pe *manage* 820milyon *retirement benefit* e ou annan tou sa bann lezot peyman ki ou bezwen *manage* i met en presyon lo sa *consent*.

So mon kapab konpran ou *streamline* li ou anvoy en pe laba. Mon kapab konpran sa - . Me selman eski Minister Finans i reasire ki bann Departman kot sa bann *Scheme*

in ale, zot pou kapab *maintain* e *monitor* sa bann peyman ki ti pe ganny fer par ASP ti pe fer li. Akoz ASP ti annan leksperyans dan lafason ki bann peyman i ganny fer? Sa i enportan.

E la mon pe koz par egzanp *regarding post secondary students bursary*. Sa *bursary* i *move* ek Ledikasyon e kestyon, mon kontan kestyon ki Onorab Lemiel i demande en kestyon pertinan.

Mon demann mon ti demann menm kestyon avek STA e zot in dir nu se Ledikasyon ki pou regard dan *bursary*.

Be mwan mon ti ava kontan fer en pledwari avek Minis, lefe ki ou ki Minis pou Zafer Sosyal, sa i devret en travay ki ou ki bezwen fer, pou ou etabli akoz bann *weight* i deza kot ASP. E ASP i sipoze pe ek *poverty line*. Ou devret pe regarde dan *increment* sa *bursary*, pa les li avek Minister Ledikasyon, me regarde.

Akoz sa *bursary* i pa pe reflekte sityasyon ekonomik ozordi. Sa *allowance* pa pe reflekte sityasyon ekonomik ki nou pei pe pas ladan ozordi. E pou bann etidyan e pou bann fanmir ki depan lo sa *allowance*, ki bezwen sa *allowance*.

So mon ti ava kontan ganny en reasirans avek Minis i annan en travay ki pou ganny fer, lo size sa bann *allowance bursary*, sa larzan ki bann etidyan i gannyen letan zot antre dan pos-segonder.

E zis pou ou lenformasyon Minis mon konn etidyan ki pa kapab aste lekipman ki STA ozordi akoz *bursary* pa ase, lekipman pri in arive pou li kapab al fer lakwizin i vreman ser.

So i annan en difikilte reel ki bann etidyan pe rankontre ozordi. E bann liv osi bann liv pou bann etidyan ki bezwen aste zot bann liv sa osi i ser.

Mon trwazyenm kestyon Mr Chairman i an relasyon avek prezan *retirement benefits* sa 3 pli gro benefis anler. 820milyon anba *retirement benefits* envalidite i 109milyon e nou vwar 180milyon anba *disability*, ki pe *cater* pou bann zanfan - *well* ki pou annan zanfan *autism*, bann lezot ka ki bezwen antre anba la. Akoz ou bezwen pey zot de landrwa;

Enn, en *carer* pou zot anler sa benefis ki sipoze pe gannyen.

Eski zot in etabli en *database* konplet tou dimoun ki pe ganny sa benefis. E prezan an relasyon avek sa benefis envalidite sirtou e

dezabilite, kan eski en dimoun i sorti *from 1* e i al lo lot? Akoz en dimoun ki ganny envalidite pou 2an/3an *at one point in time* i bezwen sorti al lo lot.

So mon ti ava kontan ou klarifye sa e mon dernyen pti pwen lo *retirement benefits-*

MR SPEAKER

Bokou pwen Onorab.

HON SEBASTIEN PILLAY

Mersi Mr Chairman mon konnen ou pe egzers bokou pasyans dan sa konteks. Eski ou kapab dir nou si i annan lentansyon pou revwar kriter pou fer kalifikasyon pou *retirement benefits?*

Sa 820milyon i annan en pwen kalifikasyon. Nou annan plizyer nou resortisan Seselwa ki reste aletranze, oubyen ki'n travay an deor pei, eski sa pou vin i annan en konsiderasyon revizyon bann benefis statitwar parey *retirement benefits* ozordi? Mersi Mr Chairman.

MR SPEAKER

Mersi. Wi *panel* nou ava sey pas lo sa bann pwen ase vitman silvouple. Minis konmanse.

**MINISTER PATRICIA
FRANCOURT**

Mersi Mr Chairman. Mersi Onorab pou ou plizyer kestyon. Plizyer nou pou rann larepons. Ou premye kestyon ti demande ki mannyer nou'n tonm dan sa rediksyon e ki son rasyonal. Pou nou tonm dan sa *Social Safety Net Budget* nou'n bezwen get li lannen par lannen.

E letan, les mwan, nou'n komans *way back* depi 2010, les mon komans zis apepre dan 2014 koumsa pou bann dimoun Onorab la konpran byen menm.

2014 nou ti annan en Bidze *revised budget of* 61milyon 520 pou dan *revised budget* pou *Social Safety Net*.

2015 nou ti annan 58milyon,

2016 en pwen pertinan *suddenly* Bidze i monte 135milyon, so i sorti tousala i mont 135milyon. Mwan mon pou les zot deside ki ti arive 2016.

2017 i mont 81milyon,
2018 i mont 53milyon,
2019 i mont 49milyon,
2020 i mont 125milyon ankor.

So ler nou pou get 2021 nou get sa rasyonal e nou get sa bann *figures* mannyer i ete i bezwen tonm lo son vre *figure* *which was 77million*. E alor louvraz ki ganny fer ou bezwen get *the true figures of where it*

should be, kantite laplikasyon. E sa kantite laplikasyon ou annan ki komans avek 15mil i desann lo 8mil, i remont ankor. e alor nou bezwen war *the true figures that it should be at*.

So i pa en keksoz ki zis nou fer *on top of our head*. *It is well researched, well looked at and come to the number that is the most* realistik e ki i devret. Mersi. Mon a les-.

(APPLAUSE)

MR SPEAKER

Mersi. *CEO* i a kontinyen lo lezot pwen *please*.

CEO BRENDA MORIN

Chairman mersi. Mon zis pou azoute lo sa ki Minis in dir akoz i annan lezot keksoz ki'n pran lenpak lo pou sa rediksyon dan *Social Safety Net*.

Zis pou regard, nou a donn zot en pe *figures* lo bann total laplikasyon ki nou'n resevwar e an komansman depi Septanm 2020.

An Septanm 2020 ti annan 2051 laplikasyon apartir Oktob 2020 laplikasyon i tonbe pou ariv 1258, an Novanm i ariv zis 572, an Desanm i ariv zis 459.

Prezan an 2021 laplikasyon dimoun ki fer laplikasyon i reste anba 200.

Zanvye ti annan zis 72, an Fevriye 83 i ale koumsa i reste. Tandis ki lannen avan i ti dan 2000 an montan. Mersi.

MR SPEAKER

Mersi. I annan, wi SS ou'n pare pou adres pwen?

SS PATRICK PAYET

Mersi Mr Chair. Mersi Onorab pou sa bann kestyon. Mr Chair lo kote transfer sa bann benefis kot bann lezot Minister, ki nou'n vwar avan, se letan nou'n diskit avek *ASP* mazorite kontrol ti pe ganny mete kot sa bann Minister i konsernen. E *ASP* ti pe ganny servi koman direkteman koman en *paying agent* zis pou li peye.

Prezan letan nou'n diskit avek bann Lazans, nou'n vwar ki kontrol i egziste ozordi akoz zot ki konn zot bann kliyan ki zot pe dil avek. Par egzanp annou regard en transfer ki nou pe fer pou lannen prosenn, *Daycare Scheme*.

IECD pe dil direkteman avek tou sa bann *daycare* fasilite, akoz zot ki konn byen, e zot, zot prepar tou sa bann dokiman zot anvoy zis kot *ASP* pou fer peyman. Sanmenm sa ki nou, nou vwar ki osi an menm tan letan ou regard (*PPBB*) *Programme Performance-Based Budgeting*, ou pou war

realistikman konbyen i koute pou sa sekter.

Par egzanp letan ou regard *IECD*, *IECD* ou ti annan son *recurrent budget*. Me an menm tan ou ti annan bann lezot konponan ki ti pe ganny peye par egzanp avek *ASP*. Me letan ou get li dan son landrwa kot i konsernan, definitivman ou pou vwar son *true cost* konbyen i koute pou bann, *the Early Childhood Development*.

Me definitivman nou pou kontinyen diskite avek bann lezot sekter, pou fer sir ki striktir ki nou pe met an plas i annan kontrol ki egziste. Nou annan en divizyon dan Minister Finans ki nou pou met lanfaz lo la lannen prosenn, pou fer sir ki nou *digitalize* osi bann *process* ki nou kapab annan sa *close monitoring*.

Konsernan *Retirement Benefit* avek Benefis Envalidite, ki nou pe fer nou, se nou pe as *part of the reform package* ki nou pe met avek i annan bann lezot konponan ki nou pe diskite entern. Me definitivman *once* ki nou konplet sa legzersis.

Par egzanp enn ki mon'n mansyonnen sa *Functional Assessment Board* akoz konmela ki mannyer i egziste *ASP* i fer ou li, *SPF* i fer pou li.

E osi i kapab arive en dimoun kekfwa i pa kapab

travay dan sa sekter, me ou kapab *train* li pou li kapab travay dan bann lezot sekter. Sanmenm sa ki nou dir ki sa dimoun i kapab fonksyonnen dan bann lezot sekter.

So i en bann reform ki nou pe travay avek e nou anvizaz kekfwa *by* milye lannen prosenn, akoz si nou kontinyen avek sa *trend* nou pou vwar soustenabilite tou sa bann benefis i pa pou soutenab.

Aprè konzwentman lo kote bann ki mannyer nou diskite bann lezot reform, i en *joint* diskisyon, nou annan sa *Inter Minister* Komite ki tou bann Minis parey mon'n dir pli boner Ledikasyon Lanplwa, *Local Government*, *Health*, *Family Affairs*, Finans avek *Economic Planning*, i asiz lo sa Komite e osi annan son *Technical Committee* tou bann *PS* osi fer zot travay e i fer bann rekomandasyon kot *Inter Minister Committee* avan ler sa bann reform i al *Cabinet of Ministers*. Mersi.

MR SPEAKER

Mersi. I annan pwen ki pa'n-Onorab Pillay zis endik nou si i annan pwen ki pa'n ganny adrese nou a kapab *move on*.

HON SEBASTIEN PILLAY

Well, i annan en pwen ki pa'n ganny adrese Mr Chairman. Si i annan SS in eksplike. So mon ava zis demann en klarifikasyon.

MR SPEAKER

Yes.

HON SEBASTIEN PILLAY

So, eski i annan okenn provizyon oubyen okenn diskisyon pou ogmant *Retirement Benefits* prenon kont kou lavi ki'n ogmante, e sityasyon ki nou bann dimoun i viv ladan si ou, nou mentenir ki nou bann dimoun i viv dan dinyite.

Eski i annan posibilite oubyen diskisyon ki sa pe ganny met lo latib, pour ki i annan en logmantasyon dan Benefis *Retirement* parey sa ki nou pe dir Pansyon Sekirite Sosyal pou nou bann dimoun aze?

Aprè dezyenman Mr Chairman mwan mon pou dir Minis mon annan en kantite pasyans, nou pou vwar dan *supplementary budget* si ou vin demann en Bidze Siplemanter *regarding* sa size.

Me an 2020 i ti 120milyon aköz nou ti pe kouver depans pou *COVID* tou. ASP ki ti pe kouver sa depans.

(Interruption)

HON SEBASTIEN PILLAY

So zis pou fer kler Seselwa pe gat zot pe tap lanmen apre pe konplent. So si zot oule bat lanmen mwan napa problem mwan. Mwan sa ki mon pou fer, sa ki mwan mon annan pou fer se ki demann kestyon e fer sir poudir Lazans pe reponn a legzisans ki pe ganny met devan li.

So kestyon ki mwan annan se eski i annan provizyon pou annan logmantasyon oubyen diskisyon pou annan logmantasyon dan *Retirement Benefits* pou bann dimoun aze? Mersi Chairman.

MR SPEAKER

Mersi. *Panel* nou a termin avek sa. Wi SS.

SS PATRICK PAYET

Mersi Mr Chair. Mersi Onorab. Pou lannen 2022 pou napa logmantasyon. Me sepandan diskisyon definitivman i lo latib pou nou regard li dan ver *mid-year term*. Par egzanp en diskisyon se, *is it fair* ozordi ki en dimoun pe ganny en Pansyon R50mil avek Fon Pansyon e i pe tous sa benefis avek Lazans Proteksyon Sosyal?

So i bann diskisyon ki aktyelman nou pe diskite ki definitivman kekfwa si ou tir en pe avek sa bann dimoun ki kapab, e ou kapab met an plis avek bann lezot dimoun ki bezwen plis. So i annan en pe bann diskisyon ki lo latab ozordi ki nou pe diskite. Mersi.

MR SPEAKER

Mersi. Mon a retourn ankor lo kote isi. Onorab Adelaide ou ti'n lev lanmen ou? Non, *ok* dan sa ka mon krwar se Onorab Monthly kote isi ?

HON PHILIP MONTHY

Mersi Mr Chair. Bonn apre midi Minis. Bonn apre midi *CEO* e delegasyon.

Minis Lazans Proteksyon Sosyal in en Lazans kot nou konn tre byen in annan bokou labi, larzan piblik dan leparse.

E mon pou felisit zot pou travay ki zot pe fer aktyelman. Pou met en *stop* avek tou sa bann labi.

Me selman ler mon pe get zot *challenges*, zot in mansyonn labsans en Departman Odit, *ok* pou asire ki i annan *proper monitoring*, bann prosedir. Pou evite ki sa bann labi ki'n arive dan leparse pa repet ankor.

Eski sa Bidze pou permet zot met an plas sa Departman? *Ok*, sa premye kestyon.

En pti kestyon lo *part rental*. Mon krwar i annan plizyer zabitan ki vin war mwan. Ki zot pe pey zot *Home Savings Scheme*, zot dan en lanplwa. E zot in fer aplikasyon pou *part rental*, me zot in ganny refize.

Parfwa ler ou get zot *case* poudir zot *case genuine*. So mon ti ava kontan en pti lesplikasyon lo bann kriter *part rental*.

E konmsi dir mwan si tou dimoun, tou bann aplikan ki vin kot zot, ki vremen bezwen sa lasistans zot sir ki tou sa bann dimoun pe ganny asiste? Mersi.

MR SPEAKER

Mersi. *Panel. CEO* wi.

CEO BRENDA MORIN

Chairman mersi. Onorab mersi pou ou kestyon. *Regarding Internal Audit Department*, in fini ganny enkli dan Bidze. I sertenman nou'n fini *recruit*.

Nou pe esper sa dimoun pou pran son plas. Apre *Board* pou *recruit* son *Head for the Internal Audit via* son *Audit Committee*. Mersi.

MR SPEAKER

Minis.

MINISTER PATRICIA FRANCAULT

Mersi Mr Chairman. Zis pou dir Onorab, *part rental* depi lannen pase ti'n *move* kot *Ministry for Housing and Land*.

Enn bann rezon ki sa ti bezwen *move immediately* parey mon'n deza dir dan Lasanble. Kantite labi mi ti arive dan *part rental*. Nou kot *ASP* nou pa mason, nou pa sarpantye, nou pa enzenyer. Zis nou ti pe peye. Nou ti pe pey kwa, nou pa ti konnen.

Annan de fwa dan mon *surgery* ki mon war piblik, nek ou war gro, gro *files* ki vini. Kontrakter ki vin rod larzan. E ki dir ou sa mon'n fer mon pa ankor ganny peye. Sa mon'n fer.

Be nou ti'n fini war poudir labi ti tro bokou. Pa ti pe fer *part rental as such* sa. Ti annan en bann keksoz ankor ki ti pe arive ki mon'n vin lo la, mon'n koz lo la.

So nou ti bezwen *move* sa *immediately* e mon kapab dir sa Minister in fer en *very good job* pou kapab met en bon lord ladan. Mersi.

(APPLAUSE)

MR SPEAKER

Mersi Minis. Onorab Samynadin.

HON KELLY SAMYNADIN

Mersi Mr Chair. Bonzour Minis avek ou delegasyon. E tou koleg Onorab.

Premyerman mon ti ava kontan, vi ki an se moman bann *carers* pe rankontre difikilte pou ganny akse avek *loans* sirtou pou *housing*, mon ti ava kontan konnen si sa Bidze pe fer provizyon pou en *scheme* kot bann *carers* i ava kapab ganny lasistans avek bann tel *loans*.

Dezyenmman mon ti ava kontan konnen si sa Bidze pe fer provizyon pou en logmantasyon dan benefis pou bann *semi-orphans*?

E trwazyenmman, zis en pti *query*, eski en *permanent resident* i kapab fer louvraz *carer*, ki zot pou ganny peye par Leta? Mersi.

MR SPEAKER

Mersi. *Panel*. SS i ava komanse apre *panel* leres.

SS PATRICK PAYET

Mersi Mr Chair. Mersi Onorab. Mr Chair sanmenm sa ki nou pe travay lo sa striktir pou nou *personalize* en pe sa *home carer*. Ki *at the end of the day* zot pou anploye avek sa antite.

E sa pou *facilitate* zot *process* pou zot ganny en *loans*. Sa bann lezot striktir ki nou'n met an plas. So definitivman i dan plan pou nou kapab met en *proper* striktir an plas.

Lo kote ogmantasyon. spesifik ki ou'n demande lo *semi-orphans*, napa pou lannen prosenn. Me selman definitivman i annan diskisyon pou lannen presedan, 2023 an montan. Mersi.

MR SPEAKER

Lo size *permanent resident*. *CEO*.

CEO BRENDA MORIN

Chairman mersi. Onorab mersi pou ou kestyon. *Regarding permanent resident*. Non, Lalwa i dir Seselwa *only*. Mersi.

MR SPEAKER

Mersi. Onorab Loizeau.

HON NORBERT LOIZEAU

Ok mersi. Bonzour. Mersi Mr Speaker. Bonzour Minis ek delegasyon. Mr Speaker i annan en pti kestyon anpasan. Plito en pti leklersisman.

Minis mon apresye ki travay ki zot pe fer. Mon konnen i annan *carer* ki pe fer en bon travay. I annan osi ki en pti pe malonnet dan zot travay.

E dapre lenformasyon mon pe gannye i annan serten zot, bann ki en pti pe malonnet. Zot pa pe *turn up* pou travay me selman zot in ganny peye.

E zot Minister pe fer zot rann larzan, vi ki i annan de zour zot pa'n vini.

Eski sa i vre? Si i vre konbyen larzan zot in anmase avek bann ki'n fer sa? E si i vre osi eski dan zot Bidze i annan larzan ki zot pou mete pou fer sir ki i annan sirveyans ki pou ganny fer, pou ki sa bann kalite labi pa ariv ankor. Mersi.

MR SPEAKER

Mersi Onorab. *CEO* ou kapab reponn.

MR SPEAKER

Mersi Chairman. Mersi Onorab pou ou kestyon. Depi i annan detrwa mwan, ou kapab dir depi Zen ou Me en keksoz koumsa.

Nou'n fini komans fer louvraz dan *home carer* pou netway sa *payroll* ki i annan kantite dimoun ki pe, menm ki pa'n zanmen fer en louvraz *carer*. Me i lo *payroll* pou 5, 6an.

So i annan ki Lalwa i bezwen pran ka avek zot. Akoz wi sa bann larzan i bezwen ganny rann. E i annan ki bann ki zot bann resipyan in telefonnen. Ki dir sa *carer*

zanmen in *turn up*. Me nou'n peye.

Akoz mazine nou pe dil avek 3900 *carer* lo *payroll*. Nou annan zis 8 travayer pou fer *monitoring* avek ou bann, ou garson ou fir, ou manm fanmir. I vreman difisil sirtou ler ou resipyan ou osi ou'n soutire.

So ou kapab mazin difikilte Onorab pou fer sa. Me ler lakominote, fanmir i fer nou konnen, e sa resipyan i telefonnen ki dir son *carer* zanmen in *turn up* pou ed li.

Alor wi si ou'n peye, ou'n pran sa larzan ou pa'n fer sa louvraz, ou pou bezwen rann. Mersi.

MR SPEAKER

Mersi Minis ou le terminen.

MINISTER PATRICIA FRANCOURT

Zis pou *rap up* lo la Onorab. Mersi pou ou keston. Mersi Mr Chairman.

Dan sa laliny *home carers* la tro bokou in pase. E nou bezwen met lord. E enn bann reform ki nou bezwen fer ki *World Bank* in gid nou lo la ki SS in koz lo la, se met li dan son Minister aproprye. E sa i en gran konversasyon.

Mon konnen poudir *Minister* Zialor in vini in koz en

pti pe lo la. Me solman nou dan bann sityasyon final la, kot nou pou met li kot i aproprye. I pou annan *proper over sight*.

E mesaz pou dimoun *out there*. *The time is over*. Zot pa pou kapab kontinyen fer sa bann labi ki'n *go on* dan sa *Home Carer Section*. Mersi.

MR SPEAKER

Mersi. Nou ava pran vot lo bann Bidze.

Bidze pou *Agency for Social Protection* lo paz 544 ziskan 549 pou R27milyon 475 mil. Manm ki an faver lev lanmen silvouple?

Wi Madanm Clerk mon krwar tou dimoun in vote. Non. Nou *ok*? Mersi.

Okenn Manm ki vot kont? Byen.

Vot lo Bidze pou *Agency for Social Protection* lo paz 544 ziskan 549 pou R27milyon 474 mil.

29 Manm in vot pour, 0 kont, e en abstansyon, Bidze in aprouve par Lasanble.

Lo Bidze pou *Benefits and Approved Programmes of ASP* dan seksyon 2 paz 41, pou en total R1bilyon 444milyon 865mil.

Manm ki an faver lev lanmen silvouple?

Byen. Okenn Manm ki vot kont? Mersi.

Vot lo Bidze lo *Benefits and Approved Programmes of Agency for Social Protection* lo paz 40 ziska 41 dan seksyon 2, pou R1bilyon, 444 milyon, 865mil, 30 Manm in vot pour, 0 kont, e en abstansyon.

Alor sa Bidze in aprouve par Lasanble. Mersi Manm. Mersi *Panel*. Sirtou Minis ki'n avek nou tou bomaten. E se bann zofisyè Finans pou zot partisipasyon.

Nou'n ase byen ale. Menm avek en pti retar. Nou a konmans travay apre midi 2er edmi. Bon mon ava swet bann zofisyè bon retour, bonn apre midi, e bonn kontinyasyon.

Mersi nou a pran poz.

(BREAK)

**DEPARTMENT OF LAND
TRANSPORT AND
DEPARTMENT OF CIVIL
AVIATION, PORTS & MARINE**

MR SPEAKER

Bonn apre midi bann Manm. Bonn apre midi nou piblik. Nou a regarde kot nou ete la. Nou lo Bidze, *Ministry for Transport*. Bon, nou a apel delegasyon.

Bon, bonn apre midi Minis Antony Derjacques pour Minister Transpor. Mon osi swet labyenveni Mr Patrick Andre, son *Principal Secretary*

pour *Land Transport*, Mrs Magalie Essack, son *Director Policy and Strategy*.

E lo kote Finans, nou annan osi, Mr Jude Commetant ki'n *join* SS Payet. Mr Commetant i *Director Public Investment and Assets Management*.

Madanm Clerk, *Road Transport Commission*, i la li oubyen nou pran li apre? So nou a pran. Bon, nou pe pran Bidze pou *Ministry of Transport* avek son bann antite ki asosye. E ladan i annan *Department of Civil Aviation, Ports and Marine* e *Department of Land Transport*.

E zot Bidze zot i lo paz 444 ziska 449 pou en total R14milyon 718mil. Nou a pran sa Bidze la. Mon krwar dan sanmenm sa soz, nou pou pran *Road Transport Commission*. Nou a a sanz delegasyon apre nou a pran sa.

Byen, Minis mon ava envit ou fer lentrodiksyon pou Bidze, pou sa de departman.

**MINISTER ANTONY
DERJAQUES**

Mersi Mr Speaker. Bonn apre midi Mr Speaker, *Leader of the Opposition, Chief Whip* tou Manm Lasanble. Bonzour frer, ser Seselwa.

Mr Speaker en Bidze, i pou, i pou *allow* en Minister

kapab *operate*, fer tou son bann travay. E dan sekretarya ek dan Minister nou etabli bann Polisi, bann prensip, bann *guidelines*, pou bann Departman. E osi pou tou bann *State Owned Enterprise* ek bann *agencies* ki tonm anba sa portfolyo *Ministry of Transport*.

An gro nou *supervise*, nou regard administrasyon, nou regard finans. Pa zis sa de Departman, be tou bann lot *agencies* ki mon'n nonmen, ki tonm anba *Port, Marine, Civil Aviation* ek *Land Transport*.

I annan 19an ki sa Minister Transpor pa ti'n tonm tou bann brans ansanm. Savedir maren, lavyasyon avek later. Savedir i fer premye fwa, apre en plizyer lannen ki nou kapab fer en plan pou *integrate*. Savedir pou met ansanm tou bann Polisi, an sa ki konsern konektivite, ki neseserman transpor.

Konektivite i *allow* ki i annan devlopman ekonomik ek sosyal. E si ou regard nou bann pwen, kot tou keksoz i konekte avek lemonn, savedir Erport avek Por. E tou bann mekanizm, par egzant avyon bato, *SPTC* ek sirveyans atraver *SMSA*.

Savedir sekirite avek *safety at sea*, tousala i tonm anba *Land Transport*. Sa Bidze

an gro pou lannen 2021, pou Minister pirman pou sa de Departman ti 13milyon 150mil. E la 2022, nou pe propoz 14milyon 718mil. Son diferans i 1.8milyon.

Bann depans an gro ki an plis i kouver par egzant sekretarya. Akoz par egzant zot konnen, oparavan *Port Marine* ti tonm anba, ansanm avek *tourism*.

E *Land Transport* ti ansanm avek *MLUH*. Savedir, nou'n ganny en nouvo sekretarya pou kouver tou brans Gouvernman, ki fer avek transpor, ki tonm anba en sel Minister.

Savedir nou'n ganny pour sekretarya ki kouver sekirite. Nou'n ganny pou *top up rent* ki 25poursan, pou *Land Transport* kot *Quadrant House*.

Nou'n osi ganny plis dan sa R1.8milyon, pou kouver *SMSA, Seychelles Maritime Safety Authority*, son *Appeals Board*. Apre par egzant, tou bann Minister, bann *accounting officers* ki'n sorti direktman avek *Finance*, ki'n ganny anvoy dan bann Minister e nou, nou'n ganny de. Alors sa 1.8, i kouver zot bann depans.

Mr Speaker, an zeneral se sa ki mon oule dir dan mon *opening statement*. E avek ou permisyon, Lasanble i kapab

demann bann sizesyon, ouswa bann kestyon. Mersi Mr Speaker.

MR SPEAKER

Mersi Minis. Bann Manm i a remarke ki i annan, Bidze pou *Land Transport Agency*, ki vin apre. So, sa i kot bann proze i ete mon krwar. Nou a komans avek kestyon bann Manm. Onorab Cosgrow i kapab komanse.

HON WALLACE COSGROW

Mersi Mr Chair, bonn apre midi Mr Chair. Bonn apre midi Minis avek ou tim. Minis, mon annan en kestyon lo, lo, lo ou Bidze e sa i konsern transpor aeryen.

Vi ki ou'n dir tou bann, tou bann Sekter Transpor i aprezan tonm anba en sel Minister.

Lekel ki fer Polisi Transpor, eski zot fer Polisi Transpor Aeryen? E eski zot osi pou fer bann, *Bilateral Agreement*, ki Sesel i sinyen avek bann lezot pei?

Ouswa sa, sa, sa responsabilite i ganny *delegate* avek SCAA? Eski ou kapab eksplik nou en pti pe lo la silvouple? Mersi.

MR SPEAKER

Thank you Onorab. Minis ou repons.

MINISTER ANTONY DERJAQUES

Mersi Mr Speaker. Tou Polisi pou fer avek aeryen i tonm anba Minister, e i tonm anba *PS Renaud*. An menm tan nou annan en Yunit Polisi avek Stratezi, ki son Direkter se Mrs Essack, ki la avek mwan.

SCAA li osi i partisipe, e i ede, son *Board* an partikilye i osi ansarz fer bann *guidelines* ek Polisi pour *CEO*, avek son *management staff* ek son 700 travayer ki dan SCAA.

Alor pour larepons se, Minister i vin avek Polisi Lavyasyon. E sa i pe ganny met an aplikasyon, solman an menm tan i pe ganny ekrire. E i pa ankor ganny finalize, sa ki'n ganny met an aplikasyon se sa liberalizasyon, lavyasyon, pou *allow*, ki i kapab annan bokou plis operater dan lavyasyon Sesel ki nou vwar pe antre.

E bokou plis akter ek bann *operators* ki anvi vin Sesel, ki pe fer bann aplikasyon ki i pe vin Sesel. E, i pou sa rezon ki aprezan nou annan apepre 11 *airlines*, ki pe *operate* Sesel.

Sa i anba sa liberte ki nou pe entrodwir. Solman si oule get en nouvo Polisi sa pou vin, i pe ganny drafte, i pe ganny diskite. An sa ki konsern bann (*BALA*)

bann *Bilateral Agreements*. Sa in *migrate*, savedir in sorti kot SCAA, plizyer mwan pase, e in vin direktman kot Minister.

Sa i akòz sa bann *Bilateral Treaties* i *state to state*. Savedir i Minister ki annan portfolyo, i an a koneksyon avek en Minister ki ansarz lavyasyon. E dernyen *BALA* ki mon ti sinyen, ti semenn pase, *Zedi Dubai*, kot mon ti siny enn avek *Poland*.

Pou *allow* bann avyon si bann kondisyon i ganny swiv, pou zot vin Sesel. E lo nou kote, *Air Seychelles* ki ti pe negosye deza, pou li kapab form son Kontra, son bann *charters* ant Sesel avek *Poland*.

Alor pou sa dezyenm keston, in *migrate* prezan bann *Bilateral Treaties* ek negosyasyon i ganny fer dan Minister. E bann lenformasyon, spesyalize, ki i ganny fer ant lavyasyon bann Lotorite Lavyasyon, dan en pei avek en lot sa i avek SCAA.

Savedir SCAA i sipòrt e i donn lenformasyon, be tou negosyasyon ek Lagreman i avek Minister. Mersi Mr Speaker.

MR SPEAKER

Mersi Minis. Onorab Vidot.

HON AUDREY VIDOT

Mersi Mr Chair. Bonn apre midi Minis avek ou delegasyon. Mon keston i pou relye avek, *Road Transport Commission*. I *ok* pou mwan demande?

MR SPEAKER

Non, nou annan-

HON AUDREY VIDOT

Mon esper apre?

MR SPEAKER

Wi i vin apre Onorab Vidot.

HON AUDREY VIDOT

Ok, mon ava atann apre alors. Ale mon atann apre.

MR SPEAKER

Ou atann, *ok*. Onorab Gill.

HON CHURCHILL GILL

Mersi Mr Chair. Bonn apre midi Minis ek ou delegasyon. Mon keston ti pou lo, *Port Marine*. I *ok* la, mon kapab demande? *Ok*.

MR SPEAKER

Yes.

HON CHURCHILL GILL

Kestyon i lo, nouvo *passenger jetty* lo Baie Ste Anne. 1an pase ti pou annan en, en striktir tanporer ki ti pou fer, me sa pa ti materyalize.

E nou ti ganny dir sa letan ki sa proze pou ganny fer antye.

E bann *tender*, bann desen in komans fer, *tender process* in fer. Resaman, *tender* in ganny donnen me selman, pour striktir tanporer.

Alors mon pe gete vi ki'n annan sa dele, lan deza. E la nou pe al lo striktir tanporer, e *by the time* sa i pou fini fer, nou pou 2023, komansman 2023.

Eski Minis ou kapab donn nou en leksplikasyon akoz sa desizyon, i pa sa striktir ki ti'n ganny tonm dakor pou fer? E si sa i annan keksoz pou fer avek Bidze, oubyen non? Apre konbyen Bidze i annan, ladan pou dan sa striktir tanporer? Mersi.

MR SPEAKER

Mersi Onorab. Minis.

MINISTER ANTONY DERJAQUES

Mersi Mr Speaker. Mr Speaker, apepre 6 mwan pase, ler ti annan en vizit Praslin ansanm avek Prezidan apre, de lot vizit ki mon ti ale, e Onorab osi ti partisip dan enn de sa bann vizit dan sa trwa.

Vre nou ti pou sey, fer en *passenger headquarters* kot *terminal* ki tanporer ki ti pou kout apepre R5milyon. Sa i anvi ki sa *jetty* ti'n konplet, bann enfrastriktir ti la. Ti annan sa Por ki ti la, e *dredging* osi ti pou

ganny fer, pou fer li vin an, *proper*. Kot bann bato i kapab antre sorti.

Be ler nou ti annan apwentman nouvo *Board*, avek apre *Presidential visit* Praslin, nou ti regarde ki ansanm avek bann operater, sa ki ti pou ganny fer pou R5milyon pa satisfèzan.

Alor ti annan en *reinstatement of* sa ki ti sipoze, permanan ki ti pou kout apepre R12milyon. An menm tan ler *Board* in get sa enn, ki R12milyon in fer enn de modifikasyon.

Akoz ou konnen, *Chairman Board* i en *architect* osi. E i renonmen, i enn bann kontrakter pli *successful* Sesel. In fer en pti modifikasyon ansanm avek *Board*. E prezan in pas atraver e in ganny *approved*, par *Planning* e la parey ou konnen, i lo *tender*.

Pou mwan kapab fer sa *procurement process* al bokou pli vit, demen osi mon pe zwenn avek Minis 8er edmi kot, *SPA*. Pou nou regarde kwa ki pe *hold up* sa *tender*, parey pe *hold up* avek en *bid*, pou nou ganny en konsiltan pour Por Victoria *extension*.

An menm tan pe *hold up*, avek sa Por devlopman La Digue. Sa ki mon kapab dir ou se sa *Procurement Act* ek sa

tender process, pe met en pe *delay*. Kantmenm i annan bann *target* ek bann *timeline*, *thirty days*, *seven days*, annandler i annan bann *appeals* ek bann konsiderasyon e parfwa bann Zofisye ki sipoze fer travay. Akoz zot *part time*, e zot dan zot travay, pou zot *meet* ansanm avek bann kontrakter, bann Minister, e i ariv bann *delay*.

Alor ki nou pe fer dan Minister, nou konsyan ki i annan bann *delays*, ki pa neserman akoz *SPA* pa pe fer son travay, in fer. I pa akoz *Board*, in re-aranz sa *building* pou fer li pli efikas par la.

Me se avek sa Lalwa, ek son bann kondisyon ki enpoz lo devlopman ek bann proze. Alor demen 8er edmi, nou pe zwenn kot Por, ansanm avek Minister Finans mwan menm, *Board*.

Pou nou gete kwa ki sa dernyen pti keksoz nou kapab fer, pou *unlock*, pou sa *building* ki permanan. I komans sa konstriksyon Baie Ste Anne Praslin. Mersi Mr Speaker.

MR SPEAKER

Mersi. Wi Onorab Gill.

HON CHURCHILL GILL

Minis eski i posib, pou nou kapab Lotorite Distrik ganny kopi sa desen, apre sa lazisteman ki *Board* in fer. Pou

nou konnen egzakteman kwa ki nou pe gannyen, dan sa ki ti'n agree lo la? Mersi.

MR SPEAKER

Mersi. Minis ou adres sa *please*.

MINISTER **ANTONY** **DERJAQUES**

Yes, Mr Speaker. Mersi. Onorab Gill o pli vit posib nou a fer *Chairman* anvoy sa *modified*. Parey mon dir, striktir i permanan, ki i baze lo sa ki ti orizinal. E zis in ganny en pti modifikasyon, e kot *Planning* in fini *approved*. Mersi Mr Speaker.

MR SPEAKER

Mersi Minis.

MR SPEAKER

Mersi Minis. Mon note ki'n mon'n mank en zofisye e sa se Mrs Karin Andre, ki *accountant* dan sa Minister e i lo *officials table*. Byenveni Mrs Andre. Kot Onorab Romain, ou kestyon.

HON GEORGE ROMAIN

Mersi Mr Chair. Bonn apre midi Mr Chair, Minis bonn apre midi avek ou *panel*. Minis mon kestyon mon deza vwar ou aparaman lo televizyon, pe eksplike kot biro Huteau Lane, Biro *Land Transport*.

E, *at that time* mon ti pe mont en pe bann zimaz, ou kapab dir, zot biro ti vreman mon kapab dir pa ti vreman *conducive* pou travay dan sa landrwa.

E mon krwar mon'n deza tann ou menm Minis, pe dir zot pou bouz dan en nouvo batiman. E mon'n vwar zot Bidze, pour *rent* e ti 1.9milyon la i 2.4milyon.

Eski ou kapab eksplik nou Minis si zot in *move* dan en nouvo batiman? Oubyen si zot annan lentansyon *move* dan en nouvo batiman? Mersi Mr Chair.

MR SPEAKER

Mersi Onorab. Minis.

MINISTER ANTONY DERJAQUES

Mersi Mr Speaker. Enn Onorab Romain *SLTA* pe vin pli tar apre midi. Solman *still* mon kapab reponn. *CEO* pou la, Mr Herath Parinda.

Zot pou bouz dan en nouvo bilding *Pension House* byento. E zot pou pey zot *rent* atraver, pour 2022. Atraver bann *savings*, ek bann profi ki zot in kapab fer, ler zot fer bann Kontra ki peyan, ler zot met par egzantp, bann *bitumen* lo bann semen.

Alor nou pa pou pran dan Bidze, direkteman sa *rent* pour, kot *Pension House* o bor kot *service station*, L'Ile du Port. Mon ti ava kontan dir ki ti pran en bon pe zefor.

E vre mon ti vizite parey ou ti vwar lo televizyon. E mon ti vwar mon ti vwar kot zot ti pe travay, ti pa ti bon ditou e i pa to *conducive*, pou bann profesyonnel.

E mon ti montre zot sa portre kot trwa enzenyer i dan en lasanm, kot ler ou get anler ou vwar lesyel, e ler lapli i tonbe ou vwar delo i antre. E i ti ankor bann lestik ek bann vye karpèt, ki nou ti servi 50an pase ki dan zot biro.

Sa bilding an antye Huteau Lane, i li menm ki, ki *PWD* ti ladan pli ki 50an pase.

E i pa ti bon pou nou bann profesyonnel, ki nou bann zenn profesyonnel pou zot travay ladan, pou zot rann en servis, pou zot fer tou nou bann semen ki nou servi toulezour.

Mon kontan alor pou konfirmen parey ou'n dir nou, e parey ou ti konnen, ki *SLTA* pou bouze, son *management* son sekretarya, son administrasyon sa lannen, petet an Zanbye, Fevriye. Bilding pe ganny *tweaked*, in fini.

E zot pe fer bann laranzman, e zot pou pey zot

rent pou sa lannen 2022, zot menm. Mersi Mr Speaker.

MR SPEAKER

Mersi Minis. Onorab Aglae.

HON EGBERT AGLAE

Mersi Mr Chair. Bonn apre midi Minis ek ou *panel*. Minis, dan ou *challenges*, *current challenges*, i annan sa bout kot i annan mank kordinasyon ki ou'n *site* avek bann lezot Minister, departman ek lazans pou kapab enplimant Polisi Transpor.

Mon ti a kontan petet premyerman demann ou, lo la. Angi ki souvandfwa, sirtou lo nivo distrik. I annan bann sityasyon ki arive, sirtou lo larout piblik e ki ler ou *call* en lazans, i dir ou par li ki responsab, ou *call* lot i dir pa li ki pe responsab.

Petet ki zot pe mazin fer, pou kapab definir kot enn i antre, kot enn i fini. En manyer ki ler i annan bann sityasyon ki deroule, an zeneral lo larout piblik li menm, nou konnen lekel ki lekel ki responsab.

Dezyenmman, kot i konsern nou Por Minis. Detrwa mwan pase, mon rapel ou ti zwenn avek serten akter dan lenvestisman nou Por, nou *main Port*.

Petet mon ti a kontan demann ou Minis, an term Bidze, an term Bidze konponan finansyel, ki sityasyon kot i konsern lagrandisman nou *main Port*, li menm li? E ki bann faz petet ki nou pe komans vwar, pou kapab enplimant sa proze? Mersi.

MR SPEAKER

Mersi Onorab. Minis, ou'n ganny de kestyon la.

MINISTER ANTONY DERJAQUES

Mersi Mr Speaker. An sa ki konsern kordinasyon, avek bann lot Minister, bann lot Departman, ek bann lot *agencies*.

Atraver *Cabinet*, nou *coordinate* en kantite. An sa ki konsern *Land Transport*, avek bann Polisi, mon krwar ou ti pe viz ver sa enn. Espesyalman sa ki konsern petet bann pye dibwa ki tonm dan semen, lekel ki *deal* avek. Si *DRDM*, si *LWMA*, si *SLTA*, si *Local Government*.

Nou'n diskite, e nou'n trouve ki enn pour bann konstriksyon, bann striktir, bann rigol ek bann semen, sa i avek *SLTA*. Sa ki konsern bann pye dibwa, ek pye dibwa ki menm tap avek bis tata, pye dibwa ki dan dezas i tonm lo

semen, si i pa en gran en dezas i tonm anba *LWMA*.

An sa ki konsern *Local Government*, parfwa i antre akoz li osi i annan bann Bidze pou bann *small projects*, dan son Bidze. E zot osi zot kapab antre pou ed bann *constituents*, bann dimoun dan zot bann distrik. Kot *Local Government* i kapab antre ladan.

Mr Speaker, *Local Government* ti annan en R2milyon ki ti dan son Bidze, e i ti annan en kantite diskisyon, dan sa Bidze sa voyaz, kot kote i ti pou ganny mete spesifikman. E si i annan en komanter lo la, SS Payet kapab fer en i komanter, i kapab fer sa imedyatman Mr Speaker?

MR SPEAKER

Wi i kapab, nou a retourn kot ou apre. SS Payet.

SS PATRICK PAYET

Thank you, Mr Chair. E bonn apre midi tou Manm Onorab e tou dimoun ki a lekout. Wi Mr Chair nou kapab konfirman ki, i en konponan. Definitivman nou'n kit li anba *Local Government*.

Me selman i annan en konponan osi ki nou'n kit li anba *SLTA*. A toutaler letan i vini i ava eksplik en pe, ladan. Me selman mazorite vot nou'n

kit li anba *Local Government*. Mersi.

MR SPEAKER

Mersi. Minis oule kontinyen?

MINISTER **ANTONY**
DERJAQUES

Thank you, Mr Speaker. Mr Speaker. Dezyenm parti sa kestyon i tous lo *Port extension*.

MR SPEAKER

Ok. Eskiz mwan. *Port* oubyen Erport?

MINISTER **ANTONY**
DERJAQUES

Port extension. Dan sa miting demen, avek Minister Finans i annan en keksoz ki an partikilye, ki nou bezwen diskite. E sa ankor enn fwa i tonm anba *Procurement Act*.

Ki *Board*, avek *SPA*, avek Minister in konstate, ki apard ki Minister, ki pe siperviz sa proze. Nou oule en *firm*, ouswa en dimoun osi, pou regard sa proze koman en spesyalis. Sa *Procurement Act*, i demande ki bezwen fer en *general tender*.

Solman i kapab annan bann eksepsyon anba diskresyon *Minister of Finance*, e i anvi sa regard sa demen 8er edmi. Pou sa proze li menm nou pe vize, ki si tousala i tonm anmars, ant Me avek Septanm

pou annan *dredging* ki pou komanse.

Sa *dredging* pou *allow*, ki sa *route* pou antre dan Por avek kot sa Por *extension* 10met pou ganny mete, pou ganny azoute e *extended*, pou bezwen annan *dredging*. E alors proze si sa bann *steps* dan sa bann *Procurement Act* e *tender* i mars byen. I sipoze komans ant Me avek Septanm lannen prosenn.

I pa pou komans egzaktaman an Me. Solman son *window*, baze lo *the weather*, baze lo sezon i ant Me ek Septanm.

Alor mon pe vwar li petet lafen Septanm, petet an *Juin* ki sa bann *dredging companies*. Pa oublie, i annan de *dredging companies* osi ki enterese, ki zot osi zot in fer zot aplikasyon e zot pou bezwen *meet* sa *requirements, tender*.

Alor nou pe fer e nou'n devlop bann *Term of Reference* pou zot *bid*. Alor Mr Speaker, i annan sa de keksoz, sa *management company*, avek sa *dredging company* ki pou ganny diskite lo bann prosedir demen 8er edmi avek Minister Finans.

E nou bezwen *meet* bann *guidelines* ek ban lareg, anba *Procurement Act*. E an menm tan nou konnen ki travay Gouvernman, i stratezik. E an menm tan nou konnen sa sezon

pou *dredging* i ant Me ek Septanm.

Alor sa trwa fakter ki pe gid Gouvernman, pou fer sir ki sa *dredging* i ganny fer. E Port *extension* an menm tan i kapab komanse o pli vit posib. Mersi Mr Speaker.

MR SPEAKER

Mersi. Yes Onorab Aglae.

HON EGBERT AGLAE

Minis sa. Mersi. SS mersi pou ou larepons. I pa en kestyon, petet en rekomandasyon, ouswa en sizesyon. SS ou'n dir poudir i annan sa vot, ki zot met anba *Local Government*, ok? Mon pe dir sa akoz, *SLTA* ler serten lensidan ti arive zot vitman, zot *deal* ek sityasyon *within twenty-four, forty-eight hours*.

Me kot i konsern *Local Government* i annan en bann prosedir ki mon pa konnen akoz ki i an plis, li tandis pou *SLTA* pou li i vitman. Mon krwar, zot bezwen ganny en konversasyon, pou fer serten ler i annan serten lensidan ki relye, avek trafik piblik si i annan sa konponan pou *Local Government* antre, keksoz i bouz en pe pli vit pou nou kapab remedye sityasyon. Se tou ki mon pe demande. Mersi.

MR SPEAKER

Mersi kekfwa Minis i a byen pou note. E pou *follow-up* lo la. Mersi. Onorab Adelaide.

HON FRANCOIS ADELAIDE

Mersi Mr Chair. Bonn apre midi Minis avek ou delegasyon. Minis petet ou ava gid mwan, vi ki nou ti pe dyalog ansanm.

Mon pe gete, *in regards to West Coast Development Project*. Eski, petet ou kapab donn nou en pti detay, vi ki i pa dan Bidze, e nou ti annan en diskisyon. E sa pou ede avek koltar pli tar, ki mon pou demann ou pou SLTA. *So at least* donn nou en pti *status*. Mersi.

MR SPEAKER

Mersi Minis.

**MINISTER ANTONY
DERJAQUES**

West Coast Devlopman, sa semenn ankore mon'n fer mon dernyen miting avek PS Andre. E i ti pou osi kontakte *the coordinator with the sponsors*, ki *Abu Dhabi*.

Ki in fini arive se, ti annan *Presidential visit* pou al get sa *West Coast Project*. Ou ti la, *Local Government* ti la, SLTA ti la, Departman ti la, PS ti la, e tou bann akter ti la. E nou ti kree bann *timeline*.

Be ki nou ti mete an plis, lo ladan, nou ti demande akou nou pa osi kouven semen Anse Boileau. Sa konponan Anse Boileau, sa tim sorti *Abu Dhabi* ti vin gete. Apepre kat semenn pase, a senk semenn pase, zot ti vin gete. E zot sipoze pe kontakte ek bann *sponsors*, pou *add-on*.

Sa ki'n fini ganny aprouve, *West Coast Road Project* pou *add-on*, avek Anse Boileau. Mr Speaker eski PS Andre i kapab *update* plis silvouple?

MR SPEAKER

Yes, byensir. PS Andre.

PS PATRICK ANDRE

Bonn apre midi. Mersi Mr Speaker. Bonn apre midi tou Manm Onorab. An sa ki konsern proze pou *West Coast Road* li menm li, Tou bann plan, nou ti ganny demande pou fer modifikasyon bann plan baze lo vizit.

E *tender document* in ganny prepare, nou pe esper avek *quantity surveyor* ki pe travay lo BOQ. Nou pe esper zis sa bout final pou antre. E osito ki nou ganny sa *Bill of Quantities* ki'n fini, nou pe *out to tender*.

E parey nou dir, baze lo sa *donor*, se ki *tender* nou'n deza fini fer, *Expression of Interest*

avek bann kontrakter ki enterese pou fer sa proze.

E la nou dan faz pou nou *tender out* osito posib, *within the next week or so* ki nou ganny sa *tender document*, nou pe lans *tender*. Mersi Mr Speaker.

MR SPEAKER

Mersi Mr Andre. Onorab Pillay.

HON SEBASTIEN PILLAY

Mersi Mr Chairman. Bonn apre midi, bonn apre midi tou dimoun ki a lekout. Mon le retourn lo, serten pwen dan Bidze Minister Transpor, pou mwan kapab ganny serten klarifikasyon.

Premyerman an sa ki konsern sa depans lo *rent* ki'n ogmante. Sa ki nou pe remarke, se ki *all across the Board*, bann Bidze *rent* in monte. E ti'n annan en zefor pou fer desann, bann *rent*.

So ler nou pe get *rent* anba ou Minister *currently*, Mr Chairman anba Minis, anba Minis Transpor. Ou *rent* sorti 1.9milyon in ariv 2.4milyon, *almost* 2.5milyon. So, nou ti a kontan konnen akoz ki *rent* in ogmante. E dan en fason, signifikan.

Dezyenmman ou annan en konponan anba ou Bidze, ki *deal* avek *Planning and*

Research. Nou vwar en rediksyon dan sa Bidze, pou sorti 2milyon, pou retourn lo 1.8milyon apepre.

Nou ti a kontan ganny en konpran si i annan *staff* ki'n ganny fer *retrenchment*? Oubyen si annan lezot, lezot keksoz ki asosye avek sa rediksyon?

Mon trwazyenm pwen i an referans avek *foreign consultancy fees*, kot nou annan R529mil ki'n ganny mete pou *foreign consultancy fees*.

Mon ti a kontan konnen lekel ki nou pe peye avek sa *foreign consultancy fee* R529mil? E eski i annan *Expression of Interest* ki'n ganny envite *from* Seselwa, an relasyon avek bann *consultancy* ki Minister Transpor pe donnen?

Prezan *Minister* ou'n mansyonnen ki i annan sa Bidze ki'n al kot *Local Government*. E ki Onorab Aglae ti pe fer en pwen, taler. Me mon pa pe vwar arive sa mwan, sa zafer *tree felling* la.

Sorry mon pa pou koz parey Onorab mon pou dir en pe pli kri. I pa pe arive. *It's not happening*. So petet eski enn antre zot la i kapab klarifye pou nou, lekel egzakteman ki sipoze pe fer sa travay, akoz i pa pe arive? Mersi Mr Chairman.

MR SPEAKER

Mersi Minis.

MINISTER **ANTONY**
DERJAQUES

Thank you, Mr Speaker. Eski SS Payet, i kapab reponn premye kestyon?

MR SPEAKER

Lo rent?

MINISTER **ANTONY**
DERJAQUES

Lo rent. Mrs Magalie Essack i a reponn lo dezyenm kestyon, ek lo *consultancy* trwazyenm kestyon.

An zeneral pwen kat, ti ava bon si *SLTA* ki pe vini i a reponn. Mr Parinda ki *CEO SLTA*. E li ki direktman *involve*, sak fwa i annan sa bann kestyon, sa bann *fee*, ki arive ler i annan en gro lapli, pye dibwa i tonbe.

Alors si nou kapab *postpone* kestyon 4, pou ler *SLTA* i vini dan lerdan koumsa. Mersi Mr Speaker.

MR SPEAKER

Tre byen nou a rezerv sa. SS Payet ou kapab komanse.

SS PATRICK PAYET

Mersi Mr Chair. Mersi Onorab. Sa ki konsern Bidze *rent* parey

zot vwar, dan tou Minister ouswa departman ki i annan en alokasyon pou *rent*, zot pou'n vwar sa ogmantasyon.

Parey zot okouran ki, letan nou ti fer Bidze 2021, Ti annan apepre 15 a 25poursan Bidze *rent*, ki nou ti demann bann *landlord* pou zot redwir Bidze Gouvernman. Akoz sityasyon ekonomik 2021, ki nou ti demann zot sa sipor.

Me nou'n, zot in donn nou sa sipor pandan lannen 2021. E lannen 2022 ekspektasyon se, zot pe *back to the rent agreement* ki zot ti ete avan. Nou vwar sa par egzantp avek Fon Pansyon, Fon Pansyon ti donn Gouvernman 15poursan rediksyon.

Me avek negosyasyon e mazorite bann *landlord* osi an Zanvyè, *rent* pou *back* parey i ti ete an 2020. Sanmenm sa zot vwar ki mazorite, i pa bann *new*. Me selman i annan par egzantp letan *SLTA* pou vini taler zot pou vwar akoz li kekfwa i pe fer, i pe bouze kekfwa *from the current* lokasyon.

Me selman, spesifik zot pou vwar mazorite bann Minister akoz sa 25poursan. Mersi.

MR SPEAKER

Mersi nou a pas kot Mrs Essack. Pou lezot repons.

DIRECTOR POLICY AND STRATEGY
MAGALIE ESSACK

Mersi Mr Speaker. Bonn apre midi tou dimoun. Pou reponn ou kestyon, Onorab in *regards* to sa *reduction in the budget for the planning and research component*.

Si zot regard byen dan nou, letan nou ti fer nou *PPB statement* ti annan en *restructuring* ki nou ti fer an Out sa lannen.

So nou Minister, in restriktire, nou annan nou de Departman. Selman nou annan nou, de *unit* ki'n a ganny *merge* ki nou'n sorti, dan Departman nou'n al anba sekretarya, pou nou *consolidate resources*.

E dan sa bout *Policy Planning Research, including Legal* in ganny *merged*. E kot PS Andre i ti annan pozisyon pou *Director*, en *Director Policy*. I ti annan osi pozisyon pou, *Policy analyst*. Ki nou'n fer, nou'n *merge*, sa *policy analyst* ki ti kot li in *merge* in vin ansanm avek nou, nou'n tir sa *post Director*. Ki son saler ti pou *around twenty something thousand per month*.

So nou'n *merge* sa, nou'n kapab fer en *savings* ki ou vwar li annan sa rediksyon. *Plus*, osi nou'n revwar nou bann, dan

nou vot pou *goods and services*. Vi ki nou'n *merge* sa, sa younit.

I annan bann pti konponan, parey dan, dan sa *good and services* pou sa *office expenses, consumables*. Kot nou'n *reduce* li konsiderableman. Akoz nou pe servi menm resours, ansanm, ki tonm anba sa vot *P1, and P2, P1(1) and P1(2)*.

So nou pe *merge* nou, nou bann resours, ki fer ki ou vwar nou'n kapab fer en *savings nearly a million Rupees* ki pou i en *achievement*. Akoz sansan nou i pou bezwen demann *additional budget*.

Lo sa kote, *foreign consultancy*. Sa *foreign consultancy* in toultan la dan Bidze Departman Sivil Lavyasyon Port e Lamarin *for the past three years*. In toultan, a sa 500 ekek mil. In *last year* nou ti koup li i ti ariv dan bann 324mil mon krwar. Pandan letan *COVID* nou pa'n servi sa Bidze akoz bann, *external support* ki nou kapab rode ek *ICAO, IMO*.

Sa i bann - Pou bann Regilasyon enternasyonal kot nou bezwen *meet demands*. Ki nou pe bezwen fer sir ki nou in *line* avek sa bann *international norms*.

So sa bann *support*, sa i normalman, i sipoze sorti *as an*

Expression of Interest, pou nou *outsource* si i annan okenn *consultancy* ki nou bezwen lo kote sa bout *foreign*.

Me selman i pou bokou plis ver, *Port, Marine* avek *Aviation*. So sa a vot nou met li la. Akoz dan Minister li menm, nou pa ankor kapab fini fer *grooming*, pou annan sa bann eksper, lo kote ki kapab *support* lo kote sa bann *international organization such as ICAO, IMO*. So, sa vot i la tou le lannen, e i tou lannen i retournen. I pa en nouvo keksoz ki nou pe demande.

MR SPEAKER

Mersi Mrs Essack. Wi Onorab Pillay.

HON SEBASTIEN PILLAY

Mersi Mr Chairman. Mr Chairman mwan mon le met devan Gouvernman. Lasanble Nasyonal nou pa'n kapab *recruit additional staff* pou nou *strengthen* nou bann Komite, pou nou kapab fer lakantite *oversight* ki nou ti a kontan fer.

So dan sa konteks, nou bezwen *rely* lo Gouvernman pou annan *an internal mechanism*, pou *exercise* en *oversight*. Ou annan ou en Minister, ki la in *super loaded* zot in ganny *steroids*, akoz tou bann *major*

transport infrastructure i anba sa Minister.

E le de *major* lenfrastruktir ki anba sa Minister, e SCAA e *Port Authority*, zot de antite ki annan *major projects* ki pe *go on*. E ki mon pe demann mon lekor Minis eski ou kapab reasir Lasanble ki ou eternalman, ou kapab *maintain* en *oversight* lo sa bann antite.

En pti pe parey ki Onorab Cosgrow ti pe *lead* ou pou sey konpran. Akoz ler nou get Bidze, vi ki nou, nou kapasite i *stretch* pou nou fer li. *Somebody* i bezwen pe fer li, akoz nou pou al ganny, nou pou al revwar sa zis *after the fact*, en *issue* i al mal.

So petet eski Minister Finans i kapab eksplik nou ki modalite ki plan Gouvernman lo asire ki annan en *oversight* konkret atraver si pou annan *Mid-year Review in regards to* sa Bidze?

E mon dernyen pwen, mon dernyen pwen Mr Chairman. Mersi pou donn mwan sa loportinite pou fer sa pwen. Tou *savings* ki nou pe fer, i paret pe re-gonfle *rent*. E *no wonder* nou pou napa nanryen pou donn travayer *at the end of the day!*

So mon krwar i bezwen annan en travay ki nou bezwen fer *regarding*, sa bann size *rent*

pou nou vwar si reelman nou pa kapab fer en pti pe pli byen. Mersi Mr Chairman.

MR SPEAKER

Mersi Minis. Oule adrese ou kapab pas avek SS Payet.

MINISTER **ANTONY**
DERJAQUES

Yes, mon ava-. Mr Speaker mersi. Mon ava konmanse, apre SS Payet i a fer osi, i azoute.

MR SPEAKER

Good.

MINISTER **ANTONY**
DERJAQUES

Mr Speaker. Mersi Onorab, ki pou ou sipor, pou-

(Off-Mic)

MR SPEAKER

Mersi. Ale *order!* Onorab Pillay *order* silvouple!

MINISTER **ANTONY**
DERJAQUES

Ki zot in rekonnet ki i annan plizyer ban gran proze ki, nou'n komanse. Son bann *concept* in fini ganny aksepte. E parey dernyen *was a drydock* ki byento *letter of interest* pe ganny donnen.

E li osi pou en proze plizyer milyon Ero pou nou

kapab fer *ship repair* pou bann bato *5thousand tons*. Ler nou ti pran sa Minister, kot *Ports Marine* ek Lavyasyon ti annan apepre zis 5 dimoun dan en Departman.

Ki nou'n fer la nou'n, ganny en sekretarya ki annan 7 dimoun. Nou'n kree en *Policy Unit* kot Direkter ki la dan Lasanble avek mwan ozordi, Mrs Essack.

I annan de *Policy analyst* anba li. Nou'n kree en *Legal Unit*, par egzanp pou nou regard sa bann *bilateral*, pou nou negosye byen bann *legalities* parey *Air Seychelles*.

Kot nou get tou bann *legalities* parey pou Por, bann proze, alor nou'n kree. Nou annan en yunit prezan ki annan, 3 *analysts*. Nou annan, en *Legal Unit*, ki an menm tan avek mwan ki en Avoka, nou annan 2 Avoka dan Minister, direkteman avek mwan.

Savedir dan *secretariat* in azoute pou nou kapab *meet* sa restriktirasyon ki nou pe fer;- parey nou pe fer avek SCAA. Ti dan *press*, nou pe kas li an de. E nou pe fer li modern ek efikas.

E nou regard bann vye bann Lalwa ki depi '77 plis ki 50an pase ki nou bezwen aranze. E ler ou amann Lalwa i vin ansanm avek son Polisi. Ou bezwen aksepte son Polisi, ou

bezwen pas sa Polisi atraver *Cabinet*, fer en *statement* devan Lasanble.

Aprè ou pas en rezim Lalwa si Lasanble i aksepté. Wi nou pe restriktire, nou pe refer, nou pe refer Por. Par egzanp SPA, nou pe amann Lalwa. Nou pe moderniz tou son bann Regilasyon, e sa pou tous tou bann operater, bann *fees* par egzanp ek bann responsabilté.

SMSA li i ti ganny konsevwar, e i ti ganny *incorporated* an Avril 2020. I en nouvo lorganizasyon, e i pe grandi tre vit. E se li ki pou anrezistre tou bato. Pa zis bann bato lwazir, be bann bato lapés.

I annan en *Maritime Accident Investigation Board*, ki pa ti morde, ki napa okenn regilasyon. Sa nou'n fini fayle, nou pou met li devan *Cabinet* byento. E son bann regilasyon nou'n drafte e i bezwen al kot AG. E i pou ganny prezante, anba Lalwa devan Lasanble.

I annan en kantite sanzman dan tou *agencies*, dan tou SOEs. Pare egzanp SPTC, nou'n regard son *fee structure*. Nou'n nobou fer li avek sa ki nou annan. Sa ki nou pe demande *going forward*, i enkli resours pou en *project officer*, ki prezan nou annan sa resours. E nou pou met dan *Gazette*

byento, pou nou kapab *recruit* en *project officer*.

Nou annan osi en konsiltan sekirite ki nou pe rode. E nou kapab demann pou servi sa R560mil, an *short term* ziskan ler i annan en *variation* avek DPA avek Finans. Pou nou kapab ganny sa *security officer* anba, *PS Port and Marine*.

Akoz Minister osi i angaze, e i responsab pou sekirite ek *safety* lo semen. Be *Aviation Safety* ek *Security* i osi tonm avek sa Minister.

E *Marines Safety and Security* i tonm avek Minister avek SMSA. Alor wi Onorab. mersi pou ou bann mo sipor, nou bezwen *beef up*, nou bezwen rod *expertise* lokal avek enternasyonal.

E sa i ava ed nou pou vin bokou pli efikas, ek profesyonnel dan ki fason nou konekte, lekonomi bann operater e pep Seselwa lo later dan ler ek lo lanmer. Mersi Mr Speaker.

MR SPEAKER

Mersi Minis. Ou'n dir SS pou adrese. Mon krwar i annan sa keston *oversight*. SS.

SS PATRICK PAYET

Mersi Mr Chair. Mersi Onorab. Definitivman, Mr Chair ki nou regard li dan en konteks ki nou

remarque vre i annan *areas* ki ou bezwen donn, annan lezot sipor adisyonnèl, pour *oversight*.

Par egzanp mon a donn en senp legzanp ki parey letan nou ti pe *assess* soutenabilite *Air Seychelles*. Ki nou ti rod sipor avek Labank Mondyal, ki nou tir vwar kekfwa *internal capacity* ki nou, nou annan e Minister responsab pou Transpor.

So i annan bann sipor adisyonnèl, ki nou rode avek bann lorganizasyon, bann *organization* enternasyonal ki nou gannyen. Me definitivman lonterm nou pou bezwen nou osi *build* sa *internal capacity* ganny sa *training* avek nou bann partener.

Lo sa ki konsern *rent budget*, mon konnen lo, nou pe vwar kekfwa 2022-2023, nou pe vwar ki annan sa ogmantasyon akòz sa, *saving* ki ti annan dan 2021. Me selman Gouvernman i annan en plan pou li fer son prop akomodasyon lofis.

E nou ekspekte ki sa *once* i konplete 2024, so i pou *free up* en pe *space*. E nou ekspekte ki *rent budget* pour redwir. E osi nou ekspekte sekter prive pou benefisye. Akòz pou annan bokou alokasyon dan lavil ki pou *available for* sekter prive

akòz Gouvernman pou'n *move out*.

E *secondly*, par egzanp, ki nou'n anonse, par egzanp nou donn zis *specific for SRC*. SRC aktyelman pe - annan en Bidze 15milyon. E la avek sa nouvo konstriksyon ki pe al fer son nouvo bilding, ki nou ekspekte osi i pou *free up* bann lespas adisyonnèl.

So i annan en plan konpreansif ki Gouvernman in travay lo la *medium term* e nou ekspekte a lonterm pou annan *savings* dan sa vot. Mersi.

MR SPEAKER

Mersi SS. Bon mon annan de Manm ki reste, mon pe *aim* pou fini 3er edmi. Nou a pran Onorab Uranie.

HON ROCKY URANIE

Bonn apre midi Mr Speaker. Bonn apre midi Minis avek ou delegasyon. Minis mon pwen i an relasyon avek Por La Digue. Dabor mon le dir mersi, *Cat Rose* in nobou ganny son lofis, dan kot *Passenger Terminal*. So nou vwar en pti pe plis lord laba.

Me toudmenm avek konzasyon trafik en demann. Mon ti a kontan petet vwar plis, met, sekirite petet pou annan fer annan en pe plis kontrol lo lasose.

Mon kestyon i baze lo konstriksiyon Por, nouvo Por La Digue. So mon ti a kontan konnen si ki provizyon in ganny fer. Akoz dernyen konversasyon ki mon ti gannyen ti lo *tender phase*.

So petet ti a bon si ou, ou ti kapab eklersi mwan en pe, lo ki zistans konstriksiyon Por La Digue i ete? Mersi.

MR SPEAKER

Mersi Minis.

MINISTER ANTONY DERJAQUES

Mersi Mr Speaker. Mersi Onorab pou ou kestyon. *Tender* in fini ganny fer, e en *best bidder* in fini ganny swazir. Ti annan trwa, dimoun ki ti dan sa dernyen, ti annan trwa *bidder*. Sa de *bidder* ki'n perdi, in fini donn zot *letter of appeal*.

E *Appeal Board* ti sipoze zwenn sa semenn. Mon krwar Mardi. Demen avek Minister Finans 8er edmi, mwan osi mon pe get sa. Akoz mon *aware* ki annandler sa bann *Board* pa zwen a tan. E zot pa *fulfill* bann *timeline* dan *Procurement Act*. Mwan mon ti anvi sa *best bidder*, komanse trwa semenn pase, ler i ti'n fini ganny *award*.

E i ti'n pare li pou komans sa, sa *alignment wall*, avek pou komans *dredging*. Parey mon'n

dir zot, menm parey ek annan lot proze, toultan ler i annan bann provizyon dan en Lalwa, pou bann *appeals* ek bann lot *appeals* la, sa bann ki perdi, pou zot rezon ki pa neserman, baze byen lo merit, zot fer en *appeal*.

E prezan Gouvernman ek Minister Transpor i bezwen esper sa *appeal process*. Mwan ler mon get sa *Procurement Act*, mon ti ava kontan, mon ti a swete ki Lasanble ler i vin devan zot, zot *streamline* sa *Bill*. Zot regard - wi i ava annan *natural justice*.

Solman zot fer bann *process* vin bokou vit, bann dat par egzantp si *Board* pa'n fer son desizyon i annan 7 zour. Savedir premye desizyon i *stand*.

Alor nou kapab kontinyen, si zot pa dakor zot fer *judicial review*. Sa desizyon i *stand* e domaz i kapab ganny konsidere par Lakour baze lo konpansasyon. Solman pa gard bann proze otaz.

Alor i tonm dan sa kat proze ki demen, 8er edmi, mon pe diskit avek Minister Finans. E mon osi mon pa dakor, mon pa satisfè ki bann proze in fini pas dan tou son bann prosedir, finans i la, kontrakter in ganny swazir atraver en *tender* anba Lalwa, e *still* nou pa kapab

anmenn bann operater pou komans sa proze. Onorab wi, sa proze, ti sipoze komanse 3 semenn pase. Nou annan sa *delay*. E demen 8er edmi, mon a gete si nou kapab *unlock* sa proze. Mersi Mr Speaker.

MR SPEAKER

Mersi Minis. Onorab Hoareau.

HON JOHN HOAREAU

Mersi Mr Speaker. Bonn apre midi Minis ek ou delegasyon. Mr Chair mon ti ava kontan demann en kestyon lo, '*current receipts* latab 2. Mon'n fer en remark ki *travel advisory fee*.

E 2021 i ti'n predir pou ariv, 76milyon. Me dan *Revised Budget* in ariv, 9milyon ekek. E in predir pou li desann 7 milyon keksoz. Menm ki nou konstate poudir lakantite touris pe antre, i annan plis *travelling* ki pe arive. So, mon ti a kontan en pti pe leklersisman lo la.

Apre lo kote '*project planning*', latab 6 *Programme 2*. Mon pe konstate ki, mon ti a kontan ganny en pti pe leklersisman lo sa 4 '*conceptual design for major roads*', ki zot in targete. Mersi.

MR SPEAKER

Mersi. Minis.

MINISTER **ANTONY**
DERJAQUES

Mersi Mr Speaker, mon a reponn premye kestyon eski *PS Andre* i kapab reponn dezyenm kestyon.

An sa ki konsern bann *fees Travizory* ki'n ganny kolekte par Gouvernman. Onorab, dan an komansman dan Septanm, le 19 ler *Travizory* ti ganny komanse an 2020, son *fee* ti 45 *Euro*, 45 *Euro*.

Ler sa Gouvernman la aprezan, ti pran li ti ankor 45 Ero. E apre en diskisyon dan *Cabinet*, espesyalman avek *tourism*, akoz nou ti pe ouver Erport e nou ti pe ankouraz bann viziter pou antre dan pei. Nou ti deside koman en *Cabinet*, koman Gouvernman pou redwir li.

Nou ti redwir, nou ti redwir li deswit pou li vin 25Ero pou 2 mwan. Apre nou'n redwi li pou li vin 9.94 Ero pour viziter ki pa Seselwa. E pou Seselwa i apepre 4.94 Ero.

Sa i fer ki bann *cost of managing* sa sistenm *Travizory*, pe manz sa bann larzan. E i pa vin parey oparavan, kot nou ti kapab fer en kantite *savings*, pa *savings*, be Gouvernman ti kapab kolekte en kantite *fees* ki nou ti vwar reflekte parey ou'n dir.

Solman, mon bezwen osi dir ou, ki i annan bann Fon pou Lanvironnman, ki pe *contribute*, ki pe ganny donnen avek Minister Lanvironnman avek *Climate Change*, ki a sa moman la i vin apepre 30mil Ero par mwan.

Tou finans ek kont i ouver avek mon Minister. E avek Minister Finans. Savedir Minister Finans li i annan akse, i regard sa bann kont, i regard sak dimoun ki zot kapab, ki zot in peye e konbyen ki'n *due*, e konbyen ki ganny peye avek Gouvernman.

I annan sa rediksyon alor, sa larepons se i annan sa rediksyon. Akoz se Gouvernman ki'n deside redwir li, pou fer ki Seselwa pa pey bokou, alor nou pey sa 5 Ero. E viziter i ankouraze, pou vin Sesel.

E zot pey en pri ki apepre sa 10Ero. Si ou konpar sa ki zot pe peye, avek partou dan lemond. Pou ou al *Canada* i apepre, 7 Ero. E i annan bann lot pei an deor *North America* ki apepre 40Ero. Pou en *travel authorization*.

Bokou pei pe antre dan *travel authorization*. Espesyalman la, ou'n vwar sa dernyen *red alert* partou dan lemond avek viris *Omnicom*, kot bann lot pei osi zot pe mazin

e zot pe komans entrodwir. *Travel, pre-travel authorization*. E i annan apepre 20 pei ki prezan in adopte sa prosedir.

Sesel nou'n bokou pli avanse, e si ou pas lo Erport, ou a vwar ki nou pe bouze menm. E la prezan nou'n entrodwir e nou pe entrodwir dan en fason sistematik, *biometric passport system*, kot a lavenir nou pou annan sa ki nou apel *seamless travel*.

Savedir ou'n fini ganny antre dan sa sistenm. E nou pe *eliminate*, ptitapti bann dokiman ki ou bezwen, ranpli sinyen, leve minwi diswar lo, dan ou *airplane* pou ou ranpli, parey zot konnen.

Alor nou le fer, ki nou pe moderniz, tou nou bann sistenm *travel*. Nou'n nobou fer li avek *Travizory* e nou ankor bezwen li pou protez, tou piblik, nou'n minimiz son *cost*, fer li vin 5 Ero pou Seselwa.

E la nou pe bouz bokou pli annavans avek premye pei ankor dan bann pei devlope, pou nou fer sa sistenm *biometric*. E i dan nou plan, dan detrwa mwan pou nou annan sa *seamless travel*. Alor mersi pou bann mo konfor. E nou pe sey fer tou pou tou, pou fer sa kou desann. Mersi Mr Speaker.

MR SPEAKER

PS Andre. Ou repons.

PS PATRICK ANDRE

Mersi Mr Chair. An sa ki konsern sa bann *conceptual design*, ki nou annan. Nou annan enn ki sorti *roundabout Perseverance*, ki pas lanmenm la devan Lasanble, pou al *roundabout Ile du Port*.

Nou annan Mont Fleuri *junction improvement*, pou nou kot *Weeling*. Nou annan *upgrading* sa seksyon semen Bois De Rose, ki pa ankor, ki pa'n ganny konplete.

I annan en bout ki manke, akoz ou sorti dan de *lane* ou vin dan enn. Apre ou retourn dan de ankor. Ou annan Pointe Larue *third lane*, apre osi nou annan *upgrading* semen depi *roundabout Eden Island*, ziskan Providence, pou *turn* li dan en *dual carriageway*. Mersi Mr Speaker.

MR SPEAKER

Mersi PS Andre. Bon nou a pran vot lo *Ministry of Transport*, enkli Departman *Civil Aviation e Land Transport* lo paz 444 ziska 449, pou R14milyon 718mil.

Manm ki an faver lev lanmen silvouple. Mersi okenn Manm ki vot kont? Vot pou Bidze *Ministry of Transport* lo paz 444 ziska 449 pou

R14milyon 718mil. 28 Manm in vot pour, 0 kont e 2 in *abstain*. Donk vot Bidze Lasanble in aprouv Bidze.

A *ce point*, mon krwar sanzman delegasyon se Mrs Magalie Essack, ki pou kit nou. Mon dir ou mersi bokou e bonn apre midi, bonn kontinyasyon.

Nou a pran en pti *break* teknik, pou *sanitizing please*.

(technical break)

ROAD TRANSPORT COMMISSION

MR SPEAKER

Mersi Lasanble i a rebran. Mon swet labyenveni Mr Wilson Denis, *Road Transport Commissioner*, e nou pe pran Bidze *Road Transport Commission* lo paz 457 ziska 560, pou en total R21milyon 386mil.

Minis mon apel ou pou lentrodiksyon.

MINISTER ANTONY DERJAQUES

Ok. Mersi Mr Speaker. Zis enn de mo koman en *opening statement*. RTC pe osi ganny reorganize. Byento devan zot pou annan en nouvo *Road Transport Commission (Amendment) Act*.

Sa i pou fer ki *RTC* pou ganny bouze, pou vin dan departman. Departman *Land Transport* anba *PS Andre*. Sa i pou fer ki bann devlopman bann travay *RTC* i ganny fer, an pli pre avek Minister, i vin bokou pli efikas ek son bann *challenges* ki'n ganny mete dan ki ou vwar dan *budget summary* i ganny *dealt with*.

Lo son *human resources* ek *planning*, nou'n fini konsilte avek *DPA*. E nou *on target*. Lo son Lalwa, i nou'n fini drafte. Premye *draft* dan Minister, dan nou *Legal Unit*. E la nou an konsiltasyon avek *Attorney General* pou *finalize the draft*, pou nou fer prezantasyon avek *Cabinet*.

An sa ki konsern bann travayer, zot in ganny konsilte. Son *Commissioner*, Mr Denis in ganny konsilte e i la pou reponn okenn kestyon ansanm avek *PS Andre* e si nesese mon menm. Mersi Mr Speaker.

MR SPEAKER

Onorab Gill.

HON CHURCHILL GILL

Mersi Mr Chair. Mon kestyon i lo sa provizyon dan Bidze pou *Vehicle Station* Praslin. Mon vwar 8milyon. Eski sa provizyon ki zot in mete ladan, i pou sa stasyon konplet? Apre

konbyen letan ki zot ekspekte sa stasyon pou pran pou konplete? Mersi.

MR SPEAKER

Mersi Onorab, Minis lekel ki pran kestyon? *PS Andre*.

PS PATRICK ANDRE

Mersi Mr Chair. Mersi Onorab pou ou kestyon. An sa ki konsern, *VTS* pou Praslin. Premyerman i enportan, pou note poudir nou ti pou komans sa proze sa lannen. Me nou pa'n kapab fer li akoz in annan en lesanz, later, teren ki ti'n donn nou. Prezan la nou'n fek ganny, zis mwan pase nou'n fek ganny sa nouvo teren, kot pou nou konstri sa nouvo stasyon.

Sa stasyon i sipoze annan de *lane*, en *lane* pou bann veikil ki pli *light*, apre enn pou bann *heavy vehicle*. Me selman avek sa larzan ki nou annan, nou pa pou kapab met tou lede *lane* alafwa. Nou pou met enn *multi-purpose lane* ki pou kapab, ki pou kapab *deal* avek, bann pti veikil ki pli leze, e osi avek veikil ki pli lour.

E baze lo la se ki sa larzan ki nou'n gannyen i pou sifi pou nou fer sa travay pou kapab fer sir ki Praslin i annan en stasyon ki teste veikil, ki efikas. E ki *meet* bann standar e bann

norm enternasyonal. Mersi Mr Speaker.

Nou, koman nou pe koze, plan in fini ganny refer, pou adopte avek sa nouvo lokasyon. E *tender document* osi in preski fini pare. E nou ekspekte boner dan premye kar lannen prosenn kot nou pou lans *tender*. E osi, si tou keksoz i al byen avek *tender Board*, kot pou kapab komans sa konstriksyon li menm li.

E i pou definitivman, sa konstriksyon nou pou fini li, konplet li *by* Novanm. Si nou program, i nou respekte sa program ki nou'n met ater, by Novanm lannen prosenn nou pou konplete. Mersi.

MR SPEAKER

Mersi PS Andre. Onorab Woodcock.

HON WAVEL WOODCOCK

Lo menm laliny Mr Speaker. Annefe Onorab Pillay in demann, mon kestyon. Me selman zis pou *follow-up*. Regardan sa Bidze 13milyon pou sa *Vehicle Testing Station*, sa ki mon pe demande. Eski *tender* pou ganny fer, pou bann kontrakter lo Praslin, ouswa i pou ganny fer nasyonalman? Mersi bokou.

MINISTER DERJAQUES

ANTONY

Mersi Mr Speaker. Sa *tender* pou *opened*. Sa nosyon ki i pou *close* zis pou Praslin. Nou'n trouve ki i pa en tre bon Polisi. Akoz annandler i fer ki bann dimoun ki *bid*, ler zot sorti zis lo en zil. Zot kapab met bann kondisyon, ouswa fer bann *bid*, ki pa soutenab, ki pa fer rezon e annandler i vin bokou pli ser.

Mon a pran sa loportinite, pou mwan dir avek bann dimoun par egzanp lo La Digue, ler ti annan *tender* pou tir salte. Pa bezwen, demann ki lanvironnman i pey R2000, pou en *pickup trip*. Fer li en keksoz rezonnab. Menm parey Praslin, ler i annan bann *tenders*, nou le zot partisipe. Akoz nou le sa bann Kontra, reste Praslin, reste La Digue.

Solman zot bezwen rezonnab. Alor nou gard li ouver, e pou zot, zot sipoze bokou pli konpetitiv, bokou zot travayer i deza Praslin. I deza La Digue, zot reste laba. Zot *management* i laba, bann resours pou zot i laba. Pa les bann, kontrakter sorti Mahé, vin fer en *better bid*, vin *best bidder*. Fer en keksoz ki rezonnab, ki fer zot ganny en profi, ki vyab, ki komersyal e *win* zot *bid*. E les sa bann profi,

ek sa bann larzan, ek sa bann travayer sorti lo zot zil.

Mon anvi konfirmen avek, parey *PS Andre*, in dir ki nou ti pou komans sa stasyon *VTS Praslin*, sa lannen. Me nou pa'n kapab akoz *Gouvernman*, *Minister* in demann nou pou *exchange* sa later.

E kot nou'n gannyen i bokou pli gran. I o bor semen, e nou kapab fer en keksoz ki bokou pli byen. Alor mon demann en pe pasyans, mon konnen ki, i en fardo lo zot kot zot pe teste zot veikil.

E sa lannen ki pe vini, si tou keksoz i mars byen parey *PS Andre*, in dir, *by Novanm*, nou a fini avek en novo stasyon *VTS lo Praslin*. Mersi *Mr Speaker*.

MR SPEAKER

Mersi Minis. Onorab Vidot.

HON AUDREY VIDOT

Mersi *Mr Chair*. *Mr Chair*, mon kestyon pou *Road Commissioner*. Mon konnen tou le lannen sak fwa *Bidze*, zot met finansman pou, donn ledikasyon nou bann dimoun ki servi, larout piblik. An term bann fason ki mannyer pou servi byen bann semen, ensidswit.

Mon konsern i vin lo, ranforsi petet zot aksyon anver

bann ki kas en pe sa bann *Lalwa*, *Lalwa Trafik*. *Espesyalman* parey, osi mon rapel en letan zot ti, zot ti disiplinen, an term bann dimoun ki servi bann *island*. Bann pti *island* partou, pou zot park zot transpor.

Espesyalman kot i annan verdir. Me ozordi, mon pa pe vwar sa pe gannye aplike. Mon donn en legzanp, dan mon distrik *Roche Caiman*. Koman ou rantre, tou le *Sanmdi* en kosmar, dimoun i park lo sa bann *island*. E i annan menm ki blok, larantre, larantre semen.

E i annan *Zofisyè Lapolis* ki vin kontrole, me parfwa zot napa kontrol. *Kantmenm* zot oule kontrole, *still* i en konsern, i annan de ka kot in arive kot transpor in tap ek kanmarad.

I en dezord total, so avek sa *Bidze* ki zot pe gannyen. Eski zot pou, zot pou annan plis ledikasyon, anver sa bann pou adres sa bann konsern lo larout piblik? Pran en legzanp prenon kont mon distrik. Mersi.

MR SPEAKER

Mersi. Minis lekel pou reponn? *PS Andre*.

PS PATRICK ANDRE

Mersi *Mr Chair*. Mersi Onorab pou ou kestyon. Definitivman avek sa restriktirasyon ki pe

pran plas la avek, *RTC* avek Departman Transpor. Parey in ganny mansyonnen, nou pe *recruit* plis dimoun osi anba *highway patrol*, pou nou kapab donn Lapolis osi en koudmen, dan bann *enforcement* ki nou kapab fer.

E osi, an sa ki konsern sa bann landrwa kot dimoun pe park., parey ou'n vwar menm dan lavil en konparezon, kot nou'n bezwen vin met *bollards*, pou nou anpes bann dimoun park lo bann pasaz pyeton, lo trotwar, kot aprezan pyeton i bezwen pe pas dan semen li menm ki kree en danze.

E parey ki'n ganny anonse, yer par *Planning Authority* i annan en plan ki'n ganny konsevwar, pou retir sa bann vander kot i ete, kot pe kree serten lenkonvenyans, konzasyon pou bouz zot en lot landrwa.

Sa osi, i nou'n dan sa bann diskisyon pou nou form par, pou nou rod bann solisyon kot i ete. Me an menm tan osi, an sa ki konsern pou nou edik la popilasyon an zeneral, an sa ki konsern sekirite.

E ki mannyer pou konport nou lo en larout piblik, nou'n fer serten provizyon pou nou kapab kontinyen fer sa dan sa Bidze ki nou annan. Me an menm tan osi, nou osi rod sipor

avek bann lezot Lazans, parey bann lakonpanyen lasirans, ensidswit.

Pou zot osi fer serten kontribisyon pou nou kapab kontinyen avek sa sansibilizasyon sekirite lo semen pou tou dimoun an zeneral. Mersi Mr Chair.

MR SPEAKER

Mersi *PS*. Onorab Romain.

HON GEORGE ROMAIN

Mersi Mr Chair. Bonzour *panel* ankor enn fwa. Minis, ler mon al lo zot *strategic priorities* pou 2022 a 2024. Mon vwar ki zot pe “*reduce the current theory and driving manuals for instructors and develop driving procedures, that will regulate all driving instructors and driving school accordingly.*”

Mon kestyon Minis mon ti a kontan demande, anvi ki nou pe koz lo bann *driving instructors*. Mon deza vwar ki zot pe ganny en pti pe problemm kot Stad Linite, sa bout parking laba, kot zot ti pe ede ek zot bann etidyan.

E eski Minis pe mazine dan lefitir, ki i annan en koze avek sa bann *driving instructors* pou zot kapab ganny zot prop landrwa. Pou *avoid* sa bann problemm ki zot ti pe gannyen? Mersi Mr Chair.

MR SPEAKER

Mersi Mr Speaker.

**MINISTER ANTONY
DERJAQUES**

Mersi Mr Speaker, PS Andre avek Mr Denis i a reponn sa kestasyon. Mersi.

MR SPEAKER

PS ou a komanse.

PS PATRICK ANDRE

Mersi Mr Chair. Mersi Onorab pou ou kestasyon. Nou'n deza angaze avek bann lasosyasyon. Bann *driving instructors* in form en lasosyasyon, e nou'n deza angaze avek zot.

Sa i enn bann keksoz ki zot in deza met devan. Akoz i annan serten difikilte anvi restriksyon *COVID* ki annan, e restriksyon ler osi, an sa ki konsern keler zot kapab *operate*, dan kot *Sports Complex* i ete. I annan en lot *site* ki nou'n idantifye, lanmenm la.

Me sa ankor i anba diskisyon ansanm avek sa antite ki pe ganny alokasyon, sa landrwa pou nou kapab *at least*, pou lemoman annan plis provizyon, pou zot kapab fer sa bann *practice*, pou montre dimoun pou *drive* dan bann *cone*, fer *reversing* ensidswit.

So i annan sa *process* ki *ongoing*. E nou swete ki byen boner lannen prosenn nou pou kapab minimiz sa bann lenpak ki sa bann *instructor*, pe pas ladan pour lemoman. Me osi mon pou profite pou mwan osi, anonse ki pou Praslin osi, zot annan serten difikilte menm pou fer *diving test*. E osi pou fer, bann *driving practice*.

Sa morso teren ki nou'n gannyen lo L'île Eve, i pli gran sa ki nou bezwen pou nou, stasyon ki teste veikil. Nou'n pran en porsyon ladan, pou nou met a dispozisyon bann *driving instructors* lo Praslin. Pou zot kapab itilize, sorti kot zot ete o bor Biro Administrasyon distrik Baie Saint Anne.

E la zot a ganny zot en landrwa ki pli konvenab, pou zot kapab kontinyen fer sa *practice* dan en fason en pe pli an sekirite, e pli ouver pou zot. Mersi Mr Speaker.

MR SPEAKER

Mersi Mr Denis ti annan keksoz pou azoute, oubyen in fini reponn? In fini. Byen mersi. Onorab Pillay. Annefe ou ti premye pou lev lanmen. Ou annan klarifikasyon Onorab Romain. Wi vitman.

HON GEORGE ROMAIN

Mersi Mr Chair, *PS* zis mon ti anv i zis demande. Anvi ki teori, pe fer menm zour pe ganny rezilta, menm zour. Mon pe zis demande si sa pe materyalize, an se moman. Si pe mars byen sa legzanmen teori, avan ou aprann *drive*? Mersi.

MR SPEAKER

Bon *PS*, wi?

PS PATRICK ANDRE

Ok mersi Mr Chair. Mersi. An sa ki konsern legzanmen teori i pe mars, nou kapab dir ase byen. Nou difikilte ki nou annan se ki, sa nouvo sistenm ki nou'n met an plas i an Angle selman. E letan nou'n annan diskisyon, avek lasosyasyon e osi avek bann dimoun ki pe fer sa bann legzanmen, zot in demann nou, anv i ki nou triling, pou *translate* sa bann papye legzanmen osi, sa de lezot lang, langaz Kreol avek Franse.

A sa moman koman nou pe koze la, sa travay pe ganny fer, ki dan en fason nou ti ekspekte komans li, la le 1 Novanm.

Me selman nou'n ganny serten retar, me boner an Zanvyé nou pou annan papye dan tou le trwa langaz, ki ler en dimoun i vini pou li vin fer son legzanmen. I kapab selekte

nenport ki langaz, ant sa 3 langaz pou li, pou zot kapab fer son legzanmen. Mersi Mr Chair.

MR SPEAKER

Mersi *PS*. Onorab Pillay wi. Ou kestyon.

HON SEBASTIEN PILLAY

Mersi Mr Chairman. Mr Chairman mon le swet bonn apre midi reprezantan sorti kot *Road Commission*. Mon kestyon i al ver, premyerman size *traffic warden*.

Kondisyon kot zot ete, pou lemoman. Ler mon regard dan Bidze, i annan sa mansyonn lo *minor capital outlays*, pli gro porsyon i la pou sa *Vehicle Testing Station* Praslin, me apre ou dir *upgrading of infrastructure on Mahé*, ki 2.5milyon.

Mon pa konnen si ou'n, si zot in eksplik sa an detay. Me *within* sa *upgrading of infrastructure*, eski i annan *upgrading* pou kot bann *road transport*, kot bann *wardens* i ete ozordi. Akoz la *wardens* in ganny en stati legal, anba lamannman ki ti pase dan Lalwa.

So mon pa konnen si pou annan en, en laranzman ki pou ganny fer pou zot. So eksplik nou, kwa dan sa Bidze ki pe al ver, *upgrading* rol ki bann

traffic warden pe zwe. E zot travay ki zot sipoze pe fer.

MR SPEAKER

Minis.

HON SEBASTIEN PILLAY

Mersi Mr Chairman. Mon annan en dezyenm kestyon.

MR SPEAKER

Wi ale.

HON SEBASTIEN PILLAY

Mon dezyenm kestyon, Mr Chairman i anliny avek sa ki'n ganny demande. *PS* i devret apresye lefe ki, lamazorite dimoun pe fel tes *driving* la. En bon pe. Pe fel tes teori. Se pou sa rezon ki sa kestyon in ariv dan Lasanble la. So petet ler ou pe dir nou ou pe *translate*, sey *find out* petet rezon. Akoz sa bann dimoun pe fel sa tes si i zis langaz, si i lafason sa tes in ganny fer. Mon pa konnen.

Akoz pou premye fwa, i annan dimoun in dir mwan zot vwar sa kantite dimoun fel sa bann tes teori. So sa en pti *aside*.

Minis mon ti ava apresye si ou, ou klarifye pou nou. Eski *Road Transport Commissioner* anba sa Bidze, mon pa pe vwar li kot i antre. I pou annan en rol pou zwe vizavi, sa prosesis *metering of bann taxi drivers*,

pou servi *meter*, an relasyon avek bann kours.

Eski sa i antre dan Bidze, akoz mon krwar ti'n sipoze annan en travay ki'n ganny fer ki ti ganny propoze. Akoz i annan pa mal konplent, par bann viziter ki lafason ki zot pe ganny sarze, pou bann diferan *trip* i sitan varye, kot i annan ki sorti *from* R1000 ziska R300 pou menm zistans? Mersi Mr Chairman.

MR SPEAKER

Mersi. Minis lekel ki pou adrese? Komanse wi.

MINISTER

ANTONY

DERJAQUES

Mersi Mr Speaker. An sa ki konsern bann *traffic wardens*, ler mon ti antre, kot zot biro Premiere Building, mon pa ti aksepte ditou. I ti en pe parey, ler mon ti antre kot *SLTA*, Huteau Lane.

Sa landrwa i pa konvenab, sa landrwa i *overcrowded*, sa landrwa i sal anndan. Zot bann *computer system*, pa ti byen konekte. Nou ti bezwen sey, gete ki nou kapab fer. La dan sa reform, dan sa restriktirasyon, sa fason ki nou pe re organiz *RTC* pou li vin direktteman anba Departman ek *PS Andre*. Nou pe osi aksepte. E nou'n fini an prensip aksepte ki zot pou sorti

kot zot ete *Premiere Building* zot pou vin *Quadrant House*.

Quadrant House nou annan en landrwa ase gran, ki nou gete si nou pou *segment*, ouswa si i en gran landrwa sakenn i ganny son landrwa. Solman nou pe *upgrade*. Nou pe *upgrade* zot lekipman, si ou a gete ler ou vwar zot *at least* zot dan pli bon *uniform* ki oparavan. Sa semenn, nou'n *recruit* ankor 2 *traffic wardens*.

Alor nou pe anmenn pli pre avek nou. Nou pe regarde ki anba vye sistenm, sa lannen la, zot napa ni en *Scheme of service*. Alor nou le kree tou bann kondisyon nesaser, pou en dimoun travay, fer son travay dan en fason profesyonnel.

Annan en lanbisyon, pou li *improve* son lekor. I pa kapab ler mon ti vini, mon vwar en madanm ki'n la pou bokou lannen, par lao 10an, i ankor lo menm saler. Konmsi travay manner i anvi, napa *hope*. I pou *stick* lo sa menm saler.

Ler nou get lo sa ki zot annan, zot napa ni *walkie talkie*, zot napa ni koneksyon ek kanmarad. Par egzamp, zot dir en loto arete, zot bezwen servi zot prop *mobile phone*, pou telefonn zot koleg ki lo en lot semen, poudir zot sa loto ki pe vini, la.

I napa ni en, mete en *number plate*. Zot napa koneksyon, zot napa sipor, zot napa sa ki en *traffic warden* anba Lapolis i annan, zot, zot napa.

Alors sel fason mon'n dir *ok*. Met zot pli pre ek nou. Fer zot tonm anba en Departman. E restriktire, rode ki manner nou kapab fer zot bokou vin pli efikas. E donn zot *back* sa *pride of working* dan en lorganizasyon ki zot, ki *look after* zot, parey zot pe *look after* nou.

Lo *failure* dan bann legzanmen, nou'n annan en sanzman. Ler nou ti pran sa Minister, nou ti tande, ki i annan bokou dan, kot *testing* ti pe fer bann frod. E zot in tou zot in ganny 5 zot apepre in ganny, sispann. E zot ti ganny *remand* par Lakour.

E zot in ganny *large of course*, e zot pe *face* prosekisyon. Mon dernyen nouvel se ki, zot bann *file* i ankor kot *Attorney General*. Zot in fer zot konplent avek *PSAB*.

E nou pou defann, aköz nou annan en kantite levidans ki manner bann sistenm avan ti pe ganny abize, kot ou senpleman peye, e ou pas ou tes.

La ki nou'n fer, nou'n tir sa eleman personnel, nou'n fer

li bokou pli *computerized*. Alor bann kestonner i ganny donnen, bann larepons i anba en sistenm elektronik. E rezilta, i ganny donnen.

I pli difisil, wi. Akoz prezan i pli difisil pou ou pas ou tes dan en fason lobzektiv ki anba en sistenm, kot napa sa *human factor*, ki ou kapab enfliyanse. Nou pe demande, pou dimoun i ava adapte, bann *pass mark* pe monte.

Wi ti annan sa kolaps kot oparavan kekfwa, 90poursan dimoun ti pe pas. Apre dernyerman 15poursan dimoun ti pe pas. Akoz prezan in vin bokou pli lobzektiv. E i en sistenm ki ou kapab bokou pli fye lo la.

Mr Denis avek *PS* i ava eksplik bokou plis bann *particulars*, si nou anvi al ladan. An sa ki konsern *taxi meters*, *PS* Andre avek nou *unit* lo, Polisi avek Lalwa, ki *headed* par Mrs Essack, ki'n fek kit lasal.

Nou pe travay lo en *new Public Transport Policy*. E sa i osi enkli en seksyon lo *taxi drivers*. Sa *taxi system*. E osi i annan trwa *columns* pou bann *meters*.

Si i ganny aprouve, dan detrwa semenn par *Cabinet* akoz sa papye prezan, pe ganny *redraft* par *PS*. Nou'n fini pa slo

a, prezan i pe met li ansanm, pou prezant avek mwan.

Mwan mon ava anmenn devan *Cabinet* e sa ava enkli lo *taxi meters*. Si sa i pase i ganny aprouve par Gouvernman i ava tonm anba en regilasyon. E i ava, anmenn *of course* zot, zot pou annan akse anba Lalwa, pou zot revi.

Mr Speaker, si *PS* Andre avek Komisyoner *RTC* i anvi donn en pti mo. Eski zot kapab ganny en sans? Mersi Mr Speaker.

MR SPEAKER

Mersi. Si *PS* Andre si ou kapab fer li en pe vitman. Nou pa bezwen tro bokou detay, me si ou krwar i annan keksoz ki neserer klarifye, *go ahead*. Oule en klarifikasyon la konmela? Wi ale.

HON SEBASTIEN PILLAY

Mersi Mr Chairman. E larepons ki mon'n, ki mon'n gannyen. Selman mon bezwen *raise* en konsern avek ou Minis. Akoz ler mon pe regard Bidze, e mon pe regard ou *uses of goods and services*.

Anba sa Bidze ki la. E nou pe koz lo lekipman pou sa bann *traffic wardens*, ki ou'n koz ek zot, zot in koz ek plizyer dimoun. E tou dimoun in vwar,

ki tou dimoun i anvi *improve* kot zot sityasyon travay.

Mon pe vwar kote ou pe ganny sa larzan la. Anba sa Bidze la. Eski petet, atraver PS Payet ou kapab, atraver SS Payet ou kapab klarifye kote egzaktman. Akoz *uses of goods and services* i ase limite, pou ou *provide* zot ek sa bann nouvo lekiman ki bezwen *provided for*.

E dan sa konteks Minis, petet mon pa oule met ou *the spot*. Be mon pou demann ou sa keston. Eski bann *traffic warden* in ganny dir, pa aret bann transpor ki *tinted*, sorti kot *President's Office*?

MR SPEAKER

Mersi. *Ok*. Kote nou pou komanse Minis?

MINISTER **ANTONY**
DERJAQUES

PS Andre i a reponn lo sa pou *equipment*.

MR SPEAKER

Lo *equipment*, wi PS Andre?

PS PATRICK ANDRE

Mersi Mr Chair, an sa ki konsern lekiman. Wi nou konnen, poudir nou pa'n annan provizyon dan Bidze, *as is*. Me selman, anvi ki nou pe fer *savings* lo kote *office*

accommodation, ki zot pe sorti *Premiere Building*, zot pou vin *Quadrant Building*.

Nou pou annan en *savings* ki nou pe fer la. E nou'n diskite ek Finans pou nou kapab ganny, *part of* sa *savings* pou nou rod lekiman pou bann *highway patrol officers*.

MR SPEAKER

Mersi.

PS PATRICK ANDRE

Mersi Mr Chair.

MR SPEAKER

Bon SS, pa bezwen azout plis ki sa. Minis ou annan ankore keksoz poudir, oubyen nou'n fini? Wi PS Andre.

PS PATRICK ANDRE

Ok, an sa ki konsern ou dernyen pwen ki ou'n leve konsernan *tint*. Nou bann Zofisye i ganny lenstriksyon ki tou veikil ki pa an konformite avek Lalwa, i bezwen ganny arete e ganny regarde si zot an konformite oubyen non. *Ok*? Be nou, nou pa tir distenksyon avek nenport ki veikil ki annan. Tou dimoun ki servi larout piblik, zot bezwen pe servi li byen. E si zot, zot in vyol okenn Regilasyon, aksyon pou ganny pran avek zot.

Si parkont sa bann dimoun zot annord. Zot pou ganny arete, e zot *produce*, zot bann dokimantasyon ki zot annan. Si i *ok*, zot pou kontinyen lo zot larout.

Me si zot an defo avek Lalwa definitivman Lalwa i pou pran son *course of action* li menm. Mersi Mr Chair.

MR SPEAKER

Mersi *PS* Andre. Minis *yes*, terminen.

MINISTER **ANTONY**
DERJAQUES

Mon, mon ti'n les *PS* Andre reponn. Akoz mon ti pe koz avek *SS* Payet. Solman nou'n anvoy bann amannman dan regilasyon, kot *Attorney General*, pou nou regard sa kestyon, a ki moman ki sa bann *tint* i ganny tire.

Ouswa si sa loto i ganny *park*, ouswa si ou ganny notifiye. E ou ganny 7 zour pou ou tire. Akoz i annan bann *tint* ki vin dan *factory*. Alor ou pa kapab retir sa *windscreen*.

Solman si en *tint* plastik, ou kapab ganny demande pou tire. Alor tou sa bann konsiderasyon, pe ganny pran an kont. E sa diskisyon pe ganny fer, ant *The Legal Unit* avek *Attorney Zeneral*. Lo ki manner pou *enforce*, sa ki ou'n

demande lo *tinted windows and windscreens*. Mersi.

MR SPEAKER

Bon annou. Onorab ou'n pas de klarifikasyon.

HON SEBASTIEN PILLAY

Non, mon ti - avek ou permisyon mon ti le zis met devan Minis ki mon annan en levidans kot i annan *staff*, i annan *staff* ki'n ganny *warning* pou fer zot louvraz. So petet-.

MR SPEAKER

Byen *ok*.

HON SEBASTIEN PILLAY

Staff pa devret ganny *warning* pou fer zot louvraz.

MR SPEAKER

So, Minis a note poudir sa in arive. Kekfwa i kapab *investigate*. Mersi. *Ok* nou avanse. Onorab Henrie ou kestyon.

HON GERVAIS HENRIE

Mersi Mr Chair. Mon premye kestyon. I se ki souvandfwa koman *MNA*, nou ganny demann *from SLTA* poudir zot kot pou met lalimyer, kot pou met *railings*, bann keksoz koumsa. Be zanmen, akoz *road signs*, mon prezimen *Road Commission* ki fer.

MR SPEAKER

Be selman lo *SLTA* la?

HON GERVAIS HENRIE

Non, bann *road signs*.

MR SPEAKER

Nou ankor lo *Road Transport Commission*.

HON GERVAIS HENRIE

SLTA ki mete? Ouswa *Road Commissioner*. Se sa! Zot ki met sa bann *road signs* non? *Speed* bann zafer koumsa.

MR SPEAKER

Wi. Be nou ankor lo *Road Transport Commission* la.

HON GERVAIS HENRIE

Wi-wi-wi, se sa pa zot ki met, wi.

MR SPEAKER

Ale. Ale, poze.

HON GERVAIS HENRIE

Pezan, kestyon Mr Chair, se ki dan distrik zanmen nou'n ganny, okenn nek demann poudir. Eski i bezwen met nouvo, ouswa bann ki bezwen retire serten.

So mon ti anvi regarde ki mannyer zot *operate* avek bann distrik, pou nou asire ki *road safety*, *not only on main road*.

Me dan kominote, i *to the standards*. Sa i mon premye kestyon.

Dezyenm i annan sa kestyon *bus stop*, kot nou deside mete, ouswa kot nou deside tire, ki langazman ki zot met avek kominote? Akoz Mont Buxton nou ankor annan sa problemm kot dimoun pe al lanmes, pe debark laba anler Huteau Lane e pou marse ziska Katedral.

E i en sityasyon, ki vremen mon ti ava kontan, nou trouv en solisyon pou sa, enn fwa pour tou. E finalman Mr Speaker, mon pa vwar en *website* pou sa Minister an zeneral.

E ler nou pe koz tou sa bann *Policy*, tou sa bann regilasyon, tou sa bann Lalwa, i bezwen annan en landrwa santral kot piblik i konnen ki zot pe fer. Mersi.

MR SPEAKER

Mersi. *PS Andre*.

PS PATRICK ANDRE

Mersi Mr Chair. An sa ki konsern *road safety* e bann *traffic signs*, normalman se *Road Transport Commission* ki responsab pou determin bann lokasyon e ki kalite siny ki pou ganny mete.

Me Lazans Transpor Lo Later koman sa *implementing agency*. Se li ki ale, ki *outsource*, apre i enplimante. Normalman ki nou fer enn, normalman nou fer bann vizit lo bann semen, tou bann semen, *ok*. *Major road*, oubyen bann *estate roads*, oubyen *secondary roads* nou fer bann vizit lo la.

Apre nou determinen bann risk ki asosye an servan semen. Dezyenman nou servi bann aksidan ki ganny rikorde, Lapolis i donn nou sa bann lenformasyon. Nou *assess*. Nou gete lakoz sa bann aksidan. E si i annan nesesite pou nou ranforsi bann lansenny.

Oubyen pou met nouvo lansenny kot ti napa, kot nou pe vwar, tel osi parey letan nou bann baraz pou anpes veikil tonm lot kote semen.

So sa i dan prosedir ki i ganny fer. Ou'n dir en keksoz ki bann administrater dan bann distrik, byen, byen, byen rar zot apros nou avek rekomandasyon, oubyen propozisyon pou met bann lansenny lo semen. Petet zot in toultan les sa avek bann dimoun teknik, pou pran sa bann desizyon.

Me nou pou bezwen realize, nou tou ki servi piblik. Letan ki nou servi semen li menm li, nou ki fer fas avek

bann difikilte, bann konsekans. So, nou, nou ouver pou nou resevwar bann propozisyon a nenport ki, ki oule fer li. So, mon lans en lapel avek tou dimoun an zeneral, pou fer zot kontribisyon dan sa direksyon.

An sa ki konsern *bus stop*. Wi nou annan en ka, ki distrik Mont Buxton ki nou ankor pe *assess* ki mannyer nou pou, entegre en *bus stop* lo semen Lari Hangard, pou bann dimoun ki sorti Mont Buxton. Oubyen si nou pou diskit avek, avek en propriyeter pli ba, pou nou kapab ganny en *bus stop* an deor o bor semen, ki pa pe kree okenn konzasyon.

Sa mon krwar nou'n deza an diskisyon. E nou pe kontinyen ek sa travay. E *hopefully* boner lannen prosenn, nou a kapab vwar en solisyon pou sa enn ka.

An sa ki konsern *website*, Departman Transpor i deza annan en *website*.

Me selman, ki nou'n fer etandonnen ki nou annan en nouvo Minister aprezan. Nou fek, aktyelman donn en *bidder* ki ganny, ki'n *successful* pou refer en *website* pou Minister an antye. Ki pou pran sa ki deza egziste pou Departman Transpor.

E servi li dan en nouvo *website*, ki *hopefully* dan 3

mwan disi, nou a vwar nou avek en nouvo *website* pou Minister an antye. Mersi Mr Chair.

MR SPEAKER

Mersi. Bann Manm annou sey met bann kestyon vit. Nou a kontinyen avek Onorab Cosgrow.

HON WALLACE COSGROW

Mersi Mr Chair. Mr Chair mon pou sey pli vit posibil, ki mwan kapab. Premye kestyon, eski Minis ouswa *Road Transport*, ouswa *PS* i kapab dir nou, dan sa Bidze i annan *increase* dan *wages and salaries*.

Eski, eski i annan okenn provizyon, pou bann *staff VTS* ki pou en pe letan zot, mon krwar zot pa ankor ganny en *increase*?

Apre mon vwar pou *VTS* menm. Mon vwar i annan en alokasyon 2milyon ekek. Eski sa i pou kouber tou sa bann renovasyon ki annan pou fer, enkli bann masin ki aktyelman pa pe marse la, e ki pa pe kapab fer bann tes *proper*?

Dezyenm kestyon, eski i annan en legzersis ki pou ganny fer pou reviz en pti pe bann *speed limit*, serten landrwa, kot dan bann *main arteries*? Akoz sa *can speed limit* pou mwan eskize, i serten landrwa i pa realistik. E i riske enn bann koz

konzesyon lo semen avek lezot keksoz osi.

Mon dernyen kestyon Mr Chairman, eski *Road Transport Commission* i kapab pran aksyon avek par egzantp ek sa lorganizasyon ki ansarz pou fer semen. Akoz *road safety* i dan son manda.

Be letan semen pa bon, eski li i kapab dir avek sa lorganizasyon poudir be semen pa bon. Aranz tel landrwa ouswa mon pran en aksyon avek ou. Eski i posibil ouswa eski dan nouvo Lalwa ki Minis fek dir pou annan? Mersi.

MR SPEAKER

Mersi. *Panel*.

MINISTER ANTONY DERJAQUES

Yes, Mr Speaker. *PS* i a reponn premye ek dezyenm. E mon a fer en komanter lo trwazyenm.

MR SPEAKER

PS komanse.

PS PATRICK ANDRE

Ok ou'n fer mansyon.

(Off-Mic)

MR SPEAKER

Mikro Minis.

PS PATRICK ANDRE

Mersi Mr Chair. Mersi Onorab pou ou trwa kestyon. An sa ki konsern VTS, nou deza annan serten lekipman ki nou'n deza fer vini. Me de problem ki nou annan. Enn sa bann lekipman i sorti Langleter, pou bann emisyon, e lot pou *break tester*. Ki la, li i sorti Sidafrik.

Me nou problem ki nou annan, se pou fer kalibrasyon sa bann lekipman zot menm. E parey nou konnen nou ti annan, atraver *COVID* nou'n ganny pa mal, problem pou sa bann dimoun deplase, pou vini, pou vin fer sa bann kalibrasyon ki neser.

La nou ti'n deza fini fer laranzman, avek sa lakonpanyen Sidafrik. Me la kot zot sipoze, zis pe fer bann dernyen laranzman. La avek dernyen sityasyon ki'n annan, in met nou retar ankor *ok*?

Me an sa ki konsern kot i teste, veikil isi, *upgrading* ki nou pe fer. Nou an deza an diskisyon la avek tender *Board*, pou nou kapab met en trwazyenm *lane* kot *Vehicle Testing Station*, pou kapab *increase* kapasite, pou nou kapab deblok sa gran laliny ki nou vwar toulezour *on a daily basis* kot i teste veikil.

So nou dan en faz final, e *hopefully* si tou keksoz i mars byen, *by* apre trwazyenm,

premye kar lannen prosenn nou pou kapab vwar en trwazyenm *lane* kot i teste veikil, isi.

Sa bann *upgrading* ki pe ganny fer la aktyelman, nou annan *upgrading* ki nou pe fer la, ki travay in komanse, pou nou *upgrade* sityasyon lanvironnman pou sa bann travayer ki pe travay kot VTS.

E lannen prosenn sa ki nou pa'n fini kapab konplete la, nou pou konplet li lannen prosenn. Nou annan osi lo kote sekirite, nou pe fer en *security kiosk* pour sa *security officer*.

E osi nou pe met nouvo fasilite osi pou bann dimoun, letan zot pe vin teste zot veikil, kot letan kot ou pou pran tanperatir ensidswit, ki ou pa pe fer li an deor dan larder soley.

Me nou pe met serten fasilite ki pou en pe pli konvenab, pou bann kliyan ki nou resevwar kot i teste veikil. An sa ki konsern *speed limit*, i deza annan en legzersis ki nou pe fer, nou Lapolis avek Lazans Transpor lo Later, pou nou revwar tou bann *speed limit* ki nou annan partou.

E *ok*, kot nou bezwen redwir, nou redwir, kot nou krwar i tro vites i tro ba, ki nou bezwen ogmante, nou pou fer li. So tre byento nou pou sorti

avek en nouvo seri si oule revwar *speed limit* lo tou nou bann semen isi lo Mahé. Mersi Mr Chair.

MR SPEAKER

Mersi, wi Minis. *Good.*

MINISTER **ANTONY**
DERJAQUES

Mersi Mr Speaker. An sa ki konsern VTS zis pou azoute de semenn pase, akoz *ti Road Safety Week*, mon ti pran sa loportinite pou mwan fer *surprise visit VTS*.

E en semenn pli tar, mon ti demann trwa dimoun, pou sorti dan zot lorganizasyon separe pou fer en *stocktaking* pou mwan.

En *expert* ti sorti SPTC, pou lo bann lekipman. Enn *officer* ti sorti kot *Health and Safety* kot Lanplwa, pou get *health and safety*. Apre enn *human resources*, ti sorti dan mon *secretariat* pou al get kondisyon travay ek landrwa lanvironnman travay, pou bann travayer VTS.

Zot in fini fer zot rapor ek mwan. Mon'n zwenn avek en nouvo *Manager*, ki pe al pran son *post* ozordi menm. E mon'n donn li sa bann rapor, e mon'n demann li dan en dele 30 zour pou fer en rapor, pran konsiderasyon sa trwa rapor ki

mon'n fer, ki i bann zofisye in fer in donn avek mwan.

Alor mon ekspekte en kantite keksoz pou arive avek VTS e dan 30 zour mon ava konnen egzakteman ki sa *Manager*. Nouvo *Manager*, VTS pou fer. E i fek pran son lofis ozordi.

An sa ki konsern bann reparasyon lo semen, sa semenn menm mon'n zwenn avek *Road Commissioner*. PS Minis li menm li Lanvironnman, avek *CEO PUC*. Akoz pli gran operater ansanm avek *of course, Airtel, Intelvision, Cable and Wireless*, ki annan bann proze avek semen ki fer ek semen.

E ki deranz bann semen ki *SLTA*, apre i pase i repare avek bann kontrakter ki fer kontra avek. Nou'n fer en kozri, e nou'n tonm dakor, ki younit kot Transpor in fini *draft* en *Memorandum of Understanding* ki bann operater prezan pou sinyen, pour ler zot fer restorasyon semen, i vin a en standar ki satisfé *SLTA*.

E par egzanp nou pou demande ki bann *deposit* i ganny mete, pou fer sir bann *penalty* ava ganny mete. E bann akter parey *PUC, SLTA, Intelvision*, ler zot *subcontract* pou fer sa *road restoration*, sa i anba gidans, manda. E anba

sirveyans *SLTA*, pou fer sir ki *RCC* ek *SLTA* tou lede i satisfè ki sa semen in ganny *restored*.

Pa neserman zis parey i ti ete oparavan. Me pou fer li si posib, vin bokou pli bon. *SLTA* in dir mwan en keksoz enteresan. In dir mwan ki zot pare pou refer tou sa bann semen, Mahé ek Praslin, ek La Digue, pou fer li vin normal. Pou fer li vin standar.

Zot problem se toultan, i annan bann proze ki pe vini espesyalman avek bann *PUC*. Alor ler zot, zot pe aranz semen, par egzantp Takamaka, anler La Misère, si ou pase ou a trouve. Zot pa kapab tous par egzantp Anse Boileau, aköz i annan bann kontra ki pe vini. Si ou aranz en semen, apre demen *PUC* i vini i re-aranze, sa i vin en problem aköz ou bezwen pey de fwa pou refer menm semen.

Alor nou, dan Transpor nou kapab met tou semen Mahé, Praslin ek La Digue, a en nivo ase vit. Be son problem se bann operater, ki neserman pou piblik, zot bezwen pas bann *water pipes* ki'n ganny mete 50an pase.

Zot bezwen met bann nouvo *ducts* pou bann operater ki pe vin met bann *cable*, par egzantp bann *fiber optics*, ki annan nouvo ki pe vin Mahé. Ki

pou fer trwazyenm, pou konnekte nou lo elektronikman, pou fer nou pli modern.

I annan sa, bann faktor. Alor i en zizman, ant nou fer nou travay. E nou kapab fer li, nou kapab aranz tou semen dan lan. E fini avek, be i pa koumsa. Realite se ki bann operater, i bezwen fer zot travay osi.

Alor sa bann kontra i bezwen, mars enn avek lot. Pour La Digue. Nou pe sey fer li parey, aköz sa *sewage* ki pe al ganny refer La Digue. Pou konekte tou lakaz avek en *centralized sewage*, ki pas tou semen La Digue. Nou bezwen fer en *Memorandum of Understanding*, en kontra avek *PUC*.

Pou fer sir ki bann Digwa, pa vin ganny *inconvenience* tro bokou, ki vin en *hardship* lo zot. E nou pou sey servi, sa koman en model pou nou servi li lo Praslin avek lo Mahé.

Alor wi nou pou bezwen fer li, nou pou bezwen kree sa bann standar, nou bezwen travay bokou pli pre ek kanmarad. E nou bezwen fer li e bouz, *towards* bann lagreman ki nou koman Transpor, nou kapab *enforce* lo sa bann *agencies* pou mentenir ki sa ki piblik i demande, en semen ki

modern, ki *safe* kot zot bann loto pa kase. Mersi Mr Speaker.

MR SPEAKER

Mersi. Wi Onorab Cosgrow, fer li vit silvouple.

HON WALLACE COSGROW

Wi Mr Speaker. I egzize ki mon demann en klarifikasyon, aköz i annan keksoz pa'n ganny kler. Ki mon pe, ki mon ti'n demande mwan, eski *RTC* i kapab enpoz en pinisyon, par egzanp lo enn sa bann operater, ouswa menm lo *Land Transport*, si zot pa pe fer, sa ki zot devret fer pour ki *road safety* koman son manda?

Dezyenm Mr Speaker i annan sa zafer saler *VTS*. Eski dan Bidze, i annan provizyon? Se tou. Mersi.

MR SPEAKER

Mersi. Bon Minis ou annan keksoz ki ou kapab tarde la, lo sa de pwen.

MINISTER ANTONY DERJAQUES

Mersi Mr Speaker. Mr Speaker an sa ki konsern sa sanzman, nou le kree sa bann *Schemes*. E si *DPA* i aprouv sa bann *Schemes* pou bann, non-mon ti pe koz lo *wardens* la, *ok*.

Salary increase pou *VTS* i an konsiderasyon, solman napa plan i pa dan Bidze pou sa

lannen. An sa ki konsern kwa ki *RT, Road Transport Commission* i kapab fer. I annan provizyon solman bann *finés* pa'n ganny etablir. E sa pou bezwen vin dan bann regilasyon ki nou pe fer. Mersi.

MR SPEAKER

Mersi. Nou a bouze Onorab Bistoquet.

HON ROSIE BISTOQUET

Mersi Mr Speaker. Bonn apre midi Minis ek ou delegasyon. Minis mon pou remersye ou osi pou sa led ek sa *Travizory management* ti ed nou avek. Tou kestyon in fini ganny pran Mr Speaker. Be selman vi ki nou pou koz ankor lo-

MR SPEAKER

Be si in fini.

HON ROSIE BISTOQUET

Non. I reste ankor enn pti bout, mon pou azoute.

MR SPEAKER

Ale.

HON ROSIE BISTOQUET

Road safety. Minis petet letan, ou seksyon, *Commission*, Komisyon i revwar en pti pe son Polisi, vizavi *road safety*. Kot i konsern *road traffic signs, road signs, road post*.

Akoz i annan en bon pe ki delapide, dibwa i bare. Parey Pointe La Rue, kekfwa mon pe donn en legzanp ;- 'Pointe La Rue' ou vwar zis 'La Rue', ou pa trouv 'Pointe.' Ouswa diferan keksoz.

E sirtou sa ki mon pou demande sirtou letan zot fer zot revi, revwar enn pti pe fason inovativ avek standar enternasyonal. E servi sa de langaz. Akoz annan de fwa nou, nou dray dan gos, touris pe dray dan drwat.

E menm met par egzanp semen, letan ou al dan lezot pei tou semen i annan en limero. E an menm tan konmsi revwar enn pti pe, lafason ki letan zot fer zot Polisi, ouswa zot enfracstriktir pou fer sir ki *safety* lo semen i mars byen. Mersi.

MR SPEAKER

Mersi Onorab. Minis.

MINISTER ANTONY DERJAQUES

Mersi Mr Speaker. Gouvernman an zeneral anba Finance *Economic Planning* i annan sa proze, pou pa zis *identify* tou bann larout ek bann pti semen ki al kot bann lakaz. Be tou lakaz, Sesel. Alors sa i en proze ki pe ganny fer spesifikman kot, *Post Office*. Alor in fini prezant kot *Cabinet*, *Cabinet* in demann

pou al refer pou fer li bokou pli, efektiv. Alor zot pe *upgrade*, e zot sipoze retourn devan *Cabinet* avek zot papye.

A sa ki konsern semen, parey ou konnen, bann ki dan Victoria. Bann gran semen, in fini ganny anonse atraver *State House* bann nouvo non. Bann semen dan bann distrik, i annan apepre 44, 42 ki pa ankor ganny non, e i pa ankor ganny zot, par egzanp ou pe dir en fason idantifye zot.

E alor zot pa dan ziridiksyon anba *Road Transport Act*. Sa legzersis pe ganny *spearhead* par PS. E i annan en Komite ki nonm semen. Pou li bouz bokou pli vit, pou nou kouver sa 42 semen apepre, ki pa ankor ganny zot non.

Par egzanp sa i en danze. Akoz dan bann *housing estate* parey Perseverance, i annan en bout semen ki plis ki, apepre 200met longer ki mon'n vizite, ki mon tande bann dimoun i fer *racing* lo sa semen.

Me napa *speed limit* akoz i pa ankor ganny pou *claim as a public road*, pou li tonm anba Lalwa. Alor tousala pe ganny vwar. E i annan *historically* en kantite sa bann semen ki pa'n ganny *proclaimed*. E zot pa'n ganny zot nou. Alor sa legzersis, in komanse.

Mon remerci ou, e pou bann mo *gentil*. Wi mon ti ede ek *PS Renaud*, *Travizory* ler ou ti an deor pei. E mon osi tou mon ti an deor pei. Mon'n fer sa ki mon kapab. E ki sa in fer nou fer, nou'n kree en *hotline* telefonn osi, kot si i annan en *Seselwa* in pri.

Akoz en fakter ki an deor kontrol, pa e egzantp *access* avek *Wi-Fi* ouswa, ou konnen dan bann pei ennler, *Wi-Fi* pa se for, ouswa pa korek, ouswa i ariv problem ant en klinik, en lopital avek en sitwayen ki anvi tourn dan son pei.

I ava annan en *hotline* osi ki ganny *24hours manned* par bann zofisyé ki travay avek *Travizory*, ki kapab donn sa led. Solman Minis osi la, pou li ede. E nou'n fer li. Mersi Mr Speaker.

MR SPEAKER

Mersi. Mersi Minis. Onorab Uranie.

HON ROCKY URANIE

Mersi Mr Chairman. Mon vwar dan *strategic priorities bullet number 2* zot anvi ranforsi Regilasyon Transpor lo Later. An partikilyerman sa regilasyon *demerit* pou, *demerit* la pou fer semen, lanvironnman semen vin pli *safe*.

Prezan mon pe gete ki provizyon dan Bidze, i annan an relasyon avek La Digue sa sistenm pwen? Mersi.

MR SPEAKER

Mersi lo sa sistenm pou La Digue. *Panel* lekel ki pou adrese. *PS. Yes PS.*

MINISTER

ANTONY

DERJAQUES

PS Andre.

(Off-mic)

MR SPEAKER

Yes PS?

PS PATRICK ANDRE

Mersi Mr Chair. Parey nou konnen poudir, tou Lalwa, ki nou annan. Nou annan *Road Act* avek *Road Transport Act*, tou sa bann Lalwa i aplikab, nenport ki landrwa dan *Sesel*. I pa spesifik. E pou nou kapab anfersi sa Lalwa lo Praslin i annan de fason, lo La Digue *sorry*.

I annan de fason i annan Zofisyé Lapolis, ki deza egziste lo Praslin, lo La Digue, pou zot kapab fer *enforcement*. E osi dan lepase, avan *COVID* nou ti anvoy nou bann Zofisyé *highway patrol* tanzantan pou zot ale pou zot al fer bann lenspeksyon.

E pou vwar e travay osi ansanm avek Lapolis dan sa direksyon. An sa ki konsernan sa bout Regilasyon pou *Demerit points*, ki ou pe fer provizyon lo la. Sa in deza ganny enkorpoze avek en program nou pe travay ansanm ek *DICT* pou fer.

Akoz ou bezwen en *software* pou ou kapab fer sir ki letan ou pe tir pwen lo en drayver i antre, dan en sistenm kot ou kapab vwar e kontrole, e *manage* li. *Monitor e manage* li, li menm. Mersi Mr Speaker. Mon ekspekte, mon'n kapab klarifye pou ou.

MR SPEAKER

Wi Onorab Uranie.

HON ROCKY URANIE

Wi mwan mon ti ekspekte petet, ou annan en pe plis, ou'n met en pe plis larzan. Ou'n met en pe plis *road signs*, demarkasyon semen pour dan sa laliny. Mersi.

MR SPEAKER

Wi mersi. Mon krwar son keston ti dan sa direksyon *PS*. Wi, oule azoute?

PS PATRICK ANDRE

Mersi Mr Chair. Nou'n note sa La Digue, otan ki posib nou pou met bann lansenny ki enternasyonal, lo standar

enternasyonal pou kapab tou dimoun ki servi semen lo La Digue, i an konformite avek Lalwa apropriye parey lo Mahé avek Praslin.

MR SPEAKER

Ok mersi. Onorab Loizeau.

HON ROCKY URANIE

Non, non-Mr Chair. Sa enn pou en, sa enn pou standar enternasyonal, be semen, ki mannyer pou ete li?

MR SPEAKER

Byen. *PS* ou kapab termin lo la.

PS PATRICK ANDRE

Mr Chair. *CEO SLTA* pou pe vini taler. I ava donn bann proze ki li i annan, lo kote La Digue ki annan pou ganny fer.

Be normalman nou annan plan pou La Digue, me ankor i baze lo Bidze ki nou gannyen. Ki kantite ki nou kapab fer, baze lo Bidze ki nou gannyen. Me sinon *SLTA* a klarifye sa taler i vini. Mersi Mr Chair.

MR SPEAKER

Mersi. Onorab Loizeau. Mikro silvouple.

HON NORBERT LOIZEAU

Mersi Mr Speaker. Bonzour Mr Speaker. Bonzour Minis. Bonn

apre midi Minis ek ou delegasyon.

Mr Speaker, mwan osi mon pe vin lo kote *safety*. I annan sa *lane* semen ki apel, Mr Rifnel Jumeau. Sa krwaze semen Mont Fleuri, i annan en dezord total lo sa semen la. Sipoze si ou sorti Bois De Rose ou mont an montan.

Me selman i annan dimoun i desann an desandan, ouswa i antre Foret Noire, sorti Foret Noire antre, i en *mess*. E sa i ankouraz blokaz trafik, pli ba kot lekoul, kot Lekoul Mont Fleuri.

Sa kekyon mon ti demande dan sizenm Lasanble. Mon ti ganny dir zot pou met en pti *island* la, pou anpes dimoun mont lo la. Mon pa konnen, si zot pa ankore ganny *island somewhere*, pou met la.

Be la ek sa Bidze, mon anvizyon zis demande avan, ki arive en aksidan la, ki zot pou fer pou rezourde sa sityasyon la dan sa landrwa lannen prosen? Avek sa Bidze ki zot annan. Mersi.

MR SPEAKER

Mersi. *PS* Andre.

PS PATRICK ANDRE

Mersi Mr Chair. Mersi Onorab pou ou kekyon, normalman. Sa i en kekyon pou Lazans

Transpor lo Later pou li reponn. Me selman anvizyon ki nou pe travay ansanm avek zot, nou konn bann plan ki annan.

Dan Bidze pou lannen prosen, anba Lazans Transpor lo Later i annan provizyon ki'n ganny fer, pou nou fer sa *mini roundabout*, pou kapab anmenn sa disiplin. E redwir sa bann risk ki pe ozordi arive la.

So dan Bidze *SLTA*, provizyon, in ganny fer pou fer sa lannen prosen. Mersi Mr Chair.

MR SPEAKER

Mersi *PS*. Onorab Aglae ou kekyon i ankore la?

HON EGBERT AGLAE

Mersi Mr Chair, en kekyon. Minis ou'n nonmen poudir i annan revizyon ki pou ganny fer dan Lalwa, ouswa nouvo Lalwa ki pou anmennen.

Eski dan sa Lalwa li menm li, zot pe pran kont bann ka *enthusiasm*, ki annan en lasosyasyon la deor, ki pe demande ki zot demann baze lo zot aktivite i ganny pran an kont anba sa nouvo Lalwa, ki pou ganny met an fors?

Dezyenman, *review of the Highway Code*, eski zot pe mazine pou annan en revizyon, anvizyon ki zot in sanz en pe zot

fason fer. Zot in - ? *Go into electronics ?*

Eski zot kapab met devan sa bann ki pe swete al pas *learner*, konmsi pou annan en rev i lo sa bann *Highway Code* ki aköz diferan pei zot annan bann diferan kalite siny. E i bezwen ganny *updated as and when*. Sa i de.

E dernyen kot i konsern *speed bump*, eski *Road Commissioner* petet, i kapab en pti pe eksplik nou. Aköz i annan landrwa kot zot pe met sa bann *speed bump*, ouswa bann *speed reducer*, ki kree lenkonvenyans trafik li menm?

Eski zot pe fer analiz profon en pti pe, pou vwar la fason pli meyer plasman, e bann direksyon ki zot pe met sa bann, sa bann kalite *speed bump or reducer*? Mersi.

MR SPEAKER

Thank you. Minis.

MINISTER ANTONY DERJAQUES

Wi, Mr Speaker, mon a reponn premye lo *car racing*, apre *PS* i a tous lo dezyenm ek *speed bumps* trwazyenm.

Lo *car racing* wi, mon'n ganny aproz pou en proze pou zot ferm semen *highway Providence*. E pou zot organiz,

racing lo tou lede *lane*. En loto lo en *lane*, en lot loto lo lot.

Ki mon'n dir zot, mon'n dir zot fer li, an term en plan. Montre mwan en proze, konsilte avek *Fire Brigade*, *Health* avek tou bann Lotorite *supporting* ki ou bezwen, pou fer en *event comme sa*.

E an menm tan mon'n dir zot. Dan Lalwa napa provizyon pou mwan sispann ouswa Komisyoner sispann, par egzantp *speed limit*, ouswa pou pran kont *insurance*.

Aköz si ou kas *speed limit*, *insurance* ti kapab dir ou, ou'n komet en krim. En *criminal offence*, alor ou *insurance* pa pou aplikab, si en dimoun i ganny *injury*, ouswa propriyete i ganny andomaze.

Alor pou en, en proze koumsa mon'n dir zot. Zot pe konsilte avek *sports*, Minister kot *Sports* fer li an term, pa verbal, pa anvoy en *request verbal*.

Be koman en profesyonnel Avoka, mon'n dir zot ki bann *steps*, ki zot bezwen fer pou fer en *proper project*. I en keksoz ki vremen enportan, pou regarde se sa *road safety* ek sekirite, pa zis pou bann *pedestrians* ki zot sizere pou napa person. E pou *televised*.

Be son *whole Scheme*, regarde ki mannyer i ganny fer

dan bann lot pti pei kot napa en *dedicated race track*. Kot ou anvi fer li lo *public road*, ki deza i annan en *speed limit*.

E probableman, mon'n dir zot menm konsilte, donn enn pti, rod en pti *legal advice* lo ki mannyer ou kapab adres sa proze. Swa dan Lalwa kot i ete la, ki mon krwar pa si zot kapab fer li. Be an deor Lalwa, kot nou bezwen amande pour *incorporate* sa lide, pou fer *racing* lo en *public road*.

Alor mon'n donn zot *advice*. E mon ekspekte koman en asosyasyon profesyonnel. Ki annan bokou, pa zis zenn. Me bann profesyonnel ladan, bann dimoun ki *mature*, ki nou konn zot, pou zot *come back* avek en *project*. An sa ki konsern sa bann lot keston - PS Andre.

MR SPEAKER

Wi. PS wi ou kapab adrese.

PS PATRICK ANDRE

Mersi Mr Chair. Onorab an sa ki konsern *Highway Code*. Nou dan *process*, pe *revise* sa *existing Highway Code* ki deza la. Akoz menm lo nou semen, i annan bann nouvo markaz, i annan bann nouvo krwaze semen ki pa'n fer provizyon dan sa, *Highway Code* ki nou annan.

Me nou osi fer sir ki nou *Highway Code* ki nou annan i, lo en nivo enternasyonal. Akoz drayver Seselwa ozordi, ki letan i al aletranze, zot osi zot pe *drive* dan sa bann semen aletranze. So ki zot annan deza, en *knowledge*, lokal ki lo sa standar pou *driving*.

An sa ki konsern sa *speed bump* ozordi on dire i a pe vin en *common practice*, kot tou dimoun pe demande pou met *speed bump* partou kote. E letan ou fer sa ki ou pe fer? Ou pe sey *curb down* en pti group dimoun, ki pe fer bann vyolasyon par egzanp *speeding* dan bann landrwa kot zot pa devret.

An pa rapor avek lamazorite dimoun ki *drive* lo semen, zot *drive* an respektan Lalwa.

E zot sa bann dimoun, zot pe ganny afekte. Wi *speed bump* i annan son, son benefis, kot i kalme trafik, i fer ou redwir ou vites. Me nou, nou bezwen fer sir ki nou pa ankondre nou bann semen avek bann *speed bump* partou. Nou met li kot i nesaser.

E *speed bump*, normalman letan nou deside, oubyen letan nou ganny en *request*, oubyen atraver bann rapor aksidan ki nou gannyen,

la nou ale nou fer evalyasyon sa bann, *site*.

E nou vwar si i annan merit, nesosite, pou nou met *speed bump*. Sa i asosye avek plizyer faktor. Kondisyon sa semen li menm, kalite aksidan ki pe arive. E osi baze kote sa sityasyon, i prezant son lekor.

Par egzantp si, i o bor en lekol, kot nou bezwen kalme trafik e fer sir ki bann zanfandan sa lenstans i kapab travers semen an sekirite. E drayver osi i bezwen konport dan sa totalite.

Enn bann defi ki nou annan avek *speed bumps*. Se pou ou repenn li tanzantan pou fer sir ki i vizib, pou bann drayver ki pe servi larout piblik. Sa i annan en defayans.

Me selman travay pe ganny fer, lo la. Osi bann lansenny ki nou mete avan, ki ou apros sa bann *speed bump*, pou endik poudir, i annan *speed bump ahead*, ou bezwen ralanti ou vites.

So nou'n vwar dan lepase kot nou'n met *speed bump*. Me i mank lezot lansenny ki al avek. Par egzantp 'redwir ou vites, i annan *speed bump* devan'.

Nou'n met zis en lansenny pou *speed bump* direktman. So nou pe vwar tousala. E nou pe kordin ansanm avek Lazans

Transpor lo Later, pou nou fer sir ki nou bann lansenny ki nou mete i apropiye. I pe pas sa mesaz ki nou anvi i pase, avek tou dimoun ki servi larout piblik. Mersi Mr Chair.

MR SPEAKER

Mersi PS. Avek sa, nou a pran vot lo Bidze pou *Road Transport Commission* lo paz 457 ziska 460 pou en total R21milyon 386mil. Manm ki an faver lev lanmen silvouple? Okenn Manm ki vot kont. Tou Manm in vote Madanm Clerk? Mersi.

Vot pou *Road Transport Commission* lo paz 457 ziska 460 pou R21milyon 386mil. 29 Manm in vot pour, 0 kont, e 0 abstansyon. Sa Bidze in aprouve, par Lasanble. Bon be nou a pran en poz la. E mon krwar nou pou reganny en, nouvo delegasyon apre. Nou pe pran *Seychelles Maritime Safety Administration* e *Seychelles Land Transport Agency*.

Nou a retournen 5er. Mersi. Mersi bann zofisye ki pe kit nou.

(BREAK)

SEYCHELLES MARITIME SAFETY AUTHORITY

MR SPEAKER

Bon byenveni bann zofisye *Maritime Safety Administration*, Kaptenn Joachim Valmont son *Chief Executive Officer*. E Mrs Giselle Walter son *assistant accountant*.

Son Bidze i lo paz, 461 ziska 466, pou en total R12milyon 459mil. Minis ou a komans avek lentrodikeyon *please*.

MINISTER **ANTONY**
DERJAQUES

Mersi Mr Speaker. Mr Speaker an 2021 Bidze ti R11milyon 241mil. Alor in *increase* par 1milyon 384mil. Son bann ogmantasyon i aköz *wages and salaries*, ki'n monte par R681mil.

I annan en *increase* dan *office expenses, transportation and travel costs, maintenance and repairs, other uses, goods and services* ek *minor capital outlays*.

Mr Speaker, *SMSA* ki *stand for Seychelles Maritime Safety Authority*, i ansarz *safety, security*, ek i enplimant tou bann *IMO Guidelines*, bann *Protocols* ek bann Konvansyon isi Sesel.

Neseserman tou bann bato i anrezistre anba *SMSA*. E dan nou proze pou enkli tou bann bato lapas ek bann pti bato lapas osi. Sa striktir ti

ganny fer, ti ganny enkorpore an Avril 2020. I annan son Sekretarya ki kot *Trinity House*, kot *ex Hunt Deltel* ti pe travay avan zot ti bouz dan zot prop *building*.

E i en Lotorite ki pe grandi. E mon annan en kantite lespwar ki avek sa, evolisyon ki zot pe fer dan en fason ase remarkab. Avek zot nouvo Sekretarya ek nouvo *ship registration, valuation unit, assessment, flagship registration*, zot kapab fer bokou.

Nou annan plizyer Regilasyon ki nou'n fini prezant devan *Cabinet*. Annefe i annan 7 regilasyon ki *Cabinet* in fini aprouve. Nou'n drafte, e prezan nou an *talks* direk, nou pe konsilte avek Biro *Attorney Zeneral*.

E mon espere ki sa i kapab ganny fer o pli vit posib. Ki Sesel i ava ganny bann, bokou plis bann regilasyon ki modern, profesyonnel, efikas. E ki kouver tou bann laspe, maritim ki anvizaze, dan lobzektiv *SMSA*. Mersi Mr Speaker.

MR SPEAKER

Mersi Minis. Nou a pran kestyon bann Manm. Onorab Aglae i kapab komanse wi.

HON EGBERT AGLAE

Mersi Mr Chair. Bonn apre midi kaptenn Valmont. Minis SMSA pe revwar son Lalwa, e i deza annan en Lalwa ki mon krwar zot ti'n deza anvoy kot Lasanble, an menm tan, i annan serten *review* ki pe ganny fer lo sa.

Mon ti a kontan petet konnen kan, eski sa Lalwa li menm li pou pare pou kapab ed SMSA, premyerman pou li kapab annan en pe mordan, pou li kapab pran bann desizyon e aksyon, kot i konsern nou sekirite maritim? Sa i enn.

Dezyenmman mon ti a kontan petet en leklersisman, anv i ki SMSA ti pe al ver direksyon parey en *One-Stop shop* dan li menm. Kot i konsern donn *license*.

Akoz ozordi en konponan i avek SLA. SMSA i annan en bout kot li i fer pou li, SFA i annan en bout kot li osi i fer pou li, kot i konsern bann bato, anrezistrasyon.

So met nou en pti gin dan lankadreman, ki mannyer nou pou ale a lavenir kot i konsern sa Departman SMSA? Mersi avek sa Bidze. Mersi.

MR SPEAKER

Mersi, Minis.

MINISTER ANTONY DERJAQUES

Mersi Mr Speaker. Mon ava koz an zeneral. E son CEO kaptenn Valmont i ava azoute.

Mr Speaker parey mon'n dir, nou'n fini drafte ek prezante ek ganny *approval* 7 regilasyon. E sa i kouver *safety and security, ship registration, boat registration, numbering, valuation*. E tou bann lendikasyon ek bann form pou en bato anrezistre.

Mon anv i zis fer en komanter, ki tou bato lapas osi i bezwen kontinyen anrezistre kot SFA. Akoz anba sistenm ek Regilasyon SFA i annan bann lavantaz an plis ki ou gannyen. E sa i konsern lo *fishing*, ek bann *fishing operations* e ki mannyer zot fer zot travay.

Solman pou nou wi, nou annan en *register of ships*, ki nou pe komans garde ki'n vremen devlope. E Kaptenn Valmont i a donn tou bann detay, lo la. Sa bann regilasyon i an konsiltasyon avek Biro *Attorney Zeneral*. Mon fek prezant en rapor, avek *State House*, lo ki staz nou'n arive.

E nou an kontak, direkteman, dan en fason konstan avek kontinyel avek Biro *Attorney Zeneral* avek bann *Legal draftspersons*. Pou nou kapab fer sa travay ganny

realize e *finalize*, finalize o pli vit posib. Nou'n fer nou par, nou'n aktyelman drafte osi, e nou'n prezante e in fini ganny *approve*.

E la nou bezwen *the final scrutiny, review*, ouswa *redrafting* par bann *experts* kot Biro *Attorney Zeneral*. Mon'n ganny lasirans ki, sa bann travay i byen avanse. E lo *day-to-day* ki osi pe *monitor*, Kaptenn Valmont pe *monitor*. E par egzanp yer in ganny en reaksyon lo en bann partikilye. E si i annan pou azoute, i kapab dir zot koman mon fini.

An sa ki konsern *One-Stop shop* ek *Licensing*. Wi nou pe, dan sa bann regilasyon, fer ki se *SMSA* ki pou *licensed*. E bann *fees* pou ganny peye dan en kont, anba sipervizyon *Ministry of Finance* atraver *SMSA*, pou *licensing*. Savedir anefe, ler tou sa bann regilasyon i vin an fors.

SMSA pou vin en *one stop shop*, ou sa ki konsern sa bann lobzektiv, dan son *Act* ki konsern tou laspe. Tou bann laspe ki *IMO* i met lo nou, koman en Pei Manm, ek tou bann laspe dan son lobzektiv pou asire ki nou annan sa loperasyon maritim pou komers, *fishing*, tou mouvman.

Ki i annan sekirite pou bann, *seafarers*, ki annan

sekirite pou bann *boat owners*, ek nenport dimoun ki pe servi lanmer. E kot i annan bann fasilite.

SMSA i travay tre pre avek Por, *avek Seychelles Port Authority* avek *Coast Guard* pou fer son travay. E *SMSA* i an devlopman. E an sa ki konsern sa ki i bezwen pou travay lo la, Kaptenn Valmont ki'n fek donn mwan en rapor konplent lo ki son *next step*, ki mon'n demann li ki nou pe *evolve*.

La nou'n etabli, Lalwa pe al pase, la mon anvi bann keksoz ki pratik. Alor kwa ki ou Kaptenn ou bezwen, dan en fason pratik, e Kaptenn in reponn. E mon annan son bann demann lo mon latrab.

Alor *SMSA* sa lannen ki pe vini, pou bezwen bouze pou li al lo sa, dezyenm staz son devlopman. Mersi Mr Speaker.

MR SPEAKER

Mersi Minis. Kaptenn Valmont ou a ganny laparol. Pa bezwen tou detay, me ase pou fer Onorab konpran ou travay, pou li kapab aprouv ou Bidze. Mersi.

CEO SMSA CAPTAIN JOACHIM VALMONT

Mersi Mr Chair. Bonn apre midi tou Manm Onorab. Zis, mersi bokou pou ou kestyon Onorab.

SMSA Act ti vin an fors 2020. E *SMSA* ti sorti koman en administrasyon, in vin koman en Lotorite.

Me nou ankor *still budget dependent*. An sa ki konsern pou vin en *One-Stop shop*. Kot nou pou *issue license*, sa nou pe, nou'n pran *Licensing Act* e nou'n transfer li an en regilasyon.

E sa parey Minis in fek fer mansyonnen, i enn parmi sa 7 Regilasyon ki pe, ki *AG's Office* pe travay lo la. E nou, nou'n pran li, nou'n moderniz li. Akoz ou a konpran poudir konmela bann aktivite lo lanmer i pli modern.

E la nou osi nou bezwen moderniz sa regilasyon, pou nou kapab fer sir ki i, azour avek bann nouvo devlopman ki pe arrive. Se sa ki- e nou ekspekte, ki sa regilasyon avek sipor *AG's office*, regilasyon i vin anfors komansman lannen prosenn.

Sa nou'n ganny, sipor *AG's Office*, e nou pe travay ansanm avek *AG's office* pou nou kapab fer sa arrive. Savedir lannen prosenn, sa Regilasyon, *Licensing* i vin anfors.

Me fodre mon fer byen konpran ki sa bann regilasyon la, tousala i *interlink*. Enn pa kapab vin an anfors *without* lot. Akoz nou annan *fees*

regulations as well ki mars avek.

E osi i a pe ganny travay, nou pe fer sa travay ansanm avek *Biro Attorney Zeneral*, pou nou kapab fer li sorti li osi. Mersi.

MR SPEAKER

Mersi Kaptenn Valmont. Kestyon Onorab Pillay.

HON SEBASTIEN PILLAY

Mersi Mr Chairman. Mr Chairman mon le al lo, laspe *enforcement*, anba rol Lotorite *SMSA*. Mon vwar zot Bidze i ase *tight* vizavi, bann depans. E lamazorite bann depans i al ver bann peyman bann saler.

So kestyon ki mwan mon annan, se an relasyon avek bann *size enforcement*. Annou pran par egzanp sa *size bareboat charter*. Eski zot pe fer, zot annan larzan dan Bidze, pou adres konsep, e lanvironnman *bareboat charter* Sesel?

Pou asire ki bann dimoun ki pe fer sa bann aktivite, Gouvernman i *recoup* larzan, *in terms of* bann taxes, ki bezwen ganny peye, oubyen bann lezot larzan ki bezwen ganny peye, bann *fees* ki bezwen ganny peye, an relasyon avek sa bann *bareboat charter*?

Dezyenmman, mon ti a kontan ou klarifye vizavi lanrezistremman avek SMSA. Mon konnen poudir SFA ozordi pe donn sa bann nimerò ki ganny servi, pou *identify* bann bato.

Eski in annan konsiderasyon pou revwar lakantite nimerò ki ganny servi, pour *register* bann bato. Akoz par egzanp, si ou vwar en bato pe lapès dan en *zone* ki pa pe lapès pou ou *capture* tou sa nimerò i en bon pe travay.

So sirtou pou bann bato ki pli pti? So eski i annan travay ki zot pe fer dan sa domenn?

E mon dernyen pwen, mon retourn lo sa provizyon *charter*. Nou annan bann *time charter, or voyage charter* Sesel ki en gran parti, en bon pe i ganny fer par Seselwa.

Me i osi dan mas, sa ki mon'n tande, i annan etranze ki *involve* ladan. So eski Minis atraver SMSA, ou pe fer okenn travay pou etabli, ki i annan serten regilasyon dan sa sekte?

Ki pa *allow* serten konpetisyon brit, ant Seselwa ki'n bezwen depanse e investir plizyer, plizyer milyon Roupì, pou zot aste e modifye zot bato.

Pou kapab fer sa bann aktivite biznes. E apre ou annan bann bato ki vin Sesel,

koman bann bato plezansye, me zot reste deryer e *end up* fer bann aktivite *charter* ki antre an konpetisyon direk avek bann operater Seselwa ki'n investir dan zot biznes. Mersi Mr Chairman.

MR SPEAKER

Mersi Onorab. Minis ou a komanse.

MINISTER ANTONY DERJAQUES

Mersi Mr Speaker, parey mon'n dir, mon a komanse apre Kaptenn Valmont i ava ede.

Lo *boat charters*, espesyalman pou donn travay nou bann *qualified, let's say Captains*, ki pran sa bato lwazir *and so forth* bann yot ki anmenn bann kour partou. Nou'n vwar, e nou'n trouve ki dan lepase i annan en kantite *foreigners* ki zis vin isi. Zot vin par egzanp lo en *visitors pass*, zot reste isi pou detruwa mwan. E bann group i vini, zot anbark lo en yot, zot ki pran tou sa bann travay.

Pour ede nou'n get *enforcement*. E granmersi nou annan en zouti. Sa zouti, ankor enn fwa i *travizory*. *Travizory* i fasil, ki nou kapab *identify* en dimoun ki i pe vin dan en group.

Kantmenm i dir li i en touris, nou *identify* li par bann partikilye ki pa dan sa group li. I annan en *specialty*. E nou vwar ki li menm li, ki pe vin sa kaptenn, pou anmenn sa bann koup touris mete sorti *Ukraine*, lo bann *leisure trips*.

Nou'n osi trouve kekfw a in antre dan pei *repeatedly*, e nou vwar son *pattern*. E alor nou enform Imigrasyon, nou enform SMSA. Alor i vin en travay ansanm pou anpes ki Seselwa i perdi sa bann, an sarz anmenn sa bann bato.

An sa ki konsern, pou *regulate hirecraft* Sesel ek bann kondisyon. I dan *Hirecraft Regulations* ki parey Kaptenn Valmont, in dir. Boner lannen prosenn pou vin an fors. E sa i pou asire ki, sa travay ek sa biznes i ganny *regulated*.

Alors sa osi pe vini. An sa ki konsern, bann nimer o sa ti lev en kantite deba. Akoz nou ti pe gete ki sa bann sif i long. E SFA atraver son Minis, ler nou ti prezant sa bann papye. I ti dir nou, ki sa bann nimer o i nesaser.

Nou ti menm, pou get groser e ti fer kler ki i bezwen en serten groser. Akoz ler sirveyans par avyon. E kekfw la, pa bann lot fason. I pase i bezwen, vizib, ler ou anler laba en kilomet anler, ou kapab

atraver *of course* ou binok, ou bezwen kapab trouv li.

Alor i annan sa diskisyon, ki *the concept and the regulations* ki nou, nou'n drafte in pase. La prezan, SMSA pe asiz avek Biro *Attorney Zeneral* pe regard sa. Akoz *Cabinet* in dir avek zot, nou'n *approve the project*, nou'n *approve the concept*.

But now, ler ou pe al *finalized* sa bann regilasyon al pli o profon, akoz pa *Cabinet* pou al get egzaktman, konbyen *letters*, si *six inches*, si *eight inches*. Be sa i ant SMSA prezan, ek son Avoka avek Biro *Attorney Zeneral*. Akoz sa i bann detay.

So the concept has been accepted. Sa *issue* ki ou'n leve, i pou ganny *dealt with*. E finalman nou pou vwar li dan en regilasyon ki pe sorti byento.

SFA osi in fer sorti ki anba son regilasyon, i annan serten keksoz ki nesaser. Alor ki SMSA, menm si sa bout. *Fishing vessel* pe vin anrezistre kot zot. Sa *identification numbers* i bezwen satisf e, tou lede Lalwa. Pa zis nouvo regilasyon SMSA.

Be SMSA atraver kaptenn Valmont, i bezwen fer sir ki sa standar ki'n fini ganny etablir, par SFA anba son Regilasyon i ganny mentenir. E i pa vin en dezord kot i annan, *two*

conflicting regulations, on the same issue, that is the registration and identification of fishing boats. Kekfwa kaptenn Valmont, akoz li ki direktman *involve* i a donn ou plis detay. Mersi.

MR SPEAKER

Kaptenn Valmont, ou annan keksoz pou azoute? Wi.

**CEO SMSA CAPTAIN
JOACHIM VALMONT**

Mersi Mr Chair. Zis pou azoute lo la grander limero la. Wi nou'n asize avek *SFA*. E nou nou'n agree *SMSA* letan i komans, i komans idantifye sa bann pli pti bato, sirtou sa bann pli pti bato.

Nou pou *do away* avek sa bann gran nimero. Akoz *SFA* ti pe servi lannen ki bato in ganny konstrir ensidswit. Me nou *SMSA* nou pe vin ek en lot konsep ki nou, nou pou klasifye zot dapre zot *range*, zistans ki zot ale.

So nou'n tonm lo en lagreman e *SFA* i ava anmenn, zot regilasyon. E koumsa nou ava anliny sa ki pou *SMSA*. Zot pou pran nimero, nou pou adopte par kont, nou pou adopte sa *SZ*. Sa nou pou adopte koman *fishing vessel*, nou pou al adopte sa *SZ*. Mersi.

MR SPEAKER

Wi, Onorab Pillay.

HON SEBASTIEN PILLAY

Mersi Mr Chairman. Pou konsyan letan. So vitman. *Minister* ou'n *focus* lo lendividi ki vin fer sa aktivite. Me an son lot kote osi i annan sa *vessel* li menm, ki sa aktivite i ganny fer lo la. Mon ti a kontan ou dir mwan an relasyon avek *enforcement*, si ou Minister anba relasyon ek sa *register* ki ou pe *maintained*. Akoz i annan *international financial reporting standards*, an relasyon avek bato. E bato akoz i mobil, i sorti dan en ziridiksyon i al dan en lot.

E i annan bann *tax*, ki bezwen ganny peye vizavi bann bato ki antre dan pei. E ki ganny *berthed*, par egzanp dan en *marina* parey *Eden Island*. Me apre ou vwar en dimoun i vini, lo en pti *dingy* pe anmenn kliyan lo la avek valiz. I pe sorti, kan ou annan bann *charter operator* Seselwa. Par egzanp Bel Ombre, ou annan plizyer *chartered operators* ki fer sa bann aktivite Seselwa.

So eski ou pou pe pran kont, an relasyon ek *enforcement*. E eski ou pou demann en Bidze adisyonnal akoz i en size ase *complex*, pou ou kapab fer en *enforcement*

regarding bareboat charters. Akoz zot pe osi lwe lasanm, lo sa bato, ki bann dimoun i vin reste ladan.

E sa mon santi parfwa i antre an konpetisyon direk, avek operater Seselwa. E lefe ki anba *WTO*, nou mon pa konnen si nou, nou'n klarifye nou *commitment*. Serten sa bann biznes mon santi i bezwen ganny rezerve pou Seselwa ki'n envestir ladan.

Mon pa konnen si ou, ou kapab dir nou, okenn keksoz lo la. Mersi.

MR SPEAKER

Mersi. Minis.

MINISTER ANTONY DERJAQUES

Mersi Mr Speaker. De keksoz pe arive. Premye anba sa nouvo Regilasyon e, *registration of your flag. Meaning your status and jurisdiction*, ki govern ou *vessel*.

Anba sa bann *fees* nou pe fer li en fason, ki si ou anrezistre, an deor pei. E ou pa anv i anrezistre Sesel, ou pou pey en *fee* ki bokou pli, ase ser. Si ou anrezistre Sesel, i fer ki i bokou pli bonmarse.

Alor, tou ou ziridiksyon, ou *tax*, ou bann keksoz i ganny peye isi Sesel.

Solman bann operater, nou'n koz ek zot osi. Zot, zot pe dir, si zot, si ziridiksyon i vin pou Sesel e zot bann *mortgage*, zot bann *loans* ek zot bann labank i an deor pei, nou bezwen pran kont.

Nou pa kapab zis demann zot *blanket*, vin anrezistre Sesel, si ou ganny en *license* pou ou *operate* Sesel.

Alor nou'n *come up* avek sa *Scheme*, ki ankouraz zot pou anrezistre Sesel. E donn zot sa loportinite pou zot *migrate from let's say Virgin Island, British Virgin Islands to come and register* dan Sesel.

Alors nou'n dir, si ou pe al pey €3mil pou anrezistre Sesel, si ou ankor anrezistre par egzantp *British Virgin Island*, ou pou pey de fwa, trwa fwa plis. Mon pa pe dir ou son sif spesifik. Akoz i annan en gran *table*, ki'n ganny kouver anba sa Regilasyon.

Alor nou pa pe anpese, ki en *charter business*, ouswa *boat owners* i anrezistre an deor. Solman si pe vin *operate* isi nou kree bann *financial package and incentive* pou zot anrezistre. E pou zot pran *registration* anba *SMSA*.

Lo kwa ki pou *exclusive* pou Seselwa ek pou *foreigners*, nou pa ankor al dan sa detay. E sa i ava vin anba en keksoz

separe, ki pou lemoman pa ankor vin lo mon *desk*.

Ki nou pe fer, nou pe pran the *business, as is*. E i annan bann *foreign operators* ki *own* sa bann *boat charters*. E nou pe rod en fason, pour anba sa sistenm la, san sanzman dan bann Lalwa. Ki poudir lekel ki kapab *operate* dan nou delo.

E *foreigners* petet i kapab *operate* 10 bato, ouswa 20 bato, ouswa plis. Nou pe *deal* avek sa anba sa *incentives Scheme*, ki pou dan sa regilasyon.

An dezyenm pwen. Koman nou ti antre dan nou Minister, dan Minister nou ti regarde e nou ti trouve, ki Sesel dan bann *marina* napa *berthing fees*.

Ou pey R100 par zour. Solman ou pe lwe, e ou pe ganny petet €3mil par zour. E konbyen touris pe reste lo ou bato, 10. Solman si sa 10 touris ti pe reste dan en pti lotel 10 lasanm, i pou pey bokou plis, e Gouvernman ti pou kolekte bokou.

E zot pe servi nou delo, zot pe servi nou *marina*. Zot pe polye nou delo, atraver zot bann *discharge*, lo dan nou delo an deor limit, teritwar ouswa par deryer Ste Anne, mannyer zot fer li. Solman nou pa pe kolekte ase.

Alor nou'n demann e nou Younit, Polisi ek Stratezi

ansanm avek *Legal Unit*, pe travay lo sa proze. E sa i en proze ase *complex*, akoz nou pe konpar *tourism* lotel, avek *guest house*, vizavi *tourism* lo lanmer.

E nou'n fini trouve, *tourism* lo lanmer, zot pe ganny en kantite larzan an plis, ki *tourism* lo later. E nou'n trouve, e nou'n regarde be akoz sa sistenm i la.

Akoz zanmen in ganny sanze, e nou'n komans sa proze an Fevriye sa lannen. E sa rapor pa ankor ariv kot mwan, akoz mon'n dir zot anmas bann sif partou. Akoz sa pou en *major change*. Solman i pe vini, i pe vini.

E nou pou bezwen etabli sa sistenm, ki akoz ou isi, ou dan nou ziridiksyon, lanmer i tonm kot nou, *tourism* i tonm kot nou. E ou pa kapab fer *tourism* zis pou bann operater. *Tourism* a lafen i pou pep Seselwa. Mersi Mr Speaker.

MR SPEAKER

Mersi. Minis. Onorab Gill.

HON CHURCHILL GILL

Mersi Mr Chair. Bonn apre midi Minis ek delegasyon. Anba manda SMSA, i osi, parmi son bann *core mandates*. I osi annan *security and pollution prevention at sea*.

Lo sa size ki ou ti pe koze, bann *bareboat*, mon'n vwar poudir nou'n, nou pe santre tou nou bann zefor, lo fason nou pou konekte, fason nou pou donn *incentives*, fason ki pei pou benefisyé.

Mon kestasyon se, eski nou pe osi enkorpor bann keksoz ki konsern bann polisyon, ki sa bann *bareboat* i poze pou nou bann lakot?

Akoz par egzantp Praslin, toulezour, ou annan ou apepre 15, 20 bann yot dan Baie Ste Anne, 10,15 o bor L'archipel, ou annan en trantenn dan labe Curieuse. Apre ou annan osi ankor Anse Lazio, menm letan.

Alors i enportan nou konnen, si en *SMSA* i annan serten konversasyon, serten travay i pe fer dan sa direksyon. Pou nou osi konnen, apard ki ranmas bann reveni ki kantite polisyon pe arive pou nou kapab enkorpor sa dan sa bann regilasyon ki pe ganny fer?

Mon dezyenm se, ou'n mansyonn *incentive*, *Scheme* ek *package* pou bann etranze. Mon krwar ler sa i ganny fer i enportan, balans li tre byen avek Seselwa ki pe fer menm kalite biznes. Pou nou asire ki sa bann etranze pa ganny privez, lo Seselwa.

Akoz finalman zot pou *compete* dan menm *market*. E i

pa pou byen ki Seselwa li, i ganny de-privilezye, *over* sa bann dimoun. Sa mon dezyenm.

E mon dernyen, sa *information system technology* ki *SMSA* in koz lo la dan son *priorities*. Eski sa i pou kouver *monitoring*, *identification*, apre pou asire ki nou annan en kont lakantite bato ki frekant, nou lanmer? E pou nou kapab ganny en, en relasyon ant sa ki nou pe anmase, sa ki nou krwar nou devret anmase.

Sa i a ed nou pou nou asire si nou lo bon larout. Mersi.

MR SPEAKER

Mersi. Minis.

MINISTER **ANTONY** **DERJAQUES**

Mersi Mr Speaker. An sa ki konsern, polisyon ek proteksyon *environment*. Si ou ti regard *State House News*, Zedi pase. Annefe son Merkrede mon ti prezant avek *Cabinet* en *Seychelles Port Authority Act*, (*Amendment*) *Act* avek regilasyon.

Ki nou'n fer dan Minister, nou'n pran tou sa *Harbor Act 1932*, ki annan plis ki *90 years old*. E nou'n pran, *SPA Act* nou'n *modernize* li, nou'n fer li vin bokou pli efikas. E in ganny

aprouve Merkredi pase, par *Cabinet*. E sa in ganny anonse.

Solman mon rekonnet, nou pa'n fer en *press conference* lo la. Kekfwa nou ti'n devret fer. Sa in en mankman. Dan sa bann regilasyon, nou annan Seksyon 64 ziskan 76 ki kouver polisyon. I pa kouver zis polisyon o bor lakot, be i kouver polisyon dan *harbor*. E *harbor* i *extend* ki kouver, annefe tou delo ant Mahé ek Praslin i ganny kouver anba sa Lalwa.

Alor i pa anba *SMSA*, be i anba *SPA Act*, avek son bann regilasyon e mon'n donn ou bann seksyon. E prezan sa *Amendment Act* avek sa bann regilasyon, i pou ganny refer koman mon ganny kopi *Cabinet confirmation papers*, *back* kot *Attorney Zeneral*. E mon espere ki byento, nou ava ganny sa Lalwa, e nou ava met li anfors.

Mr Speaker, an sa ki konsern en *Scheme* pou *protect* pou protez bann *yacht owners* Seselwa, mon pou bezwen get ladan. Akoz annefe, si ou gete i tonm anba enn, bann Lalwa ki protez bann biznes an partikilye.

E kekfwa, SS Payet ouswa en lot *PS* i kapab dir mwan si *Yacht Industry* in ganny kouver ladan, mon pa rapel. Akoz mon konnen i annan, bann *size of hotels and rooms*. Ki ganny

proteze pour Seselwa. E par lao, mon krwar i 20 non. 25, *foreigners* i kapab *invest*. Solman mon pa'n gete si sa *definition, of hotel*, i kouver en yot, ki annan sa bann menm kantite lasanm, ouswa non.

Solman mon apresye ki ou'n trouv sa. E ler nou pe konsider sa *berthing fees*. E i neseserman nou pe al get prezan *tourism on the seas*. Prenon kont ki nou annan en *ceiling* lo kote Sesel i kapab etabli lotel, lo teren.

Akoz sansan nou pou vin en *mass market*, nou pa pou gard sa lanatir, sa *haut de gamme*. *So will have to look tourism at sea*. E nou pe fer sa atraver *berthing fees*, nou a azout sa bout. Pou nou kree en Polisi lo bann yot. E mon konnen ki annan en kantite biznes ek larzan, dan sa *Yacht Industry*.

Lo *electronic surveillance*, sanmenm ki nou pe fer sa *ship registration*. E nou pe grandi *SMSA*. *Unfortunately*, akoz sa Bidze i limite. E mon konpran Minister Finans pa kapab donn *SMSA* tou sa ki i kapab, ki i ti a kapab. Akoz sa *pandemic*, ek sa kriz ekonomik. E nou fek ouver nou frontyer ek Erport le 25 Mars.

Savedir i annan zis konbyen? 7 mwan, 9 mwan ki

nou'n ouver nou frontyer. E nou pa ankor kapab re-kolekte *tax* 2021. E nou pa ankor kapab asire. Parey *Minister*, Minister Finans i dir nou'n sorti dan *ICU*. Nou ankor dan *ward* e nou'n dir fodre nou pran prekasyon.

E la nou vwar en kantite pei dan, *red alert* ankor akoz *Omicron*. Alors sa i fer ou trouve ki keksoz i telman frazil. Ki i fer, i fer ki bann *SOEs* parey *SPA*, *SMSA* la. Nou pa pe ganny tou sa ki nou pe demande.

Solman dan sa papye ki mon'n demann Kaptenn Valmont pou donn mwan. Pou li sorti lo *level one*, pou vin lo *level two*. An term operasyon *SMSA* in fini dir mwan. In dir mwan, Minis mon napa ni en bato, pou mwan al verifie sa bann *boat charters*, konbyen touris ki abor, kote bann bwe i ete.

Par egzanp si ou get dan *Caribbean* zot mete bann bwe, par egzanp o bor Ste Anne, zot ti pou mete en bwe, avek en laliny. E si en, *vessel* i vini, i anmar avek, olye zot son lank ek detri koray anba.

Ti ava annan en *fee*, ki *SMSA* ti a ava anvoye, pou regard sa bann bato, pey R500 par zour ou'n mouy avek son bwe *SMSA*. Menm pou fer sa *SMSA* napa ni en pti bato, pou

li al *monitor*, pou li al regard *safety*.

Alor mon demann zot si i annan sa, *review of budget an Juillet*. Espesyalman pou Bidze 2023, koman bann *MNA* ki montre zot konsern, ozordi. Ensiste ki *SS Payet* i donn, Kaptenn Valmont son bato, pou al *monitor*, lanmer. Mersi Mr Speaker.

MR SPEAKER

Mersi Minis. Onorab Woodcock. Wi Onorab Gill.

HON CHURCHILL GILL

Minis mersi. Minis mersi pou ou larepons. Zis selman en konsern se, ou dir mwan sa anba regilasyon *SPA* ki sa bout polisyon, pou al ganny kouver anba la.

Parey nou konnen *SPA* ozordi mannyer i pe *operate*, i difisil pou nou vwar konpran ki mannyer i pou al *enforce*, sa bann keksoz. Alors petet, i byen si nou met li laba.

Selman fodre nou fer sir zot annan bann keksoz nesaser pou kapab, *enforce* sa keksoz. Mersi.

MR SPEAKER

Minis ou bezwen dir keksoz lo la. Mon'n note, mersi.

**MINISTER ANTONY
DERJAQUES**

Zis mon oule remerisi li pou son komanter. Mersi.

MR SPEAKER

Mersi wi, mon a sey al vit.

HON WAVEL WOODCOCK

Vitman Mr Speaker, mon rekonnet anba *major achievement* ki zot in SMSA, in fer resorti ki annan plizyer regilasyon ki'n ganny pase.

Parey *Seychelles Maritime Safety Authority Fees Regulation, Seychelles Maritime Safety License Regulation, Seychelles Maritime Safety Authority Hirecraft Regulation.*

Me *issue* ki plizyer bann *boat operators*, sirtou lo bann Zil Pros pe fer sorti, se lo sa kote *enforcement*.

Ozordi lo Praslin nou annan plizyer *issue*, sirtou dan rezyon Cote D'Or, mon krwar ou okouran Minis. *Issue* kot i annan bokou bann bato, ki pe *operate* san *license*. Ouswa zot bann dimoun ki zot napa zot *license skipper* pe *operate*.

E sa i kree en problemn pou bann bato ki *genuine*, ki zot annan zot *license*, ki zot pe debourye. I pe afekte bokou, bokou sa biznes lo Praslin. E mwan kestyon se ki, mon konnen ti annan en pti pe

kontrent *staff* osi kot SMSA. Me selman mon santi poudir, en keksoz pli tanzib bezwen, ganny fer.

Mon lot kestyon i kot i konsern, en fason ki SMSA i kapab, kolekte anmas plis reveni. Se kot i konsern *moorings*. Ozordi bokou bann koray pe ganny andomaze par bann landrwa ki ganny bokou frekante par bann *boat*, bann *boat charters*. Parey la mon pe mazin, St Pierre, Coco, La Reserve, Ave Maria, Felicite, Petite Sœur e Baie Lare Curieuse.

Me selman problemn se ki napa *mooring* dan sa bann landrwa. Ki pou en fason ki nou kapab anmas reveni pou nou pei, ki mon krwar ki SMSA i merit konsidere dan lefitir. *Ok* so, mon ti a zis kontan konnen enn pti pe si zot pe get dan sa direksyon. Mersi bokou.

MR SPEAKER

Mersi. Minis wi.

**MINISTER ANTONY
DERJAQUES**

Mersi Mr Speaker. Mr Speaker ler nou'n drafte sa bann Regilasyon ansanm avek SMSA. I en *Policy decision* ki nou'n konkretiz dan Lalwa, dan Regilasyon. E in ganny *approved* par *Cabinet*.

Nou'n trouve, ki i pa ase, zis pou pas Lalwa. La SMSA i bezwen al lo sa *level two* ki mon'n koz lo la, pou li annan bann *enforcement structures*, praktikal. I pa kapab reste lo en fason, zis teorik.

E mon'n montre ki, ansanm avek sa bann *concept*, ki parey *berthing fees*, *ship registration*, *safety* osi pou garanti lo lanmer. Reveni i kapab ganny kolekte, e nou annan bann, *finance* i la avek nou. Pe ekout nou.

E mwan mon konnen, ki Minis ek son tim kot *Finance*, si zot vwar ki i en proze, pou anmenn finans dan Bidze, pou tou bann lot Minister. Zot pou siporte. Akoz zot mazin parey bann *financers*, parey bann *bankers*, ki zot bezwen annan en *return*.

Nou pa kapab annan SMSA ki zis *budget dependent*. Be la in bouz dan en lot letap, avek sa bann Regilasyon, i pou vin en *agency* ki pa zis, *monitor*, *survey*, me ki *also collect*.

E nou pe montre bann *avenues*, *for collecting of revenues and fees* and mon'n, nou'n tonm dakor annefe atraver bann kestasyon ek bann komanter ki bann *MNA* in fer avek nou.

Ki anliny avek sa ki nou, nou pe panse ek bann *Policies*,

deryer sa bann regilasyon, ki nou pa pe anmenn en keksoz ki zis vid li. Nou pe anmenn en keksoz ki pou ogmant reveni ki pou vin dan Bidze pou pep Seselwa an antye.

Alor sanmenm ki mon dir zot, mon dir zot fer sir ansanm avek Minister Transpor, ki SMSA i kapab bouz dan sa *second step*, pou li annan sa kapabilite, kapasite, pou *fulfil*, tou sa ki nou pe mete dan Regilasyon.

Parey mon dir kaptenn in *identifies* sa bann *practical measures*, ki pou bezwen pou li kapab *enforce* sa bann regilasyon, ki enkli sa bann *fees*. Espesyalman avek bann *yacht*. E dan en fason *practical*, nou pou diskit avek *Ministry of Finance*, nou premye loportinite, pou an *Juillet*.

Ler tou sa bann Regilasyon, in vin an plas. E nou ava montre avek Minister kot si zot depans 10milyon, zot kapab, imedyatman kekfwa kolekte 10milyon atraver nou.

Be i kapab *increase*, pou kwa pa vin 100milyon. Si par egzanzp *berthing fees* i ganny enplimante. E nou kree ankor en lot *marina* par egzanzp Praslin. E nou annan *marina Mahé*, solman Praslin nou napa.

Be si i annan depans prezan regilyerman, ant Praslin ek Mahé. Bann *marinas* nou kolekte bann *fees*. SPA i *monitor*, i *the landlord* Praslin. E nou kolekte atraver SMSA, *berthing fees*, *registration fees*, *ship valuation*, *assessment*. Nou pou annan en *source of revenue* apar ki *tourism* lo later. Se sa ki nou vizyon, ki nou pe sey kree.

E nou pou bezwen led Lasanble Nasyonal, pou nou kapab bouz dan sa direksyon, dan en fason pratik pou nou enplimant sa bann regilasyon. Mersi Onorab, akoz ou'n vwar sa semen ki nou pe trase.

MR SPEAKER

Bon mersi Minis. Onorab Arissol, Sandy.

HON SANDY ARISSOL

Mersi Mr Chair. Mon ti anvi zis, mon letan mon'n tann Minis taler, reponn Onorab Pillay in *regards to*, sa ki Onorab Woodcock in koz lo la se bann, bato ilegal, ki rantre dan nou pei. Ki ou'n koz lo la.

E *Eden Island* toultan, i sa landrwa ki dimoun i koz lo la. Poudir i annan bann bato ilegal ki rantre, parey in ganny dir, zot enterakte dan bann *charter activities*. Zot anmenn *foreigners* lo zot bato koman

touris apre zot fer travay. E zot fer sa bann aktivite san en *license*.

Be mon'n tann ou dir en keksoz enteresan Minis ki mon ti a kontan, ou redonn, ou redir, ou donn mwan sa garanti, poudir sa ki ou pe dir i korek.

Parski mon'n tann ou koz lo, *Travizory* ki ou dir bann *yacht* osi ki rantre Sesel, zot osi zot pas atraver sa prosedir. Zis parey nenport ki etranze ki pe vin atraver avyon, i pas atraver sa prosedir, sa premye.

E dezyenmman ou pe donn nou, en garanti avek ou koleg Minis Imigrasyon, *Internal Affairs*, ki imigrasyon i tonm anba li. Poudir i annan en *monitoring* ki pe arive. Par egzanzp annou dir *Eden Island*, pour ki tou bann yot ki pe antre. Atraver zot *Travizory*, i annan dimoun ki pe osi *monitor*, poudir wi Sandy Arissol ki'n antre. I annan 4 dimoun, 5 dimoun la i la sa 4 dimoun.

Mwan mon ti anvi sa garanti avek ou. Zis en wi se tou Mr Chair.

MR SPEAKER

Minister, en garanti *quick* pou Onorab.

MINISTER
DERJAQUES

ANTONY

Mon pa pou kapab dir wi, mon pou bezwen eksplike aköz. Pou lemoman, *Travizory* atraver *API* avek *PNR* i pli konekte avek lavyasyon ek bann *travellers* ki vin atraver Erport.

Ki nou nou'n fer, nou pou pe *migrate* sa sistenm pou kouver Por. E premye bato ki'n vini, nou'n nobou konn par egzantp tou dimoun ki antre lo sa bato, ki'n antre. Sa premye *cruise ship*, sa bann lekipaz *and all*. Aköz i pa'n antre avek touris, prezan ki touris pe al abor.

Alor mon kapab dir ou nou konn tou dimoun, aköz zot in vin atraver avyon. E la prezan, nou premye pei ki'n *integrate* sa *travel authorization*. Premye pei en, dan lemonn, ki'n *integrate* sa, sa ki nou apel *Travizory*, Por avek avyon.

E annefe, *it was last week* ler sa ti en sikse, mon'n tir portre mon'n anvoy kot Prezidan. E mon'n dir li en *major success*, ki prezan nou *own* en *software* ek sa kapasite pou fer li. La nou bezwen asiz dan en fason sistematik.

E kouver tou bann leres. Pa zis *cruise ship*, be bann *fishing vessels*, *long liners*, *purse seiner* ek tou bann *yot* osi, ki nou bezwen *set* sa bann kondisyon. Ki koman ou pe vin Sesel, parey bann avyon. Ou

bezwen *upload* e sa sistenm i donn bann lenformasyon.

An sa ki konsern, ou *identify* bann dimoun ki pe kas Lalwa. Wi, bann analis ki *Immigration* i bezwen asize ansanm avek *Employments study*. Ansanm avek *SMSA* e analize bokou pli byen. Dan en fason pli efikas, aköz ou bezwen mazin en sa teknolozi i an nesans. E i pe ne isi Sesel.

Ki zot kapab servi sa bann ki mon'n dir ou, ki mannyer pou *identify* bann dimoun ilegal, e *notify Immigration* avek *Employment* e dir sa boug la i pe vin *skipper* lo bann bato.

Alor ki nou, nou pe fer nou Transpor, nou pe donn maksimonm lenformasyon. Prezan si sa bann *agencies*, ki nou *feed* la parey *Employment*, *Immigration SMSA*, pou servi sa bann *data* ki nou donn zot pou zot kapab *enforce*.

Kaptenn Valmont prezan i ava dir zot, lo ki zot fer, ki zot korperasyon avek *Marine Police* prezan, avek Imigrasyon dan en fason pratik, par egzantp *Eden Island*. Mersi Mr Speaker.

MR SPEAKER

Mersi. Wi, Kaptenn Valmont. Ou kapab eksplike.

CEO SMSA CAPTAIN
JOACHIM VALMONT

Mersi Mr Chair. Zis pou azoute sa ki *Minister* in dir. Letan nou ganny sa bann lenformasyon, nou, nou travay an *close* kolaborasyon avek Imigrasyon e *Marine Police*, e an menm tan osi *Coast Guard*.

E nou'n annan resaman, nou'n nobou *pick up* serten *skipper*, ki arive zot vini zot fer premye voyaz, apre zot kliyan i ale. Zot, zot reste, savedir i montre ou poudir zot, zot pe travay *illegally* dan pei.

E o moman nou nobou atrap sa, Imigrasyon i fer son travay, e sa bann *skipper* parey i ganny deporté dan pei. Mersi.

MR SPEAKER

Mersi Kaptenn. Onorab mon krwar in ganny en bon lasirans la. Tre byen nou a pran vot lo sa Bidze. E SS, in note pou mwan, ki *the correct name* sa lorganizasyon i *Seychelles Maritime Safety Authority*.

i posib annan serten landrwa dan *Appropriation Bills* kot in mal mete, me i pou korize. Donk vot pou *Seychelles Maritime Safety Authority* lo paz, 461 ziskan 466 pou R12milyon 459mil.

Manm ki an faver lev lanmen silvouple? Tre byen, *ok*. Okenn Manm ki vot kont? Mersi. Vot pou *Seychelles Maritime Safety Authority*, lo

paz 461 ziska 466 pou R12milyon 459mil, 25 Manm in vot pour, 0 kont e 0 abstansyon. Sa Bidze in aprouve par Lasanble.

Bon me nou a dir orevwar, e mersi bann zofisye *SMSA*, Kaptenn Valmont ek Mrs Walter. E mersi pou zot partisipasyon. Mon konnen i tar, me nou annan lot delegasyon, lot group ki pe atann. So nou a bezwen pran zot, nou pa kapab fer zot retourn dan lakour san nanryen. Nou a sey gete si nou kapab donn zot son Bidze. En pti poz pou *sanitizing* silvouple.

(technical break)

SEYCHELLES LAND TRANSPORT AGENCY

MR SPEAKER

Bon byenveni bann zofisye *Seychelles Land Transport Agency*. Mr Parinda Herath, son *CEO*. E Mrs Christine Hoareau son *financial controller*. Nou a pran zot Bidze, ki lo paz 450 ziska 456 pou en total R154milyon 240mil.

Minis ou a komans avek lentrodiksyon.

MINISTER ANTONY DERJAQUES

Mersi Mr Speaker. Mon pa bezwen entrodwir Mr Herath CEO, akoz tou le semenn mon vwar son portre dan Nasyon. Pe pronmnen avek bann MNAs. Pe fer semen, pe fer trotwar. Alor mon ekspekte zot konn li byen. E i tre popiler, parmi bann MNAs akoz i vreman aktiv.

SLTA tou dimoun i konnen, e plizyer fwa mon'n vin dan sa Lasanble. Alor mon napa bokou pou azoute, lo SLTA. E Mr Speaker nou kapab al direkteman lo kestyon, avek ou permisyon. Mersi.

MR SPEAKER

Mersi. Bon mon a pran premye ki ti lev lanmen, Onorab Woodcock ou kapab komanse.

HON WAVEL WOODCOCK

Mersi Mr Speaker. Direk mon pou al, lo bann Proze Kapital anba PSIP. Annefe mon konnen ki nou'n pas, nou dan en sityasyon, nou fek sorti dan en kriz ekonomik.

E mon konpran nou annan en kontrent bidzeter. Mon kestyon i kot i konsern sa semen Pasker, Laplenn Hollandaise. Lannen pase, ti annan en sonm 5milyon, e sa lannen in redwir pou vin 2.7milyon.

E mon konnen nou bezwen zoli sonm larzan, ti'n dir

anviron R40 ekek milyon pou fini sa semen. Mon kestyon se ki, anvi ki zot pe fer sa proze, par faz, ki *timeframe* pou konplet sa proze?

An menm tan i annan sa *issue* ki nou ti fer fas avek PUC. Kot zot ti met serten obzeksyon, ki zot ti dir nou, nou bezwen *redivert* sa semen. Akoz zot annan en plan, pou en proze Laplenn Hollandaise *mini damn*, 150mil *cubic meter*. Avek en WTP, laba anler Laplenn Hollandaise. Eski, zot in annan diskisyon avek PUC, pour-

Akoz nou pa anvi ki ler nou ariv laba sa bout kot sa *water catchment* i ete. Nou ganny en blokaz. Mon dezyenm kestyon i kot i konsern - I annan en proze semen ki'n lo lalis, in vin dan plizyer Bidze.

Mon krwar depi 2018, semen Saint Sauveur, ki deservi en pti kominote, dan sa rezyon. Tou le lannen mon vwar sa proze ganny anvoye, anvoye, anvoye, la in ganny reanvoy ankor pou lannen 2023. Mon ti a kontan en garanti avek SLTA ki sa proze swa pou komanse an 2023, swa i kapab konplete *by* 2023. Mersi bokou.

MR SPEAKER

Mersi Minis.

MINISTER **ANTONY**
DERJAQUES

Mr Speaker akoz kontrent letan. Eski CEO i kapab reponn direktman?

MR SPEAKER

Wi. Yes CEO. CEO wi. Ou larepons.

CEO PARINDA HERATH

Mersi Mr Chair. Bonswar tou dimoun. Lo sa kestyon ki Onorab in demande, lo kote semen Pasker. Wi nou Bidze, in desann sorti 5milyon pou vin 2.7milyon.

E aneife mon krwar zot rapel en pe letan pase, nou'n deza vin eksplik sa proze dan Lasanble. E kou proze total sa letan, apepre 3an pase ti 46milyon. E nou ti dir toultan nou pou bezwen fer li par faz. E se sa ki nou'n fer, nou lo trwazyenm faz sa proze.

E nou, nou bezwen *design* bann faz ki nou pe fer dapre Bidze ki nou gannnen. Alors i difisil pou nou dir, kantite faz ki nou pou bezwen fer, i pou tou depan lo Bidze ki nou kapab gannnen avek Gouvernman pou sa lannen ki pe vini.

Alors avek 2.7milyon byensir i pa pou en gran faz i pou enn ase ptipti, konpare avek sa ki nou'n deza fer.

Me osi i enportan pou note ki avek sa about ki nou pou fer, avek sa 2.7milyon nou pou vin pre avek sa proze PUC ki ou'n mansyonnen. E nou an diskisyon avek PUC, nou'n anvoy zot bann *reminder* e nou pe esper zot pou *get back to* nou, avek zot proze.

E ki lalinyman zot proze. Akoz sa bout ki nou pou bezwen *design* apre sa, katriyenm faz si oule, i pou depan antyerman lo kot zot pou met zot danm si oule. Sa proze danm ki PUC pe al fer.

Alors, nou pou kontinyen fer sa bann negosyasyon avek PUC. Pou fer sir *by end of next year*, oubyen milye lannen prosenn. Zot pou bezwen donn nou zot lalinyman ki nou kapab prezan, *design* nou senkyenm faz, pou tonm 2023 ki pa pou afekte proze PUC letan i vini.

Lo kote semen Saint Sauver, *yah!* Nou pou sey nou mye pou nou kapab enkli li dan Bidze 2023. E me selman parey zot konnen, i annan en *ceiling* ki nou gannnen avek Minister Finans kot nou bezwen priyoritiz bann proze, dapre demann Nasyonal.

E mon pa kapab donn ou en garanti, Onorab. Me selman nou a diskite *internally*. E nou ava gete lo ki priyorite i tonbe pou Praslin. Mersi.

MR SPEAKER

Mersi Onorab Esparon. Minis wi. Wi Minis oule azoute?

MINISTER ANTONY DERJAQUES

Zis mon anvi azoute ki, i annan sa fristrasyon dan Minister Transpor avek *SLTA*, ki nou pa kapab bouz ase vit lo bann proze. Nou annan bann proze, en pe in ganny aprouve. Me napa Bidze, nou konpran koman Manm dan Gouvernman akoz napa Bidze.

Solman koman Minister ek *SLTA*, nou fristre, nou anvi bouze. Solman ki nou fer sak fwa nou vizit Praslin, nou al gete sa semen. E nou fer sir pe, pe travay. E dernyen *trip* ki nou'n ale, nou'n vwar zot pe travay. Sa kontrakter *is on site*, e i pe travay. E mon asire dan ou distrik en bout i dan ou distrik lot bout i kot Onorab Churchill Gill.

Zot trouve pe ganny fer, i pa'n ganny abandonnen i pe ganny fer. E keksoz pe marse. Solman i pa pe mars ase vit ki nou ti ava voudre. E mon demann zot pasyans. Mersi.

MR SPEAKER

Mersi. Wi mon ti'n apel Onorab Esparon.

HON REGINA ESPARON

Mersi Mr Chairman. Mr Chairman trwa pti leklersisman. Anba *SP1*, *programme 2*. I annan *road enlargement* North East Point Glacis.

En proze ki ti komanse depi 2018. E ti annan en 1milyon 500mil ki ti ganny mete ladan. Me la, travay pa ankor fini akoz nou ti pe esper *wayleave* anvi ki la prezan, nou'n kapab negosye *wayleave* avek propriyeter pou sa miray.

Me mon pa pe vwar alokasyon dan Bidze pou fini sa proze sa lannen. Mon ti a kontan en leklersisman lo la.

Dezyenmman i annan en sonm R150mil pou fini sa pti *bus stop* dan sant Glacis.

Mon apresye ki nou'n kapab ganny en larzan pou fer sa *bus stop*. Me *CEO* petet mon pa konnen lo ou kote, si ou kapab antre an negosyasyon avek *PUC*, pou kapab retir sa poto elektrik e sa *meter* delo, pou nou kapab konplet sa louvraz.

Parske nou'n komanse, me nou'n pri avek. Mon konnen zot in pri avek, sa poto elektrik ek sa *meter* delo ki la. Ki pa ankor tire, pou kapab konplet sa, sa travay.

E dernyerman i annan sa bus stop ki, ki ti ganny afekte

ek gro laroul kot *Rehab Center*. Kot bann zanfan *VTC* plizoumwèn, i esper, i esper bis pou zot, apre ki zot in fini lekòl. Nou ti'n menm demann en *zebra crossing*, en *raised crossing* dan sa landrwa. Mon pa pe vwar okenn alokasyon, dan Bidze pou kapab fer sa louvraz.

Mon konnen nou'n vizite, ansanm avek ou *CEO*, ansanm avek Komisyon *Road Transport Commission*. Me selman mon pa pe vwar okenn alokasyon dan sa Bidze, pou kapab fer sa *bus stop* sa lannen. Mersi.

MR SPEAKER

Mersi. Minis wi.

MINISTER ANTONY DERJAQUES

Mon a reponn premye ek *CEO* Herath i a reponn nimero 2 ek 3. Wi kot North East Point kot ou'n refer avek, mon'n vizite.

E i 95poursan konplet. Solman i annan en *issue*. Sa *issue* mon'n donn avek mon *Legal Unit*. E zot in vizite, e zot in koz ek sa dimoun ki *own* later lanmenm la. E li i annan en problem an partikilye, ki nou pe sey *deal* avek. E sa i konsern prezan en *settlement*, ouwa en azisteman. Pa konpansasyon, i pa'n demann

sa. Me en zafer *right of way* e i pou donn permisyon.

E alor mon *Legal Unit* pe drafte sa ki nesese, e an sa ki konsern sa permisyon pou nou fini li pou li sorti 95poursan pou li vin san poursan. Alor nou pe travay lo la, sa rapor fek antre. Annefe i ti antre Lendi, e nou'n vwar kot nou kapab fer sa *settlement*, sa Lagreman.

E mon'n *approve* sa ki zot in demann mwan, san mon *Legal Unit*. Prezan zot pe *act* lo la, e koman sa i ganny sinyen zot ava tourn kot *CEO*, e nou ava konplet sa semen. Mersi Mr Speaker.

MR SPEAKER

Mersi *CEO* wi. Ou a kontinyen.

CEO PARINDA HERATH

Mersi Mr Chair. Lo kote *bus shelter* wi, sant Glacis, nou pou, nou pou pe travay lo la. E nou osi nou ekspekte komans konstriksyon posibleman dan premye *quarter* lannen prosenn.

E annefe sa *relocation*, sa poto elektrik avek delo *meter* delo. Lotorite Distrik ki ti pe lyez avek *PUC*. Me si nou vwar i annan en, en problem avek sa. Nou ava fer, koneksyon direk avek *PUC*, e nou a gete o pli vit posib ki zot ava fer li.

E letan, nou, nou pare pou konstrir nou pa ganny sa bann difikilte. Lo kote *bus shelter* ki'n andomaze, North East Point. Wi sa osi i en proze ki nou pou, enplimante lannen prosenn. Annefe nou annan en Bidze, si zot gete i apel *rehabilitation of structures due to erosion*.

Sa i pou ganny *cater* anba la. Nou'n ganny serten retar akoz, ti annan en pe negosyasyon ki nou ti bezwen fer avek Minister Lanvironnman osi. Akoz i annan en gran seksyon la, kot pe ganny afekte avek lerozyon. Alors nou ti ganny serten *delay*, pou nou pa fer zis, sa pti landrwa kot *bus shelter* i ete.

Me pou enkli sa *stretch* tou dilon North East Point. E nou pou sey *cater* avek Bidze ki nou'n gannyen, pou nou kapab fer maksimonm posib laba. Alors sa *bus shelter*, avek sa bout lakot pou ganny fer lannen prosenn.

Lo kote *raised crossing* sa osi nou'n fini vizite avek *Road Transport Commissioner*. E in fini aprouve. Nou ekspekte konplet li avan lannen fini. Alors sa osi nou ekspekte ki i pou, i pou *improve* sa sityasyon *speeding* dan sa landrwa. Mersi.

MR SPEAKER

Mersi *CEO*. Mon ava apel Onorab Lemiel?

HON SYLVANNE LEMIEL

Mersi Mr Chair. Bonn apre midi Minis ankor enn fwa avek ou delegasyon.

Mon bann keston i al *comme* swivan; premyerman enn Mr Speaker avan mon demann mon keston, mon ti pou kontan remersye *CEO* Herath avek tou son bann travayer kot *SLTA*, pou bann travay ki zot in fer dan distrik Anse Royale, pou lannen 2021. Mon espere ki sa kolaborasyon e sa fason travay i kontinyen e i amelyor plis.

Mon keston i se ki ler mon pe get bann proze kapital ki sipoze ganny fer pou lannen 2022, mon vwar ki Grande Rivière i enn nou bann semen ki in fer premye faz, e mon pa vwar naryen dan Bidze 2022 ki lo kote Gouvernman ki zot, zot in mete pou nou kontiny dezyenm faz sa semen, mon ti a kontan ganny en leksplikasyon ki zistans nou ete avek proze semen Grande Rivière?

Mon konpran ti'n ganny met kot *India* pou *Grant*, so mon ti a kontan ganny en lenformasyon lo la, ki zistans sa negosyasyon i ete e si nou krwar i pou abouti an 2022?

Semen Mont Plaisir *CEO*, mon ti a kontan ganny en leksplikasyon mon pa war li okenn par i annan 3an in lo *drawing board*, la mon pa war li ditou, in ganny tir net.

Petet ti a bon nou ganny en leksplikasyon pou bann dimoun ki pe ekoute, aköz nou konnen ti annan elarzisman sa semen ki ti sipoze ganny fer e tou dernyerman, i annan serten vizit ki nou'n al fer sirtou lo teat anler kot ki en pti pe pli danzere kot nou ti pe demann serten pti elarzisman. So alor mon ti a kontan ganny en kontrandi lo ki zistans *SLTA* i ete avek semen Mont Plaisir.

Streetlights Anse Royale nou'n sanse ankor sa lannen kot nou annan Mr Frichot ki mon fek ganny kotasyon la kot nou pe ganny ankor 50 *streetlights LED streetlights*, so Onorab Arissol mon pa pou donn ou non.

Menm si *CEO* nou'n fer nou zefor nou Anse Royale nou tap laport e avek sa bann bon relasyon travay ki nou annan avek bann *businessmen* dan nou distrik nou dir mersi ankor enn fwa Mr Frichot ki in aport sa led a nou.

E *CEO* sa pou ariv R110mil sa 50 lalimyer fini *order* tou. E byento i pou ariv isi, sa i vedir en konponan ki pe

ganny ede avek ou biznes *streetlights*. Mon espere ki avek sa menm si nou 50 *streetlights*, *SLTA* pa defavoriz Anse Royale pou li kontinyen ganny son lasistans lalimyer, aköz nou distrik i ase gran nou bezwen kler partou.

So Mr Chair mon ti a kontan konnen prezan dan son seksyon *streetlights* menm lo *program 1* anba lenfrastriktir, *streetlights* mon war R9.3milyon, dan son program 3 ankor, mon war en lot 8milyon. Aköz sa 2 diferan sonm pou *streetlights*?

MR SPEAKER

Bon, nou a les li reponn Onorab, ou'n pare?

HON SYLVANNE LEMIEL

Wi Mr Speaker.

MR SPEAKER

Mersi. Bon lekel ki pou al premye la? Minis, *CEO*?

CEO PARINDA HERATH

Mersi Mr Chair. Mersi Onorab pou ou bann keston. Mon premye lo kote proze Grande Rivière *phase 2, phase 1* i, nou kapab dir i ti ganny *sponsor* par, i ti en proze *India Grant* e sa bout i nou ti ganny *sponsor* avek *India* in fini ganny fer e

nou ti vizite osi letan ti konplete.

Me selman i annan detrwa bann pti *additional work* ki nou, nou pe fer avek Bidze entern. E sa nou ekspekte konplete petet *by* Zanvyè oubyen Fèvriye lannen prosenn.

Lo kote *phase 2* nou'n fini travay o tou bann plan, tou dokiman e nou'n fini *handover* avek seksyon ki fer *tender*, kot *Procurement Oversight Unit*, e zot dapre dernyen lenformasyon ki zot in donnen zot in fini *handover* sa avek *Ministry of Foreign Affairs* kot *Ministry of Foreign Affairs* ki fer sa negosyasyon avek Gouvernman *L'Inde* pou ganny sa *sponsor*.

E anefè mon krwar letan nou ti vizite avek *High Commissioner L'Inde* e an prensip i ti dakor, i ti dakor pou *sponsor* sa dezyenm faz, e nou lo nou kote tou bann teknikalite in fini ganny konplete.

Alors *it's just a matter of the official channel* i ganny fer byen e letan nou ganny sa *go ahead* nou kapab *tender* sa proze e komanse. Malerezman i pa anba nou kontrol *SLTA* pou dir kan ki sa pou arive. Me selman mon *hope* ki *anytime next year* nou kapab komans sa dezyenm faz prose Grande Rivière.

Lo kote proze Mont Plaisir *widening*, wi i bann proze kominoter ki nou ti anvi fer pou plizyer lannen malerezman Bidze pa'n disponib e lannen prosenn osi i pa dan nou Bidze. Alors lo kote teknik nou bann teknisyen pe travay lo bann plan lo bann *survey*.

I annan en kantite bann travay pou fer pou planifye e *design* sa bann *widening* kot i posib. E sa travay pe ganny fer e mon ekspekte zot in deza ganny kontak avek Lotorite Distrik osi pou kot *wayleave* i bezwen antre akòz i annan plizyer bann landrwa ki baliz avek serten propriyete prive.

Alors nou lo nou kote nou ava prepar tou bann plan nou a met la *as soon as* ki Bidze i disponib nou ava kapab enplimant sa proze.

Lo kote *streetlights* wi i ed bokou letan bann distrik i rod zot lalimyer zot menm e nou, nou fer sa bout enstalasyon. E mon krwar i dezyenm fwa ki Anse Royale i ganny serten lalimyer. Nou lo nou kote nou annan bann kontrakter ki pare pou instal sa bann lalimyer *as soon as* ki zot, zot kapab *handover* avek nou.

E non, Anse Royale pa pou ganny afekte avek program oubyen proze ki Gouvernman i annan pou sak distrik e kot nou

pe enstal environ 17 lalimyer dan sak distrik, e Anse Royale i enn bann distrik ki *outstanding*. Mon krwar i annan 3 oubyen 4 distrik ki nou pa ankor konplet sa proze pou sa lannen.

Me selman mon bann dimoun, bann teknisyen in donn mwan en bann garanti ki avan sa lannen i fini nou pou konplet sa proze dan tou distrik. Mersi.

MR SPEAKER

Eski ou'n sey son pwen ki i annan larzan dan 2 landrwa pou *streetlights*? Likel ki kapab eksplike sa, SS oubyen *CEO*?

CEO PARINDA HERATH

I annan larzan pour *installation of new streetlights*, sa i konmsi sa proze ki nou fer dan tou distrik kot nou enstal bann nouvo lalimyer apre nou annan larzan pou pey *bill*, pou pey *bill PUC*, kouran.

MR SPEAKER

Ok, mersi. Onorab Loizeau ou kestyon.

CEO PARINDA HERATH

I dan 2 landrwa. Mersi.

MR SPEAKER

Mersi *CEO*. Onorab Loizeau ou kestyon. SS i annan keksoz pou azoute, wi ale SS.

SS PATRICK PAYET

Mersi Mr Chair. Mersi Onorab. Kekfwa zis pou konfirman ki sa semen Grande Rivière *phase 2* mon konfirman i anba *Indian Grant* ki nou'n fini soumet, Komite ti *meet* ti agree.

E nou'n fini soumet avek *Indian Government* e zot pe fer zot prosedir entern. *Once* ki zot konplete *hopefully first two months of next year* nou pou siny bann lagreman e la *SLTA* i ava komans proze. Mersi.

MR SPEAKER

Mersi SS. Onorab Loizeau ou kestyon.

HON NORBERT LOIZEAU

Mersi Mr Speaker. Bonzour Minis. Bonzour *CEO*. Bonswar, fernwanr in fer.

Mr Speaker mon osi mon pou al en pti pe lo plito *S3, S1* anba *non-financial assets*. Mon war poudir ti annan, 2021 ti annan 1.5milyon pou *widening of Curio Road*, selman dan pou 2022, '23 an montan mon pa war okenn alokasyon.

Mon anvi demande si sa proze in termin la, ouswa si i reste en pti mwenzan dan sa 1.5milyon pou zot fini sa bout

andesandan ki en pti pe pli danzere, ki zot pa'n fer ouswa mon pa konnen si zot pe fer parey Gouvernman *US* avan en loto tonm anba e apre ki zot vini, zot larzi ouswa zot met *crash barriers*? Mersi.

MR SPEAKER

Mersi. *CEO* ou ava reponn.

CEO PARINDA HERATH

Mersi Mr Chair. Bon, *Curio Road*, nou ti annan 3 landrwa prensipal pou nou *widen* e nou'n fini konplet 2 faz.

Trwazyenm faz i parey ou'n dir i *outstanding* Onorab. Me malerezman nou napa Bidze pou lannen prosenn. E osi i annan serten travay ankor bann travay teknik pou nou fer pou finaliz sa proze. Par egzanp dan sa bout ki ou pe dir ki pli *tight* menm i annan serten *wayleave* ki nesesser.

Alors nou pou bezwen travay pre avek Lotorite distrik, avek petet ou lofis pou nou kapab ganny sa bann *wayleave*, finaliz sa proze e ganny laprouvasyon *planning* dan lannen 2022 lannen prosenn e *hopefully* si Bidze i disponib an 2023 nou ava enplimant li. Mersi.

MR SPEAKER

Mersi. Wi Onorab Loizeau. Mikro, wi.

HON NORBERT LOIZEAU

Mr Speaker. Mon anvi zis dir avek Minis avek *CEO*, sa proze ti ava konplete aköz larzan i 1.5milyon pou *Curio Road* Bel Air, pou Bel Air. St Louis li i ganny son larzan, me selman kwa ki pa'n fini se larzan *Curio Road* Bel Air in ganny fer semen St Louis ki al dan gran kontour.

MR SPEAKER

Ok.

HON NORBERT LOIZEAU

Aprezan sa bout anba la i reste parey.

MR SPEAKER

E i byen danzere, se sa ki'n arive, mon priye koz pot pa ava fer sa fot ankor ler zot donn Bel Air son larzan nou fer proze Bel Air, nou pa fer St Louis. Mersi.

MR SPEAKER

Mersi Onorab. Ou'n fer ou pwen mon krwar *CEO* in fini adres sa ki nesesser. Onorab Bastienne ou kestyon.

HON DESHIELA BASTIENNE

Mersi Mr Speaker. Bonswar Mr Speaker. Bonswar Minis. Minis mwan mon pou al dan sa *speed bump* la sa *crossing* dan

Perseverance. Nou ti al fer en vizit avek Mr Wilson boner sa lannen e *speed bump* ek *crossing* ti ganny aprouve pou mete dan Perseverance.

Akoz sa landrwa dan Perseverance 1 zot servi li pou fer *speed* ant 2 ranze lakaz zot dir tou lede kote semen. Mon konnen si en keksoz pa, en *speed bump* pa ganny mete o pli vit posib swa nou pou anmas en aksidan fatal, akoz zanfan i koup semen, ouswa en loto pou antre dan lakaz en dimoun dan sa semen ant Perseverance 1 ek 2 kot *prefab*.

I vreman danzere, bokou loto pe fer tro bokou *speed*. Ti'n fini aprouve pou met *speed bump*, prezan mon pe demande si dan sa Bidze zot pou enkli Perseverance?

Limero 2, *bus stop* kot lekòl segonder Minis, sa *bus stop* kot lekòl segonder i ganny, i pa ganny servi par *SPTC* li zis i la parey en moniman. Me i plito pe ganny annan lot keksoz pli so ki pase la. *Pickup point*, *distract* zanfan segonder, anti-sosyal, Lapolis Perseverance in ganny ase ek met lord la anba sa *bus stop*.

Nou'n demande, *sorry* nou'n demande pou vin tir sa *bus stop* zot dir nou napa Bidze napa larzan, alor mon pe enplòre si dan sa Bidze zot

kapab fer sa pti, tir sa *bus stop* avan ler i tro tar. Kot lekòl segonder.

E mon trwazyenm osi mon al lo *streetlights*, 9.3milyon eski Perseverance pou ganny en pti bout ladan, vi ki pou le moman Perseverance i annan en gro problemn lalimyer e i reste dan fernwanr. Eski dan sa Bidze 9.3milyon Perseverance i annan en pti bout? Mersi.

MR SPEAKER

Mersi. Wi *CEO*, Minis pe met ledwa lo ou.

MINISTER ANTHONY DERJAQUES

Mon a zis fer en pti komanter an zeneral apre *CEO* i a *takeover*. Fodre ki Lasanble i konnen ki ziridiksyon ouswa operasyon pou sa bann semen Perseverance la i pa ankor ganny *handover* pour *SLTA takeover* fer sa bann travay, i ankor anba *Land and Planning*.

I annan sa diskisyon *at what point* ki i kapab ganny *handover*, solman prenon kont par egzanp mon'n vizite sa bann landrwa, mon'n vizite sa bann semen.

E mon'n refer lo la ler zot ti demann lo *race track* ki mon ti dir zot i annan bann semen ki pa ankor ganny proklanmen, ki pa ankor ganny son non, i pa

ankor ganny met, si non bann *speed bump* i pa ankor ganny met son siny. Akoz i pa ankor tonm anba ziridiksyon Lalwa *RTC, Road Transport Act*.

Alor i annan sa pou ganny fer, solman avan nou bezwen annan sa *handover* ki prezan nou konnen i tonm kot nou, nou bezwen proklanm sa bann semen e nou kapab fer sa bann travay.

Sa *bus stop* mon'n konsilte ek *CEO* i a koz lo la. Nou ava vin konsilte pli spesifikman ankor avek ou an deor Lasanble, nou a fer miting e nou a gete lekel sa bann osi *supporting information* ki ou annan e sa nou kapab fer li wi, nou kapab retir en *bus stop*, sa nou kapab fer.

Selman nou ava vin konsilte direkteman avek ou. Mr Speaker eski *CEO* i kapab kontinyen?

MR SPEAKER

Yes *CEO*.

CEO PARINDA HERATH

Mersi Mr Chair. Onorab pou bann *speed bump* wi nou'n diskite avek *Road Transport Commissioner* e in deza *approve* pou 2 landrwa Perseverance e sa bann *speed bump* osi nou'n deza met li dan nou travay pou sa lannen e nou ekspekte

konplet tou sa bann travay *speed bump* avan lannen fini.

Mon oule mansyonnen ki nou'n ganny en bon pe retar avek nou bann program koltar sa lannen, avek difikilte ki nou'n gannyen pou enport *bitumen*. Alors tou nou bann program in ganny *delay*. E sanmenm sa ki i annan serten bann proze ki nou'n vizite depi lo komansman lannen, me selman nou pa'n kapab delivre *until now* akoz i annan en kantite bann *back log* ki'n ranpli.

Alors nou pe sey nou mye la, nou'n ganny *bitumen* detrwa mwan pase, alor nou pe sey *catch up* avek nou program travay pou nou kapab fini sa bann proze ki nou'n promet.

Lo kote *bus shelter* parey Minis in dir wi i posibil, be ti annan en vizit ti ganny fer semenn pase, mon bann teknisyen in donn mwan en *feedback* lo la. E nou'n fini diskite *internally* e nou'n dakor ki nou ava *take up* sa travay pou *relocate* li dan en lot landrwa ki apropiye.

Lo kote *streetlights* parey Minis in eksplike, i pa tonm anba nou responsabilite pou le moman. Me selman lenstans dan lepase kot vi ki *MLUH* ti napa serten lalimyer, letan

bann lalimyer pa ti pe marse, nou'n ed zot.

E avan nou *takeover* sa *network* lalimyer ki nou'n enform zot se ki nou anvi en *thorough* lenspeksyon, annan en *study* si oule i ganny fer lo sa *network* antye avan ki *SLTA* i kapab pran responsabilite. E osi nou oule serten *spare parts* eksetera i ganny *handover* ki nou pa tonm dan en sityasyon difisil pou *maintain* sa *network* lalimyer.

Alors *as soon as* ki sa i ganny fer e sa bann semen i ganny proklanmen i ganny met anba responsabilite *SLTA*, nou pou fer en program ki mannyer nou pou *maintain* sa bann lenfrastruktir laba. Mersi.

MR SPEAKER

Good CEO. Mersi. Onorab Uranie.

HON ROCKY URANIE

Mersi Mr Chair. Mon kontan pou vwar poudir ki La Digue i annan 1milyon ki'n ganny mete pou fer bann re sirfas bann semen.

Pli boner mon'n koz avek Mr Andre lo sityasyon ki pou bezwen dan Bidze pou fer ki semen La Digue i vin an konformite pou kapab enplimant sa *point system*, *demerit point system*. I ti dir

mwan sa kestyon ti a pli bon ganny reponn par *SLTA*.

So alors mon pe demann ou sa kestyon, so ki zot anvizaze fer, e sa kalite reparasyon ki mon pe gete lo semen si pa zis bann *quick fix* sa, akoz nou sipoze fer semen pli standar, pli normal. So be ler mon pe get sa mon war li konmsi i bann *quick fix*.

E apre i annan en lot semen La Digue finisyon Grand Anse ki al lo lans Grand Anse kot plizyer touris i noye, sa i ankor later.

Mon pe demande ki zot, zot kapab fer dan zot kapasite pou fer ki sa later i, en bout sa later i vin pou Gouvernman ki kapab fer en semen beton ki ariv ziska laba ki an ka okenn *emergency* bann prosedir pou sov lavi bann kliyan i kapab ganny fer atan? Mersi.

MR SPEAKER

Mersi Onorab. *Panel*, lev lanmen sa ki pou reponn *please? Yes Minister.*

MINISTER ANTHONY DERJAQUES

Mr Speaker parey nou ti deside, *SLTA* son *CEO* i ava pran sa pwen. *PS* Andre in komans lo la e *CEO* i kapab koz lo la.

Solman an zeneral parey mon ti dir zot i annan sa proze

sewage ki pe ganny fer lannen prosenn La Digue e nou antre pre kontakte avek PUC annefe nou fek fer en miting ankor avek Minis avek son CEO e NRTC Commissioner ti la, PS Andre ti la, Mr Parinda Herath ti la.

E nou'n deside lo ki mannyer nou pou bouz devan akoz PUC pou *dig up* en bon pe semen e se SLTA ki anba Lalwa ek RTC lo standar semen bezwen pas par deryer e fer sir ki i annan en standar pou tou sa bann semen ki pou ganny *dig up* La Digue. E dan sa MOU ki pe ganny drafte ki nou'n koz lo son bann prensip.

Dan sa miting nou'n tonm dakor ki *road restoration* i bezwen ganny en *as it was before, but even go further* ki i pou ganny repara *to the satisfaction of SLTA* avek RTC. E nou'n menm al sa zistans pou nou get kwa ki'n bann Digwa i kapab kontribye dan en fason, ki kalite semen ki zot ava kontan.

E nou'n koz lo *concrete road* ouswa *road with bricks* e CEO Mr Herath li osi i pou donn son pwennvi baze lo bann kou kwa ki pli bon marse, kwa ki pli kapab *affordable* e kote sa larzan pou sorti. E pou nou *restore* tou sa bann semen La Digue nou pou bezwen apepre

R35 million pou nou *restore* tou sa bann semen par deryer PUC.

E mon kontan ki sa kestyon in ganny leve dan Lasanble akoz prezan i mon responsabilite pou mon troun atraver Gouvernman pou dir zot ki SLTA napa *R35million* pou *restore* sa bann semen la Digue. E Minister Finans pou bezwen rod en fason akoz dan sa proze PUC son CEO in dir nou ki *at the most* kekfw zot kapab annan 9milyon dan sa Bidze.

Be *still* i pa *meet the requirements* pou *restore* tou sa bann semen La Digue, en fwa PUC in fini *dig up* ek led sa bann *pipes* lo sa *sewage system* pou la Digue.

Alors sa bann konversasyon i komans la, i bon, zot ki pe reprezante, zot ki reprezentant La Digue avek pep Seselwa e mon pe averti zot ki bann *cost* pou SLTA ek bann kontrakter nou pou bezwen *cater for it*. Alor avan nou bouz devan e avek PUC ki pe travay avek SLTA ek RTC nou pou bezwen annan en konversasyon avek Minister Finans.

Mr Speaker eski CEO i kapab kontinyen? Mersi.

MR SPEAKER

Yes CEO si ou pou kapab adres ou kestyon.

CEO PARINDA HERATH

Mersi Mr Chair. Mon krwar Minis in tous lo tou bann pwen mon pou napa gran keksoz pou azout lo la ekspekte petet letan semen in fini ganny *reinstate* apre sa proze ki *PUC* pou fer, ki pou afekte environ 90poursan bann semen lo la Digue.

Nou pou fer sir ki bann lezot standar ki devret ganny mete, par egzanp mon'n tann zot koz lo *signage* avan, *signage* osi bann *road markings* i ava ganny fer ki tou bann Lalwa i kapab ganny aksyon lo la lo La Digue osi.

Zis pou mansyonnen ki nou ankor pe fer sa bann - sa letid pou gete ki opsyon ki pli bon pou La Digue. Byensir i pou osi, nou pou osi konsilte avek Lotorite Distrik e osi zot lofis Onorab pou get ki opsyon. par egzanp si *brick* oubyen beton ki ideal pou annan son *pros and cons* ki nou pou balanse pou gete i opsyon ki ideal pou La Digue.

E letan *PUC* i pe fer sa i pe enplimant sa proze posibleman i pou en proze ki pou pran plizyer lannen alors nou bezwen fer sir ki letan zot pe travay dan en seksyon semen, letan zot pe konplete par deryer zot semen osi pe ganny *reinstate* ki dimoun lo la Digue i kapab kontinyen servi bann semen.

Alors sa i en diskisyon ki nou pe fer kontinyelman avek *PUC* e nou pou fer sir ki letan proze i komanse, nou annan en *very close watch* lo la Digue pou fer sir ki annan keksoz i mars byen.

Lo kote sa semen Grand Anse mon krwar *the best way forward* ki zot fer en *request* avek Gouvernman pour ki sa proze i ganny konsidere dan *next* Bidze ki vini, *hopefully* nou kapab enkli li dan 2023. Mersi.

MR SPEAKER

Mersi *CEO*. Onorab Sandy Arissol.

HON SANDY ARISSOL

Mersi Mr Chair. Bonswar tou dimoun.

Mr Chair premyerman mon ti a kontan, mon pou siport proze semen Grande Rivière, parske mon konnen poudir sa i en vye proze ki Onorab Lemiel in koz lo la en bon pe letan dan Lasanble e mon pou donn mon *full* sipor pou asire ki i annan larzan pou sa.

Menn si i pa anvi donn mwan 10 lalimyer dan sa 50 ki in gannyen pou distrik Bel Ombre. Mon pou montre sipor pou semen Grande Rivière.

Dezyenmman mon ti a kontan dir poudir ki mon pa pe,

avek Minis ki la dan zot Bidze 1645milyon.

Mon pa pe rod en semen bouldenez 35milyon la Digue mwan, e mon pa ni pe rod en semen 27milyon parey Praslin ou byen miray ki larzan in ganny bidzeter pou Bel Air, be miray in ganny fer St Louis.

Mon sa ki mon anvi demann avek Minis, avek *CEO*, sa lannen nou'n ganny par pti kwiyer bann keksoz dan distrik Bel Ombre. Lalimyer limite, *crash barriers*, tou sa ki pe ganny demande in limite. Prezan mwan mon pe demande, dan sa 164milyon ki mon pe don zot si nou kapab ganny nou *streetlights* nou *crash barriers* laglas, drenaz.

Par egzanp semen Mont Simpson napa drenaz sirtou e Louisianne Constance i ganny afekte sak fwa gro lapli, Cameroun kot Betsy osi parey, re sirfas nou bann semen ki zot in ganny en re sirfas i annan en bann letan pase.

Mr Speaker, mon ti a kontan demann zot si i dan sa 164 milyon lannen prosenn tousala pou ganny materyalize pour ki nou distrik i vin en pe pli zoli. Nou pa pe rod plis ki sa.

Dezyenmman nou anba en proze semen Carpin ki lo plan ki pe ganny diskite pe

ganny negosye avek tou dimoun mon asire ki zot in tann lo la, letan nou a fini avek sa nou ava kapab retourn al kot zot, pou zot get ki mannyer zot kapab asiste nou. Mersi Mr Chair. Setou ki mon pe demande.

MR SPEAKER

Mersi. Minis.

MINISTER ANTHONY DERJAQUES

Mr Speaker, akoz se *Chief Whip* e tou dimoun i bezwen obeir *Chief Whip*. *CEO* i annan diskresyon akoz i annan en *fund* an zeneral osi pou preparasyon *crash barriers*. Apre dan bann travay ki par egzanp pou met *bitumen*, *SLTA* i anmas en pti larzan ki prezan i kapab servi a son diskresyon pou mentenir ek repare.

Alor mon ava demann mon *CEO* pou fer sir ki pa 100poursan, pa 37milyon, pa 27milyon, pa semen Curio Road be en pe i ganny fer Bel Ombre. E kekfw *CEO* i annan en mo osi lo la. Mersi.

MR SPEAKER

Yes *CEO*.

CEO PARINDA HERATH

Mersi Mr Chair. Non, mon napa keksoz pou azoute Minister lo la. Mon ava, parey Minis in dir

nou napa Bidze pou *take up* tou sa ki Onorab in mansyonnen, me selman lo kote *asphalting work* pou *resurface* bann semen segonder, nou annan serten Bidze e sa nou pe fer dan tou distrik dapre bann vizit ki nou fer avek Lotorite distrik.

E sa nou pou kontinyen fer li, e osi bann *maintenance work* lo tou bann lenfrastruktir ki nou annan nou pou kontinyen fer li. Me lo kote *crash barriers* nouvo drenaz eksetera, nou pou bezwen swazir posibleman de proze dan sak distrik aköz parey zot konnen Bidze i limite. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Chair. Bonswar *CEO*. *CEO* 40milyon in ganny mete dan Bidze pou semen, eski ladan sa semen Morne Blanc Sans Soucis *maintenance* pou ganny konpri ki nou ankor pe espere en pe letan.

Dezyenman kot i konsern *capital project* mon konnen poudir Gouvernman ti ante li dan serten restriktirasyon pou koup Bidze. Kan eski petet ou pe mazine nou kapab war sa dezyenm faz Port Launay Cap Ternay *road widening* la? Sa i enn.

Aprè osi sa Proze Kapital *pavement* ki i nesesite aköz semen etrwat Bellevue ziska kot *Delplace* la. Mersi.

MR SPEAKER

Thank you. Panel. CEO nou al direk lo ou.

CEO PARINDA HERATH

Mersi Mr Chair. Lo kote *resurfacing* semen Sans Soucis nou ti anvi komans sa proze sa lannen. Onorab parey mon'n eksplike taler avek bann *delay* ki nou'n gannyen, nou pa kapab delivre tou ban plan ki nou ti annan.

Me selman i deza dan nou program travay e nou ekspekte posibleman *by end of* Zanvyè lannen prosenn pou nou komans kontinyasyon kot nou'n arete. Lo kote proze Cap Ternay dezyenm faz i parey mon'n dir nou bann plan, tou bann keksoz ti deza fini prepare depi detrwa an pase me selman i annan serten *wayleave* ki nou bezwen *acquire* ki nou pa ankor konplete.

Alors petet lannen prosenn nou kapab servi ansanm avek Lotorite Distrik pou nou finaliz sa bann plan. E *as soon as* ki Bidze i disponib 2023 nou kapab enplimant li. Mon pa'n ganny sa trwazyenm kestyon Onorab si ou pa *mind*.

HON EGBERT AGLAE

Ti annan R2milyon ti ganny mete dan *PSIP* pou sa semen apre Vilaz Prezidan ti pran kot *Delplace* an vi ki semen i vremen etrwat e 2 transpor pa ti pe kapab pas obor kanmarad. So eski sa osi pou konpri ki i ti en priyorite distrik? Mersi.

MR SPEAKER

Thank you. CEO.

CEO PARINDA HERATH

Mersi Mr Chair. Mersi Onorab. Malerezman i pa *feature* dan nou Bidze pou lannen prosenn. Me mon konnen poudir nou ti'n fini fer tou bann *surveys*, bann *proper surveys* ki nesaser.

Alors sa enn osi sel keksoz ki nou kapab fer nou prepar tou keksoz, tou desen, eksetera nou rod nou laprouvasyon kot Lotorite Plan e nou kit sa bann plan parey pou enplimante letan Bidze i la. Mersi.

MR Speaker

Thank you. Onorab Romain.

HON GEORGE ROMAIN

Mersi Mr Chair. Bonswar *CEO*. *CEO* Minis mon nou profite atraver ou Minis pou mwan dir ou mersi bokou atraver *SLTA*, pou tou ou bann sipor ki ou'n donn distrik Anse Etoile. Mersi

bokou. Nou espere ki sa i a kontinyen 2022.

Ler mon regard dan *non-financial asset* mon osi mon vwar ki i annan 2 ladan ki i tonm dan Anse Etoile, me selman mon pou koz lo zis enn, lo sa *junction* kot Manresa. Mon krwar nou'n deza koz lo la *in the past* e la mon vwar napa okenn Bidze pou 2022, 2023, 2024 e sa i en mon pa konnen si nou ti'n fini sa proze, akoz sa ti vremen ler lapli i tonbe i vremen i ti *flood* en bon pe dan sa semen. Ou kapab eksplik nou en pti pe lo la.

Apre mon annan, i annan sa proze konble ki konblaz ki pe arive Anse Etoile *alongside the road*. Mon pe zis regarde si ou atraver ou Lazans ou ti okouran, mon mazine ou okouran byensir akoz zot pe dir ki pou fer agrandi semen. Sa semen, me mwan mon ti okouran ki pou agrandi kontour, akoz sa kontour ti en pri pe *tight* la dan La Retraite.

E mon pe demann ou alors *CEO* si ou pou kapab donn en pti pe lesplikasyon lo la, ki vremen pou annan swa agrandi semen oubyen pou met *pavement*. Akoz dimoun ti pe mars dan semen, lo sa bout semen kot pe fer konblaz? Mersi Mr Chair.

MR SPEAKER

Mersi. Minis nou a pas avek *CEO*. Wi *CEO*.

CEO PARINDA HERATH

Mersi Onorab. Mersi Chair. Lo kote sa proze Manresa ti en proze drenaz kot landrwa ti *flood*. Proze li menm in konplete li, me selman i annan en seksyon ki nou'n deza diskrit lo la en pti kontinyasyon ki nou anvi fer, kot i annan serten difikilte avek bann *utilities* ki deza la.

Alors nou pa'n anvi zis ale fer en keksoz ki i pa *solve* sa problem. 90poursan nou kapab dir ki sa problem delo in fini ganny *sort out* e letan lapli i tonbe nou'n obzerve ki sa bann drenaz ki nou'n fer i marse byen. Me selman i annan sa pti kontinyasyon parey nou'n konstate.

E nou pou kontinyen travay lo la, nou a gete avek dernyen devlopman lo la si nou'n ganny led avek Departman CAMS kot Minister Lanvironnman pou zot osi *involve* e *advice* nou lo ki kalite drenaz ki nou kapab fer. Eski nou pou kontinyen lo menm kote semen oubyen nou pou fer en drenaz lot kote avek en *road crossing*?

E nou bann teknisyen pe travay lo la malerezman nou

napa en Bidze pou li lannen prosenn, me selman nou ava prepar bann plan pou nou enplimant li letan nou kapab. Mersi.

Lo kote sa proze *widening* semen i pa enn ki nou pe enplimante, me selman lo nou kote lo kote *Land Transport* mon ekspekte Departman Transpor in deza *comment* lo la letan sa proze ti vini, ki nou, nou anvi *widen* sa semen e osi pou ganny en trotwar pou pyeton. So sa i nou demann dan sa landrwa e malerezman mwan mon napa okenn *feedback* lo la. Mersi.

MR SPEAKER

Yes, Minister.

MINISTER ANTHONY DERJAQUES

Ler mon ti vizit sa landrwa sa i en legzanp parey bann operater parey *PUC* zot in vini zot in vin fer zot travay, zot in kit bann *manhole* zot in kouver, solman i kot ler transpor i pas la i kapab ganny domaz, i bann landrwa koman en legzanp kot in mank sa *MOU, Memorandum of Understanding* ant *Road Transport Commission* avek *PUC*.

Mon ti trouve mwan menm kot menm si zot in *restore* dapre zot definisyon i pa

en definisyon ki mon krwar i *meet up to road worthiness*. Alor mon'n war li koman en legzanp, mon ti'n vizite, mon ti al gete. An sa ki konsern kot sa konblaz i ankor avek *Ministry of Lands and Planning* i pa ankor vreman vin kot nou.

Solman parey CEO in dir akoz nou *PS Transport* i osi lo *Planning Board*, nou asire in fer bann komanter lo *non transport*, selman i pa ankor vin kot *SLTA*. Alor i pa ankor vin devan CEO e nou pa kapab reponn vreman lo la. Mersi Mr Speaker.

MR SPEAKER

Thank you. Onorab Labonte.

HON ANDY LABONTE

Mersi Mr Chair. Bonswar *panel*, bonswar a tous. Bon mon annan 2 pti leklersisman i baze lo *PSIP*. Premyerman se mon war selman, mon konnen i annan en problem bidzeter, mon'n war i met zis 500mil pou "*maintenance of foot path within Victoria.*"

Petet si zot ti kapab donn nou en pti pe leksplikasyon si zot ki pou selekte, ki manner ot pe mazin pou enplimant sa bann proze. Apre dezyenmman ankor mon'n war 500mil ki'n ganny mete pou *disaster mitigation* pou *Castor Road*.

Petet si mon ti a kontan en pti leksplikasyon an plis lo la.

E an menm tan mon pou al anba *current challenges*. *Bullet 2* kot mon war zot annan en konsern, "*regarding delay in achieving construction in resurfacing target due to unavailability of insufficient skilled labor. And reliable machinery and equipment.*"

So ler mon pe get zot Bidze mon pa pe vwar vreman nanryen ki pe ganny mete petet lo kote pou adres sa *issue* sirtou lo kote *labor*. La mon pou pran lokazyon pou mon felisit ou e remersye ou CEO enkli ou bann travayer parey Mr Telemaque, Mr Souris, Mrs Larue ki pe fer en bon travay dan nou distrik ki annan en bon kolaborasyon nou kapab kontinyen.

Petet ler mon pe gete mon pa pe war en logmantasyon menm dan *wages and salary* apard ki *program 1* ki mon'n war in ogmant par apepre 1. ekek milyon larestan ou pa pe war naryen. So petet ki manner ou pe ganny gete pou adres sa.

Apre vi ki mon annan laparol pou terminen. I annan sa bout kit pran kort Ladministrasyon Distrik La Rivière Anglaise kot sa *roundabout* pou al Ile Du Port pou vin isi.

I annan bann zabitan annefe dimoun an zeneral ki servi sa *area* pou fer *jogging* dan apre midi ou dan aswar, zot santi ki petet i merit annan en pe latansyon akoz sa bann ros i pe degrade. So mon pa konnen petet lo ou kote ki mannyer ou pe adres sa? Mersi CEO.

MR SPEAKER

Thank you. CEO wi, go ahead.

CEO PARINDA HERATH

Mersi Mr Chair. Mersi Onorab. Ok lo kote sa R500mil pou *maintenance of foot paths in Victoria* wi, sa nou bann teknisyen pou fer bann lenspeksyon dan lavil e nou deza annan detrwa landrwa ki'n ganny idantifye kot *footpath*, trotwar in ganny andomaze e in ler pou refer en sirfas lo la.

E byensir sa Bidze i pa enn ki, i pa en gro Bidze kot nou kapab fer en kantite louvraz, me selman nou pou *make do* avek sa ki nou annan pou lannen prosenn nou ava swazir bann landrwa ki pli priyorite.

Lo kote *Disaster Mitigation Project Castor Road* wi i annan en landrwa oubyen 2 ki nou'n idantifye lo *Castor Road* sa *retaining wall* ki pa lo bon kondisyon.

E nou bann enzenyer ki'n vizite ki'n fer lenspeksyon in

enform nou, ki nou devret fer serten louvraz pou fer sir ki i pa tonbe. Alors sa larzan ki la i pou fer serten travay reparasyon lo sa miray.

Lo kote English River *roundabout* avek sa bann semen *around* la, nou annan en proze ki nou'n deza *submit* avek Lotorite Plan pou *widen* sa bout semen devan ant sa 2 *roundabout* si oule e osi en seksyon ki al kot Lasanble Nasyonal annefe. E sa ki ou pe dir sa bann *improvement* lo sa seksyon semen pou ganny *cater* anba sa proze ki la.

E malerezman i pa dan Bidze lannen prosenn, me selman i en plan ki'n fini prepare annefe e nou pe esper laprouvasyon. E nou ava gete letan Bidze i disponib nou ava enplimant li.

Wi, enn bann *major challenges* ki nou annan se bann *delays* ki nou gannyen avek *skilled labor*. E sa i pa zis lo kote *Land Transport*. Avek sa sityasyon COVID nou'n war ki plizyer bann kontrakter ki nou fer bann kontra avek, in al rod bann kontra avek zot osi zot in ganny sa problem, kot zot napa ase dimoun pou delivre lo *timeline* ki nou, nou ti anvi.

E lo nou kote osi nou annan en kantite zenn ki'n antre dan travay sirtou kot

seksyon koltar, e mon krwar i en pwen ki nou'n deza koz lo la plizyer fwa dan Lasanble lo kote *quality* louvraz ki ganny fer lo semen. E malerezman i pran letan, i pran letan. E *skill* i vin avek leksperyans travay.

Alors sa ki nou pe sey dir la e avek letan sa bann dimoun ki pe travay avek nou si zot kontinyen dan sa travay e zot *follow* bann lenstriksyon e osi bann *advice* ki ganny donnen par nou bann vye travayer ki nou annan, ki detrwa ki ou'n nonmen zot ava vin bann *skillful workers in future*. E se sa ki nou anvi pour *Land Transport*.

Lo kote *machinery and equipment* anba *minor capital* - Bidze *minor capital* i annan serten larzan ki'n ganny mete. E nou pou fer serten diskisyon *internally* pou deside ki bann lekipman ki nou bezwen, koman priyorite pou nou kapab kontinyen avek nou travay *asphalting work, resurfacing* bann semen eksetera.

E avek sa Bidze ki nou annan nou ava deside priyorite pou lannen prosenn. Mersi.

MR SPEAKER

Mersi. Minis.

MINISTER ANTHONY DERJAQUES

An sa ki konsern *equipment* mon ti al gete Praslin e premyerman mon anvi *congratulate* travayer ki mon'n war zot pe travay e zot pe servi sa bann *machinery*.

Mon kapab dir ou ler mon get sa *roller* mon ti krwar in fini park dan en landrwa e in fini vin en - i telman vye mon ti pe demann kestyon eski i kapab roule? E son *supervisor* Praslin ti riye ti dir mon wi, ennler i *start* ennler pa *start*. Solman zot pou bezwen servi li.

Ler mon get sa *roller* menm kot i met son petrol ek son delo i *open*, e ou konnen mannyer an Angle nou dir, i pe *operate* lo en *shoestring* e ki tou keksoz i konekte avek kekfw bann lakord? I koumsa li. I telman vye i ansyen e mon *congratulate* sa bann travayer avek *SLTA* ki zot ankor pe travay avek sa.

E mon asire Onorab Gill ek Onorab Porice i kapab dir nou ler zot in pase zot in gete ki mannyer kekfw zot osi zot in etonnen, ki sa bann lekipman i ankor pe ganny servi apre 50an, 40an menm lekipman. E napa okenn *investment* ki'n vremen ganny fer dan sa bann lekipman.

Alor mon pe *look forward* ki avek sa relevman dan nou lekonomi nou kapab donn

adekwa lekipman avek *training* pou bann travayer *SLTA*, ki pe fer en bon semen. E nou target pou Praslin se pou sorti kot *Black Parrot* kot Coco De Mer pou vin toultour pou vin kot Baie Ste Anne e mon war ki bann travay ase byen in fini ganny fer e selman nou pou bezwen fer tou sa bann semen lo Praslin.

Alor nou target se donn pli bon lekipman, donn *training* e an menm tan pou apresye sa travay ki pe ganny fer Praslin. Mersi Mr Speaker.

MR SPEAKER

Mersi Minis. Onorab Gill mon ti pe al pas kestyon kot ou. Me selman konmsi Minis in fini reponn non? Ou ankor annan kestyon?

HON CHURCHILL GILL

Annefe mon kontan ou'n fer sa komanter aköz nou Praslin nou ti a kontan ler nou ganny nou lekipman i nef, pa sa bann ki'n deza servi.

Bon premye kestyon Minis se dan sa miting ki nou ti fer 6mwan pase, mon ti met dan ou latansyon konsernan sa *junction* dan santral Baie Ste Anne. La ki sa proze lasose pe al demare lannen prosenn, e en keksoz ki bezwen ganny fer la

pou donn direksyon lekel priyorite lo kanmarad.

E mon kestyon se ki si eski i annan serten travay ki'n komans fer lo la ki en mannyer ler sa proze laba i a fini sa travay laba osi i a fini?

Dezyenm kestyon se Salazi, sa lannen ti annan R1.7milyon ki ti'n mete pou *road enlargement* e la nou Desanm, mon ti a kontan ganny en *status* avek *CEO* ki pe arive la aköz lannen pe al fini?

E mon dernyen konsern se i annan sa semen laplenn olandez ki Onorab Grand Anse Praslin in met devan, *CEO* mon krwar ou pou rapel nou'n fer miting 2an edmi pase avek *PUC* ansanm ek bann *MNAs* Praslin e ou bann zofisye.

Kot nou ti fer diskisyon konsernan sa danm, aköz ti annan en retar ki sa ti pe koze e la ozordi ki ou ekspekte lannen prosenn petet *PUC* i a kapab fer sa *alignment* pou pa met retar sa travay pou lo sa semen.

Mwan mon krwar Minister i en pe tro bokou letan apre 2an ki nou'n fer miting nou pa pe esper ankor pe esper *alignment* ozordi. Mon pe demande ki petet ou *take* sa *up* pou nou kapab, la ki zot pe fer sa lot faz, en mannyer ler zot fini sa faz *PUC* in fini ganny adrese e

semen pa a ganny retar i a kapab ganny fer parey in ganny *schedule*. Mersi.

MR SPEAKER

Mersi. Minis a reponn.

MINISTER ANTHONY DERJAQUES

Mersi Mr Speaker. Premyerman lo sa *junction* Baie Ste Anne. Annefe nou'n fer sa miting Lendi apre midi, en dernyen miting nou'n anmenn Port-, *SLTA*, *PS* Andre, e non pa *PS* Andre, *RTC Commissioner* ki ti la, avek Por. pou por ou ti anmenn Mr Laport *PS* Andre ti la, *CEO* in *remind* mwan.

E nou'n tonm dakor ki nou'n konklir a lafen se ki bann teknisyen i pou bezwen fer en *survey* osi pou get *load* ki pas lo sa semen.

Nou pou bezwen pran kont sa lot *roundabout* ki pre. Akoz an teori ou pa sipoze fer 2 *roundabout* pre avek kanmarad, deza i annan enn pli lwen, pou pre avek Baie Ste Anne pou al kot *service station*, apre *SPA*.

Mr Laporte i bezwen donn nou son *concept* ek son *passenger load* ki pe vin atraver Maritim pou *passenger ferry* pou nou konnen ki mannyer egzaktaman son grander.

Par egzanp si bann gran konminyon ki pou pran la,

roundabout i bezwen pli gran, akoz pli gran kanmion i bezwen pli gran lespas pou fer vire. Be si pou napa bann gro konminyon ki pou vin la e i pou pirman *passenger* e pa *cargo* ki pou sorti dan sa pti semen ki nou'n fini fer ki'n fini met *tarmac*.

Alor sa rapor i bezwen ganny fer savedir sa *study* i bezwen ganny fer. Nou osi nou'n pran kont ki nou pa bezwen fer li sa mwan, oubyen mwan prosenn akoz sa *passenger ferry terminal* pa ancor ouver. Akoz nou pe al fer son *headquarters* ki nou'n fini koz lo la sa lannen ki pe vini.

Alor nou pe fer tou bann *analysis*, bann teknisyen pe travay lo la e dernyen miting pou donn sa direksyon ek sa bann prensip nou ti fer li Lendi apre midi.

Ant sa ki konsern *PUC* avek Salazi avek sa danm wi, nou, nou pe travay nou, nou, nou pre pou ariv laba, nou pou ariv laba dan detrwa mwan e nou pou bezwen asiz ancor avek *PUC* ek son Minis. Minis Lanvironnman.

Ki ansarz *PUC* i tonm anba son portfolyo pou dir zot pou zot dir nou kan ki zot pe al fer sa? Ki zot bann *area*? Ki zot *catchment area*, pou nou kapab *plan* avek bann enzenyer ki

manner nou pou koupe, ki manner nou pou fer sa 2 bout zwenn.

Nou pa pou kapab kontinyen dir nou ki proze pa ankor bouze, *concept* pa ankor finalize, ki bann papye pa ankor formen. Nou pou bezwen annan en sans direksyon avek *PUC* e nou pou bezwen fer sa miting. Akoz nou pre pou ariv kot zot la. Mersi Mr Onorab e nou ava fer li o pli vit posibil. Mersi.

MR SPEAKER

Mersi Minis. Onorab Mondon ou kestyon. *CEO* i annan keksoz pou azoute avan? Ale *CEO* annou fer li vit *please*.

CEO PARINDA HERATH

Mersi Mr Chair. Zis pou azoute lo kote Salazi, wi nou ti annan en proze ti *ongoing*, me i enn bann proze ki sa lannen nou'n ganny en kantite retar avek. Sa kontrakter menm in ganny en kantite retar avek *manpower* e osi lezot resours parey materyo lo Praslin.

Petet en pwen zeneral Mr Chair ki mon oule dir se, ki bann *delay* ki nou'n gannyen avek bann poze lo La Digue avek Praslin i annan en gran kosyon pou fer avek *sort of* bann materyo ki pa *available on time*, e osi bann *quarries UCPS*

avek *CCCL* ki pa ti pe marse pou en pe letan.

Alors menm nou bann travay koltar, *resurfacing* in tarde akoz sa, akoz nou servi en kantite bann makadanm diferan grad pou nou fer koltar. Sa i enn bann proze Onorab ki'n ganny en kantite retar.

Alors nou an diskisyon avek sa kontrakter, nou pe sey met presyon maksimonm posibil pou li fer en travay *at least 90* poursan sa proze *by the end of this year*.

E nou ava *request* avek Finans ki nou ava *retain* en *cheque* petet ziska Zanvye, Fevriye si posibil, pou nou kapab servi sa larzan ki *available* anba sa proze pou nou kapab pey pou sa travay. Mersi.

MR SPEAKER

Thank you. Yes Minister. Annou, Minis wi ou a fini.

MINISTER ANTHONY DERJAQUES

Zis pou finaliz lo la, dernyen kontak mon'n annan yer avek *UCPS* in dir mon koi zot *quarry* Praslin i *at full capacity*, alor bann materyo pou Praslin atraver *UCPS* i *ok*.

E Prezidan ti fer miting avek tou lede *State House UCPS* avek *CCCL* sa semenn e sa osi

in *motivate* in bouze ki tou lede prezan pe ariv sa nivo - 100poursan. Selman pou *UCPS* mon'n tyeke direkteman pou zot in ariv 100poursan pou *CCCL* mon pa ankor verifye apre sa miting avek Prezidan ki zot in fer. Mersi.

MR SPEAKER

Thank you. Wi Onorab Mondon ou kestyon?

HON TERENCE MONDON

Mersi Mr Chair. Mon premye kestyon mon'n anvi ganny en solisyon ansanm ek *SLTA* petet SS Payet, ou konnen nou Bidze kominoter i vremen minim. Me mon annan en landrwa Takamaka kot bann dimoun pe esper semen pou plis ki 20an me i annan plan ki'n pare, me ozordi nou annan 2 dimoun parmi bann zabitan ki pe viv lo en kote lipye.

Sityasyon i vremen difisil. Mon pe gete si nou kapab rod en solisyon konzwent, petet sa pti Bidze kominoter avek *SLTA* petet SS Payet ava ganny en pti pe larzan parla ankor petet pou nou kapab i pa en gran proze i pa sote R1milyon ;- petet pou nou anmenn en solisyon 2022 olye esper 2023.

Akoz sityasyon sirkonstans mannyer i ete mon ti a kontan gete si zot kapab

petet nou travay ansanm, rod en solisyon. Petet bann dimoun osi dan kominote i pare pou donn en koudmen petet nou kapab anmenn en solisyon pou sa bann dimoun.

Dezyenmman nou annan en kontour danzere dan sant Quatre Borne, *CEO SLTA* i konnen resaman ti annan en trailer ki ti tonm lo kote ti pres pou kraz en lakaz, akoz sa semen i vremen etrwat. E anba zot Bidze *CEO* eski nou kapab fer en keksoz lannen prosenn pou sa landrwa?

Petet ou a dir mwan ki ou annan kwa ki posib pou lannen prosenn, e trwazyenmman mon oule remersi *SLTA* pou met en provizyon R200mil pou met *crash barrier* Maravi, mon krwar sa i pou en soulazman ou konnen Maravi i en landrwa danzere i en lot soulazman pou bann motoris ki servi sa landrwa mon a dir mersi.

Petet mon pa konnen ki pou arive avek sa me selman nou kapab kontinyen, lo 2023 osi. Mersi Mr Chair.

MR SPEAKER

Thank you Onorab. Minis wi.

MINISTER ANTHONY DERJAQUES

Mon'n konsilte avek *CEO* e nou tou lede nou napa se

lenformasyon lo ou premye kestyon, si ou ti kapab bokou pli spesifik. Ouswa si ou ti ava apros mon biro ouswa pou CEO, pou dir nou avek plis detay lo ou premye kestyon. An sa ki konsern nimerò 2 ek 3 CEO i kapab reponn.

MR SPEAKER

CEO wi.

CEO PARINDA HERATH

Mersi Mr Chair. Onorab ki mon sizere petet nou kapab organiz en *site visit* pou nou idantifye, apre mon ava anvoy en lenformasyon kot Minis avek SS Payet lo kote kou, pou get ki i annan posibilite pou sa proze ganny konsidere.

Lo kote sa *bend* ki ou pe dir, sa *dangerous bend*. Annefe nou ti annan en *Code* ki apel *Improvement of bends*. Me malerezman pou lannen prosenn nou napa en Bidze anba la. E i annan en kantite sa bann kontour ki pa lo standar oubyen ki demann *improve* e nou pe travay lo la dousman, dousman. E *hopefully* letan Bidze i disponib nou pou kapab enplimant li.

Nou pa ankor komans travay lo sa enn ki la petet lannen prosenn nou kapab komans fer bann desen ki

neseser e met li pare pou bann lannen ki pe swiv. Mersi.

MR SPEAKER

Konmsi i annan en kestyon dernyen ki pa'n ganny reponn. *Sorry*, Onorab Mondon ou'n satisfè? Bon nou kontinyen.

HON TERENCE MONDON

Ok, non mon retourn lo premye kestyon Mr Chairman, akòz Minis in dir napa lenformasyon zis pour met li dan *picture*, sa i ti en proze kominoter, *I mean* anba Gouvernman Lokal. I annan en dosye. I annan en *tender* ki in deza fer me selman avek *COVID* i pa'n *proceed*.

Me selman kot Bidze avek *COVID* ki nou ti napa ki in mete aprezan sa proze pa'n kapab materyalize.

Aprezan mon anvi gete kote nou kapab rod en solisyon, petet met resours ansanm pou nou kapab anmenn li ansanm. Mon kontan ki *SLTA* in pare pour nou fer en travay lo la. Mersi.

MR SPEAKER

Wi, parey in dir nou ava anvoy detay kot li e i a regarde ki manner i kapab apros Minister Finans. Kot nou ete la? Onorab Monthy.

HON PHILIP MONTHY

Mersi Mr Chair. Rapidman kestyon pou CEO tou dabor mon osi mon oule remersye ou CEO pou lafason ki ou enplike dan distrik e la fason ki ou Lazans pe travay.

E nou ti fer en vizit dan distrik ansanm e i annan en serten proze ki nou ti idantifye. E i annan en morso *pavement* dan en morso semen Petit Paris ki i en morso semen en pe danzere. So mon ti oule konnen si sa i pou *feature* dan sa Bidze pou lannen prosenn?

Sa menm landrwa ki ti annan en drenaz ki ti kase lannen prosenn avek gro lapli Desanm lannen pase kot lafanmir Pothin ki sipoze ganny repare avan lannen i fini, si ou kapab donn mwan en *update* lo la.

E apre mon'n tann ou dir pou annan omwen en 2 proze drenaz pou sak distrik. So si proze drenaz Parson Estate ki nou ti'n vizite i posibleman ava ganny konsidere. Mersi bokou.

MR SPEAKER

Thank you. Panel nou al lo CEO.

CEO PARINDA HERATH

Mersi Mr Chair. Lo kote sa proze trotwar avek drenaz ki nou ti vizite, e i nou ti war ki i en proze ki vreman *urgent* aköz i pe afekte sa delo ki *overflow*. I

afekte bann propriyete pli ba. E nou'n fini travay lo tou sa proze e nou'n anvoy kot *Procurement Oversight Unit* e nou pe espere pou nou *tender* sa proze.

Malerezman kot nou'n arive posibleman nou pa pou kapab konplet sa proze sa lannen. Me vi ki sa i en proze ki vreman ki pa pou kapab ganny konsidere koman bann *very urgent* aköz lefe ki pou annan dan letan gro lapli lo bann propriyete prive. Nou pou fer en *request* kot Minister Finans kot si pou annan posibilite ki pou ganny konsidere dan *Contingency Fund*.

E si sa i posib nou ava gete pou enplimant sa proze sa mwan Desanm ki pe vini e petet *hopefully by mid-January* oubyen Fevriye, proze i ava kapab konplete. Lo kote 2 proze drenaz dan sak distrik, i pou tou depan lo grander proze avek Bidze ki pou annan. Parey si zot get dan nou Bidze i napa spesifikman en Bidze pou bann gran proze.

Me selman nou annan en Bidze mon krwar R1.5milyon pou *drainages along primary road* ki nou kapab enplimant serten proze nou ava fer li.

Me selman menm si mon ti mansyonnen 2 proze dan sak distrik, i pa vedir neserman nou pou kapab fer 50 proze

drenaz lannen prosenn. Si i annan en proze ki vremen enportan ki i pran mazorite sa Bidze ki nou annan. Malerezman bann lezot distrik pou bezwen esper 2023 pou bann lezot proze drenaz. Mersi.

MR SPEAKER

Mersi. Avek sa nou a pas lo Onorab Cosgrow.

HON WALLACE COSGROW

Mersi Mr Chairman. Mr Chairman de kestyon vitman. Annefe mon kestyon pou osi enkorpor kestyon Onorab Vidot ki pa la apre midi.

Mon premye kestyon i konsernan mon war 2, *line* dan Bidze kot Plaisance *roundabout* apre en *lane* Roche Caiman.

Eski *CEO* i kapab konfirman si sa i enkorpor sa *third lane*, e ki ti'n ganny *plan* depi en pe letan pou sorti depi Plaisance *roundabout* ziska *roundabout* Roche Caiman kot *Victoria Service Station* en pti pe obor *Palais des Sports* la si ou kapab konfirman, eski ou kapab agrandi semen kot Plaisance *Roundabout* la *going towards* Roche Caiman?

Dezyenm kestyon, eski *CEO* i kapab dir nou petet bann distrik petet ki pa'n benefisy evek bann proze *maintenance* an 2021? Eski pou annan en

priorite 2022 sirtou ou pe koz pou distrik Roche Caiman, la ki lalis *DA* ek *MNA* in deza *submit* avek zot e *MNA* in dir mwan remersi ou osi pou bann repons vitman ki zot donner ler i kontakte ou, sirtou avek bann *issue* lalimyer dan distrik. Mersi.

MR SPEAKER

Mersi. *CEO* wi ou adrese?

CEO PARINDA HERATH

Mersi Mr Chair. Wi Onorab annefe sa proze Plaisance *roundabout* ki nou annan en Bidze 4.8milyon i enkli sa trwazyenm *lane*, ki sorti kot *roundabout* Plaisance ki desann kot bazar i ete avek pou al *join* avek sa *roundabout* Roche Caiman.

Li menm li sa proze, e annefe sa proze in fini komanse *onsite* e kontrakter pe travay an se moman. Mon'n fek pas laba bomaten pou zis fer en vizit. Lo kote sa *new lane* Roche Caiman li menm li sa proze ki taler apre midi *PS* Andre ti eksplike sa *widening* ki nesese lo sa pon obor *VTS*, pou tir sa *bottleneck* letan sa 2 *lane* i vin antre lo en *single lane*.

Alors sa osi nou ekspekte komanse *early next year*. Lo kote Roche Caiman avek bann proze *maintenance*, mon krwar

tou distrik letan zot kontakte nou, nou sey nou mye pou nou al vizite, gete e enplimant oubyen *take up* bann proze oubyen bann *issues* ki leve. E Roche Caiman osi nou'n fer serten travay.

Nou pou - nou fason travay nou pa pou kapab zis dir vreman ki lannen prosenn nou pou travay dan serten distrik ki pa'n benefisyè sa lannen, akoz tou distrik in benefisyè letan nou organiz nou program travay nou bezwen get li dapre nou priyorite.

Si i en keksoz ki irzan nou kapab *take up* deswit e depan lo Bidze osi ki *available*.

Alors tou distrik nou pou fer bann vizit nou pou diskit avek bann *DAs* ki bann louvraz ki zot annan, apre nou *internally*, nou pou bezwen organiz nou bann program travay dapre resours ki *available* pou nou.

Lo kote lalimyer osi wi, nou pou kontinyen fer bann *maintenance* lo lalimyer dan tou distrik e nou annan environ 5 kontrakter ki bann kontrakter prive ki pe fer sa bann travay pou le moman, e nou ekspekte ki lannen prosenn nou pou kapab *speed up* en pe avek sa travay ki nou annan en Bidze ki ase signifikan pou nou travay avek lannen prosenn. Mersi.

MR SPEAKER

Mersi. *Sorry* lo kote isi la kote Onorab Adelaide, lekel ki ti lev lanmen? Tou lede ti'n deza lev lanmen? *Ok* Onorab Bistoquet.

HON ROSIE BISTOQUET

Mersi Mr Speaker. Minis anba *P2, SP1 'road project'* mon kontan pou war i annan sa *pre-lane* e sel kekyon mon oule demande lo la se kan pou komanse, kan i pou fini?

Apre mon pa'n war naryen anba zot *maintenance plan for safety* pou koup dibwa dan bor semen. Sirtou la letan lapli pe vini. E nou konnen poudir Pointe Larue in deza annan sityasyon kot dibwa in tonm lo transpor dimoun in kraze e menm, gran mersi pa'n ariv aksidan fatal.

E sirtou bann pye dibwa ki lo propriyete prive pour ki i afekte semen piblik ouswa semen segonder? Mersi.

MR SPEAKER

Mersi. Minis wi.

MINISTER ANTHONY DERJAQUES

Mersi Mr Speaker. Lo *third lane* Pointe Larue nou'n osi fek fer miting ankor lo la, nou kontan nou annan 5milyon.

Kantmenm nou estimen pou pran apepre 9milyon pou nou ariv kot nou'n planifye kot apepre kot UCPS, desot UCPS. M on'n fini demann CEO pou komans son bann planifikasyon, fer krwar sa larzan in fini antre solman mon ti a kontan di zot vot an faver prezan i dan en fason ki reel pou CEO pou li *launch* tou son bann travayer pou komans lo la.

Mon'n menm dir li sey enplimante, fini sa 5milyon avan Zilyet kot nou kapab demann SS Payet dan *budget review* donn nou ankor enn de milyon ki nou a fini sa *third lane* sa lannen. E si *Chief Whip* i *whip* tou dimoun mon asire nou kapab ganny en pe plis ki sa 5milyon sa lannen akoz i enportan.

Akoz mon osi mon pran sa semen mon *eye witness*, mon war. SPTC i transport apepre 50 milyon dimoun tou le zour li, i a se moman la i 44, solman i pou ariv 50mil byento. E tou dimoun pas la e si nou kapab fer ki en travayer en biznesmenn i pran 35minit pou li sorti Anse Aux Pins pou li ariv anvil i sot sa lot 30 minit ennler parfwa sa lot 40 minit, pou li antre dan son travay i en *saving* pou popilasyon pou lanasyon.

Menm parey sa lot *lane* ki nou pe gete kot VTS, kot STC kot annefe i pa zis 2 *lane* ki vin enn apre ki e ouver avek 2 *lane*. I annan en lot *road* ki sorti direkteman Roche Caiman alors i fer ki i annan 3 semen annefe ki vin en semen, apre i re ouver avan sa *roundabout* pou vin 2 semen, e i en *bottleneck* ase serye.

Alors si nou kapab *tackle* sa 2 *lanes* enn obor STC avan sa *roundabout* e lot Pointe Larue nou kapab debous en pe sa bann *traffic jams* ki'n vin en *nightmare* pou en kantite de nou ki pran sa bann semen dan bomaten e aswar. Mersi Mr Speaker.

MR SPEAKER

Mersi Minis. Onorab Adelaide prezan.

MINISTER ANTHONY DERJAQUES

I annan en lot kestyon lo pye dibwa kekfwa CEO.

MR SPEAKER

Anr lo pye dibwa. Wi CEO.

CEO PARINDA HERATH

Mersi Mr Chair. Zis pou klarifye Mr Chair ki *Land Transport* nou dil avek bann pye dibwa letan in fini tonm lo semen, sa ki petet zot war ki nou aksyonn lo sa

bann *issues* en pe vitman. Letan in fini tonbe in blok semen, nou annan nou bann kontrakter ki nou anvoye vitman pou debloke.

Me selman Minis in eksplike taler apre midi ki sa travay pou koup bann pye dibwa ki danzere oubyen koup bann brans ki danzere i pa avek *SLTA* i tonm anba *LWMA*, anba Minister Lanvironnman. Nou, nou dil avek okenn keksoz ki blok semen, parey si i annan ros ki tonbe, bann *landslide* eksetera.

E osi i annan sa Bidze ki *Local Government* i sipoze annan pou dil avek sa bann *issues* pye dibwa, lateras eksetera ki tonm an deor semen ki afekte bann kominote kot bann lakaz eksetera. Mersi Mr Chair.

MR SPEAKER

Mersi *CEO*. Onorab Adelaide wi.

HON FRANCOIS ADELAIDE

Yes, Mr Chair. *CEO* Herath mersi bokou parey tou mon bann Manm in dir. Mon pou vitman.

Minis vi ki Baie Lazare i en distrik touristik e laplipar nou bann zabitan i annan bann zoli loto e nou semen i en pe dan bann en pe leta en pe deplorab, mon konnen i annan sa zafer

West Coast Development. Me solman pou zot lenformasyon eski zot kapab dir nou apepre kan ki semen Baie Lazare pou ganny re sirfas pou nou kapab ganny sa *smooth running*?

Apre dezyenm se lo kote *overhead crossing*, ki bann landrwa ki pou annan silvouple? Mersi.

MR SPEAKER

Mersi. Minis wi.

MINISTER ANTHONY DERJAQUES

Mersi Mr Speaker. Parey *PS* Andre, mwan menm pli boner nou'n eksplike ki'n ariv sa staz kot pe al dan *tender* e *PS* in bokou pli spesifik lo la. Kot mon'n azoute, mon'n azout pa zis pou Baie Lazare be pou Anse Boileau.

Pou Baie Lazare larzan i la, *funding* i la e prezan nou pe bouze, nou'n ganny sa vizit tou dimoun enkli ou ti la nou'n al get sa semen. Annefe nou'n marse Anse La Mouche ziska Baie Lazare ansanm e nou'n get tou sa ki nesaser.

Alor parey ou konnen ti annan bann problem lo bann pon, lo bann *bridge* e parey *PS* bomaten, taler in dir apre midi boner ki sa bann *design* in fini ganny *updated* alor se senpleman prezan pou parey in

dir pou al *launch* sa *tender* pou fer sa *bidding* e kontrakter i kapab fer li.

Mwan mon pli pe *push* osi pou Anse Boileau akoz mon oule fer en sel. Alor Baie Lazare kot *Police Station* ziska dan bout Anse Boileau menm kontrakter *hopefully* i ava fer an antye. Pou Baie Lazare i garanti, pou Anse Boileau zot in vini bann ti'n sorti *Abu Dhabi* in vin gete an prensip zot aksepté.

Solman mon bezwen sa *next step* ki *PS* i an direktman kontak avek zot reprezantan ki in nonmen mon krwar Mr, mon pa ava dir son non la. Solman ou konn li i ti form parti i ti mars ek nou sa zour pou al get tou sa bann detay dan sa semen Baie Lazare, li ki bezwen donn nou the *final go ahead* ki in ganny aprouve pou Anse Boileau.

Selman pou Baie Lazare i reste zis bann teknik, savedir pou konfirm sa dernyen azisteman dan sa bann plan apre pou fer sa *bidding* parey *PS* ti dir pli boner ozordi. Alor ou pou gannnen ou semen, ou pou pas byen lo la.

Nou pe fer sir ki *SLTA* avek *RTC* pou fer sir ki standar i bon, e fotespere ki *PUC* in fini pase, bann lot akter in fini pase. Pou napa okenn *digging up*.

Alor nou ava ganny en semen ki bon, ki a ot standar kot bann *widening* nesaser i ganny fer kot pon i ganny *reinforce*, kot nou'n pran kont osi kote *pavement* pou été. Parey ou'n osi sizere ou'n donn nou bann *advice* nou'n pran kont tou sa ki ou'n dir e ou'n met li dan sa plan. Alor nou pou fer li vin en realite. Mersi Mr Speaker.

MR SPEAKER

Mersi Minis. *CEO* wi.

CEO PARINDA HERATH

Mersi Mr Chair. Pou dezyenm keston lo *overhead crossing*. Bon, nou ti annan nou 5 landrwa priyorite ki ti ganny idantifye, sa i kot *hypermarket* i ete lo Bois de Rose kot *roundabout*, nouvo *roundabout* English River kot zis apre lekol English River, Roche Caiman *either* obor *roundabout* Roche Caiman oubyen en pe pli lwen kot bann dimoun i koupe pou al lo *trail*. E lot landrwa i Providence obor *roundabout* avek obor *roundabout* *Eden Island*.

Sa i bann landrwa priyorite pou bann *overhead crossing* ki ti ganny idantifye 2an pase pou nou fer. E in bann kriter ki nou'n servi se bann landrwa kot i danzere pou

manm piblik e kot nou war i annan en kantite bann pyeton ki koup semen.

E osi bann landrwa ki afekte trafik pou nou kapab separ pyeton avek trafik ki trafik i kapab *flow* san arete pou redwir en pe sa bann konzasyon trafik. Mersi Mr Chair.

MR SPEAKER

Mersi *CEO*. Wi Onorab Pillay ou kestyon.

HON SEBASTIEN PILLAY

Mersi Mr Chairman. Mr Chairman mon pou komans lo kote Anse Etoile. Eski ou kapab dir nou dan Bidze i annan sa proze ki pe *actually go on* Anse Etoile la kot i annan en konblaz ki pe ganny fer. Eski *SLTA* in *involve* avek sa proze dan okenn fason *regarding* sa kontour?

Mon krwar zot konnen kote mon pe koze sa kontour ki annan en *blind spot* ki ganny kree ler i pase. Eski *SLTA* i *involve* ek sa? E si ou swiv sa bout semen devan kot i annan delo toultan ki reste si transpor i pas vit sa delo i *end up* dan lakour sa bann dimoun ki reste lo sa *stretch* semen.

Prezan mon ti a kontan demann *CEO* anba ou Bidze eski i annan en fasilite kot ou siport travay ki par egzant

Local Government pe fer, an relasyon avek serten semen ki annan en laspe sansib kot par egzant si ou annan en zantfan. En fanmir, ou annan plizyer fanmir be ou annan bann dimoun ek dezabilite ki reste dan sa landrwa.

Par egzant enn bann *case* ki mon kapab met dan ou latansyon se lafanmir Hoareau Glacis kot i annan en proze ki ti anba *Local Government*, mon pa konnen si Lotorite Distrik in ganny sans apros *SLTA* osi *as well* pou get si *SLTA* i kapab anmenn serten sipor lo la?

Apre mon oule, mon ti a kontan ganny ou *input* lo sityasyon ki i egziste ozordi, par egzant dan kontour Beau Vallon, kot ou annan plizyer restoran e *parking* i vin en *issue* e bokou transpor i la an menm tan touris i pe koup semen. Pa zis touris me en kantite Seselwa i frekant sa landrwa.

Mon krwar dimoun i bezwen kontinyen frekant sa landrwa aköz i vivan pou sa bann diferan biznes. Me eski *SLTA* pe prevwar dan le mezir ki zot kapab opsyon pou sey ede avek *parking* sa pli devan - mon pa konnen si i annan posibilite ki i kapab ganny fer.

Akoz zisteman pou le moman problem ki ganny kree se ki ler ou annan en kantite

transfer ou annan sa kantite aktivite i kapab annan posibilite ki en dimoun i ganny tape, ouswa i annan difikilte ki ganny kree dan sa landrwa. Mersi Mr Chairman.

MR SPEAKER

Mersi Onorab. *Panel*, Minis i komanse wi.

MINISTER ANTHONY DERJAQUES

Mon pou reponn trwazyenm kestyon avan aköz mon ti'n fek ganny prezante avek en proze dan *Cabinet* avek *Minister Enterprise and Industry*. Sa proze i kot *ex Regatta site* i enkli lespas pou *parking* parmi bann lot *concept* ek bann lot striktir.

Sa proze in ganny *adjourned* pou li ganny modifye apre ki in pas dan *Cabinet*, selman mon asir ou Onorab ki i enkli *parking* pou Beau Vallon.

Mr Speaker si *CEO* i kapab kontinyen lo bann lot kestyon.

MR SPEAKER

Thank you. CEO.

CEO PARINDA HERATH

Mersi Mr Chair. Onorab sa premye kestyon ki ou'n demande Minis ti reponn taler aneefe i pa'n vin direkteman kot *SLTA* me selman Departman Transpor *PS Andre*

i lo *Planning* alors bann pwennvi Departman Transpor i ganny *pass on* avek okenn devlopman ki arive.

E lo nou kote nou ti a kontan *widen* sa semen e osi *improve* vizibilite dan sa kontour e osi ganny en trotwar pou dimoun marse.

Lo kote travay ki nou fer avek *Local Government* nou travay ase byen avek tou bann distrik, tou bann *DAs* e i annan plizyer lenstans kot zot apros nou pou demann led kot i neserer.

I annan bann proze ki serten *civil work* i ganny fer par *Local Government* e zot demann nou si i annan posibilite pou nou kapab konsidere pou met koltar lo bann serten semen ki zot fer. E i depan lo kriter spesifik sa bann proze i annan plizyer lenstans kot nou ede. Byensir i pou tou depan lo bann resours ki *available* lo nou kote osi.

Sa *case* spesifik ki ou'n mansyonnen Onorab mon pa okouran. Me selman petet si *DA* i kapab pas *through the proper channel* i vin kot nou in keksoz ki nou kapab vizite, gete si i annan en posibilite pou nou kapab travay lo la. Lo kote Beau Vallon Minis in fini eksplike. Mersi.

MR SPEAKER

Ok, nou a terminen Onorab Pillay.

HON SEBASTIEN PILLAY

Mersi byen vitman Mr Chairman. Mr Chairman mon pe ganny sinyal ki Gouvernman Lokal ki pe *take up* tou sa bann proze.

Sa ki petet mon ti ava propoze ki dan sa *interface* ki annan ki Gouvernman Lokal bann zofisye Lotorite Distrik, i okouran ki i kapab annan sa partenarya ki kapab egziste ant zot avek *SLTA*. Dan lenstans kot zot, zot napa sa kapasite pou komanse e konplet li an antye kot i kapab annan serten opsyon kot *SLTA* i antre pou donn serten sipor pou ed sa bann proze.

Sirtou dan sa enn ka kot mon koman i annan en zanfan dezabilite ki *involve* dan sa sityasyon. Mersi.

MR SPEAKER

Mersi. Wi Minis oule donn en dernyen parol?

MINISTER ANTHONY DERJAQUES

Mersi Mr Speaker. Sa i en bon nide, akoz atraver sa bann kestyon avek 3 *MNA* deza mon'n war par egzanp pou Takamaka, Onorab Mondon sa lantant ek

sa korperasyon avek sa lenformasyon ant *Local Government* avek Minister Transpor lo sa bann proze semen.

An vi ki *SLTA* i en pe pli spesyalize dan sa bann proze ki *Local Government and Community*, kekfwa i devret annan plis sa dyalog espesyalman si en proze i *stall* e i pa kontinyen.

E mon ti ava demann zot, zot osi koman bann *MNA* ler zot war sa bann proze e zot konnen par egzanp pa avek *SLTA* i avek *Local Government* ki zot osi zot fer sa sizesyon e ki sa lenformasyon i vin direkteman swa kot Transpor swa drwat kot *SLTA* pou nou osi kapab antre ladan.

Savedir an plis ki sa ki zot pe dir nou pa la, ler zot *underground* ki zot war sa e zot krwar ki en proze semen i kapab ganny ouswa trotwar ouswa *pavement* i kapab ganny fasilite pli byen si nou, nou ede swa par konsey ouswa dan en fason bokou pli fizik dir nou. E nou pare pou antre ladan e ede. Mersi Mr Speaker.

MR SPEAKER

Mersi Minis. Bon mon mazine bann Manm in pare pou vote la. Lo Bidze pou *Seychelles Land Transport Agency* ki lo pa z 450

ziska 456 pou en total R164milyon 240mil. Manm ki an faver lev lanmen silvouple? *Thank you.* Tou Manm in vote.

Mersi. Bidze pou *Seychelles Land Transport Agency* ki lo paz 450 ziska 456 pou en total R164milyon 240mil, 26 Manm in vot pour, 0 kont e 0 abstansyon. Donk sa Bidze in aprouve par Lasanble.

Mersi tou dimoun pou en long lazournen travay. Mersi *panel* e Minis ek *CEO* ek ou zofisye nou swet zot bon kouraz lo tou sa bann proze ki tou bann distrik pe espere avek zot. Nou ava *adjourn* la e nou a rebran demen bomaten 9er. *Sergeant* nou ava pas dan Staz Lasanble pou *adjourn* silvouple. Mersi. *Adjourn.*

(ADJOURNMENT)